

求史

元 脱 脱 等撰

中 華 書 局

宋史卷三百一十六

列傳第七十五

包拯 吳奎 趙抃 子屼 唐介 子淑問 義問 孫恕

就。 遷殿中丞。 歸,殺而鬻之。」尋復有來告私殺牛者,拯曰:「何爲割牛舌而又告之?」盜驚服。 忍去,里中父老數來勸勉。 得監和州稅,父母又不欲行,拯卽解官歸養。 包拯学希仁,廬州合肥人也。 端土產硯,前守緣貢,率取數十倍以遺權貴。 久之, 赴調, 知天長縣。 始舉進士,除大理評事,出知建昌縣。 後數年,親繼亡,」拯廬墓終喪,猶喪 有盜割人牛舌者, 主來訴。 拯命製者才足貢數,歲滿不持 以父母皆老,辭不 徒知端州, 徊不

介與拯共論 葬 拜監察御史裏行, 之, 語甚 切。 改監察御史。 又嘗建言曰:「國家歲路契丹,非禦戎之策,宜練兵選將, 時張堯佐除節度、宣徽兩使口,右司諫張擇行、唐 務實邊

砚歸。

列

備。 按察使,其奏劾官吏多摭細 又請 重 門下 封駮之制, 及廢錮贓吏,選守宰,行考試補蔭弟子之法。當時諸道轉運加 故,務苛察相 :高尙,東不自安,拯於是請罷按察使。

|使契丹,契丹令典客謂拯曰:「雄州新開 便門,乃欲誘 我叛人,以刺疆事耶?」||拯日:

涿州亦嘗開門矣,刺疆事何必開便門哉?」其 人 逐無以 對

得耕,邢、洛、趙三州民田 萬,拯皆奏罷之。 經度之,請一 入爲三司戶部副 歷三司 戸部 切通 使。 判官,出爲京東轉運使,改尙書 商 契丹聚兵近塞,邊郡稍警,命拯往 販 秦隴斜谷務造船材木, . 萬五千頃,率用牧馬,請悉以賦民。」從之。 率課取於民", 又七州 工部員 河北 外郎、直集賢院,徙陝西,又徙河北, 調發軍食。 出賦 拯曰:「漳河沃壤, 解州鹽法率病民,拯往 河橋竹索, 恆.數十

請去刻薄,抑僥倖,正刑明禁,戒興作,禁妖妄。 願置之坐右,以爲龜 除天章閣待制、 影。 知諫院。 又上言天子當明聽納,辨朋黨,惜人才,不主先入之說,凡七 數論 斥權倖大臣,請罷一切內除 朝廷多施行之。 曲 .思。 又列上唐魏 鄭公三疏,

練義勇,少給糇糧,每歲之費,不當屯兵一月之用,一州之賦,則所給者多矣。」不報。 屯兵,分之河南克、鄮、齊、濮、曹、濟諸郡, 除龍 圖閣直學士、河北都轉運使。 **嘗建議無事** 設有警, 時徙兵內地, 無後期之憂。 不報。 借日戍兵不 至是, 可遽減 徙知 請 河 北

瀛州 ,諸州以公錢貿易,積歲所負十餘萬,悉奏除之。 以喪子乞便郡,知揚州,徙廬州,遷刑

部與中。坐失保任,左授兵部員外郎、知池州。

欺。 節不到, 者皆憚之。 有僞增步數者,皆審驗劾奏之。 中官勢族築園榭,侵惠民河,以故河塞不通,適京師大水,拯乃悉毁去。 復官,徙江寧府,召權知開封府, 有閻羅包老。」舊制,凡訟訴不得徑造庭下。 人以包拯笑比黃河清,童稚婦女,亦知其名,呼曰「包待制」。京師爲之語曰:「關 遷右司 郎中。 拯立朝剛毅,貴戚宦官爲之斂手, 拯開正門, 使得至前 陳曲直,吏不敢 或持地券自言

侍,減節冗費,條責 也? 臣 · 欲誰立,是疑臣也。 」仁宗曰:「卿欲誰立? 遷 諫 議 大 夫、 權御史中丞。 、諸路監司,御史府得自舉屬官,減一歲休暇日,事皆施行。 臣年七十,且無子, 」|拯曰:「臣不才備位,乞豫建太子者,爲宗廟萬世 奏曰:「東宮虚位日久, 非邀 福者(三)。」帝喜曰:「徐當議之。」請裁抑 天下以爲憂, 陛下持久不決, 計 也。 陛下問 內 何

甚乎 拯特爲置場和市,民得無擾。 樞 密 [直學士權三司使。 張方平爲三司使,坐買豪民產,拯劾奏罷之; 」拯因家居避命,久之乃出。 歐陽脩言:「拯所謂牽牛蹊田而奪之牛,罰已重矣,又貪其富,不亦 吏負錢帛多縲繫,間輒逃去,幷械其妻子者,類皆釋之。 其在三司,凡諸筦庫供上物,舊皆科率外郡,積以 而宋祁代方平,拯 又論之; | が罷,而 困民。 拯以

奎

列

一〇三一八

事 中,爲三司 數 日 拜 樞密副使。 頃之,遷禮部侍郎,辭不受,尋以疾卒,年六十四。 鲤

禮部尙書,諡孝肅

子孫仕宦,有犯贓者,不得放歸本家,死不得葬大塋中。 母,使謹視之。纔死後,取媵子歸,名曰凝。 子名繶,娶崔氏,通判潭州,卒。 色悅人,平居無私書,故人、親黨皆絕之。 拯性峭直,惡吏苛刻,務敦厚,雖甚嫉惡,而未嘗不推以忠恕 崔守死,不更嫁。 雖貴, 有奏議十五卷。 衣服、器用、飲食 |拯嘗出其媵,在父母家生子, 催密撫其 不從吾志,非吾子若孫也。」 也。 如 布衣時。 與人不 -苟合, 嘗曰:「後 不僞 初, 辭 有 世

留。 今衞 層 人謂 宿 士之變,起於肘 吳奎字長文,濰州北海人。性強記,於書無所不讀。 ·然,何 衞之變,奎上疏 陛 以 下 私 奉 近 幸而 詔? 腋,流傳四方, 曰:「涉春以來,連陰不解,洪範所謂『皇之不極,時則有下伐上』者。 」遂乞召對面論,仁宗深器之。 屈公法,且獲賊之際,傳令勿 鷩 駭 季聽。 聞 皇 一城司 殺,而· 再遷殿中丞,策賢良方正入等,擢太 官六人,其五已受責,獨楊 舉五經,至大理丞,監京東排岸。 左右 輒屠之。 此必 1其黨 欲 懷 敏 以 滅

常博士、通判

陳州

遺物, 奎言:「御史法許 入爲右司諫,改起居舍人,同知諫院。 下吏研治,而開封用內降釋之。 風聞, 若窮核主名, 則後誰敢來告以事? 是自塗其耳目也。」上爲罷不問。 奎劾尹魏瓘,出瓘越州。 每進言,惟勸帝禁束左右姦倖。 彭思永論事,詔詰所從受。 內東門闌得路

郭承祐、張堯佐爲宣徽使,奎連疏其不當,承祐罷使,出堯佐河陽〔三〕。

順也。 育,陛下知之而不能退。 內寵驕恣,近習回撓,陰盛如此,寧不致大異乎? 又十數年來下令 撓,必加之罪,毋爲 信,以謂陛下言之雖切而 作診,饑饉荐臻,此天道之不順也。自東徂西,地震爲患,大河橫流,堆阜或出,此地道之不 及所行事,或有名而無實,或始是而終非,或橫議所移,或姦謀所破,故羣臣百姓, **夫帝王之美,莫大於進賢退不肖。今天下皆謂之賢,陛下知之而不能進,天下皆謂之不** 皇祐中,頗多災異,奎極言其徵曰:「今冬令反燠,春候反寒,太陽虧明,五星失度,水旱 邪曲害政,陰柔蔽明,羣小紛爭,衆情壅塞,西、北貳敵,求欲無厭,此人事之不和也。 人所測度,而取輕於天下。」 不能行,行之雖銳而不能久。 臣願謹守前詔, 堅如金石, 或敢私 多不甚

修起 使於塗,契丹以金冠爲重,紗冠次之。故事,使者相見,其衣服重輕必相當。 居注 唐介論文彥博,指奎爲黨,出知密州。 一、知制誥。 奉使契丹,會其主加稱號,要入賀。 加直集賢院,徙兩浙轉運使。 奎以使事 有職 ,不爲往。 入判登聞檢院、同 至是,使者服紗 歸遇 契丹

列

傳第

游,願蚤裁定。定之不速,致宗祀無本,鬱結羣望,推之咎罰,無大于此。」帝感其言,拜翰林 學士,權開封府 卒之際,柄有所歸,書之史册,爲萬世歎憤。臣不願以聖明之資,當危亡之比。此事 大宗無嗣,則擇支子之賢者。以昭穆言,則太祖、太宗之曾孫,所宜建立,以繫四海 俟有皇子則退之,而優其禮於宗室,誰曰不然?陛下勿聽姦人邪謀,以誤 至和三年,大水,韶中外言得失。 奎上疏曰:「陛下在位三十四年(四),而儲嗣未立。 在 大事 不宜優 岩倉

都府,以親辭,改鄆州。復還翰林,拜樞密副使。 | <u>全</u>發孫宿惡,徙其兄弟於准、閩,豪猾畏斂。居三月,治聲赫然。除端明殿學士、知成 治平中,丁父憂,居喪毀瘠,廬於墓側,歲

時潔嚴祭祀,不爲浮屠事。

臣曰:「安石歷先帝朝,召不赴,頗以爲不恭。今又不至,果病耶,有所要耶?」曾公亮曰: 「安石文學器業,不敢爲欺。」奎曰:「臣嘗與安石同領羣牧,見其護前自用,所爲迂闊。 神宗初立,奎適終制,以故職還朝。 踰月,參知政事。 時已召王安石, 辭不至, 帝顧輔

用之,必紊亂綱紀。」乃命知江寧。

望清重,今爲陶絀座,恐大臣皆不自安,各求引去。陛下新卽位,於四方觀聽非宜。」帝乃召 近地爾。」帝然之。御史中丞王陶,以論文德不押班事詆韓琦, <u>奎曰:「四凶雖在,不能惑堯之聰明。聖人以天下爲度,未有顯過,固宜包容,但不可使居要</u> 士, 奎執不可。 在於判正邪,使君子常居要近,小人不得以害之,則自治矣。」帝因言:「堯時,四凶猶在朝。」 應,則和氣之感,自然而致。 奎嘗進言:「陛下在推誠應天,天意無他,合人心而已。 若以至誠格物,物莫不以至誠 '。陶又疏痊阿附。 今民力困極,國用窘乏,必俟順成,乃可及他事。 。陶旣出,奎亦以資政殿大學士知靑州。 **奎狀其過。詔除陶翰林學** 司馬光諫曰:「奎名 帝王所職,惟

族黨朋友。沒之日,家無餘資,諸子至無屋以居,當時稱之。

用者,法吏當以死。|抃曰:「赦前不用,赦後不造,不當死。」|讞而生之。 三縣,通判泗州。 趙抃字閱道,衢州西安人。進士及第,爲武安軍節度推官。人有赦前偽造印,更赦而 知崇安、海陵、江原 轉運使檄

第七

十五

抃攝治之, 抃至, 從容如 平時,州以無事。

其當罷,以全國體。又言宰相陳執中不學無術,且多過失,宣徽使王拱辰平生所爲 當保全愛惜,以成就其德。」温成皇后之喪,劉沆以參知 御 :史」。其言務欲朝廷別白君子小人,以謂:「小人雖小過,當力遏而絕之; 翰 樞密使王德用、翰林學士李淑不稱職:皆罷去。 林學士曾公亮未之識,薦爲殿 (中侍 御史,彈劾不避權倖,聲稱凛然, 政 事監護,及爲相,領 君子不幸 京師目爲「鐵 事 如 杒。 及奉使 | | | | | |

紛紛引去,侍從之賢如脩輩無幾,今皆欲去者,以正色立朝,不能諂事權要,傷之者衆耳。」 故,悉召還。 吳充、鞠眞卿、刁約以治禮院吏,馬遵、 呂湊、蔡襄、吳奎、韓絳旣出守,歐陽脩、 呂景初、吳中復以論梁適,相繼被逐。 賈黯復求郡。 **抃言:「近** 百正 | | | | | | | 一人端士

不法;

脩、黯由是得留,一時名臣,賴以安焉。 身帥之,蜀風爲變。窮城小邑,民或生而不識使者,抃行部無不至,父老喜相慰,姦吏竦服。 請知睦州,移梓州路轉運使,改益州。 蜀地遠民弱,吏肆爲不法,州郡 公相飽 餉。 け以

去位。 升之副樞 召 為 抃與言者亦罷,出知處州。 ·密,抃與唐介、呂誨、范師道言升之姦邪,交結宦官,進不以道。 右司諫。內侍鄧保信引退兵董吉燒煉禁中,抃引文成、五利、鄭注爲比,力論之。 虔素難治, 抃御之嚴而不苛, 召戒諸縣令, 使人自爲治。 。章二十餘上,升之

令皆喜,爭盡力,獄以屢空。 嶺外仕者死,多無以爲歸, 抃造舟百艘, 移告諸郡曰:「仕宦之

家,有不能歸者,皆於我乎出。」於是至者相繼,悉授以舟,幷給其道里 一費。

免,而募亦隨足。 昌朝始愧服。 魏,抃將按視府庫,昌朝使來告曰:「前此,監司未有按視吾藏者, 「舍是,則他郡不服。」竟往焉。昌朝不悅。 召爲侍御史知雜事,改度支副使,進天章閣待制、河北都轉運使。 |扑被旨督之,奏言:「河朔頻歲豐,故應募者少,請寬其罪,以俟農隙。」從之。 初,有韶募義勇,過期不能辦,官吏當坐者八百 恐事無比,若何?」|抃日 時賈昌朝以故相守 坐者獲

復有此獄,皆謂不免。|抃察其亡他,曰:「是特酒食過耳。」刑首惡而釋餘人,蜀民大悅。會 加 龍圖閣直學士、知成都,以寬爲治。 |抃向使蜀日, 有聚爲妖祀者, 治以峻法。 及是,

榮諲除轉運使,英宗諭諲曰:「趙抃爲成都,中和之政也。」

爲政簡易,亦稱是乎?」未幾,擢參知政事。 | 抃感顧知遇,朝政有未協者,必密啓聞,帝手詔 疑,帝曰:「吾賴其言耳,苟欲用之,無傷也。」及謝,帝曰:「聞卿匹馬入蜀,以一琴一鶴自隨, 神宗立,召知諫院。故事,近臣還自成都者,將大用,必更省府,不爲諫官。

大臣以爲

褒答。

王安石 用事,抃屢斥其不便。 韓琦上疏極論青苗法,帝語執政,令罷之。 時安石家居

六

財利 文過。 而 置條例司 取 輕,失大而得小,懼非宗廟社稷之福也。」 .於事為輕,而民心得失爲重;青苗使者於體爲小,而禁近耳目之臣用捨爲大。 今去重 近者臺諫侍從,多以言不聽而去; 建使者四十輩,騷動天下。 安石強辯自用,詆天下公論以爲流俗,違衆罔民,順 司馬光除樞密,不肯拜。 且事 有輕重,體 恨, 卽 上言:「制 有 小

自 遇 政 風 府往 退飛,盡 入,懇乞去位,拜資政殿學士、知杭州,改青州。 者,能爲股行乎?」對曰:「陛下有言,即法也,奚例之問?」因乞以便宜從 墮水死。 成都以戍卒爲憂,遂以大學士復知成都。 時原東旱蝗,青獨多麥,蝗來及境, 召見,勞之曰:「前此,未有

謗者 爲 撫 惡, 方。 調 旣 蜀 其 至 蜀,治 郡晏然。 縱遊黨,朝廷 汝亦宜清謹畏戢以率衆,比戍還,得餘貲持歸,爲室家計可也。」人喜轉 益尙寬。 劍州民 取具 有卒長立堂下,呼諭之曰:「吾與汝年相若,吾以一身入閩,爲天子 私作僧度牒,或以 獄閱之,皆與法合。 爲謀逆告,抃不畀獄吏,以意決之,悉從 茂州 夷剽境上,懼討乞降,乃縛 相告,莫敢 奴將殺之, ?輕比。

修城,使得食其力。 乞歸. 知 越 州。 吳越 復徙,杭,以太子少保致仕,而 大饑疫,死者過 半。 |抃盡救荒之術,療病埋死,而 官其子屼提舉兩浙常平以便養。 生者 以全。 下令

取

Ш

以

受

盟。

抃

使易用性,

皆讙

呼聽

命

遍遊諸名山,吳人以爲榮。一一豐七年,薨,年七十七。贈太子少師,諡曰淸獻。

|抃眞世人標表,蓋以爲不可及云。 其爲政,善因俗施設,猛寬不同,在處與成都,尤爲世所稱道。|神宗每詔二郡守,必以抃爲 餘人,施德惸貧,蓋不可勝數。 要之,以惠利爲本。 |抃長厚清修,人不見其喜愠。 平生不治貲業,不畜聲伎,嫁兄弟之女十數、他孤女二十 晚學道有得,將終,與屼訣,詞氣不亂,安坐而沒。宰相韓琦嘗稱 日所爲事,入夜必衣冠露香以告于天,不可告,則不敢爲也。

舉不避親之說,始以子雲列侍從,由是循習爲常。 者,或預文字清切之職,今宜杜絕其源。」 不敢援置親黨於要塗,子弟多處筦庫,甚者不使應科舉,與寒士爭進。 擢監察御史。以父老請外,提舉兩浙常平。 元祐中,復爲御史。 屼字景仁。 由蔭登第,通判江州,改温州,代還,得見。時扑已謝事,神宗命爲太僕丞, 資望淺者,或居事權繁重之地; 無出身 上疏言:「治平以前,大臣 自王安石柄國,持內

苟從講解;或置而不問,外示包容。使忠鯁之士,蒙羞難退,皆朝廷所宜深察也。」傅堯俞、 王巖叟、梁燾、孫升以事去,屼言:「諸人才能學術,爲世推稱,忠言嘉謨,見於已試,宜悉召

列

第

七十

五

趙

抃

唐

介

又言:「臺諫之臣,或稍遷其位,而陰奪言責,或略行其言,而退與善地,或兩全並立,

還朝。」所言皆切時務

避 一執政親嫌,改都官員外郎,出提點京東刑獄。 元符中,歷鴻臚、太僕少卿。 曾布知樞

密院,將白爲 都承旨,蔡卞摭其救傅堯俞 事,遂不用。 未幾卒。

初,抃廬 | 屼卒,子雲又以毁死,人稱其世孝。 母墓三年,縣榜其里曰「孝弟」。 處上孫侔爲作孝子傳。 及屼執父喪,而甘露降

第,爲武陵尉,調平江命至。民李氏貲而吝,吏有求不厭,誣爲殺人祭鬼。岳守捕其家,無 少長楚掠,不肯承。更屬介訊之,無他驗。守怒白于朝,遣御史方偕徙獄別鞫之,其究與介 唐介字子方,江陵人。父拱,卒漳州,州人知其貧,合錢以賻,介年尚幼,謝不

同。

守以下得罪,偕受賞,介未嘗自言。

之,欲割邑西十一村地豬漲潦,介築堤闌之,民以爲利。通判德州,轉運使崖驛取庫絹配民 而重其估。 切勿與。 知莫州任丘縣,當遼使往來道,驛吏以誅索破家爲苦。介坐驛門,令曰:「非法所應給, 稍毁吾什器者,必執之。」皆帖伏以去。沿邊塘水歲溢,害民田,中人楊懷敏主 介留牒不下,且移安撫司責數之。嶧怒,數馳檄按詰, 介不爲動。 旣而果不能

行

錦,緣閹侍通宮掖,以得執政;今顯用堯佐,益自固結,淸罷之而相富弼。 宗神御所在,不可喧瀆;後宮奇靡之器,不宜過制。」詔亟毀去。 裏觀望,語甚切直。 同列依違, 何,復除宣徽使、知河陽。 羣牧四使,介與包拯、吳奎等力爭之,又請中丞王舉正留百官班庭論, 入爲監察御史裏行,轉殿中侍御史。 介獨抗言之。 仁宗謂曰:「除擬本出中書。」介遂劾宰相文彦博守蜀日造間金奇 |介謂同列曰:「是欲與宣徽,而假 啓聖院造龍鳳車,內出珠玉爲之飾。 河陽爲名耳,不可但已也。」而 張堯佐驟除宣徽、節度、景 又言諫官吳奎表 奪其二使。 介言:「此太 無

梁適 得預 帝急召執政示之曰:「介論事是其職。 日 取 其疏 · 此介使下殿,修起居注察襄趨進救之。 ?」時彥博在前,介責之日:「彥博宜自省,卽有之,不可隱。」 彥博拜謝不已,帝怒益甚。 梅堯臣、 帝怒,卻其奏不視,且言將遠竄。 入, 改置英州,而罷彥博相, 李師中皆賦詩激美, 由是直聲動天下, 介徐讀畢,曰:「臣忠憤所激,鼎鑊不避,何辭於謫?」 至謂彥博由妃嬪致宰相,此何言也?進用冢司,豈應 吳奎亦出。 貶春州 又慮介或道死,有殺直臣名, 別駕,王舉正言以爲太重, 士大夫稱眞御史, 必曰唐子方而不敢 帝旋悟,明 命中使護

集賢 帝勞之日 他 日 院 請 為開 月 目:「臣 起監郴州 卿 封府 遷 □既任言責,言之不行將固爭,爭之重以累陛下,願得解職。」換 謫以來,未嘗以私 判官, 稅,通 出 判潭州, 知 湯州, 徙江 書 知復州,召爲殿中侍御史。 至京 東 師, 轉運使。 可謂 不易所守矣。」介頓首 御史吳中復言,介不宜久居外。 遣使賜告,趣詣 謝,言事 人工部員 關下。 益 無 外郎、直 文彦博 入對, 所

再當 國 `奏:「小向所言,誠中臣病,願 如中復 言。」然但徙 河

命不 絳罷 以 縣,可罷勿遣,以權 薦 如 論 舉, 天 罷 曲 地,以交 御 多得 中書, 陳升之,亦出 介嫌於右宰相,請外,以知 史中丞韓絳劾宰 文法 入爲 宜 泰 一有以 小吏, 度 爲 支副 理。 歸 抑 知 監 請令精擇端良敦朴之士,毋使與儉薄 洪州 使,進 絕 願 ·相富 司 ; 時延羣 ; 賜予嬪御之費 **充**國 丽 天章閣待制,復 加龍 下,發德音, 弼家居 求罷, 荆南。 公主夜開禁門, 圖 閣 直 敕過 學士、河北都轉運使,樞 多先朝時 可 知諫院。 門下,知 絳亦待罪。 否萬幾,以幸天下。」又論:宮禁干丐恩澤, 宜劾宿 + 級臺司 帝自至和後,臨朝淵默。 數倍, 衞 介與王陶論絳以危法 主 渚同 何郯封 吏,以嚴宮省。 日 加無窮, 進 密直 ; 還之,留權 諸 學士、 宜有 路 走 馬 知 所 帝 介言:「君 悉開 胶 開 承 瀛 中傷 受凌 封府 損 州 納之。 監 擾郡 旋 出 臣

··「臣無狀,陛下過聽,願獻愚忠。自古欲治之主,亦非求絕世驚俗之術(云),要在順人情而 治 平 元 年,召爲 御史中丞。 英宗 謂 曰:「卿在先朝 有直聲, 故用 卿, 非繇 左 右 也。一个

知太原府。 祖宗遺徳餘烈,在人未遠,願覽已成之業以爲監,則天下蒙福矣。」明年,以龍圖閣學士 帝曰:「朕視河東,不在中執法下,暫煩卿往耳。」夏人數擾代州邊,多築堡境上。

介遣兵悉撤之,移諭以利害,遂不敢動。

視,後遂爲常。 近每聞宣諭某事問安石,可卽行之,不可不行,如此則執政何所用,恐非信任大臣之體也。 事不可任耶?經術不可任耶?」對曰:「安石好學而泥古,故論議迂闊,若使爲政,必多所 同 必以臣爲不才,願先罷免。」 曰:「當問王安石。」介曰:「陛下以安石可大用,即用之,豈可使中書政事決於翰林學士?臣 變更。」退謂公亮曰:「安石果用,天下必困擾,諸公當自知之。」中書嘗進除目,數日不決,帝 列不得聞。 神宗立,以三司使召。熈寧元年,拜參知政事。先時,宰相省閱所進文書於待漏舍, 「既執政,奏言:「中書處分箚子,皆稱聖旨,不中理者十八九,宜止令中書出牒。」帝 介謂曾公亮曰:「身在政府而文書弗與知,上或有所問,何辭以對?」乃與同 帝欲用王安石,公亮因薦之,介言其難大任。帝曰:「文學不可任耶?吏

愕然。 简子,則中書行事,別無公式。』<u>太宗曰:『大事則降敕,其當用</u>箚子,亦須奏裁。』 此爲威福。 介曰:「昔寇準用箚子遷馮拯官不當,拯訴之,太宗謂:『前代中書用堂牒,乃權臣假 太祖時以堂帖重於敕命,遂削去之。 今復用箚子,何異堂帖? 』張洎因言:『廢 此所以稱聖

列傳

第

七十

五

唐

六

年六十。

旨也。 以爲然,乃止。 如安石 言,則是政不自大子出,使輔臣皆忠賢,猶爲擅命,苟非其人,豈不害國?」帝 介自是數與安石爭論。 安石強辯,而帝主其說。 介不勝憤,疽發于背,

庸 帝臨問流涕,復幸其第弔哭,以畫像不類,命取禁中舊藏本賜其家。 故 大用之。然居政府,遭時有爲,而扼於安石,少所建明,聲名減於諫官、御史時。 介爲人簡优,以敢言見憚。 子淑問、義問,孫恕。 每言官缺,衆皆望介處之,觀其風采。 贈禮部尚書, 神宗謂其先朝遺直, 比疾 謚

人,博訪世務,以求合先王,則天下幸甚。」河北饑,流人就食京師,官振廩給食,來者不止。 問言:「王者之學,不必分章句、飾文辭。 今韶書求直言,而久無所施用,必欲屈羣策以起治道,願行其言。」初,詔侍臣講讀。 淑問見帝初卽位,銳於治,因言:「中旨數下,一出特斷,當謹出納、別枉直,使命令必 淑問字士憲。 不繼,是誘之失業而就死地也。」條三策上之。 第進士,至殿中丞。一神宗以其家世,擢監察御史裏行,論以謹家法、務大 稽古聖人治天下之道,歷代致興亡之由,延登正

滕甫爲中丞,淑問力數其短,帝以爲邀名,乃詔避其父三司使,出通判復州。 久之,知

州,入爲 州 提點湖北刑獄、言新法不便、乞解使事、點知信陽軍、 吏部員外郎。 又引疾求外,帝以爲避事,降監撫州 酒稅。 以病死。 哲宗立,司馬光薦其行己 數年, 起知宣州 ,徙湖

有耻,難進,召爲左司諫,以病致仕,數月卒。

彦博守 判官。 乃 然。 不悅之者,免歸 轉 目於笏, جاد 連 「唐義 司管勾文字。 義問言:「今造簿 義 元 站 問字士宣。 時 西都,義問 路敷免役錢,又分戶 帝取而熟視之, 中, 陜 問 西大舉兵,多亡卒,所至成聚。 風 起 、力強敏, 知 水罷. 齊州, 善文辭,鎖廳試禮部,用舉者召試祕閣,父介引嫌罷之。 神宗覽本道章奏,知義問所爲。 .甫二歲,民不堪命,不宜復改爲。」從曾孝寬使河東, 去。 行且用矣, 歷舉以問 提點京東 **彦博告以再入** 、五等,儲其羨爲別 可 刑獄、 應析如流 面 . 韶之。」尋以爲司農管當公事。 河北 相時,嘗薦其父,晚同爲執政, 義問請令詣官自陳,給劵續食,人以爲便。 轉運副 賦、號「家力錢」,義問奏除之。 帝喜 以其名訪輔臣, 曰:「欲見卿,非今日也。」 使。 屬 邑 尉 因捕盜誤遺火, 因 黃好謙領 方行 相 還 得 奏 手實法,所 熙寧中,辟京 移使京西,文 事 播湖 使事 了, 記 盜 故義 南 利 逸去, 害 諭之 會有 轉 在 問 洱 綗 騷 西

民家被焚,訟尉故縱 火。 郡守執尉,抑使服,義問辨出之,方旱而雨。 用彥博薦, 加集賢修

列

傳

第

七

+

五

唐

介

官,知願昌府,卒。

撰,帥荆南,請廢渠陽諸砦。 直 龍 圖閣, 以集賢殿修撰 知廣州。 蠻楊晟秀斷之以叛,即拜湖北轉運使,討降之,復砦爲州。 章惇秉政,治棄渠陽罪,貶舒州團練副使。 後七年,復故 進

監察御史。 病自免,兄弟杜門躬耕。 崇寧初,爲華陽令,以不能奉行茶法,忤使者,謝病免歸。 意亦以宰相吳敏薦,召對,而貧不能行,竟餓死江陵山中。 恕尋以宣教郎致仕。 靖康元年, 御史中丞 許翰言其高行, 詔起爲 其弟意方爲南陵令,亦以

乎? 遺直也。 而仁宗容之無咈,誠盛德之主哉!屼世孝,淑問難進, **奎博學淸重,君子人也。** 論曰:「拯爲開封,其政嚴明,人到于今稱之。 夫聽諫者,明君所難,以唐文皇獨弗終於魏徵,觀四臣 **抃所至善治,民思不忘,獨古遺愛。** 而不 ·倘苛刻, 義問強敏, 推本忠厚, 非孔子所謂 面 介敢言, 聲動 恕高行不隕家聲,有足美 諍,鯁吭逆心,或不 天下, 能堪 斯古 剛 者

云。

- (一) 節度宣徽兩使 「宣徽」原作「宣撫」,據本書卷四六三張堯佐傳、東都事略卷七三包拯傳改。
- (三) 臣年七十且無子非邀福者 按包拯卒于嘉祐七年,年六十四,此包嘉祐三年語,時正六十,不當

說「臣年七十」; 東都事略卷七本傳作「臣行年六十」。 又「邀」字下,東都事略本傳及編年綱目

卷一五均有「後」字。疑此處有脫誤。

出堯佐河陽 「河陽」原作「河中」,據本書卷四六三張堯佐傳、劉攽彭城集卷三七吳奎墓誌銘

(图) 在位三十四年 「三」原作「二」。按此疏上於至和三年(公元一〇五六年),仁宗即位於乾興元 年(公元一〇二二年),相距實爲三十四年,東都事略卷七三本傳正作「三十四年」,據改。

(至) 平江令 當作「沅江令」。見東都事略卷七三本傳、劉摯忠肅集卷一五唐介神道碑等。

亦非求絕世驚俗之術 「鰲」字原脫,據王珪華陽集卷三七唐介墓誌銘補。

宋史卷三百一十七

列傳第七十六

邵亢 從父必 馮京 錢惟演 從弟易 易子彦遠 明逸 諸孫景諶 勰 卽

得長一軍,又已老, 詎能身先矢石哉?間起故家恩倖子弟, 彼安證攻守之計? 况將與卒素 驚偉之。 再試開封,當第一,以賦失韻弗取。 不相附,义亡堅甲利兵之禦。此不待兩軍相當,而勝敗之機,固已形矣。」因獻兵說十篇。 家,故得預選,遂報罷。而土遜子實娶它邵,與亢同姓耳。 試崇政殿,獨亢策入等,除建康軍節度推官。 趙元昊叛,亢言:「用兵在於擇將,今天下久不知戰,而所任多儒臣,未必能應變。武人 邵亢字興宗,丹陽人。 召試祕閣,授潁州團練推官。 幼聰發過人,方十歲,日誦書五千言。賦詩豪縱,鄉先生見者皆 晏殊爲守(1),一以事諉之。民稅舊輸陳、於,轉運使又 或言所對策字少,不應式,宰相張士遜與之姻 范仲淹舉亢茂才異等,時布衣被召者十四人,

邵 亢

剜

傳第七十六

乎 ? 欲覆 縱 過羈 月,尤累疏罷之。 徙爲府推官,改度支判官。 火者,一不獲則主吏坐罪,民或自燔其居以中吏。 」遂止。 索勿絕而已。 ·折緡錢,且多取之。 |亢言:「民之移輸,勞費已甚。 方仍歲水旱,又從而 入為國子監直講、館閣校勘、同知太常禮院。 張貴妃薨,立園陵,禁京 進集賢校理。 內患則不然,繫社稷之安危,不可不蚤定也。」提點開封縣鎮 仁宗繼嗣未立, 亢言:「國之外患在邊圉, 然禦之之術, 不 **亢請非延及旁舍者,雖失捕,得勿坐。** 加取,無乃不可 公事。 城樂 比有

直朴厚,輟爲諫官矣。」王出道帝語,遂以知制誥知諫院。東宮建,爲右庶子。 投室,願采用古昏禮。公主下降,不宜厭舅姑之尊。」帝深納之。 事,稱之曰:「學士眞國器也。」 擢同修起居注。 令奉書至柩前,使見嗣君。從之。 契丹遣使賀乾元節,未至,仁宗崩。 選爲潁王府翊善,加直史館。 議者謂宜卻,或欲俟其及國門而諭使之還,亢請 建言:「陛下初政,欲治國者先齊家, 他日,諭王曰:「以翊善端 召對羣玉殿, 英宗訪以世 穎王且

時待制以上爲帥、守,每他徙必遷職秩,亢請未滿兩歲者勿推恩。王陶劾韓琦,吳奎與之辨。 奏。乞索之禁中,若得之,臣當伏誅;不然,則讒臣者,豈宜但已,願下獄考實。」帝不許。 論之。帝知其妄,置不問。|亢自訴曰:「方先帝不豫,羣臣莫得進見,臣無由面陳,必有章 神宗立,遷龍圖閣直學士。有譖之者曰:「先帝大漸時,亢嘗建垂簾之議。」御史吳申卽

尤抵奎所言頭倒,失大臣體,蓋欲倂撼琦。 **埼與奎竟同日去**。

「決是非於須臾,正當 進 樞密直學士、知開封府。 爾。 初雖煩,後乃省也。」籍里閭惡少年(三與吏之廢停者,一有所 亢遇事敏密,更操辭牘至前,皆反覆閱之。人或以爲勞,尤

犯、皆遷處之、畿下鬥訟爲之衰止。

拜樞密副使。

憂者。 以爲幸人之喪,非義 無掊率,人心一搖,安危所係。 納,俟不順命, 夏 當悉如卿計。」未幾,夏主諒祚死,國 人誘殺知保安軍楊定,朝廷謀西討。 則師出有名矣。」因條上其事。 也,乃止。 今動自我始,先違信誓,契丹聞之,將不期而 人執殺定者來請和 韶報之曰:「中國民力、大事也。 或欲乘此更取寒門地,亢 自合,茲股所深 兵興之後,不

安。 毫三州。薨,年六十一。 覺遽劾亢薦升之, 亢 在 樞密踰年, 無 帝怒其希指, 大補益,帝頗厭之, 贈吏部尚書,即其鄉賜以居宅,諡曰安簡。 黜覺, **亢亦引疾辭,以資政殿學士 嘗與諫官孫覺言,欲以陳升之代亢,** 從父必。 一知越州 而使守長 歴鄭、剛

必 字不疑。 必以史出衆手,非古人撰述之體,辭不就。 舉進士,爲上元主簿。 國子監立石經,必善篆隸,召充 進集賢校理、同知太常禮院。 直 選為 天子且親 唐書編

列

傳第

七 十

六

邵

亢

馮

京

肄 入 洞 賀 司 徒府。 儀 執事 未 者智 決, 。」古禮如 或曰:「妃爲修媛時, 禮 壇 下。 此。 今即祠所習之,爲不敬。」乃徙於尚書省。 必言:「周官大宗伯:『凡王之禱祠,肄儀爲位。』 命婦已不敢亢禮, 况今日乎? 」必曰:「宮省事祕不可知。 張貴妃受册,禮官議命婦 鄭康成釋云:『若今

旣

下 下

有司議,惟有外一品南省上事百官班見之儀,然禮無不答。」衆議乃定。

之, 部,但一 知高 出 知常州 重極這 受酒食之餽。 ,提點准 召爲開封府推官。 南刑獄,爲京西 以爲數會聚則人情狎, 坐在常州日杖人至死,責監邵武稅,然杖者實不死。 轉運使。 多受餽則不能行事,非使者體也。 必居官震厲風采, 始至郡,惟 一赴宴集; 入修起居 行

道,年六十四。 雄 州 知 漢陳院。 種 木道上,契丹遣人夜伐去,又數漁界河中。 遣中使護其喪歸 編仁宗御集成,遷寶文閣直學士、權三司使,加龍圖閣學士、知成都。 事聞,命必往使,必以理折契丹, 卒於 屈

注、知制

諧。

猶未娶,張堯佐方負宮掖勢,欲妻以女。 馮京宇當世,鄂州江夏人。 少雋邁 不羣,舉 擁至其家,東之以金帶,日:「此上意也。」頃之,宮 進 士, 自 鄉 舉、禮部以至廷試, 皆 第 o 時

1 持 院、 酒 劉沈 一般來,直出奩具目示之。 判 、吏部 請倂斥京,仁宗曰:「京亦何罪?」但 南曹,同修起居注。 京笑不視,力辭。 吳充以論温成皇后 解其記注,旋復之。 出守將作監丞、通判荆南 追册事, 出知 高 郵 軍府事 京疏充言是,不 還, 直

使往 渭 · ; 通 還 ,糾察在京 見畸,原曰:「公爲宰相,從官不妄造請,乃所以爲 試 西羌 知 制 今氏, 譜 刑獄。 男木征官,以斷夏人右臂。 避婦父富弼當國嫌, 爲翰林學士、知 拜龍圖閣待制、知揚州 開 封府。 除端明殿學士、知太原府 數月 不詣丞相府,韓琦語願,以京爲 公重,非傲 改江 也。」出 寧府, 安撫 以翰林侍讀學士 陝西 請城古 傲。 弻

猶 石 1受譴 必 指 行 爲 神宗 法, 邪 說, 立 京以先帥 將 請 不敢復婾惰 復爲翰林學士,改御史中丞。 黜之。 本道, 帝 曠職 以爲 上 章 自 可用,擢 」優 勃 詔 日 不 樞 聽。 「使 密 王安石 諸路路 副 進 使。 參 ·帥臣, 知 河東 爲政,京論 政 4 知 **、麟、府、** 其 雖 其更張失當,累數千百言, 一時脫去, 豐三州,城 後能 (壘兵 (焼竊 械不治,官吏 名位者,

窟, 州。 俠 京請于朝, 茂 數 州 與 安 夷 時 政, 叛 石 一,徙 論 爲禁侵掠, 薦京 辨,又 知 成 印 都 薦 柏 給稼 府 劉 效、 呂 惠 蕃部 器,餉糧食, 蘇軾 卿 因 何 掌外制。 是譖京與俠通 丹方寇 使之歸。 雞宗關 安石令保甲 夷人喜, \subseteq 靇 知 聞京 亳州 養 爭出 馬, 兵 至, 京謂必不 未 犬豕割 請降。 幾, 以 Щ -可行。 資 議 受盟 者遂 政 殿 會選 願 欲 學 世世 蕩 上 人鄭 其 知 巢

列

傳

第

七

+

水

馮

京

錢

惟

演

漢藩。

賜京 爲欺, 語,有「渴想儀刑,不忘夢寐」之語。 惠 復召京知樞密院。 卿 告安石罪,發其私書,有曰「勿令齊年知」,齊年謂原也,與安石同年生。 京以疾未至,帝中夕呼左右語曰:「適夢馬京入朝,甚慰人意。」乃 及入見,首以所夢告焉。 頃之,以觀文殿學士知河 帝以安石

若付以樞密,必允公論。」時原已老,乃以爲中太一宮使兼侍講 炒 王安石不合,後爲呂惠卿所傾,其中立不倚之操,爲先帝稱挹。 師,致仕。 哲宗卽位,拜保寧軍節度使、知大名府,又改鎭彰德。 紹聖元年,薨,年七十四。帝臨奠于第,贈司 徒,諡曰 於是范祖禹言:「京再執政,初與 (国), 文簡 且. 昭陵學士,獨 改宣 一徽南院使,拜太子 |京一人存,

呼法吏決罪,不以付獄。 年 進 士妻, 始,京鄉居,受恩通 亟 一請 而嫁之。 判南宮成,迨貴,以郊恩官其子。 報下捷疾, 其爲郡守,諸縣公事 一無壅滯,人服其敏云 主, 即歷究之, 嘗過外兄朱适,出侍妾,詢 **苟與縣牘合而處斷麗於法者**, 知 爲同

錢惟演字希聖, 吳越王俶之子也。 少補牙門將,從俶歸朝, 爲右屯衞將軍。 歷石神武

中、 {錄 軍 將 會 知審官院。 命 車 靈 直 觀 博學能文辭, 秘 副 閣 使。 預 大中 (修册 叉 坐頁舉失實, 祥符 府 召試學士院, 元 八 年, 龜 爲翰 詔 降給 與 林 楊億分爲之序。 以笏起草立就, 事 學士, 中。 復工 坐私 一部侍郎,擢樞 謁 眞宗 事罷之。 除尙 稱善。 書 司 尋遷尚書工 密副使、 封 改太僕 郎 中、 會靈觀 少卿, 知 一部侍 制 浩 獻,減平 使兼 郞 再遷 太子賓 再 給 爲 ?聖 學 事

與有 官 涿 ~擠 惟演 力焉 謂 仁宗 以 止 即位, 自 以尙書充使, 及序 解 進 樞 兵部 密題名, 有司之失也。 王曾爲相, 獨 刊去準,名曰「逆準」, 以惟演嘗位曾上, 初, 惟演見丁 謂 削 權盛, 因拜樞密使。 而 不 書。 附 之,與爲婚。 調 禍 故 旣 事 萌, 樞 惟 謂 密使 演 逐 慮 寇 必加 井 準 得罪 惟 檢 校

客

更領

祥

源

觀

累遷

I

部

尚書。

使。 事 爲 鎭 判 國 明 室 許 车 軍 相 州 來 節 馮 朝, 度 拯 未 製祭留: 惡 上言 卽 其爲 行,冀復用,侍御 1先壠 後, 人, 因言:「惟演 在 卽 洛 日 改保 陽, 願守宮鑰。 史鞠詠 大 軍 以妹妻劉美,乃 節 奏 度 使、知 分勠之, 卽 以 判 惟演 河 太后 陽。 河 南府,再改 乃 踰 姻家,不 귮 年, 去。 請 泰寧軍 天聖 入朝, 可與機政, 七 加 年, 節 同 度 改武 中 請 使。 出之。ニ 뱝 勝 門下 軍 節 平 乃 废 章

南 惟 演 演 雅意 不自 安, 柄 用,抑鬱 請以 莊獻明 不 ·得志。 肅 太后、莊懿太后 及帝耕 籍 田, 求 並配真宗廟室, 侍 洞 因留 爲景靈宮 以希帝意 使。 太后 惟演 崩 既與劉美 詔 還 河

列

惟 按, 廟 親 演 曆間,二太后始升祔眞宗廟室,子曖復訴前議,乃改諡 益法 且 無 與 貪 敏而 后 〈黷狀 其 家 子 好 通 曖 婚 學日「文」, 而 娶郭 烟 晚 節率職自 洁 落平 妹 貪而: 章 至是 事 新 敗官曰「墨 為爲 有惶 一条信 又欲 懼可憐之意 與 軍 ۰, 莊 節 請 懿 度 太后 諡 使 了, 歸 文 墨。 族爲 本 取諡法追悔前過日「思」, 鎭 日文僖。 婚 其家訴 未幾,卒, 御 于朝,詔章得象等覆議, 史 中 特 丞 范 鮰 侍 諷 中 劾 惟 改盜 太常 演 擅 張 議 蠰

尤喜 |季 獎厲 惟 演 下 後進。 有司 出 于勳貴 議, 惟 初, 演 乃 文辭 嘗 眞宗 加 語 諡 人曰:「吾平生不足者,惟不得於黃紙上押字爾。」蓋未嘗歷中 清 「武定」。 諡 麗, 一號稱「文」, 名與楊億、 所著 惟演 1典懿集三十卷,又著金坡遺事、 劉筠相上下。 日:「眞宗幸澶淵禦契丹, 於書無所不讀 , 盟 派) 家儲 而 服之, 書敍錄 文籍侔 宜 秘府。 兼

也。

曖

晦、

暄

一,從

弟

易

也 河 夷 网 1 1 所 使 晦 笑。 習 府 临 後 頓首 字 一守忠 明叔 帝 移 謝 因 閤 戒 更 門定朝 以 欲 改潁州防禦使,爲 日 大 以 理 恢 禮 評 立 西 服 事娶獻 燕 方 進 坐位 靇 酒 晦 兵 穆大 秦鳳路馬步 民 晦 又 困 以 因 長]言:[] 爲 久 公主 矣。 不 天子 山 女, 軍 卿 一總管。 累遷 爲 大 勽 當 朝 股 會, 愛 東上閤門使、 = 撫 班 復還三 令官 院、 毋縱 揧 者齒 一班院, 牧 酒 貴州 都監,授 樂, 士 同提舉集禧 大 使 團 夫 人 練 坐 忠州 呼 使。 殿 爲 上 防禦使、 觀 貴 \pm 戚 守 必 歷調 為 子 忠 弟 外 領 知

州防禦使,爲羣牧副使,卒。

景臻,尚秦、魯國大長公主。 斂於民,民不堪矣。」神宗卽詔釋之。 諸路逋租 人多卽山爲居。 喧字載陽, ,兩浙轉運使負課當坐,

暄上言:「浙部仍歲饑,故租賦不登籍,今使者獲罪,必亟 以父蔭累官駕部郎中、知撫州,移台州。 暄爲增治城堞, 景臻子忱,在外戚傳。 壘石爲臺,作大隄扞之。 官制行,爲光祿卿, 出知鄆州,拜寶文閣待制,卒。 台城惡地下,秋潦暴集, 進少府監、權鹽鐵副使。 輒圮溺, 暄鈎考

官右諫議大夫,以祕書監于家〔晉〕。 官,易與兄昆不見錄,遂刻志讀書。 易字希白。 始,父倧嗣吳越王,爲大將胡進思所廢,而立其弟俶。 |昆字||裕之,舉進士,爲治寬簡便民,能詩,善草隸書,累 俶歸朝, 羣從悉補

才藻知名。 易年十七,舉進士,試崇政殿,三篇,日未中而就。 太宗嘗與蘇易簡論唐世文人,歎時無李白。 言者惡其輕俊,特罷之。 易簡曰:「今進土錢易,爲歌詩殆不 然自此以

下白。」太宗驚喜曰:「誠然,吾當自布衣召置翰林。」值盜起劍南,遂寢。 眞宗在東宮,圖山 水扇,會易作歌,賞愛之。

易再舉進士,就開封府試第二。 列 傳 第 <u>-</u>L + バ 鋑 惟 演 自謂當第一,爲有司所屈,乃上書言試朽索之馭六馬 〇三四三

改光祿· 乎 ? 衆,則秦之天下,無叛民矣。 斷賊手足, {賦, 而 猶 意 視 古之肉 涉 息, 寺 護 丞、通 諷 然後斬之以聞。 刑者 几 體 判蘄州 眞宗 「劓、椓、黥、刖皆非死,尙以爲虐。近代以來,斷人手足,鈎背烙筋, 分落乃方絕命。 惡其 奏疏 無行,降第三。 壽州巡檢使磔賊於閱閱之中,其旁猶有盜物者。 臣以謂非法之刑,非所以助治,惟陛下除之。」帝嘉 日:「堯放四罪而 以此示 人, 明年,第二人中第,補濠州團 非平世事 不言殺,彼四 也。 者之凶,尚惡言殺, 今四方長吏競爲殘暴, 練 推官。 使嚴 非 納 召試 其言 刑 身見白骨 堯仁之至 婺州 可誠 中書, 先 於

京刑 冠帔 非欺紿者除之。」眞宗雅眷詞臣,其典掌誥命,皆躬自柬拔。 發國子監諸科非其人,降監潁州稅。 丽 士、直集賢院。 三三司移文釐正,或其數細微,輒歷年不得報,徒擾州縣。 景德中,舉賢良方正科,策入等,除秘書丞、通判信州。 累遷左 祀汾陰,幸亳州, 司郎中, 爲翰林學士, 儤直未滿, 卒。 ,命修車駕所過圖經,獻宋雅一 數月,召還。 久之,判三司磨勘司。上言:「官物在籍, 仁宗憐之,召其妻盛氏至禁中,賜以 自今官錢百、穀斗、帛二尺以下, 東封泰山、獻殊祥錄,改太常博 擢知制誥、判登聞鼓院、糾察在 一篇, 遷尙書祠部員 外郎。

{經 著殺生戒,有金閨、瀛州、西垣制集一百五 易 學瞻 敏過人,數千 ·百言,援筆 一立就。 十卷,青雲總錄、青雲新錄、南部新書、洞微志 又善尋尺大書行草,及喜觀佛書,嘗校道藏

百三十卷。 子彥遠、明逸,相繼皆以賢良方正應詔。宋興以來,父子兄弟制策登科者, 錢

氏一家而已。

官。 通判明州, 遷太常博士。 **彦遠字子高,以父蔭補太廟齋郎,累遷大理寺丞。舉進士第,以殿中丞爲御史臺推直** 舉賢良方正能直言極諫科, 擢尚書祠部員外郎、知潤州。

疏曰:

荆湖,幅員數千里,雖往昔定襄之異,未甚於此。 修德業,宗社之福也。 下備寇之術未至,牧民之更未良,天下之民未安,故出譴告以示之。 苟能順天之戒,增 陛下卽位以來,內無聲色之娛,外無畋漁之樂,而前歲地震,雌、霸、滄、澄,旁及 今復大旱,人心嗷嗷,天其或者以陛

軍旅。 時旱蝗,民乏食,彥遠發常平倉賑救之。部使者詰其專且摧價,彥遠不爲屈。召爲右 軍須百出,三年于今,未聞分寸之效。惟陛下念此三方之急,講長久之計,以上答天戒。 元昊內寇,出入五載,天下騷然。 今契丹據山後諸鎭,元昊盜靈武、銀、夏,衣冠車服,子女玉帛,莫不有之。 。一日契丹負恩,乘利入塞,豈特元昊之比耶?湖、廣蠻獠劫掠生民,調發督斂, 。及納款賜命,則被邊長吏,不復銓擇,高冠大裾,恥言 往時,

列

傳

院。 司 諫, 會諸路奏大水,彥遠言陰氣過盛,在五行傳「下有謀上之象」,請嚴宮省宿衞。 請勿數赦,擇牧守,增奉入以養廉吏,息土木以省功費。 遷起居舍人、直集賢院、知諫 未幾,有

挾刃犯謻門者。 特賜五品服。又上疏曰:

頃, 萬, 其間逃廢之田,不下三十餘萬,是田疇不闢,而游手者多也。 農爲 而 墾 田 國家急務,所以順天養財,禦水旱,制蠻夷之原本也。 一千四百三十餘萬頃。 今國家戶七百三十餘萬, 而 勸課 墾 唐開元戶八百九十餘 田二百 其可 不 十 興 乎 五 一萬餘

置 口 數、屋塘、 |勸農司,以知州 本朝 轉運使、提點刑獄、 山澤、溝洫 爲長官, 、桑柘, 通 知州、 判爲佐,舉淸強 著之於籍, 通 判,皆帶勸農之職,而徒有虛文,無 然後設法勸課, 幕職、州縣官爲 除害興 判官。 利 先以 歲終 墾 勸導之實。 農隙 田 頃 畝 轉 及 戶 渾 宜

司考校之,第其賞罰。

見 衞 官 1致仕; 納 懷敏妄言契丹主宗眞死,乃除 **彦遠性豪邁,其任言職,數有建明。** 許懷德、愼鏞高 年未 謝事 ; 入內副都 楊景宗 卒于官。 知; 郭 承祐關冗小人, 宜廢不用: 內侍黎用信以罪竄海島, 赦 歷舉劾之,多 歸, 遽得環

明逸字子飛。 繇殿中丞策制科,轉太常博士。 爲呂夷簡所知,擢右正言。 首劾范仲淹

富 更張綱紀,紛擾國經。凡所推薦,多挾朋黨。 乞早罷免,使姦詐不敢效尤,忠實得以

自立。」疏奏,二人皆罷; 其夕,杜衍 亦冤相。 明逸蓋希章得象、陳執中意 也。

不起? 知秦州 年。 竄之遠方而 歷揚靑鄭曹州、應天府,還,判流內銓、知通進銀臺司,復出知成德軍、渭州。加端明殿學士、 加史館修撰、知開封府。 石元孫與夏 」明逸爲起,坐尹京無威望;又獄吏榜婦人酇氏墮足死, 奪其恩。 人戰沒, 進同修起居注、 以死 妄人冷青自稱皇子,捕至府,明逸方正 事褒贈, 知制誥, 旣而 生歸, 擢 知諫 朝廷釋不問。 院, 爲翰林學士。 罷爲 龍圖閣學士、知蔡州。 明逸請 坐,青叱曰:「明逸安得 自登科 正其價軍之罪, 至是, 繼 乃 五

般 般 徇其五,而猶 日 次亦皆至。厮囉有子質于秦,別子本征居河州。殿侍程從簡私與之盟,令過洮河,許以官, 次入貢,詔赙絹千匹。明逸言:「朝廷撫唃氏至厚,頃以招馬爲名,賂繒緼 歸其質子。事不驗,木征怒,留貢使。 先是,于闖入貢,道邈川, (觖望。今壅遏荒服之貢,固有罪矣,豈可復加賜以辱國體?」從之。而于闡使與 **唃厮囉留不遣**。 明逸被從簡往詰,因斬之。木征惶懼,悉遣所留者。 會其妻亡,前帥張方平請因而邺之,且誘其 ;邀請六事,旣

辭淺繆, 治平初, <u></u> 應 復爲 冒 居 翰林學士。 翰院? 乃罷 學士。 神宗立,御史論其傾險儉薄,頃附賈昌朝、夏竦以陷正人,文 久之,知永興軍。 熙寧四年,卒,年五十七。贈禮部尚

演

書,諡日修懿。

慈聖后 易無崖岸,而居官獨立守繩墨, 士、知審官東院。 藻字醇老,明逸之從子也。 臨 朝, 藻三上書乞還政。 卒,年六十一。 爲政簡靜有條理,不肯徇私 幼孤,刻厲爲學。 同修起居注、知制誥。 神宗知其貧,賻錢五十萬,贈太中大夫。 第進士, 又中賢良方正科, 為祕閣校理。 加樞密直學士、知開封府。 取 顯。 數求退,改翰林侍讀學 平居樂

難 |諶曰:「利少害多,異日必爲民患。」又問:「孰爲可用之人?」曰:「居喪不交人事,而知人尤 於地,一最親者袒坐其側。顧景諶褫服脫帽,未及它語,卒然問曰:「青苗、助役如何? 主簿,又以文薦之。執喪居許,聞安石得政,喜,因事來京師謁之。 其文,以爲 事也。」遂辭出。 景諶,景臻之從兄也。 知道者。 旣薦送之,又推譽於公卿間,自是執弟子禮。 繇殿直巡轄兩京馬遞,中進士第。 初赴開封解試, 時王安石得 方盛夏,安石與僧智緣臥 安石提點府界,景諶爲屬 |景

安石,安石欲介治峽路役書,且委以茂、瀘蠻事。 曰:「相君欲以館閣相處而任以事。」景諶曰:「百事皆可爲,所不知者新書、役法耳。」及見 後調官復來,安石已作相,又往詣之。安石令先與弟安國相見。 景諶曰:「峽路民情,僕固不能知,而我、 安國亦與之善, 謂|景

者,利 故 瀘 (天下萬事,皆由人而不在於己。荷爲利所動,而由於人,則盜亦可爲也。 用兵,繫朝廷舉動、一 退就謁舍,賞激之與詆以爲矯者參半。 一勝於義,而不知所以爲之者耳。 路生靈休戚,願擇知兵愛人者。」安石大怒,坐上客數十人,皆爲之 吾又何憾焉?」遂與安石絕。 景諶笑曰:「自古以來,好利者衆,而顧義者寡 熙寧末,從張景憲辟知 夫盜之所以爲盜

瀛州

,終身爲外官,僅至朝請郞而卒。

流 H 里行。」安石 日 召 秘 內銓主簿。 帝於左 閣選,廷對入等矣, 對,將任以清要官。 勰字穆父,彦遠之子也。 司 知不附己,命權鹽鐵判官,歷提點京西、河北、京東刑獄。 '郎中格自書其姓名,須終制日授之。 判銓陳襄嘗登進 會王安石惡孔文仲策,遷怒罷其科,遂不得第。 安石使弟安禮來見,許用爲御史。 生五歲,日誦千言。 班簿,神宗稱之。 襄曰:「此非臣所能,主簿錢勰爲之耳。」明 十三歲,制舉之業成。 勰謝曰:「家貧母老,不能爲萬 元豐定官制,勰方居 以蔭知尉氏縣,授 熙寧三年試應,旣

所以選卿,無他也。」乃求呂端故事以行,凡餽餼非故所有者皆弗納。歸次紫燕島,王遣二吏 追 前 金銀器四千兩。勰曰:「在館時旣辭之矣,今何爲者?」 東泣曰:「王有命,徒歸則死,且左 奉使弔高麗,外意頗謂欲結之以北伐。勰入請使指,帝曰:「高麗好文,又重 士大夫家世,

傳第七十六 錢惟演

列

已受。」勰] : 「左右 番各有職,吾唯例是視,汝可死,吾不可受。」竟卻之。 還,拜 中書舍人。

百。 其據案時遺之詩,勰操筆立就以報。献曰:「電掃庭訟,響答詩筒,近所未見也。」 州,徙瀛州 固 然,上下皆驚咤。 · 戒汝矣,安得欺我? 勰隨即剖決,簡不中理者,緘而識之, 戒無復來。 站 初, 召拜工部、戶部侍郎,進尚書,加龍圖閣直學士,復知開封,臨事益精。 遷給事 。宗室、貴戚爲之斂手,雖丞相府謁吏干請,亦械治之。積爲衆所憾,出知越 中, 」其人讕曰:「無有。」勰曰:「汝前訴云云,吾識以某字。」啓緘示之,信 以龍圖閣待制知開封府。 老吏畏其敏, 閱月聽訟,一人又至,呼詰之曰:「吾 欲困以事 導人訴牒至七

以美詔慰安之。」旣 幄,帝留與之語曰:「臺臣論除邸事,其辭及鄭、雍,小人離間骨肉如此。 知池州,卒于官,年六十四。 何異趣, 帝曰:「豈非『鞅鞅非少主之臣,硜硜無大臣之節』者乎?殷固知之,毋庸避也。」嘗侍經 哲宗尬政,翰林缺學士,章惇三薦林希,帝以命勰,仍兼侍讀。 乃爾乞身。」帝見之,謂能道所欲言者。 而雍章至,勰答詔云:「弗容羣枉,規欲動搖,股祭其厚誣,力 計 未至,帝獨即其從弟景臻問安否。元符末,追復龍圖 惇因是極意排詆,諷 以嘗行惇謫 全臺攻之,言不已。 若 雍 有 加 詞, 請,當付卿 領辨, 閣學士。 懼而求

即字中道,吳越王諸孫也。 第進士,爲睦州推官。 部使者有獄在衢,啖即以薦牘,使往

中,爲陝西轉運判官。 可勝以待釁,庶 去來飄忽,不能持久,是其所短;然其民皆兵,居不繫飲食,動不勤轉餉,願敕邊臣先爲不 即曰:「吾寧老冗選中,豈忍以數十人易一薦乎?」至,則平反之。 可得志。」帝曰:「大砦泉可取否?」對曰:「是所謂瀚海也。臣聞其地皆鳥鹵, 王師復銀州,轉餉最。 徽宗召對,問曰:「靈武可取乎?」對曰:「夏 辟鄜延幕府。 崇寧 X

無

水泉,或以飲馬,口鼻皆裂,正得之無所用。」帝然之。

得便宜 違者 下 徙知延安府, 專 練副 至蕃兵、射士之授田者,咸被抑配,關內騷然,幾於生變。 重置 除 直龍 行 使,然糴害亦寢。 事。 于法,民至罷市。 圖閣、知慶州。 加集賢殿修撰,又進徽猷閣待制、顯謨閣直學士。 時長安百物踴貴,錢幣益輕,貫欲力平之,計司承望 徐處仁爭之,得罪。 至鎭,築安邊城、歸德堡,包地萬頃, 又行均糴法, 即亦屢抗章,極陳其害,貶永州 賤入民粟, 在延 縱耕其中, 風旨,取市價 五年, 而高 童貫 歲得粟數十萬。 金帛估以賞, | 率減 宣 撫 什四, 陝西,

復直 遂引爲河北、河東參謀,以老固辭,乃轉正奉大夫致仕。 學士。 數月, 還待制、知興仁府,徙太原,以童貫宣撫本道辭,不許。居二年,以疾提舉洞霄宮, 睦寇作,起知宣州。即自力上道,至則悉意應 軍須。貫 卒, 贈金紫光祿大夫, 諡曰忠定。 上其功,進龍 圖閣學士。貫

科,易、明逸皆掌書命,時人榮之。 非名言乎。錢惟演敏思淸才,著稱當時,然急於柄用,阿附希進,遂喪名節。 不愧其官守矣。 相映,不愧其科名焉。 論 日:進 士自鄉舉至廷試皆第一者纔三人,王曾、宋庠爲名宰相,馮京爲名執政,風節 邵必亦習禮者也,預修唐書而能力辭,以爲史出衆手,非古人撰述之體,豈 邵亢知太常,裁損脹貴妃卹典,潁王授室、公主下嫁,請用古典,可謂 惜乎易以輕傷,明逸以傾險,並爲時論所憾云。 錢氏三世制

校勘記

(1) 晏殊爲守 「守」原作「首」,據王珪華陽集卷三七邵亢墓誌銘改。 本書卷三一一晏殊傳、長編卷

(三) 少年 原倒,據華陽集卷三七邵亢墓誌銘乙正。

一五二都說晏殊於慶曆中曾知潁州,和邵亢墓誌銘合,可以參證。

3 雞宗關 「宗」原作「粽」,據本書卷八九地理志、長編卷二七四改。

侍講 當作「侍讀」,見東都事略卷八一本傳、宋會要職官五四之八、長編卷四五四。

三 以 祕 書監 于家 按 東都事略卷四八錢昆傳說:「以祕書監致仕一卒,年七十六。」疑此處「祕書監」

下當有一「卒」字。

宋史卷三百一十八

列傳第七十七

張方平 王拱辰 張昇二 趙槩 胡宿 子宗炎 從子宗愈 宗回

得其詳矣。」凡書皆一閱不再讀,宋綬、蔡齊以爲天下奇才。 張方平字安道,南京人。少顯悟絕倫,家貧無書,從人假三史,旬日卽歸之,曰:「吾已 舉茂材異等,爲校書郞、知崑山

又中賢良方正,選遷著作佐郎、通判睦州

時天下全盛,皆謂其論出姑息,决計用兵。 |方平上平戎十策,以爲:「入寇當自烻、渭,巢穴 之守必虚。 直其上,難以决勝。 月之頃,以其間選將厲士,堅城除器,爲不可勝以待之。雖終於必叛,而兵出無名,吏士不 趙元昊且叛,爲嫚書來,規得譴絕以激使其衆。 宜屯兵河東,卷甲而趨之,所謂攻其所必救,形格勢禁之道也。」宰相呂夷簡善 小國用兵三年,而不見勝負,不折則破,我以全制其後,必勝之道也。」 方平請:「順適其意,使未有以發,得歲

列傳第

其策而 諫院 不 當 召 「試館職,仁宗日:「是非兩策制科者乎? 何試也?」命直集賢院, 俄 知

市人不可用,如方平言。 調 諸道弓手,刺其壯者爲宣毅、保捷,方平連疏爭之,弗聽。 夏 人寇邊,方平首乞合樞密之職于中書,以通謀議。 帝然之,遂以宰相兼樞密使。 旣而兩軍驕甚,合二十餘萬, 時

平等覆師,主帥皆坐譴,媡獨不預,方平劾罷之,而請四路帥臣,各自任戰守。 自新之路。」帝喜曰:「是吾心也。」是歲,改慶曆赦書,敕邊吏通其善意,元昊竟降。 元昊亦困弊,方平言:「陛下猶天地父母也,豈與犬豕豺狼較乎?願因郊赦,引咎示信,開其 夏竦節制陝西丼護諸將,四路以稟復失事機, 且詔使出師, 逗遛不行。 及豐州陷, 西師久未 劉

遣,無 飲之,且贈以所乘馬。還,知制誥,權知開封府。 「得新 如 既,以修起居注使契丹。 附之小羌,失久和之強敵,非計也。 少差忘。 此,於西、北爲兩得矣。」時韙其謀。 進翰林學士。元昊既臣,而與契丹有隙,來請絕其使, 契丹主顧左右曰:「有臣如此,佳哉!」騎而擊毬於前,酌玉巵 拜御史中丞,改三司使。 宜賜元昊韶,使之審處, 府事叢集,前尹率書板識之,方平獨默記决 但嫌隙朝除,則封册暮 議者不可。

王拱辰議権河北鹽, 方平見曰:「河北再権鹽,何也。」帝曰:「始立法耳。」方平曰:

詔罷之。 「昔周世宗以鹽課均之稅中,今兩稅鹽錢是也(三)。 河朔父老迎拜於澶州,爲佛老會七日,以報上恩,事具食貨志。 豈非再権乎?」帝驚悟,方平請直降手 加端明殿學士、

判太常寺。 禁中衞卒夜變,帝旦語二府,獎張貴妃扈蹕功。 夏竦卽倡言:「當求所以尊異之禮。」方

平聞之,謂陳執中曰:「漢馮倢伃身當猛獸,不聞有所尊異; 且皇后在而尊貴妃,古無是事。

果行之,天下之責,將萃於公矣。」執中瞿然而罷。

漸 失祖宗之舊。 且大用, 大商豪民乘隙射利, 帝以豐財省費訪羣臣,方平旣條對,又獨上數千言,大略以爲:「祥符以來,務爲姑息, 會判官楊儀得罪,坐與交,出知滁州。 取士、任子、磨勘、遷補之法壞,命將養兵,皆非舊律。 而茶鹽香礬之法亂。此治忽盛衰之本, 頃之,知江寧府,入判流內銓。 不可以不急。」帝覽對甚 國用旣窘,則 政出多

邛部 從事 日 夜不得息,民大驚擾。 ,方平曰:「此必妄也。」道遇戍卒,皆遣歸,他役盡罷。 川譯人始造此語者,梟首境上,而流其餘黨,蜀人遂安。)侍講學士知滑州,徙益州。 朝廷聞之,發陝西步騎兵仗,絡繹往戍蜀。 未至,或扇言儂智高在南詔, 將入寇, 適上元張燈,城門三夕不閉,得 韶趣方平行,許以便宜 攝守 亟調兵築城,

以

復以三司使召。 方西鄙用兵,兩蜀多所調發,方平爲奏免橫賦四 一十萬,減鑄鐵錢十餘

列

說行之。 乃畫上十四策。 行地中。 耳。兵恃食,食恃漕運,以汴爲主,汴帶引淮、江,利盡南海。 又建言:「國家都陳留,當四通五達之道,非若確、洛有山川足恃,特倚重兵以 其後,淺妄者爭以裁減役費爲功,汴日以塞,今仰而望焉,是利尺寸而 富弼讀其奏,漏盡十刻,帝稱善。 弼曰:「此國計大本,非常奏也。」悉如其 天聖已前,歲調民浚之,故水 :喪丘山· 世。」 立. 國

故也。倘罪之,後之邊臣,將不敢爲先事之備矣。」方平不自安,請知南京。 言出塞。已而寇不至,言者論其輕舉,曾公亮曰:「兵不出塞,何名輕舉?寇之不得至,有備 英宗立,遷禮部尙書,請知鄆州。還,爲學士承旨。帝不豫,召至福寧殿,帝馮几言,言 遷尙書左丞、知南京。未幾,以工部尙書帥秦州。諜告夏人將壓境,方平料簡士馬,聲

不可辨。方平進筆請,乃書云:「明日降韶,立皇太子。」方平抗聲曰:「必潁王也,嫡長而賢,

請書其名。」帝力疾書之,乃退草制。

謂孝矣。」又請差滅錫賚,以乾興爲準,費省什七八。方平進詔草,帝親批之,曰:「卿文章典 雅,煥然有三代風,又善以豐爲約,意博而辭寡,雖書之訓誥,殆無加也。」其見稱重如此。 神宗卽位,召見,請約山陵費,帝曰:「奉先可損乎?」對曰:「遺制固云,以先志行之,可

拜參知政事。御史中丞司馬光疏其不當用,不聽。光解中丞,曾公亮議用王安石,方

平以爲不可。 數日,遭父憂,服闋,以觀文殿學士留守西京。 入覲,留判尚書都省, 力請知

陳州。

弗戢 必自焚。 安石行新法,方平陛辭,極論其害,曰:「民猶水也,可以載舟,亦可以覆舟; 兵猶火也, 若新法卒行,必有覆舟、自焚之禍。」帝憮然。

之乎? 間諜 馮暉, 州。 學士,可謂舊德矣。」 近歲疆埸之臣,乃欲試天下於一擲,事成徼利,不成詒患,不可聽也。」帝曰:「慶曆以來,卿知 持審, 吏士用命, 故能以十五萬人而獲百萬之用。 環州董遵誨、西山郭進、關南李漢超,皆優其祿賜,寬其文法。 :「守臣不當爾邪!」命罷諸郡兵。 未行,帝問祖宗禦戎之要,對曰:「太祖不勤遠略, 韓絳主西師,慶卒亂,京西轉運使令一路各會兵于州,民大駭。 於是朝廷始旰食矣。 元昊初臣,何以待之?」對曰:「臣時爲學士,誓詔封册,皆出臣手。」帝曰:「卿時已爲 眞宗澶淵之克, 召爲宣徽北院使, 與契丹盟,至今人不識兵革。 如靈夏、河西,皆因其酋豪,許之世 及太宗謀取燕薊 留京師。 王安石深沮之, 方平持檄不下而奏之, 諸將財力豐而威令行, 三朝之事 又內徙李彝興 以爲青 如 此。

饋勿問,且使邊郡檄其國可也。」完啓從之,禧即行。 契丹泛使蕭禧來議疆事,臨當辭,臥驛中不起。 除中太一宮使。 方平謂樞密使吳充曰:「但令主者日致

宋

詰安石 先帝末命,訖無以副股意乎?」遂行 判應天府。 :「舉累朝之令典, 帝曰:「朕欲卿與韓絳 弛銅禁, 姦民 日銷錢爲器, 一旦削除之, 共事 丁, 而 其意安在?」帝頗采其言,而方平求去。 邊關海舶不復譏錢出,錢日耗。方平極論其害, 卿論政不同,欲寘卿樞密,而卿論兵復異。 進使 内南院, 卿受

還,社稷之福也。」後皆如其言。 征安南, 高 魔使過府,長東當送迎,方平言:「臣班視二府,不可爲陪臣屈。」詔但遣少尹。 方平言:「舉西北壯士健馬,棄之炎荒,其患有不可勝言者。 若師老費財, 無功而 王師

宣徽使,獨命領之如故。 伯封於商丘,以主大火; 請諡,尚書右丞蘇轍爲請,乃諡曰文定。 「慢神辱國,無甚於斯!」於是天下祠廟皆得不鬻。 新法鬻河渡坊場,司農丼及祠廟,宋閼伯、微子廟皆爲賈區。 哲宗立,加太子太保。 微子爲始封之君,是二祠者,亦不得免乎? 元祐六年,薨,年八十五。 數請老,以太子少師致仕。 方平言:「宋王業所基,閼 」帝震怒, 贈司空。 官制行,廢 批牘尾曰: 遺令毋

職,深器異之。

嘗薦

賦爲諫官。 先帝地下,有以藉口矣。」平居未嘗以言徇物、以色假人。守圖日,得眉山蘇洵與其二子賦、 方平慷慨有氣節,旣告老,論事益切,至於用兵、起獄,尤反覆言之。 献下制獄,又抗章爲請,故賦終身敬事之, 敍其文, 以比孔 且曰:「臣且死,見

融、諸葛亮。 貢舉,或稱其文學,辟以考校。 自毫移汝, 過見之曰:「人固難知也。」方平曰:「謂王安石乎?亦豈難知者!方平頃知皇祐 晚,受知神宗。 王安石方用事,嶷然不小屈,以是望高一時。 既入院,凡院中之事,皆欲紛更。 方平惡其人,檄使出,自是 守宋都日,富弼

未嘗與語也。」開有愧色,蓋腑素亦善安石云。

|州 ,入直集賢院,歷鹽鐵判官、修起居注、知制誥。 |拱辰字君貺,開封咸平人。 元名拱壽,年十九,舉進士第一,仁宗賜以今名。 慶曆元年,爲翰林學士 通判懷

爲 設險守國,先王不廢,而祖宗所以限敵人也。」至是,又使六符來,求關南十縣,斥太宗伐燕 萬土囊,卽可路矣。」仁宗以問拱辰,對曰:「兵事尚詭,彼誠有謀,不應以語我,此夸言爾。 遂 繼 無名,舉朝莫知所答。拱辰曰:「王師征河東,契丹旣通使,而寇石嶺關以援賊。」太宗怒, 好 回軍伐之,豈謂無名?」乃作報書曰:「旣交石嶺之鋒,遂有薊門之役〔三〕。」契丹得報,遂 如 契丹使劉六符嘗謂賈昌朝曰:「塘濼何爲者?一葦可杭,投箠可平;不然,决其堤,十 初。 帝喜,謂輔臣曰:「非拱辰深練故實,殆難答也。」

權 知開 封 府,拜御 史中丞。 夏竦除樞密使,拱辰言:「竦經略西師,無功稱而歸。今置

列傳

第

七十

王拱辰

乃徙宗諒岳州,敕拱辰赴臺。 諸二府,何以厲 「滕宗諒 在慶州,所爲不度,而 世?」因 對,極論之。 入見,帝曰:「言事官第自舉職,勿以朝廷未行爲沮己,而輕去 但降秩守號,懼邊臣則効,宜施重責。」未聽,即家居,求自貶。 帝未省,遽起,拱辰前引裾,乃納其說,竦遂罷。 又言:

以沽名。

自今有當言者,宜力陳母避。」

其僚 張, 溥。 費於不急,動士心,起民怨。」詔亟禁之。 拱辰之黨不便。 は魚周 僧紹宗以鑄佛像惑衆, 詢(冒)、劉元瑜舉劾之。 舜欽、益柔皆仲淹所薦,而舜欽,衍壻也, 都人競投金冶中, 宮掖亦出貲佐之。 兩人旣竄廢, 蘇舜欽會賓客於進奏院,王益 同席者俱逐。 時杜衍、范仲淹爲政,多所 故因是傾之, 拱辰言:「西師宿邊,而財 |柔醉作傲歌,拱辰 由此爲 公議所 更 風

對,且曰:「願陛下垂意;六經,旁采史策,此不足學也。 承旨兼侍讀。 復以翰林學士權三司使。 帝於邇英閣置太玄經、蓍草,顧曰:「朕每閱此。 坐舉富民鄭旭,出 知鄭州,徙澶、瀛、井三州。數歲還,爲學士 卿亦知其說乎?」 拱辰具以

論 琵 是以侑飲。謂其相曰:「此南朝少年狀元也,入翰林十五年,故吾厚待之。」使還,御史趙抃 其輒當非正之禮,「異時北使援比以請,將何辭拒之?」湖南轉運判官李章、知潭州任顓 至和三年,復拜三司使。聘契丹,見其主混同江,設宴垂釣,每得魚,必酌拱辰酒,親鼓

職,本以待勛勞者,唯前執政及節度使得爲之,拱辰安得汙此選?」乃以端明殿學士知永興 市死商眞珠,事敗,具獄上,拱辰悉入珠掖庭。 排 井 劾 之 。 除宣徽北院使,抃言:「宣徽之

軍,歷泰定二州、河南大名府,積官至吏部尚書。

復以 北院使召還。 神宗登極,恩當轉僕射,歐陽脩以爲此宰相官,不應序進,但遷太子少保。 王安石參知政事,惡其異己,乘二相有故,出爲應天府。八年,入朝,爲 熙寧元年,

中太一宮使。

。 之。」主者指拱辰爲沮法,拱辰曰:「此老臣所以報國也。」上章不已。 時,是以法驅之,使陷於罪罟也。 而 意教之,禁令苛急,往往去爲盜,郡縣不敢以聞。 元豐初,轉南院使,賜金方團帶。 **浸淫爲大盜,其兆已見。縱未能盡罷,願財損下**戶以紓 再判大名,改武安軍節度使。 拱辰抗言其害曰:「非止困其財力,奪其農 帝悟,於是第五等戶得 三路籍民爲保甲,日聚

哲宗立,徙節彰德,加檢校太師。 是年,薨,年七十四。 贈開府儀同三司,盜懿恪。

論曰:方平、拱辰之才,皆較然有過人者,而不免司馬光、趙抃之論。 豈其英發之氣,勇

列傳

第七十七

王拱辰

張

昪

諤諤 於 見得, 不少贬, 峙 爲 趨 國 鄉 老 未 成,望始 能 虚 適 於正與? 重矣。 若方平 識王安石於辟校貢舉之時, 及新法行,方平痛陳其弊,拱辰 爭保甲,言尤剴切,皆 īīri 知其後 必 剣 强政,其

先見之明,無忝呂誨云

故官 支員 豈 避 一,得知 事 張昪字杲卿 者?」乃許歸養。 経州 夏竦經略陝西 改京西轉運使。 韓城人。 歷戶部 薦其才,換六宅使、涇原秦鳳安撫都監。 舉進士, 判官、開封府推官、至知 知鄧州,又以母辭。 爲楚丘主簿。 南京留守王曾稱其有公輔器。 或指 雜 御史。 爲避事 , 范仲淹言於朝日:「張昪 未幾,以母 老, 累官 求 度

升之。 樸,不 張堯佐緣 善擇言,至斥張貴妃爲 升之曰:「此忠直之言,不激切, 恩驟用, 知開 . 封 府; 婦 人,謂懷敏得志,將不減 內侍楊懷敏夜直禁中, 則聖意 不可回矣。」帝乃解。 而衞 劉 季述。 士爲變,皆極論之。 仁宗讀之不懌, 以天章閣待制 知 以語陳 慶州

昇性

改龍 圖 閣直 學 士、知秦州

諸族畏其偪 初, ,青唐 蕃部 舉兵 植 级。 一,世 |昇至, 居 古渭, 請棄勿城 積與夏人有隙,懼而 韶戶部副使傅求審視之,以爲不可棄,與昇議殊。 獻 其地。 攝 帥 范祥 無遠慮,亟 一城之。

先是,副總管劉渙討叛羌,逗撓不時進,昪命他將郭恩代之,羌乃潰去。 多殺老稚,以撼昪。 朝廷命張方平守秦,徙渙涇原, 亦徙昇青州。 將罪昇, 渙黜其功,讕訟思 方平辭曰:「渙、

|昪有階級,今互言而兩罷帥,不可爲也。 | 昪乃復留。

時事無所避,謂曰:「卿孤立,乃能如是。」對曰:「臣仰託聖主,致位侍從,是爲不孤。 出 之臣,持祿養望者多,而赤心謀國者少,竊以爲如陛下乃孤立爾。」帝爲之感動。 至 。昪曰:「天子耳目之官,奈何用宰相怒而斥?」上章力爭之,沉竟罷去。 和二年,召兼侍讀,拜御 史中丞。 劉沆在杆位,以御史范師道、趙抃嘗攻其惡, 帝見昇指 今陛下 陰欲 切

遂 使更致新主像(至)。契丹欲先得之,昪曰:「昔文成以弟爲兄屈,尚先致敬,况今爲伯父哉!」 凡內降所與,多持不下。 無以奪,乃復以洪基像來。 契丹主宗眞遣使齎其畫像來,求帝畫像,未報而死。子洪基立,以爲請,詔昇報聘,渝 見帝春秋高,前後屢進言儲嗣事,卒與韓琦同决策。 嘉祐三年,擢樞密副使,遷參知政事、樞密使。 昇愛惜官資,

使其人無可取,雖少壯 且 司 居其位、於事 光上疏言:「近歲以來,大臣年高者皆不敢自安其位,言事者欲以爲名,又從而攻之。 英宗公立, 請老, 帝曰:「太尉勤勞王家, 詎可遽去?」但命五日一至院, 亦未 ·有 曠廢也。」 昪請不已,始賜告,令養疾,遂以彰信軍節度使、同中書門 何爲?果有益於時,雖老何傷?昪爲人忠謹清直,不可干以私,若使 進見無蹈舞。

列

〇三六四

中,諡曰康節。 下平章事判許州,改鎭河陽三城。 拜太子太師致仕。 熙寧十年,薨,年八十六。贈司徒兼侍

海州,爲集賢校理、開封府推官。奏事殿中,仁宗面賜銀緋。 趙槩字叔平,南京虞城人。少篤學自力,器識宏遠,爲一時名輩稱許。 中進士第,通判

患。 曰:「卒得廩米陳惡,有怨言,不更給善米,且生變。」鄭不答。卒有自容州戍逃歸而犯夜者, 僚吏鄭陶、饒奭挾持郡事,爲不法,前守莫能制。州之歸化卒,皆故時羣盜。 出知洪州,州城西南薄章江,有汎溢之虞,熙作石隄二百丈,高五丈,以障其衝,水不爲 **奭造飛語**

斬之以徇,因收陶、庾抵罪,闔府股栗。 二過境上,告人曰:「我東人也,公嘗爲|青州,民愛之如父母,我不忍犯。」率衆去 加 直集賢院、知靑州。 坐失舉澠池令張誥免,久乃起,監密州酒。 知滁州,山東有寇李

察在京 召修起居注。 刑獄, 宰相謂曰:「君即爲學士,擬封不久矣。」「槃曰:「母年八十二,願及今拜君賜以爲榮。」 脩遂 知制誥。 歐陽脩後至,朝廷欲驟用之,難於越次。 踰歲, 樂始代之。 郊祀, 當任子、進階館, **繁聞,請郡,除天章閣待制、糾** 乞回其恩, 封母郡

乃許之,後遂爲例。

不報。 官郭申錫論事忤旨,帝欲加罪,槩曰:「陛下始面諭申錫毋面從,今黜之,何以示天下?」乃 成,親酌玉杯爲槩勸,且授侍臣劉六符素扇,寫之納袖中,其禮重如 蘇舜欽等以羣飮逐,「熙言:「預會者皆館閣名士,舉而棄之,觖士大夫望,非國之福也。」 求知蘇州,終母喪, ,入爲翰林學士。 聘契丹,契丹主會獵,請賦信誓如山 此。 還,兼侍讀學士。諫 河詩。

非

州。 贈太子太師、諡曰康靖。 有志愛君,雖退處山林,未嘗一日忘也。 諫爭事,爲諫林百二十卷上之。 出院優遷之,毋得累寄。 至, 首言之,茂實竟去。 自左丞轉吏部尚書,前此執政遷官,未有也。 以龍圖閣學士知鄆州、應天府,代韓絳爲御史中丞。 御藥院內臣有寄資至團練使者, 擢樞密使、參知政事。 神宗賜詔曰:「請老而去者,類以聲問不至朝廷爲高。 當置于坐右,時用省閱。」元豐六年,薨,年八十八。 數以老求去。 以太子少師致仕,退居十五年,嘗集古今 謂之暗轉。 絳以論張茂實不宜典宿衞罷, 熙寧初,拜觀文殿學士、知徐 年, 唯卿 詔俟

師德。 栗 乗 心 坐張誥貶六年, 和平,與人無怨怒。 念之終不衰,酷死,卹其家備至。 雖在事 如不言, ` 然陰以利物者爲不少, 歐陽脩遇槩素薄,又躐知制誥,及 議者以比劉寬

一〇三六六

者。 |脩 有 獄, 爲 軍州 **緊獨抗章明其罪**, 時, 更按前守馮浩侵公使錢三十萬,當以職田租償。 言爲仇者所中傷,不可以天下法爲人報怨。 繁知其貧,爲代以己奉。 脩得解, 始服其長

、緊初名腫,嘗夢神人金書名簿有「趙槩」,遂更云。

生所爲

類此

繙閱,探其本辭,蓋婦人與所私者殺其夫,而執平民以告也。 囚憚箠楚不敢言。辟左右復問,久乃云:「旦將之田,縣吏縛以赴官,莫知其故。」宿取具獄 活數千人。以薦爲舘閣校勘,進集賢校理。 胡宿字武平,常州晉陵人。 登第,爲揚子尉。 通判宣州,囚有殺人者, 縣大水,民被溺,令不能救, 將抵 死, 宿疑而 宿率公私船 訊之,

分謗之意乎?」坐者大慙謝。 宿誚之曰:「君輩佐滕侯久矣,苟有過,盍不早正?乃陰拱以觀,俟其去而非之,豈昔人 知湖州,前守滕宗諒大興學校,費錢數十萬。 其後湖學爲東南最,宿之力爲多。 宗諒去,通判、僚吏皆疑以爲欺, 樂石塘百里,捍水患,民號 不肯書

口胡公塘,而學者爲立生祠。

久之,爲兩浙轉運使。 召修起居注、知制誥。 入內都知楊懷敏坐衞士之變,斥爲和州

都 is監,未幾,召入復故職。 宿封還詞頭,且言:「懷敏得不窮治誅死,已幸,豈宜復在左右?」

命遂寢。

視京師,爲東北少陽之位,今二州置金坑,多聚民鑿山谷,陽氣耗洩,故陰乘而動。 此所以震也。是謂龍戰之會,其位在乾。 止,以寧地道。」時以爲迂闊。明年,王則果以貝州叛。 丁亥,歲之刑德,皆在北宮。 慶曆六年,京東、兩河地震,登、萊尤甚。 。陰生於午,而極於亥。 若西北二邊不動,恐有內盜起於河朔。 宿兼通陰陽五行災異之學,乃上疏曰:「明年 。然陰猶強而未卽伏,陽猶微而不能勝, 又登、萊 宜卽禁

禮也。 之義,當少緩其期法:武吏察其任事與否,勿斷以年;文吏使得自陳而全其節。及言皇祐 初。 新樂與舊樂難並用;禮部間歲一貢士不便,當用三年之制。皆如其言。 時議者謂士大夫言,七十當致仕,其不知止者,請令有司按籍舉行之。宿以爲非優老 皇祐五年正月,會靈宮災,是歲冬至,郊,以三帝並配任。明年大旱,宿言:「五行,火, 去歲火而今又旱,其應在禮,此殆郊丘並配之失也。」卽建言並配非古,宜用迭配如

名。」帝悟,追還使者。 宿請斬以謝河北,仲昌由是南竄。 唐介貶嶺南,帝遣中使護以往。 遷翰林學士,知審官、刑院云。 宿言:「事有不可測,」介如不幸道死,陛下受殺直臣之 **兗國公主下降**,將行册禮。 李仲昌開六塔河,民被害,詔獄薄其 宿諫曰:「陛下昔封兩長

主,未嘗册命,今施之愛女,殆非漢明帝所謂『我子豈得與先帝子等』之義也。」

最後服,故太宗不使列于方鎮,八十年矣,宜如故便。」議遂止。後時秉政,卒復之。 爲仇讎之星。國家受命於商丘,而參爲晉地。今欲崇晉,非國之利也。宋興削平四方,并 知自省,公拒制命,紀綱益廢矣。」拯懼,立遣吏。韓琦守抖州,請復其節鎭。宿言:「參、商 涇州卒以折支不時給,出惡言,且欲相扇爲亂。 既寘于法,乃命劾三司吏。 三司使包

微,而生於所忽。自滋守邊,北人捕魚伐葦,一切禁絕,由此常與鬥爭。南北通好六十載, 仕,未拜而薨,年七十二。贈太子太傅,諡曰文恭 天下幸甚。」宿以老,數乞謝事。治平三年,罷爲觀文殿學士、知杭州。 今搢紳中有恥|燕|薊外屬者,天時人事未至,而妄意難成之福。 願守兩朝法度,以惠養元元, 內外無患,近年邊遽來上,不過侵誣尺寸,此城砦之吏移文足以辨詰,何至於興甲兵哉? 拜樞密副使。曾公亮任雄州,趙滋顓治界河事。宿言於英宗曰:「憂患之來,多藏於隱 明年,以太子少師致

官,有在選中者,嘗監征權,以水災負課。 發亦不可回 宿爲 (人淸謹忠實,內剛外和,群居不譁笑,與人言,必思而後對。 非 居母喪三年,不至私室。 其當重任,尤顧惜大體。 同列謂小累不足白,宿竟白之,而薦其才足用, 在審官、刑院,擇詳議 故臨事 重愼,不輒發,

冀也。」僧歎曰:「子之志,未可量也。」其篤行自勵,至於貴達,常如布衣時。 議官。 善,僧有秘術,能化瓦石爲黃金。且死,將以授宿,使葬之。宿曰:「後事當盡力,他非吾所 仁宗聽納。 宿平生以誠事主,今白首矣,忍以毫髮欺乎?爲之開陳,聽吾君自擇爾。」少與一僧 同列退而銷曰:「公固欲白上,倘緣是不用,奈何?」宿曰:「彼之得否,不過一詳

子宗炎,從子宗愈、宗回。

命,乃相見。 舊制,選人改京官,舉將小絓吏議,輒尼不行。 哲宗崩,遼使來吊祭,宗炎以鴻臚少卿迓境上。使者不易服,宗炎以禮折之,須其聽 宗炎字彥聖,由將作監主簿鎖廳登第。爲國子大宗正丞、開封府推官、考功吏部郎中。 **暨還,升爲卿。** 初,父宿使遼,遼人重之。 宗炎請先引見,俟舉者罪即追止,從之。 其後宗炎壻鄧忠臣迓客,客問:「中

外嘗有充使者否?」忠臣以宿告,且言:「前使鴻臚,其子也。」客歎:「胡氏世不乏人。」俄以

直龍圖閣知潁昌府,歷密州而卒。

宗炎善爲詩,藻思清婉。 歐陽脩守亳,與客游郡圃,或誦其詩,脩賞味不已,以爲有鮑、

謝風致。其重之如此。

〇三六九

列

宗愈字完夫,舉進士甲科、爲光祿丞。 宿得請杭州,英宗問:「子弟誰 可繼者?」以宗愈

對。召試學士院。

令私 願正 言:「唐長 「其罪。」殿帥直廬在長慶門內,久而自置 神宗 人得爲之?萬一凶點者竄名其間,將不 孫無忌不解佩刀入東上閣門,校尉論當死。 <u>V</u>. ,以爲集賢校理。 久之,兼史館檢討,遂同知諫院。修內卒(£) 盜皇城器物,宗愈 ·可悔。 一隸圉。 宗愈曰:「嚴禁族,所以杜姦宄 請易募老卒。」 今禁卒爲盜,而入內都知不能 也。 奈何

絀 定以幕職不因薦得之,是殆一出執政意,卽大臣不法,誰復言之?」蘇碩、李大臨不草制,坐 宗愈又爭之,安石怒,出通判眞州。 王安石用李定爲御史,宗愈言:「御史當用學士及丞、雜論薦,又須官博士、員外郞。 元祐初,進起居郎、中書舍人、給事中、御史中丞。 歷提點河東刑獄、開封府推官、吏部右司 時更定役法,書成,衙校募不足者, 郎 今

聽差入等戶。 宗愈言:「法貴均一,若持兩端,則於文有害。是乃差法,非募法也。 請删之。」

諫議 者愈力。 陛下能擇中立之士而用之,則黨禍熄矣。」明日,具君子無黨論以進。拜尚書右丞。於是 哲宗嘗問朋黨之弊,對曰:「君子指小人爲姦,則小人指君子爲黨。 乃罷爲資政殿學士、知陳州,徙成都府,蜀人安其政。 | 觀論其不當,而劉安世、韓川、孫覺等合攻之,朝廷依違。 踰年,出覿潤州,而言 召爲禮部份書,遷吏部,卒, 君子, 蓋義之與比

東陝西轉運使、東部郎中。 宗回字醇夫,用蔭登第,爲編修敕令官、司農寺幹當公事、京西轉運判官、提點刑獄、京 紹聖初,以直龍圖閣知桂州,進寶文閣待制。 坐繫平民死,降集

宗 种朴往。 路, 於是轉運判官秦希甫言湟、鄯難守,以爲棄之便。 邈川爲湟州。 又遣王愍復至邈川, 懼,自髠爲僧以祈免。 賢殿修撰、知隨州,改秦州 日夜檄趣之,且戒膽曰:「青唐兵甚弱,隴拶稚子,何能爲,而怯懦逗遛,吾將以軍法從事。 棄鄯州,於是任伯雨 加直學士。 先是, |朴言:「賊鋒方銳,且盛寒,宜少緩師。」宗回不聽,督之急。 熙河將王膽下邈川有功, 未幾,屬羌郎阿章叛,拒官軍。 時青唐瞎征內附,而心牟欽氊勒兵立別酋隴拶, 聲言代瞻。 再疏其罪,奪職 王贍怨孫路,因言青唐不煩兵可下。 、慶州,復爲待制 膽懼,乃率步騎掩青唐,據之,隴拶降。 帥孫路 知蘄州 不樂膽,奪其兵與王愍。 宗回遣將王吉、魏釗討之,皆敗死。又遣鈴轄 事下宗回,宗回持不可,希甫罷去。 至,則駐宗哥城不進。 還其地,勢復張。 朴不得已,行,亦敗死。 朝廷知之,以宗回 韶以青唐爲鄯州 宗回怒, 瞎征大 會徽

還,爲待制。 列 僔 第 七 + 歷慶、渭、陳、延、澶州。 七 胡 宿 校 勘 記 兄宗愈入黨籍,宗回亦罷郡。 居亡何,錄其堅守

〇三七二

湟、部之議, 起知秦州 進樞密直學士,徙永興、鄭州、成德軍,復坐事去。 大觀中,卒,贈銀

青光祿大夫。

胡氏自宿始大,及宗愈仍世執政,其後子孫至侍從、九卿者十數,遂爲晉陵名族。

執政。 於死,蘄合上意,以解其責爾。 論曰:張昪淸忠諒直,趙槩雅量過人,胡宿學通天人之奧,攷其立朝大節,皆磊落,爲良 宗愈仍居右轄,而學術視宿則有間矣。 若胡氏之世大也,殆脫萬人于水死,而陰德之所致與。 宗回非邊將材,其守河湟之議,蓋以趣种朴

校勘記

張昇 字輔表 人文集中,所載給張昇的制書都作「昇」;司馬光涑冰紀聞卷三「張昇」條並注說,「昇」字「音 、東都事略卷七一本傳都作「張昪」;和張昪同時的王珪、胡宿、歐陽脩、王安石、蘇轍等 原作「張昇」,他書也有作「張昇」,或說「一作張昇」的。按本書卷一二仁宗紀、卷二一一

今傳影宋本編年綱目卷一五、元刊宋史全文卷九也都作「昪」,長編和宋會要輯稿則「昇」、「昪」 更」, 一本作「音便」,「昇」字無此兩音;本書卷二九一李淑傳、卷三一二韓琦傳等都作「昇」;

互見,而以作「晃」爲多。可見「昇」當以作「昇」爲是。下文同。

(三) 今兩稅鹽錢是也 「錢」原作「鐵」,據本書卷一八一食貨志、蘇軾蘇東坡集後集卷一七張方平墓

誌盆改。

遂有薊門之役 「有」字原脫,「薊門」原作「衡門」,據東都事略卷七四、琬琰集下編卷二〇本傳

改。

魚周 詢 原作「魯周詢」,據本書卷四四二蘇舜欽傅、長編卷一五三改。

至 使 更致新 主像 「主」原作「王」。 按本書都稱契丹主, 上下文及宋會要蕃夷二之一九也都作

(子) 英宗 原作 「英帝」,據東都事略卷七一本傳改。

(4) 以三帝並蹈 「三帝」原作「二帝」,據長編卷一七六改。 東都事略卷七一本傳作「三聖並配」,義

與此同

こ こ 知審官刑院 「密官制院」之名。 原作「知審官制院」,按本書卷一六三職官志,吏部有審官院,刑部有審刑院,並無 歐陽修歐陽文忠公文集卷三四胡宿墓誌說他曾知審刑院, 下文又有一在審

, た し 修內卒 第 七 十 東都事略卷七一本傳作「殿內卒」。 七 校 勘 記

官、刑院」語,「制」字當爲「刑」字之訛,據改。

列

光灵卷三百一十九

列傳第七十八

歐陽脩 子發 棐 劉敞 弟攽 子奉世 曾鞏 弟肇

歐陽脩字永叔,廬陵人。 四歲而孤,母鄭,守節自誓, 親誨之學,家貧, 至以荻畫地學

書。幼敏悟過人,讀書輒成誦。及冠,嶷然有聲。

弱。 宋興且 蘇舜元舜欽、柳開、穆脩輩、咸有意作而張之,而力不足。 百年,而文章體裁,循仍五季餘習。 鏤刻駢偶, 淟涊弗振, 脩游隨,得唐韓愈遺稿於廢 士因陋守舊,論· 卑氣

書簏中,讀而心慕焉。 苦志探賾,至忘寢食,必欲抖轡絕馳而追與之並。

友, 與梅堯臣游,爲歌詩相倡和,遂以 舉進士,試南宮第一,擢甲科,調西京推官。 文章名冠天下。 始從尹洙游,爲古文,議論當世事,迭相師 入朝,爲館閣校勘。

范仲淹以言事貶, 在廷多論救, 司諫高若訥獨以爲當黜。 脩貽書責之,謂其不復知人

列傳

間 榋 |脩 羞 笑 恥 而 事 辭 若 曰:「昔者之舉 訥 上 其 書, 坐 | 貶夷陵令,稍徙乾德令、武成節 豈以爲 已利 议? 同其退 不同其進 度判官。 可 也。」久之, 仲淹 使 復校勘 陝西 「, 辟 掌 進 書

賢校理。慶曆三年,知諫院。

帝分別言之。

中。 時 每 仁宗 進見,帝延問執政,咨所宜行。 更用大臣, 杜衍、 富 丽 韓琦、范仲淹皆在位,增諫 旣 多所張弛,小人翕翕不便。 官 員, 用天下名士, 脩慮善人必不勝 脩首 少數爲 在 選

矣,而 不厭 朋。 臣謂 爲朋者,僞也。 論 起, 放故也。 君 小人無朋,惟君子則有之。 初,范仲淹之貶饒州也,脩與尹洙、余靖皆以直仲淹見逐, 紂 則 脩乃爲朋黨論以進。 子 用以亡。 同 則不然,所守者道義,所行者忠信,所惜者名節。 小 故 而共濟,終始 為 及其見利而爭先,或利盡而反相賊害,雖兄弟親戚,不能 君 武王有臣三千,惟一心, 但當退小人之僞朋,用君子之眞朋,則天下治矣。」 如一、故曰:惟君子則有朋。 其略曰:「君子以同道爲朋, 小人所好者利祿,所貪者財貨,當其同利之時 可謂 大 八朋矣, m 紂有臣億萬, 小人以同利爲朋,此 周 以之修身, 用 目之日 以 興。 「黨人」。 惟億萬 則 盏 同道 相保,故曰小人無 君子之朋,雖 心, 而相益 ',暫相黨引以 自然之理 自是,朋黨之 口 謂 以之 多而 朋

論 事 切直,人視之如仇,帝獨獎其敢言,面賜五品服。 顧侍臣曰:「如歐陽脩者,何處

|脩

得來?」同修起居注,遂知制誥。 故事,必試而后命,帝知脩,詔特除之。

於策為 河 有。」朝 內 那 奉 便。」 使 `廷下其議,久乃行,歲得粟數百萬斛。 縣,民皆不安居矣。 河東。 由是州得存。 自西方用兵,議者欲廢麟州以省餽餉。 不若分其兵,駐並河內諸堡,緩急得以應援, 又言:「忻、代、岢嵐多禁地廢田,願令民得耕之,不然,將爲敵 凡河東賦斂過重民所不堪者,奏罷十數事 脩曰:「鱗州天險不可廢,廢之,則 而平時可省轉輸

始亂 命,脫一 所 間。」賊平,大將 日 誅 欲 之, 使 也,招以不 還,會保州兵亂,以爲龍圖閣直學士、河北都轉運使。 郡不從,爲 與脩 言之。」對曰:「臣在諫職得論事,今越職而言,罪也。」帝曰:「第言之,毋以中外爲 逃於內黃 死,既 李昭亮、通判馮博文私納婦女,脩捕博文緊獄,昭亮懼,立出所納婦。 變不 而皆殺之,脅從二千人,分隸諮 細。」弼悟而 夜半,屛人告之故。 止 M日:「禍莫大於殺已降, 况脅從乎? 既非朝 郡。 富 丽 陛辭,帝曰:「勿爲久留計,有 爲宣撫使,恐後生變,將使 兵之 同

指爲朋 有 可用之賢,而 方是時, 欲盡 黨、欲動搖 去之, 杜衍等相繼以黨議 大臣 不聞其有 則善人少過, 難爲一一求瑕, 唯指以爲黨, ·, 必 須 可罷之罪。 誣 以顓權,其故 罷去,脩慨然上疏曰:「杜衍、韓琦、范仲淹、富弼,天下 自 l 古小 何 也? 人讒害忠賢, 去 善人, 其說不 則可 而 衆善人 一時盡 遠。 倘 欲 逐。 廣 在. 陷良善, 至 則 如自古人 未爲 不 · 皆知 小 過

列

傳

皆怨怒,潛之,出知同州,帝納吳充言而止。 州 相賀於外,臣爲朝廷惜之。」於是邪黨益忌脩, 朝 居二年,徙揚州、潁州。 学不 帝見其髮白,問勞甚 主 知 所忌,謀臣不 m 蒙信 任, 則 、難 以 ·用,敵國之福 三至。小人畏脩復用,有詐爲脩奏, 復學士,留守南京,以母 他事 動搖,唯有顓權是上之所惡, 也。 今此 因 遷翰林學士,俾修唐書。 其孤 四 人 、甥張氏 憂去。 旦罷 獄 服除,召判流 去, 傅 乞澄汰 致以罪, 而 必 使 須 内侍為 羣 此 奉使契丹,其主命貴 邪 說,方可 內銓,時 左 相賀 遷 姦 知 利 於 制 傾之。 在外 內, 誥、 四 + -其 知 ĪĘ, 滁 夷

知 事,向 祐二年貢舉。 ·之囂薄者伺脩出,聚譟於馬首,街邏不能制;然場屋之習,從是遂 時士子尙爲險怪奇澀之文,號「太學體」,脩痛排抑之, 凡如 是者輒

非不能 脩以 臣四 棣、德、博必被其害。 北 改 京 氢 牧使 人押宴,日:「此非常制,以卿名重故爾。」 加 留守賈 力復, 河河 鮨 圖 水 閣學士、知開封府,承包拯威嚴之後,簡易循理,不求赫赫名,京師亦治。 昌朝欲開橫壠故道,回 唐書成,拜禮部侍郎 但勢不 重 濁 能久耳。 理無不淤,下流旣淤,上流必決。以近事驗之,決河非不能力塞,故道 不若因水所趨,增隄峻防,疏其下流,縱使入海,此數十年之利也。」字 横壠 兼翰林侍讀學士。 脩在翰林八年,知無不言。 河使東流。 功大難成,雖成將復決。 有李仲昌者,欲導入六塔河,議者莫知所從。 六塔狹小,而以全河注之,濱、 河決商 旬月, 切

相陳執中主昌朝,文彥博主仲昌,竟爲河北惠。

亂,宗社遂覆。陛下何疑而久不定乎?」其後建立英宗,蓋原於此。 羣臣之言,卽立太子,而享國長久,爲漢太宗。唐明宗惡人言儲嗣事,不肯早定,致秦王之 終,遂罷知陳州。脩嘗因水災上疏曰:「陛下臨御三紀,而儲宮未建。 累」。未幾,執中罷。一狄青爲樞密使,有威名,帝不豫,訛言籍籍, 臺諫論執中過惡,而執中猶遷延固位。脩上疏,以爲「陛下拒忠言,庇愚相,爲聖德之 **脩**請出之於外, 昔漢文帝初卽位,以 以保其

在位 下。昔温成之寵,太后處之裕如;今母子之間,反不能容邪?」太后意稍和,脩復曰:「仁宗 韓琦等協定大議,語在琦傳。英宗以疾未親政,皇太后垂簾,左右交構,幾成嫌隙。韓琦奏 兵民、官吏、財利之要,中書所當知者,集爲總目,遇事不復求之有司。時東宮猶未定,與 事,太后泣語之故。琦以帝疾爲解,太后意不釋,脩進曰:「太后事仁宗數十年,仁德著於天 少、地理遠近,更爲圖籍。凡邊防久缺屯戍者,必加蒐補。其在政府,與韓琦同心輔政。凡 六書生耳,非仁宗遺意,天下誰肯聽從。」太后默然,久之而罷。 l久,德澤在人。 故一日晏駕,天下奉戴嗣君,無一人敢異同者。 今太后一婦人,臣等五 五年,拜樞密副使。六年,參知政事。脩在兵府,與曾公亮考天下兵數及三路屯戍多

脩平生與人盡言無所隱。 及執政, 士大夫有所干請, 輒面諭可否, 雖臺諫官論事, 亦

轉達 道。 太 求 孫 爲姦邪。 於是御史呂海等詆脩主此議,爭論不已,皆被逐。 名不可沒也。 必以是非詰之,以是怨誹益衆。 ^{〈原府。} 退, 思恭,思恭爲辨釋,脩杜門請推治。 於中丞彭思永,思永以告之奇,之奇卽上章劾脩。 故中書之議,不與衆同。」太后出手書,許帝稱親,尊王爲皇,三夫人爲后。 謟 爲觀文殿學士、刑部尙書、知亳州。 之奇患之,則思所以自解。 辭不拜,徙蔡州 若本生之親,改稱皇伯,歷考前世,皆無典據。 帝將追崇濮王,命有司議,皆謂當稱皇伯,改封 脩婦弟薛宗孺有憾於脩,造惟薄不根之謗摧辱之,展 帝使詰思永、之奇,問所從來,辭窮,皆坐黜。 明年,遷兵部尙書、知青州, 惟蔣之奇之說合脩意,脩薦爲御史,衆目 神宗初即位,欲深譴脩。 進封大國,則又禮無加爵之 改宣徽南院使、判 大國。 帝不敢當。 訪故宮臣 | 脩亦力 미 降而 脩引

止 散 青 |脩 以 苗錢,爲 風節自持, 既數被汙衊, 年六十, 卽連乞謝事, 帝輒優韶弗許。 安石所詆,故求歸愈切。 熙寧四年,以太子少師致仕。 五 年,卒,赠太子太 及守青州,又以請

師

諡

日文忠

顧 |脩 放逐流離,至于再三,志氣自若也。 始 在 滁 州,號醉翁,晚更號六一居士。 方貶,夷陵時,無以自造,因取舊案反覆觀之,見其 天資剛勁,見義 勇爲,雖機穽 在前, 觸 發之不

郡,不見治迹,不求聲譽,寬簡而不擾,故所至民便之。 也。 也?」曰:「以縱爲寬,以略爲簡,則政事弛廢,而民受其弊。 l乖錯不可勝數,於是仰天歎曰:「以荒遠小邑,且如此,天下固可知。」自爾,遇事不敢忽 學者求見,所與言,未嘗及文章,惟談吏事,謂文章止於潤身,政事可以及物。 或問:「爲政寬簡,而事 吾所謂寬者,不爲苛急; 不弛廢, 凡歷數 簡者, 何

王安石 然獨鶩,衆莫能及,故天下翕然師尊之。 服之終身 夫常求其生,猶失之死,而世常求其死也。』其平居教他子弟,常用此語,吾耳熟焉。」**脩**聞而 爲文天才自然,豐約中度。 、蘇洵、洵子軾轍,布衣屛處,未爲人知,脩即游其聲譽,謂必顯於世。 其言簡而明,信而通,引物連類,折之於至理,以服人心。超 獎引後進,如恐不及,賞識之下,率爲聞人。 **篤於朋友**,生 曾鞏、

『死獄也,我求其生,不得爾。』吾曰:『生可求乎?』曰:『求其生而不得,則死者與我皆無恨。

不爲繁碎耳。」脩幼失父,母嘗謂曰:「汝父爲吏,常夜燭治官書,屢廢而歎。

吾問之,則日.

敍其文曰:「論大道似韓愈,論事似陸贄,記事似司馬遷,詩賦似李白。」識者以爲知言。 表證,謂之集古錄。 好古嗜學,凡周、漢以降金石遺文、斷編殘簡,一切掇拾,研稽異同,立說於左,的的 奉韶修唐書紀、志、表,自撰五代史記,法嚴詞約,多取春秋遺旨。 蘇軾 口

則振掖之,死則調護其家。

列傳

議。 簿,賜進士出 自 子發字伯和,少好學,師事安定胡瑗,得古樂鍾律之說,不治科舉文詞,獨探古始立論 書契以來, 身, 累遷殿中丞。 君臣世系, 制度文物,旁及天文、地理,靡不悉究。 卒,年四十六。 蘇軾哭之,以謂廢得文忠公之學,漢伯喈、晉 以父恩, 補將作監 主

直祕閣 茂先之流也。 佐吏憚使者,不敢以詔旨從事。 而有天荒乎?」卻之。衆共白曰:「愚橫於漢南久,今求地而緩與之,且不可,而又可卻邪?」 敢誰何。 親老不仕。 員外郎、知襄州。 「兒異日能爲吾此賦否?」因書以遺之。 中子、集字叔弼、廣覽強記、能文詞。 知蔡州。 至是,指州門東偏官邸廢址爲天荒,請之。吏具成牘至,裴曰:「孰謂州門之東偏 脩卒,代草遺表,神宗讀而愛之,意脩自作也。 泰怒,潛於市,徙知潞州,旋又罷去。 蔡地薄賦重,轉運使又爲覆折之令,多取於民,民不堪命。 曾布執政,其婦兄魏泰倚聲勢來居襄,規占公私 集日:「州郡之於民, 韶令苟有未便, 猶將建請。 用蔭,爲秘書省正字,登進士乙科,調陳州判官,以 年十三時,見脩著鳴蟬賦,侍側不去。 元符末,還朝。 服除,始爲審官主簿, 田園,強市民貨,郡縣莫 歷吏部、右司二郎中,以 會有詔禁止,而 脩撫之日 今天子詔 累遷職方

黨籍廢,十餘年卒。 意深厚,知覆折之病民,手詔止之。 若有憚而不行,何以爲長吏?」命卽日行之。 未幾,坐

起之。 有先王之遺烈。 論曰:三代而降,薄乎凑、漢,文章雖與時盛衰,而藹如其言,曄如其光,皦如其音,蓋均 挽百川之頹波,息千古之邪說,使斯文之正氣,可以羽翼大道,扶持人心,此兩人之 |愈不獲用,|脩用矣,亦弗克究其所爲,可爲世道惜也哉! 涉晉、魏而弊,至唐韓愈氏振起之。 唐之文,涉五季而弊,至宋歐陽脩 又振

自列,乃以爲第二。通判蔡州,直集賢院,判尙書考功。 劉敞字原父,臨江新喩人。舉慶曆進士,廷試第一。 編排官王堯臣,其內兄也,以親嫌

儒學滿朝,辨論有餘,而使若趙談者參之,臣懼爲袁盎笑也。」權度支判官,徙三司使。 **侵臣官。」疏三上,改諡文莊。方議定大樂,使中貴人參其間。|僘諫曰:「王事莫重於樂。今** 夏竦薨,賜謚文正。敞言:「謚者,有司之事,竦行不應法。今百司各得守其職,而陛下

秦州與羌人爭古渭地。 仁宗問敞:「棄守敦便?」敞日:「若新城可以磁案州,長無羌人

列

財困民,捐士卒之命以規小利,使曲 傾 或 守 焉 印 也。 或地形險利,賊乘之以擾我邊鄙,傾國爭焉 在 中國,非計也。」議者多不同,秦州 可也。 自是多事 今何 所 重輕,而彈

| 応 以 聽。 恐感動陰陽,有日食、地震、風霾之異。」已而果然。因勸帝收攬威權,無使聰明蔽塞, 太直,不相容耳。」敞曰:「陛下寬仁好諫,而中書乃排逐言者,是蔽君之明,止君之善也。 宦者石全彬領觀察使,意不愜,有愠言,居三日爲眞,敞封還除書,不草制 典禮得罪,馮京救之,亦罷近職。 温 一成后 帝深納之,以同修起居注。未一月,擢知制誥。 追册,有佞人獻議,求立忌。 敞因對極論之。帝曰:「虎能官,原亦亡它,中書惡其 敞曰:「豈可以私昵之故,變古越禮乎?」 宰相陳執中惡其斥己,沮止之,帝不 乃止。 以消 臣

還,求 問職。 |敞質譯人曰:「自||松亭趨||柳河,甚徑且易,不數日可抵||中京,何爲故道此?」譯相顧 率使契丹,素習知山川道徑,契丹導之行,自古北口至柳河,回屈殆千里,欲夸示險遠。 知場州 敞曰:「此所謂駮也。」爲說其音聲形狀,且誦山海經、管子書曉之,契丹益歎服。 但通好以來,置驛如是,不敢變也。」順州山中有異獸,如馬而食虎豹,契丹不能 駭愧曰: 使

不豫,人心動搖,靑益不自安。 狄 (青起行伍為樞密使,每出入,小民輒聚觀,至相與推誦其拳勇,至壅馬足不得行。 敞辭赴郡,爲帝言曰:「陛下幸愛情,不如出之,以全其終。」

帝額之,使出諭中書,青迺去位。

致益牢。 殺人,旣具獄,僘見而察其冤,甲畏吏,不敢自直。 決不可漕,州復用爲田。 **揚之雷塘,漢雷陂也,舊爲民田。** 將論囚,敞曰:「寃也。」親按問之。 敞據唐舊券,悉用還民,發運使爭之,敞卒以予民。 | 天長縣鞫王甲 其後官取瀦水而不償以它田,主皆失業。 甲知能爲己直,乃敢告,蓋殺人者,富人陳氏 敞以委戶曹杜誘,誘不能有所平反,而傅 然塘亦破

往訪之,故在。 道中,遺一囊錢,人莫敢取,以告里長,里長爲守視,客還,取得之。 徙剛州,剛比易守,政不治,市邑攘斂公行。 先是,久旱,地多蝗。 敞至而雨,蝗出境。 敞決獄訟,明賞罰,境內肅然。 又有暮遺物市中者,且 客行壽張

心

相傳以爲神明。

格,樞密院不肯行,敞力爭之,詔以其章下府,著爲令。 問何以不經審訊。 召糾察在京刑獄。營卒桑達等醉鬥,指斥乘輿。 府報曰:「近例,凡聖旨及中書、樞密所鞫獄,皆不慮問。」敞奏請一準近 皇城使捕送開封,棄達市。 敞移府,

命,深自挹損,豈可於此時迺以虛名爲累。」帝覽奏,顧侍臣曰:「我意本謂當爾。」遂不受。 今復加數字,不足盡聖德,而前美並棄,誠可惜也。 嘉祐祫享,羣臣上尊號,宰相請撰表。 敞說止不得,乃上疏曰:「陛下不受徽號且二十 今歲以來,頗有災異,正當寅畏天

期違古畔道,學非而博,王制之所必誅,未使即少正卯之刑,已幸矣,又何賞焉。 蜀 人龍昌期著書傳經,以詭僻惑衆。文彥博薦諸朝,賜五品服。 敞與歐陽脩俱曰:「昌 乞追還詔

書,毋使有識之士,窺朝廷深淺。」昌期聞之,懼不敢受賜。

院,偉卽變前獄,至于四五,卒之付御史決。 年,持府縣短長,數犯法。|敞窮治其事,偉伏罪,長安中讙喜。未及受刑,敞召還,判三班 敞以議論與衆忤,求知永興軍,拜翰林侍讀學士。大姓范偉爲姦利,冒同姓戶籍五十

少間,復求外,以爲汝州,旋改集賢院學士、判南京御史臺。熙寧元年,卒,年五十。 有他道,惟孝友之德,光于上下耳。」帝竦體改容,知其以義理諷也。皇太后聞之,亦大喜。 進讀史記,至燒授舜以天下,拱而言曰:「舜至側微也,燒禪之以位,天地享之,百姓戴之,非 積苦眩瞀,**屢予告。帝固重其才,每燕見他學士,必問**做安否,帝食新橙,命賜之。疾 |敞侍||英宗講讀,每指事據經,因以諷諫。 時兩宮方有小人間言,諫者或訐而過直。

皆案而讀之,因以考知三代制度,尤珍惜之。每曰:「我死,子孫以此蒸嘗我。」朝廷每有禮 盛,當有興於齊者。」歲餘而英宗以齊州防禦使入承大統。嘗得先秦彝鼎數十,銘識奇奧, 曰:「此於法當得土,不然,則生女。」後數月,兩公主生。 又曰:「歲星往來虛、危間,色甚明 敞學問淵博,自佛老、卜筮、天文、方藥、山經、地志,皆究知大略。 嘗夜視鎭星,謂人

樂之事,必就其家以取決焉。爲文尤瞻敏。掌外制時,將下直,會追封王、主九人,立馬却 坐,頃之,九制成。歐陽脩每於書有疑,折簡來問,對其使揮筆,答之不停手,脩服其博。 於春秋,爲書四十卷,行於時。弟攽,子奉世。

史中丞王陶有夙憾,率侍御史蘇宋共排之,败官已員外郎,纔得館閣校勘。 歐陽脩、趙槩薦試館職,御 熙寧中,判尙書

祖。 宜崇德昭、德芳之後,世世勿降爵,宗廟祭祀,使之在位,則所以褒揚藝祖者著矣。」後 詔封太祖諸孫行尊者爲王〔三〕,奉太祖後。 傚言:「禮,諸侯不得祖天子,當自奉其國之

考功、同知太常禮院。

二王紹封,如攽議。

未嘗得人,不亦誣哉。 方更學校貢舉法, 败曰: 「本朝選士之制, 行之百年, 累代將相名卿, 皆由此出, 而以爲 願因舊貫,毋輕議改法。夫士修於家,足以成德,亦何待於學官程課

督趣之哉。」

君使之坐,所以示人主尊德樂道也;若不命而請,則異矣。」禮官皆同其議,至今仍之。考 王安石在經筵,乞講者坐。 **攽曰:「侍臣講論於前,不可安坐,避席立語,乃古今常禮。**

運使。 試開 時者 過, 財賦,迺追坐放廢弛,黜監衡州鹽倉。 曰:「民不畏死,奈何以死懼之。」至,則治尙寬平,盜亦衰息。 斥通判泰州,以集賢校理、判登聞檢院、戶部 在 封 學人, 「高等,計直者反居下。 部吏罷軟不逮者,務全安之。 與同院王介爭詈,爲監察御史所劾罷。 **攽覆考,悉反之。** 徙知克、亳二州。 判官知曹州。 又嘗詒安石書, 禮院廷試始用策,初,考官呂惠卿列阿 吳居厚代爲轉運使,能奉行法令,致 爲開封府判官,復出爲京東 **曹爲盜區**, 論新法不 便。 重法不能 安石怒摭 止。 轉 攽 前

起,年六十七 胡宗愈、中書舍人蘇軾范百祿言:「攽博記能文章,政事作古循吏,身兼數器, 優賜之告,使留京師。」至|蔡數月,召拜中書舍人。 哲宗初,起知襄州。 人爲秘書少監,以疾求去,加直龍圖閣、知蔡州。 作東漢刊誤,爲人所稱。 請復舊制, 預司馬光修資治通鑑,專職漢史。 建紫微閣於西省。 於是給事 守道 竟以疾不 不回 中孫覺 宜

爲 人疎傷,不修威儀,喜諧謔,數用以招怨悔,終不能改。

奉世 字仲馮,天資簡重,有法度。 中進士第。 熙寧三年,初置樞密院諸房檢詳文字,以

太子中允居吏房。

爲家書,以入郵置。 <u>竇革〔5〕以白奉世,奉世日:「君自以法從事,毋庸白。」後蔡確以是文致奉世罪,謫降蔡州糧</u> 集賢校理、檢正中書戶房公事,改刑房,進直史館、國史院編修官。 先是,進奏院每五日具定本報狀,上樞密院,然後傳之四方。 奉世乞革定本,去實封,但以通函騰報。 從之。 而邸吏輒先期報下,或矯 神宗稱其奉職不苟,加 大理治相州獄,詳斷官

之。 帝謂有近例,奉世曰:「雖有近例,奈人不可戶曉,顧以率先施行爲非耳。」帝爲反命。 七年,拜樞密直學士,簽書院事。 元祐初,歷度支左司郎中、起居郎、天章閣待制、樞密都承旨、戶部吏部侍郎、權戶部尙 哲宗親政,用二內侍爲押班,中書舍人呂希純封還

料院(目)。

久之,爲吏部員外郎。

旣而章惇當國,奉世乞冤去。

見。」遂不許。 邪之狀。 紹聖元年,以端明殿學士知成德軍,改定州。 帝將聽其來,曾布曰:「元祐變先朝法,無一當者,奉世有力焉,最爲漏網, 明年,責光祿少卿,分司南京,居郴州 踰年,知成都府。 御史中丞邢恕劾奉世合劉擊傾害大 過都入覲,欲述朋黨傾 恐不足

臣、附呂大防、蘇轍、遂登政府、再貶隰州團練副使。

政和三年,復端明殿學士。 徽宗立,盡還其官職,知定州、大名府、鄆州。 薨,年七十三。 |崇寧初,再奪職,責居)が、克,以赦得歸。

列

傳

第七

十八

劉敞

歪

土 一大夫公論而已。 奉 世 優於吏治,尙安靜,文詞雅膽,最精漢書學。常云:「家世唯知事君,內省不愧,恃 得喪,常理也,譬如寒暑加人,雖善攝生者不能無病,正須安以處之。」

筆而成,辭甚偉。 曾鞏字子固,建昌南豐人。生而警敏,讀書數百言,脫口輒誦。 甫冠,名聞四方。歐陽脩見其文,奇之。 年十二,試作六論,援

粟,不出田里,而食有餘。又貸之種糧,使隨秋賦以償,農事不乏。 夢者志於多入,獨責賦如初。鞏訪得其狀,立罷之。歲飢,度常平不足贍,而田野之民,不 能皆至城邑。 實錄檢討官。 中嘉祐二年進士第。 。出通判越州,州舊取酒場錢給募牙前,錢不足,賦諸鄕戶,期七年止, 諭告屬縣,諷富人自實粟,總十五萬石,視常平價稍增以予民。民得從便受 調太平州司法參軍,召編校史館書籍,遷館閣校勘、集賢校理,爲 期盡,

得盜。 器上僭,力能動權豪,州縣吏莫敢詰,澤取寘於法。章丘民聚黨村落間,號「霸王社」,椎剽 奪囚,無不如志。 鞏配三十一人,又屬民爲保伍,使幾察其出入,有盜則鳴鼓相援,每發輒 知齊州,其治以疾姦急盜爲本。曲堤周氏擁貲雄里中,子高橫縱,賊良民,汙婦女,服 有葛友者,名在捕中,一日,自出首。鞏飲食冠裳之,假以騎從,輦所購金帛隨之,夸

徇 四境。 盜聞,多出自首。 鞏外視章顯,實欲攜貳其徒,使之不能復合也。 自是外戶不閉。

mî 取 河 一,省費數倍。 北發民濬河,調及它路,齊當給夫二萬。 又弛無名渡錢,爲橋以濟往來。 縣初按籍三丁出夫一,鞏括其隱漏,至於九 徙傳舍,自長淸抵博州,以達于魏,凡

省六驛,人皆以爲利

他吏暴誅 官舍,資其食飲衣衾之具,分醫視診,書其全失、多寡爲殿最。 徙襄州、洪州。會江西歲大疫,鞏命縣鎭亭傳,悉儲藥待求。軍民不能自養者,來食息 **亟斂**,民不堪。 澤先期區處猝集,師去,市里不知。 加直龍圖閣、知福州 師征安南,所過州爲萬人備。

州無職田,歲鬻園蔬收其直,自入常三四十萬。 行。 居 人慴恐。 聲俾其徒相推擇,識諸籍,以次補之。 南 .劍將樂盜廖恩(E)旣赦罪出降,餘衆潰復合,陰相結附,旁連數州,尤桀者呼之不至, 鞏以計羅致之,繼自歸者二百輩。 授帖於府庭,却其私謝,以絕左右徼求之弊。 福多佛寺,僧利其富饒,爭欲爲主守,財請公 後至 福

如也。 要,世之言理財者,未有及此。」帝以三朝、兩朝國史各自爲書,將合而爲一,加鞏史館修撰, 徙明、亳、滄三州。 過闕,神宗召見,勞問甚寵,遂留判三班院。上疏議經費,帝曰:「躍以節用爲理財之 **|鞏負才名,久外徙,世頗謂偃蹇不偶。** 一時後生輩鋒出,鞏視之泊

·亦不復取也。

列傳

新,除書日至 專典之, 不以大臣監總, 旣而不克成。 至是特屬之。 十數,人人舉其職,於訓辭典約 甫數月,丁母艱去。 又數月而卒,年六十五 會官制行, 拜中書舍人。時自三省百職事, 流盡。 尋掌延安郡王牋奏。 故事命翰林學士, 選授一

不如政事,政事不如文章,以是不大用云。弟市,自有傳。 曰:「臣所謂吝者,謂其勇於有爲, 何 少與王安石游,安石聲譽未振,鞏導之於歐陽脩,及安石得志,遂與之異。 文章,上下馳騁,愈出而愈工,本原六經,斟酌於司馬遷、韓愈,一時工作文詞者,鮮能過也。 .如人?」對曰:「安石文學行義,不減<u>揚</u>雄,以吝故不及。」帝曰:「安石輕富貴, **。** 鞏性孝友,父亡,奉繼母益至,撫四弟、九妹於委廢單弱之中,宦學昏嫁,一出其力。 **吝於改過耳。」帝然之。** 呂公著嘗告神宗,以鞏爲人行義 幼弟肇。 神宗嘗問:「安石 何吝也?」 爲

親 同 祠 知太常禮院。太常自康以來,禮文殘缺,先儒各以臆說,無所稽據。 皇地祇於北郊,蓋自肇發之,異論莫能奪其議。 肇字子開,舉進士,調黃巖簿,用薦爲鄭州教授,擢崇文校書、館閣校勘兼國子監 肇在職, 多所釐正。 直講、

兄市以論市易事被責,亦奪肇主判。 滯於館下,又多希旨窺伺者,衆皆危之,聲恬然無

愠。

曾公亮薨,肇狀其行,神宗覽而嘉之。 遷國史編修官,進吏部郎中,遷右司,爲神宗實

錄檢討。远酤初,擢起居舍人。未幾,爲中書舍人。

人不見容,吾輩不可居此矣。」力爲之言,乃得釋。 論葉康直知秦州不當,執政訝不先白,御史因攻之。 肇求去,范純仁語於朝日:「若善

臣,寄耳目於臺諫,二者相須,闕一不可。今覿論執政卽去之,是愛腹心而塗耳目也。」帝 非,不可以疑似逐。」不草制。諫議大夫王覿,以論胡宗愈,出守潤,肇言:「陛下寄腹心於大 門下侍郎韓維奏范百祿事, 太皇太后以爲讒毀,出守鄧。 肇言:「維為朝廷辨邪正是

悟,加覿直龍圖閣。

德愈尊矣。」坤成節上壽,議令百官班崇政。 肇又言:「天聖三年,近臣班殿廷,百官止請內 時特下詔揚帝孝敬之誠,而固執謙德,屈從天聖兩制之議,止於崇政,則帝孝愈顯,太皇之 焉,此蓋一時之制。今帝述仁宗故事,以極崇奉孝敬之誠,可謂至矣。臣竊謂太皇當於此 東門拜表。 太皇受册,詔遵章獻故事,御文德殿。肇言:「天聖初,兩制定議受册崇政,仁宗特改 至九年,始御會慶。今太皇盛德,不肯自同章獻,宜如三年之制。」並從之。

乃相與飲食燕樂,恐無以消復天變。」翼日,有旨罷宴。蔡確貶新州,肇先與汝礪相約極論。

四年,春旱,有司猶講春宴。肇同彭汝礪上疏曰:「天菑方作,正君臣側身畏懼之時。

列

會除給事中, 汝礪獨封還制書,言者謂肇賣友,略不自辨。 以寶文閣待制知潁州,徙鄧齊陳

州、應天府。

祭天地,乃自劾,改刑部。 矣。」貴近惡其語,出知瀛州,與兄市易地。 信端 趣入對。 良之士,寘諸近班,以參謀議,備顧問。 歷泰州、海州。 七年,入爲吏部侍郎。 肇言:「人主雖有自然之聖質,必賴左右前後得人,以爲立政之本。 徽宗卽位,復召爲中書舍人。 請不已,出知徐州,徙江寧府。 峰在禮院時,啓親祠北郊之議。 時方治實錄譏訕罪,降爲滁州。 與夫深處法宮,親近暬御,其損益相去 帝親政,更用舊臣,數稱峰議 是歲當郊,肇堅抗前說,旣 宜於此 稍復集賢殿修 時 台萬萬 選忠 而合

帝不 謂 愴。 弭朋黨 元 祐 遷 日 "; 須 翰 食四 紹聖,均爲有失,兄亦傳帝命,使肇作詔諭天下。肇見帝言:「陛下思建皇極,以消 元祐 林學士兼侍讀。 先 [月朔,當降詔求言。]肇具述帝旨,詔下,投匭者如織。 (分別君子小人,賞善罰惡,不可 臣僚被譴者,咸以赦恩甄敍。肇請倂錄死者,作訓詞,哀厚惻怛,讀者爲之感 一弟草兄制,唯韓維 諫官陳瓘、給事中襲原以言得罪,無敢救,肇極力論解。 與肇,爲衣冠榮。 '偏廢。」開說備至。已而詔從中出。 章惇惡之,欲因事去肇, 布之拜相, 時論 者

建中靖國元年,太史奏日又當食四月。 肇請對言:「比歲日食正陽,咎異章著。 陛下簡

肇適當

制,

國

朝

學士

有未當。 儉清淨之化,或衰於前;聲色服玩之好,或萌於心;忠邪賢不肖,或有未辨;賞慶刑威,或 左右阿諛,壅蔽矯舉,民寃失職,鬱不得伸。 此宜反覆循省,痛自克責,以塞天

變。」言發涕下,帝悚然順納。

年,歸潤而卒,年六十一。

應天府、楊定二州。 兄布在相位,引故事避禁職,拜龍圖閣學士、提舉中太一宮。 崇寧初,落職,謫知和州,徙岳州,繼貶濮州團練副使,安置汀州。 未幾,出知陳州,歷太原、 几

足以兼二人,可不深慮。」市不能從。 皆前日事惇、十者。 惇、卞復起之萌。 韓忠彥並相,日夕傾危之。擊旣居外,移書告之曰:「兄方得君,當引用善人,翊正道,以杜 小人道長。 自熙寧以來四十年,大臣更用事,邪正相軋,黨論屢起,肇身更其間,數不合。 進則必論元祐人於帝前,退則盡排元祐者於要路。異時惇、下縱未至,一蔡京 而數月以來,所謂端人吉士,繼迹去朝,所進以爲輔佐、侍從、臺諫,往往 。一旦勢異今日,必首引之以爲固位計,思之可爲慟哭。比來主意已移, 未幾,原得政,布與肇俱不免。 兄布與

政。 紹興初,諡曰文昭。 肇天資仁厚,而容貌端嚴。自少力學,博覽經傳,爲文温潤有法。 子統,至左諫議大夫。 更十一州,類多善

其能,若劉氏、曾氏之家學,蓋有兩漢之風焉。 奥而 臣下之官,及奉詔定樂,中貴預列,又諫曰:「臣懼爲袁盎所笑。」此豈事君爲容悅者哉。 雖疎偽,文埓於敞。 不晦,卓然自成一家,可謂難矣。 諭 劉敞博學雄文,鄰於邃古,其爲考功,仁宗賜夏竦諡,上疏爭之,以爲人主不可侵 奉世克肖,世稱「三劉」。曾鞏立言於歐陽脩、王安石間,紆徐而不煩,簡 肇以儒者而有能吏之才。宋之中葉,文學法理,咸精 攽

校勘記

- 爲其父母報 「報」原作「服」,據歐陽修歐陽文忠公文集卷一二三濮議箚子一首、儀禮喪服傳改。
- 3 諸孫行尊者爲王 籍,以屬近而行尊者一人,裂土而王之。」即紀此事。東都事略卷七六劉攽傳正作「王」,據 「王」原作「主」,按本書卷二四四秦王德芳傳:「乃下詔令中書門下考太祖之 改。
- 本書卷三五五、東都事略卷九九上官均傳作「竇莘」。長編卷二八七、宋會要職官六六之
- 蔡州糧料院 長編卷二九〇、宋倉要職官六六之三都作「陳州糧料院」。

EEI C

三作「竇苹」。

補改。

ना जा 南劍將樂盜廖恩 「南」字原脫,「恩」原作「思」。據會鞏元豐類稿附錄會鞏墓誌、長編卷二八三

宋史卷三百二十

列傳第七十九

蔡襄 呂溱 王素 從子靖 從孫震 余 靖 彭思永 張存

臣恐邪人不利,必造爲禦之之說。其禦之之說不過有三,臣請爲陛下辨之。一曰好名。夫 忠臣引君當道,論事唯恐不至,若避好名之嫌無所陳,則土木之人,皆可爲矣。二曰好進。 命,朝野相慶。 |襄知諫院。||襄喜言路開,而慮正人難久立也,乃上疏曰:「朝廷增用諫臣,脩、靖、素一日並 余靖論救之,尹洙請與同貶,歐陽脩移書責司諫高若訥,由是三人者皆坐譴。 襄作四賢 不肖詩,都人士爭相傳寫,鬻書者市之,得厚利。 慶曆三年,仁宗更用輔相,親擢靖、脩及王素爲諫官,襄又以詩賀,三人列薦之,帝亦命 |蔡襄字||君謨,興化||仙遊人。 然任諫非難,聽諫爲難,聽諫非難,用諫爲難。三人忠誠剛正,必能盡言。 舉進士,爲西京留守推官、館閣校勘。 契丹使適至,買以歸,張於幽州館。 范仲淹以言事去國,

之譽, 雖 察之,毋使有好諫之名而無其實。」 謂好進。 行,則退而日吾嘗論某事矣,此之謂好名。 前世諫者之難,激於忠憤,遭世昏亂,死猶不辭,何好進之有?近世獎拔太速,但久而勿遷, 死 是官,猶無 何過之能彰。 君有過失,不救之於未然,傳之天下後世,其事愈不可掩,此之謂彰君過。 悔 也。 至於巧者亦然,事難言則喑而不言,擇其無所忤者,時一發焉,猶 三日彰君過。 諫爭之臣,蓋以司過舉耳, 默默容容,無所愧恥,躡資累級,以挹顯仕,此之 人主聽而行之,足以 願 致 或不 從諫

之。」疏出,聞者皆悚然。 循默避事而不能斥,此臣等之罪也。陛下旣有引過之言,達於天地神祇矣,願思其實以應 使,此大臣之失也。 其所以致之,由君臣上下皆闞失也。不顓聽斷,不攬威權,使號令不信於人,恩澤不及於 此陛下之失也。持天下之柄,司生民之命,無嘉謀異畫以矯時弊,不盡忠竭節以副 時有旱蝗、日食、地震之變,襄以爲:「災害之來,皆由人事。數年以來,天戒屢至。 朝有敝政而不能正,民有疾苦而不能去,陛下寬仁少斷而不能規,大臣 原 任

夷驕慢,陛下當修人事,奈何專信佛法?或以舍利有光,推爲神異,彼其所居尙不能護,何 取 以入,宮人多灼臂落髮者。方議復營之,襄諫曰:「非理之福,不可徼幸。 進直史館,兼修起居注,襄益任職論事,無所回撓。開寶浮圖災,下有舊瘞佛舍利,詔 今生民困苦,四

有於威靈。天之降災,以示儆戒,顧大興功役,是將以人力排天意也。」

又譯爲「吾祖」。裏言:「『吾祖』猶云『我翁』,慢侮甚矣。使朝廷賜之詔,而亦曰『吾祖』,是何 呂夷簡平章國事,宰相以下就其第議政事,襄奏請罷之。 元昊納款,始自稱「兀卒」,旣

等語邪?」

病且日深,雖有和、扁,難責效矣。」 勢,譬獨病者,陛下旣得良醫矣,信任不疑,非徒愈病,而又壽民。 類退,一賢進則其類進。 民歌於路,至飲酒叫號以爲歡。且退一邪,進一賢,豈遂能關天下輕重哉?蓋一邪退則其 夏竦罷樞密使,韓琦、范仲淹在位,襄言:「陛下罷竦而用琦、仲淹,士大夫賀於朝,庶 衆邪並退,衆賢並進,海內有不泰乎!雖然,臣切憂之。 醫雖良術,不得盡用,則

行之令,必開驕慢暴亂之源。今州兵戕官吏、閉城門,不能討,從而招之,豈不爲四方笑。乞 保州卒作亂,推懦兵十餘輩爲首惡,殺之以求招撫。襄曰:「天下兵百萬,苟無誅殺決

將兵入城,盡誅之。」詔從其議。

又上疏以爲此必死之謫,得改英州。 以母老,求知福州,改福建路轉運使,開古五塘漑民田,奏減五代時丁口稅之半。復修 唐介擊宰相,觸盛怒,襄趨進曰:「介誠狂愚,然出於進忠,必望全貸。」旣貶春州, 温成后追册,請勿立忌,而罷監護園陵官。

列

傳第

賜 [其母冠帔以示寵,又親書「君謨」兩字, 進 知制誥,三御史論梁適解職,襄不草制。 遣使持詔予之。 後每除授非當職,輒封還之。 遷龍圖閣直學士、知開封府。 帝遇之益厚, 襄

精更事,談笑剖決,破姦發隱, 更不能欺。

安渡,絕海而濟,往來畏其險。 又植松七百里以庇道路,閩人刻碑紀德 生以經學。 以 樞密直學士再知福州。 俗重凶儀,親亡或祕不舉,至破產飯僧,下令禁止之。 襄立石爲梁,其長三百六十丈,種蠣於礎以爲固,至今賴焉。 郡士周希孟、陳烈、陳襄、鄭穆以行義著,襄備禮招延, 徙知泉州,距州二十里萬 誨諸

召 爲翰林學士、三司使,較天下盈虚出入,量力以制用。 **剗剔蠹敝,簿書紀綱纖悉皆**

法。

人代寢。 部侍郎。 然,幾敗 |英宗不豫,皇太后聽政,爲輔臣言:「先帝旣立皇子,宦妾更加熒惑,而近臣知名者亦 大事,近已焚其章矣。」已而外人遂云裏有論議,帝聞而疑之。 襄乞爲杭州,拜端明殿學士以往。 治平三年,丁母憂。 明年卒,年五十六。 會襄數謁告,因命擇 贈吏

(碑(1),則曰:「此待韶職耳。」不奉詔。於朋友尚信義、聞其喪,則不御酒肉,爲位而哭。 襄 工 一於書, 爲當時第一,仁宗尤愛之,製元舅隴西王碑文命書之。 及令書温成后父

飲會靈東園,坐客誤射矢傷人,遽指寢。 他日帝問之,再拜愧謝,終不 ·自辨。

殿上,以族孫引嫌,降爲第二,個終身恨之。 蔡京與同郡而晚出,欲附名閥,自謂爲族弟。 乾道中,賜襄諡曰忠惠。 政和初,襄孫佃廷試唱名, 居舉首, 原侍

呂溱字濟叔,揚州人。進士第一。 通判亳州,直集賢院, 同修起居注。 坐預進奏院宴

飲、出知斷、楚、舒三州。復修起居注。

侍讀學 疏。 不知,此何意也。」進知制誥,又出知杭州,入爲翰林學士。 湊日:「以口舌論人,是陰中大臣也。 **農智高寇嶺南**,詔奏邸毋得輒報。 士: 知徐州,賜宴資善堂,遣使諭曰:「此特爲卿設,宜盡醉也。」詔自今由經筵出者視 |溱言:「一方有警,使諸道聞之,共得爲備。 今欲人 願出以示執中,使得自辨。」未幾,執中去,溱亦以 疏論宰相陳執中姦邪,仁宗還其

忽於 **違式受餽**臟, 事 徙成德軍,時方開六塔河,宰相主其議。 ,與都 轉運使李參不相能,還,判流內銓。慘劾其借官麴作酒,以私貨往 事 下大理議。 湊乃未嘗受,而外廷紛然謂凑有死罪。 會地震,溱請罷之以答天戒。 帝 知其過 溱豪侈自放, 簡 輕, 河東貿易,及 但貶秩,

爲例。

列

傳第

七

十九

몬

凑

王素

知和州 御 史以爲未抵罪,分司南京。 起知池州、 江寧府,復集賢院學士,加龍圖閣

士、知開封府。

擢領要劇,而奄忽淪亡,家貧子幼,遭此大禍,必至狼狽。 帝悼念之,詔中書曰:「溱立朝最孤,知事君之節,絕迹權貴,故中廢十餘年,人無言者。方 勉以近醫藥,已而果病。 時爲京尹者比不稱職,凑精識過人,辨訟立斷,豪惡斂迹。 改樞密直學士、提舉醴泉觀, 宜優給賻禮,官吃其葬,以厲臣 ,遂卒,年五十五。 嘗以 職事對,神宗察其有疾 贈禮部侍 息

節。」敕其婦兄護喪歸。 |溱開 敏,善議論,一時名輩皆推許。 然自貴重,在杭州接賓客,不過數語,時目爲「七字

王素字仲儀,太尉旦季子也。 知鄂州。 仁宗思其賢, 賜進 擢 一士出身,至屯田員外郎。 知諫院。 素方壯年,遇事 御史中丞孔道輔薦爲侍御 感發。 嘗言:「今中外無

出

夏畔渙,契丹要求,縣官之須,且日急矣。 名之費,倍蓰於前,請省其非急者。」適皇子生,將進百僚以官,惠諸軍以賞。 道輔貶, 宜留解秩以賞戰功,儲金網以佐邊費。」議遂已。 素爭曰:「今西

計 史, 曰:「然則明日詣醴泉觀。」素曰:「醴泉之近,猶外朝耳,豈憚暑不遠出邪?」帝悚然。 西太一宮,諫官故不在屬車間,乃命|素扈從。 然度是日必不雨。」帝問故,曰:「陛下知其且雨而禱之,應天不以誠,故臣知不雨。」帝 京師旱,素請帝禱于郊,帝曰:「太史言月二日當雨,今將以旦日出禱。」素曰:「臣非太 日甚熾,埃氛翳空,比興駕還,未薄城,天大 更詔

雷

電而

雨。

擿 降華州, 出。 徳用實進女,然已事股左右,奈何。」素曰:「臣之憂正恐在左右爾。」帝動容,立命遣二女 細故, 賜素銀緋,擢天章閣待制、淮南都轉運按察使。時新置按察,類多以苛爲明。 |王德用進二女子,|素論之,帝曰:「殷||真宗皇帝之子,卿|王旦之子,有世舊,非他人比也。 又奪職徙汝。俄悉還其故,遷龍圖閣直學士。 即有貪刻,必繩治窮竟,以故下吏愛而畏之。 改知渭州,坐市木河東,有擾民狀, 素獨不

封府。 |素曰:「偕敗則總管行,總管敗,|素卽行矣。」|青不敢復言,|偕卒城而還。以樞密直學士知開 壓,衆心怦怦然,奈何 歸 初,原州 至和 |素曰:「若罪偕,乃是墮敵計。」 責偕使畢力自效。 秋,大雨,蔡河裂,水入城。 蔣偕建議築大蟲巉堡,宣撫使聽之。役未具,敵伺間要擊,不得成。 .更塞門以動衆。」違詔止其役,水亦不害。 韶軍吏障朱雀門, 素曰: 總管狄青日:「偕往益敗,不可遣。」 「皇上不豫,兵民廬舍多覆 偕懼,來

鞅鞅,厭倦劇煩,事多鹵莽不治,盜賊數發。 人情,蜀 鐵錢 出 知 人紀其目,號曰「王公異斷」。復知開封。 定州 布滿 成都府。 兩蜀,而鼓鑄不止,幣益輕,商賈不行,命罷鑄十年,以權物價。 先是,牙校歲輸酒坊錢以供廚傳,日加厚,輸者轉困。 御史糾其過, 出知許州 |素以三公子少知名, 出入侍從將帥, 久頗 凡爲政,務合 素一切裁約

合拒 賀, 精悍他道莫及。 於兩巡 行陳出入之法, ·敢稱寇至者斬。」有頃,候騎從 比至, 敵解去。 一勿內。」素曰:「若拒之東去,關中必搖。 治平初, 一檢,人莫得自便。 夏 身自督訓。 人寇靜邊砦。 嘗宴堂上,邊民傳寇至,驚入城。 拓|潤 西南城,濬隍三周,積粟支十年。 |素曰:「是豈募民兵意邪?」聽散耕田 其居舊穿土爲室,寇至,老幼多焚死,爲築八堡使居之。 召拜端明殿學士,復知渭州,於是三鎮、 西來,人傳果妄,諸將皆服其明 吾在此,敵必不敢犯我,此當有姦言。」乃下令: 諸將曰:「使姦 屬羌奉土地來獻,悉增募弓箭手。 里, 人亦從而 有警則聚, 涇原蕃夷故老皆歡 入,將必爲 故土 氣 其衆領 感 內 應,

|素首以學士就第。 卒,年六十七,諡曰|懿敏。 通進、銀臺司,轉工部尙書, 素曰:「若壞平晉,遂灌州城矣。」亟命具舟楫,築堤以捍之。 換澶州觀察使、知成德軍,改青州觀察使。 仍故職致仕。 故事,雖三公致仕,亦不帶職。 子鞏,從子靖,從孫震 熙寧初,還,以學 一夕,水驟至,人賴以安。 士知太原府。 朝廷方新法制, 汾河 入知

乘月 州 而 數歲得還,豪氣不少挫。 耀 ·有雋才,長於詩,從蘇軾游。 歸。 献待之於黃樓上,謂鞏曰:「李太白死,世無此樂三百年矣。」 賦得罪, 鞏亦竀賓 後歷宗正丞,以跌蕩傲世,每除官,輒爲言者所議,故終不顯。 献守徐州,鞏往訪之,與客游泗水,登魋山, 吹笛飲酒,

之。」又請復明經科,加試貢士以策,觀其所學,稍變聲律之習。 御史臺。 |靖字||詹叔,蚤孤,自力於學,好講切天下利害。 契丹數造橫使來,構疏言:「彼利中國賜遺,挾虛聲以濟其欲,漸不可長,宜有以折 以祖蔭歷通判閬州、知滁州,主管北京

權 其遲速。 |靖閱其牘曰:「此眞盜也。」敎吏曲折訊囚,果服罪。 擢 利州路轉運判官,提點陝西刑獄。 徙河東長子縣。 鄉戶役于州縣者,優則願久留,勞則欲亟去,吏得 賊殺人,捕治十數輩,不得實,皆釋 爲開封府推官。 曹、濮盜害,官吏

|靖在彼,可無念。」即拜太常少卿、直昭文館、知廣州。 徙廣南轉運使。 熙寧初,廣人訛言交阯且至,老幼入保。 居二年,入爲度支副使,卒。 事聞,中外以爲憂。

使王 廷老、張靚 子古,字敏仲,第進士。 失職,皆罷之。 熙寧中,爲司農主簿,使行准、浙振旱菑,究張若濟獄,劾轉運 連提舉四路常平,王安禮欲用爲太常丞, 神宗謂古好異論

〇四〇五

列

文,而升祔之重, 止以爲博士。 加 上仁宗、英宗諡,因升祔四后,初議不發册,古言:「發册之禮,雖爲祔廟節 乃由册而後顯。 今旣行升祔,則禮不可廢。」乃詔用竹册。 又定諸神祠 封

異 、時北使所過,凡供張悉貸於民,古請出公錢爲之,民得不擾。 出爲湖南轉運判官,提點淮東刑獄,歷工部、吏部、右司員外郎,太府少卿。 奉使契丹,

額、爵號之序。

|古乃用司馬光法。| 詔徙|古兵部,尋以集賢殿修撰爲江、准發運使,進寶文閣待制、知廣州。 紹 聖初,遷戶部侍郎,詳定役法,與尙書蔡京多不合。 京言:「臣欲用元豐人額雇直,而

言者論其常指平歲爲凶年,妄散邦財,奪職知袁州。

欲盡傾天下之財,不可用。」遂改刑部。 徽宗立,復拜戶部侍郎,遷尙書。 與御史中丞趙挺之偕領放欠,挺之言:「古蠲除太多, 攻不已,以寳文閣直學士知成都。 墮崇寧黨籍,責

衡州別駕,安置温州。

復朝散郎,尋卒。

慶字子發,以父任試銓優等,賜及第。 上諸路學制,神宗稱其才。 以習學中書刑房公

事,遂爲檢正。 預修條例,加館閣校勘,檢正 孔目吏房。

元豐官制行,慶與吳雍從輔臣執筆入記上語,面授尚書右司員外與,使自書除目,舉朝

榮之。 報修市場敷,帝諭之曰:「朝廷造法,皆本先王之制,推行非人,故不能善後。 且以錢

貸民,有不能償,輒籍其家,豈善政也。 宜計其負幾何,悉捐之。」慶頓首 奉

進起居舍人,使行西邊,還爲中書舍人。 元酤初,遷給事中, 御 史王 嚴叟劾之, 以龍 圖

昌濫 閣待制知蔡州,歷五郡。 旨,遂坐折獄滋蔓、傾搖大臣奪職知岳州,卒。 漸有 震 與章惇皆呂惠卿所薦,而素不相能。 ·訟,許峈惇子弟,慶捕漸掠治, 紹聖初,復爲給事 頗得蹤 中,權吏部尙書,拜龍 府奏獄空, 跡。 惇懼, 哲宗疑 以獄付大理,而徙震爲樞密都承 不 圖閣 實。 直學士、知開封府。 |震| 惇 抑己, 於是潁

校司 判拔萃,改將作監丞、知新建縣, 馬遷、范曄二史。 余靖字安道 韶州曲江人。 書奏,擢集賢校理 少不事羈檢, 遷秘書丞。 數上書論事,建言班固漢書舛謬,命與王洙并 以文學稱鄉 里。 舉進士起家,爲贛縣尉 試書

在陛下聽與不聽耳,安可以爲罪乎。汲黯在廷,以平津爲多詐, 漢皇、吳主熟聞訾毀,兩用無猜,豈損令德。 范仲淹貶饒州, 諫官御史莫敢言。 | 靖言:「仲淹以刺譏大臣重加譴謫, 陛下自親政以來, 屢逐言事者, 張昭論將,以 儻其言未合聖 魯肅 恐鉗天下 爲 脈

列傳

徙監泰州 口 不可。」疏 稅, 知英州,遷太常博士,復爲校理、同 入, 落職監筠州酒稅。 尹洙、歐陽脩亦以仲淹故, 知禮院 相繼貶逐,靖繇是益知名。

發,州郡不能制。 慶曆中,仁宗銳意欲更天下敝事,增諫官員,使論得失,以購爲右正言。 靖言:「朝廷威制天下在賞罰,今官吏弛事,羣盜蜂起, 大臣 時四方盜賊竊 . 齷齪 守常,

立法禁,可爲國家憂也。 司 天言太白犯歲星,又犯執法。 請嚴捕賊賞罰,及定爲賊劫質、亡失器甲除名追官之法。 靖上疏請責躬修德,以謝天變。 使契丹,辭日,以所奏

事 ·書笏,各舉一字爲目,凡數十事。 帝顧見之,命悉條奏,日幾昃,乃罷。 進修進居

福。 用兵,國帑虛竭,民亡儲蓄,十室九空。 聽,再圖營造。 取舊瘞舍利入禁中閱視,道路傳言,舍利在內廷有光怪,竊恐巧佞之人, 推爲靈異, 本 在 土中,火所不及。若言舍利皆能出光怪,必有神靈憑之,此妄言也。 如不恤民病,廣事浮費,奉佛求福,非天下所望也。若以舍利經火不壞,遽爲神異,卽 開寶寺靈感塔災,復上疏言:「五行之占,本是災變,朝廷所宜誠懼,以答天意。 臣聞帝王之道,能勤儉厥德,感動人心,則雖有危難,後必安濟。今自 陛下若勤勞罪己,憂人之憂,則四民安居,海內蒙 且一塔不能自衞, 惑亂視 聞嘗詔 西 垂

靖在職數言事,嘗論

夏竦姦邪,不可爲樞密使;

王舉正不才,不宜在政府;

狄青武人,

爲

火所毀,况藉其福以庇民哉?」

下前 使之獨守渭州,恐敗邊事; 賜對,祈易章綬,陛下諭之曰:『朕不欲因鞫囚與人恩澤。』覺退以告臣,臣嘗書之起居注。陛 知,必以爲翼深文重法,能希陛下意,以取此寵,所損非細事也。 起於楊、尚,不可不監。 日諭覺是,則今日賜翼非矣。 太常博士王翼西京治獄還,賜五品服,靖曰:「治獄而錫服,外人不 張堯佐以修媛故,除提點府界公事, 非政事之美, 且郭后之禍, 是非與奪之間,貴乎一體。 小人望風希進,無所不至,幸 嘗有工部郎中呂覺以治

陛下

·每於

事端,抑其奔競。」其說多見納用。

深。 若元昊使還,益有所許,契丹聞之,寧不生心,無厭之求,自此始矣。 追。 始 征渡河, 知守戰之備,而銳意 但思和與不和,皆有後患,則不必曲意俯徇,以貽國羞。」擢知制 夫以景德之患,近在封域之內,而歲賜如彼, 會 西鄙厭兵,元昊請和,議增歲賜。 止捐金繒 三十萬與之。 解仇,所予至二十六萬。 今元昊戰雖累勝,皆由將帥輕敵易動之故。 靖言:「景德中,契丹舉國興師,直抵澶淵,先帝北 且戎事 今日之警, 有機,國力有限, 遠在邊鄙 爣移 立外, 失之於始, 西而備北,爲禍更 數年選將練兵, 而歲賜如 雖悔何 此

其議而還。 議難之。 元昊 會婦數言契丹挾詐,不可輕許,卽遣婦往報,而留夏國封策不發。 既歸款 朝 廷遂發夏册,臣元昊。 剪朝 廷欲加封 加,而 契丹以兵臨西境,遣使言:「爲中國討賊,請止 西師旣解嚴,北邊亦無事。 靖三使契丹,亦習外國語, 靖至契丹,卒屈 毋和。」朝

列

傳

嘗爲蕃語詩,御史王平等劾靖失使者體,出知<u>吉州</u>

神 遊 廣 武 州, 軍 靖 ·大將軍、雅州 爲 犯法受榜。 諫官時, 嘗劾 刺史、壽州兵馬鈴轄,辭不就。 購聞之不自得,求侍養去。 秦太常博士茹孝標不孝, 改 匿 將作少監,分司 母 再遷衞尉卿、知虔州,丁父憂 喪,坐廢。 構旣失勢, 孝標詣闕言 南京,居曲 江 人。 已 而 |婦 授 /]>

乃約 將兵共討賊。青卻交趾援兵不用, 更賞以緡錢 州 鄓。 改桂州,韶以廣南 李德政 儂 智高 二萬。 會兵擊賊於邕州,備萬人糧以待之; 反邕州,乘勝掠九郡,以兵圍廣州。 又募儂、黃諸姓 西路委靖經制。 賊平。 **酋長,皆繫以職,使不與智高** 智高 就遷靖給事中。 西走邕州,靖策其必結援交阯 朝 而詔亦給緡錢二萬助德政 廷方顧 南事,就喪次起靖爲祕 御史梁蒨言賞薄,又遷尙書工部 合。 旣 而脅諸 (興師) 廷遣 狄青、 書監 峒 且約 以 自 孫 賊平 知|潭 固

之闕下。 用等於坐,靖瞿然起拜。 初 5, 青兵未至前,戒部將勿戰。 加集賢院學士,徙知潭州,又徙青州 及諸將班 師,獨留靖廣 |靖迫鈴轄陳曙出鬭, 敗走。 西,遣人入特磨道擒智高母子弟三人,生致 **青至,按軍法斬曙及指** 使袁

嘉礼 至,給以近邊種落相侵報,誤犯官軍, **阯蠻申紹泰寇邕州** 殺五巡檢。 以靖安撫廣 願悉推治,還所掠及械罪人以自贖。 西, 至則召交阯用事 臣費嘉祐詰問之, 婦信之,厚

謝遣去,嘉祐遂歸,不復出。

夢神人告以所終官而死|秦亭,故歸常畏西行。 知 、廣州,官至工部尙書,代歸,卒。 三司使蔡襄爲靖言,特贈刑部尚書, 及卒,則江寧府秦淮亭也。 溢日 寝。

築高於前,而堅亦如之。 往攝治焉。 彭思永字季長,廬陵人。 盡葬死者,作文祭之;民貧不能葺居,爲伐木以助之,數月,公私之舍皆具,城 第進士,知南海、分寧縣,通判睦州。 合州大水敗城,人多溺,

哉。 皇祐 勸、諫官吳奎爲之請,乃以汎恩轉司 「先事而言, 而猶覬執政,王守忠已受寵而求旄節。 不過爲堯佐、守忠取悅衆人耳。 祀明堂前一日,有傳百官皆進秩者曰。 知 潮州 、常州。 第得罪爾; 入爲侍御史,論內降授官賞之弊,謂斜封非盛世所當有,仁宗深然之。 命一出,不可止矣。」遂獨抗疏曰:「陛下覃此謬 封員外郎而 外戚秉政,宦侍用權,非社稷之福也。」帝怒,中丞郭 思永率同列言之,或曰:「俟命出,未晚也。」思永曰: 思永言不宜濫恩,以益僥倖。 解臺職,爲湖北 轉運使。 恩,豈爲天下孤寒 時張堯佐已貴

下溪蠻彭仕義作亂, 先移書激駡辰州守。 守將討之,思永按部適至,仕義懼, 遣使迎

列

第

七十九

彭

思永

謝,寢其謀

其三之一,使怒去,而不能有所中傷也。 之,悉黥其黨隸兵間。 日, 加直史館,爲益州路轉運使。 即具獄。 民以楮劵爲市,藏衣帶中,盜置刃於爪,捷取之, 中使歲祠峨眉,率留成都掊珍玩,價直數百萬錢,悉出於民。 成都府吏盜公錢,付獄已三歲, 出入自如。 鮮敗者。 思永得一人詰 思永攝府事 思永胺

敢藝,日益貧,思永始奏更之。 徙知江寧府。 尋爲戶部副使,擢天章閣待制、河北都轉運使、知<u>瀛</u>州。 北俗以桑麻爲產籍,民懼賦不

此萬 祭告之辭,則曰『姪嗣皇帝書名昭告于皇伯父』。在王則極尊崇之道,而於仁廟亦無所嫌矣, 倫。 有二親矣。使王與諸父夷等,無有殊別,則於大孝之心亦爲難安。臣以爲當尊爲濮國大王, 「濮王生陛下,而仁宗以陛下爲嗣,是仁宗爲皇考,而濮王於屬爲伯,此天地大義,生人大 [世之法也。] 疏入,英宗感其切至,垂欲施行,而中書持之甚力,卒不果。 如乾坤定位,不可得而變也。陛下爲仁廟子,曰考曰親,乃仁廟也;若更施於濮王,是 治平中,召爲御史中丞。濮王有稱親之議,言事者爭之,皆斥去。 思永更上疏極論日

但其首建濮議,違典禮以犯衆怒,不宜更在政府。 神宗即位,御史蔣之奇糾歐陽脩陰事,挽思永自助。 詔問語所從來,思永不肯對,而極陳大臣 思永以爲帷薄之私,非外人所知,

專态朋黨。 乃出知黃州,改太平州。 熙寧三年,以戶部侍郎致仕,卒,年七十一

釧 之良是,卽付之。 同舉者過之,出而玩,或墜其一於袖間,衆相爲求索。 居十餘年,族里稱之。 墜于地,衆皆服其量 思永仁厚廉恕。 其人欲謝以錢,思永笑曰:「使我欲之,則匿金矣。」始就舉, 爲兒時,旦起就學,得金釵於門外,默坐其處。 居母喪,窶甚,鄕人餽之,無所受。 思永曰:「數止此耳。」容去,舉手揖, 子衞,亦孝謹,以父老,棄官家 須臾亡釵者來物色,審 持數釧 爲資。

爲殿中侍御史,遷侍御史。 二人,存預其選。 張存字誠之,冀州人。舉進士,爲安肅軍判官。 改著作佐郎,知大名府朝城縣。 '寇準爲守,異待之。 御史中丞王曙,屢薦 天禧中, 詔銓司以身言書判取士, 才得

慶忌、辛毗事,以開帝意。 因 [上封事竀惡地,恐自今忠直之言,與夫理亂安危之機,蔽而不達。]因歷引周昌、朱雲、辛 仁宗初親政,罷百官轉對,存請復之。又言:「前者曹修古輩同忤旨廢黜,布衣林獻 歷京東陝西河北轉運使、戶部度支副使。 西邊動兵,以天章閣待 可

列傳第七十九 張存

制爲陝西都轉運使。

敗。 而不 幸又爲讒狡所困,邊臣自此無復死節矣。」朝廷采其說,始遣文彥博按治,由是平得直, 方 黄 德 城勢甚張, 和之誣 劉平也,存奏言:「平與敵接 非平搏戰,其勢必不沮; 延州 戰,自旦 孤壘,非平解圍,其城必不守。 至暮,殺傷相當, 因 德 和 引卻,以致潰 身 旣 陷没,

號未 正,頗羈縻之。」遷龍圖閣直學士,知延州。 元昊求款附,議者猶執攻討之策。 |存建言: 以母老憚行,徙澤州,還爲待制。 「兵役不息,生民疲弊。 敵旣有悛心, 踰年, 雖名 知

成

徳軍

·,復學士。

而

德和

乃 以爲都運使,盡城諸州。入知開封府,復使河北。 契丹與元昊結香, 陰謀相首尾, 聚兵塞上而求關南。 則反,坐失察,降知汀州 |存言:「河北城久不治,宜留意。」

得 存 御 肾李歇之弟李教,因醉爲妖言,事 史案 驗無狀,猶奪職知池州,又徙郴。 覺自縊死。 久之,乃復職,以吏部侍郎致仕,凡十五年, 或言徵不死,在具州,父母私屬以存故

積遷禮部尚書。

居矜莊, 也 存 性 子孫非正衣冠不見。 孝友, 外舍人耳。 嘗爲 一蜀郡,得奇繒文錦以歸,悉布之堂上, 恣兄弟擇取。 奈 何先外人而後 與賓友燕接, 手足乎? 垂足危坐終日, 收 恤宗屬,嫁聘窮嫠,不使 未嘗傾倚。 楽彊 常曰:「兄弟, 手足 河泱, 一人失所。 勢逼冀

<u>城,或勸使他徙,曰:「吾家,衆所望也,苟輕舉動,使一州吏民何以自安。」</u>訖不徙。

十八,諡恭安。

明之。 不能容歐陽脩之剛,蔣之奇之誣,竟坐是黜,士論憾之。 之在民者,深矣哉。若呂溱論陳執中,則不欲以口舌中人。彭思永名士,能識程頤之賢,而 收功名,素在西邊多惠政,其尹開封,雖頗厭煩劇,再爲渭州,邊民老幼,至相率稱賀,其惠 提綱振紀而扶持之,卒戍慶曆之治,良有以也。 不急之賞,論仁宗納二女子爲非。 論曰:蔡襄、王素、余靖,皆昭陵賢御史也。 使忠義之氣,死而復生,較之諸人,亦無忝焉。 **靖黜夏竦、王舉正爲不可用。** 襄數論治體,推韓琦、范仲淹之賢。 夫<u>襄</u>精於民事,吏不敢欺; 婦用兵蠻徼,卒 劉平之死,衆莫敢言,張存獨處而 蓋仁宗銳於求治, 素詩罷 數君子

校勘記

(1) 溫成后父碑 越文苑都作「溫成皇后碑」。 歐陽修歐陽文忠公文集卷三五蔡襄墓誌銘、蔡襄蔡忠惠公文集卷二二卷首引東

骨第七十九 校勘記

(11) 有傳百官皆進秩者 <u>二程文集卷三程顥彭思永行狀作「有傳赦語,百官皆得遷秩者」。據改。</u> 「百官」原作「百姓」。按此語,長編卷一六九作「有傳赦書百官皆遷官者」,

宋史卷三百二十一

列傳第八十

鄭獬 陳襄 錢公輔 孫洙 豊稷 呂海 劉述 劉琦

錢顗 鄭俠

鄭獬字毅夫,安州安陸人。少負俊材, 詞章豪偉峭整, 流輩莫敢望。 進士第一。 通判

陳州,入直集賢院、度支判官、修起居注、知制誥。

室嗟怨,流聞京師。 日 即位,郡國馳表稱賀,例官其人,此出五代餘習,因仍未改。 而 羣臣進官,已布維新之澤,不須復行此恩,以開僥倖。」皆不報 山陵制度,乃欲效乾興最盛之時,獨不傷儉德乎?願飭有司,損其名數。」又言:「天子初 英宗卽位,治永昭山陵,悉用乾興制度。 先帝節儉愛民,蓋出天性,凡服用器玩,極於朴陋,此天下所共知也。 獬言:「今國用空乏,近者賞軍,已見橫斂, 今庶官猥衆, 充溢銓曹。 況前 富

列傳第八十 鄭獬

哉 ? 遽以浮言廢之,可乎? 有 願 喧 又 一譁,旋卽廢罷。 上 治道。」帝嘉納之。 申韶中外,許令盡言,有可采錄,召與之對。 疏 (言:「陛下初臨御,恭默不言,所與共政者七八大臣而已,焉能盡天下之聰明 願復此科,使豪俊無遺滯之歎。」未及行,出知荆南。 解言:「古之薦士,以謂拔十得五,猶得其半;況今所失未至十五,而 時詔諸郡敦遣遺逸之士,至則試之祕閣,命以官。 至於臣下進見,訪以得失,虛心求之,必 頗有謬舉者,

覽,不過如平時下之中書、密院,至於無所行 事者, 蓋亦鮮矣。 前世之爲空言者,無令徒掛牆壁爲虛文而已。」還,判三班院 宜選官置屬,掌所上章,與兩府近臣從容講賞,可則行之,否則罷之, |之章疏,容而聽之,史册大書,以爲某年大水,詔求直言,用某人之辭而求某事,以出夫 羣臣得而衆事舉,此應天之實也。天下之進言也甚難,而上之受言也常忽。 ,抑但舉故事邪?觀前世之君,因變異以求諫者甚衆,及考其實,則能用其言而 治平中,大水求言,獬上疏曰:「陛下側身思咎,念有以消復之,不知求忠言者,將欲用 。今詔發天下忠義之士,必有極其所韞, 而後止。 如是則與前世之爲空言者等爾 以薦諸朝, 有疑焉, 日萬機, 則廣 勢未 願 唑 載 詢 下采 能 於行 而 謂

人院,外廷無知者。 神宗 初,召獬夕對內東門,命草吳奎知青州及張方平、趙抃參政事三制,賜雙燭送歸舍 遂拜翰林學士。 朝廷議納橫山,獬曰:「兵禍必起於此。」已而种諤取綏

州,獬言:「臣竊見手詔,深戒邊臣無得生事。今乃特尊用變詐之士,務爲掩襲,如戰國暴君 之所尙,豈帝王大略哉!諤擅興,當誅。」又請因諒祚告哀,遣使立其嗣子,識者韙之。

害,不忍民無罪而陷憲網。」引疾祈閑,提舉鴻慶宮,卒,年五十一。家貧子弱,其柩藁殯僧 學士、知杭州。御史中丞呂誨乞還之,不聽。未幾,徙青州。方散青苗錢,獬言:「但見其 權發遣開封府。民喻興與妻謀殺一婦人,獬不肯用按問新法,爲王安石所惡,出爲侍讀

屋十餘年,滕甫爲安州,乃克葬。

濱,聞者皆笑以驚,守之不爲變,卒從而化,謂之「四先生」。 者沉溺於雕琢之文,所謂知天靈性之說,皆指爲迂闊而莫之講。四人者始相與倡道於海 陳襄字述古。福州候官人。少孤,能自立,出游鄉校,與陳烈、周希孟、鄭穆爲友。時學

列詣鐘所祭禱。陰塗以墨,而以惟蔽之。命羣盜往捫,少焉呼出,獨一人手無所汚,扣之,乃 輩相撑柱,襄語之曰:「某廟鐘能辨盜,犯者捫之輒有聲,餘則否。」乃遣吏先引以行,自率同 俗,每聽訟,必使數吏環立於前,私謁者不得發,老姦東手。民有失物者,賊曹捕偷兒至,數 襄舉進士,調浦城主簿,攝令事。 縣多世族,以請託脅持爲常,令不能制。 襄欲稍革其

列

爲盜者;蓋畏鐘有聲,故不敢觸,遂服罪。

之,及入相,薦爲祕閣校理、判祠部。 襄曰:「自反而縮,雖千萬人往矣。 或讒之於腑,謂其誘邑子以資過客,腑疑焉。 知河 陽縣, 始教民種稻。 富弼 公苟有惑志,何名知己。」 益講說不少解。 爲郡守, 譯經僧死,遺表度十僧,列子廟三年度一道士,皆抑 一見卽禮遇之。 人勸毀學舍以塞謗,不聽。 襄留意教化, 久之, 弼以語襄, 進縣子弟於學。 丽 由是愈益奇

宗立,率使契丹,以設席小異於常,不即坐。 畝,定其數,授以浚法。未幾,遂削望亭古堰,水不復積。 爲知制誥,安石又欲出之,帝不許。 丞,劉述、范純仁等無罪,宜復官。皆不聽,而召試知制誥。 斥王安石、呂惠卿以謝天下。」又乞罷韓絳政府,以杜大臣爭利而進者,且言韓維不當爲中 其實則稱貸以取利,事體卑削,貽中外譏笑。 注,知諫院,改侍御史知雜事。 安石欲以爲陝西轉運使,帝惜其去,留修起居注。 知常州, 運渠橫遏震澤, 積水不得北入江, 爲常、蘇二州病。 論青苗法不便,曰:「臣觀制置司所議,莫非引經以爲言, 尋直學士院,安石益忌之,擿其書詔小失,出知陳州,徙 是特管夷吾、商鞅之術,非聖世所宜行。 契丹移檄疆吏,坐出知明州。 襄懇辭, 入爲開封府推官、 襄以言不行,辭不肯試,願補 手詔諭之,乃就職。 襄度渠之丈尺與民田步 明年, 鹽鐵判 同修起居 官。 踰年, 望貶 而

杭州 了,以 、樞密直學士知通進、銀臺司 兼侍讀,判尙書都省。 卒,年六十四,贈給 事中。

股肱 得 手書累數十幅, [心膂之臣,不當久外,謂|俠愚直敢言,發於忠義,投竄瘴癘,朝不謀夕,願使得生還。 襄以司馬光、韓維、呂公著、蘇頌、范純仁、蘇軾至于鄭俠三十三人對,謂光、維、公著皆 滋官所至, 必務與學校。 盈紙 細書,大抵皆民事也。 平居存心以講求民間利 在經筵時,神宗顧之甚厚,嘗訪人材之可用 病爲急。 旣亡, 友人劉尋視 其篋,

帝不能盡用。

一聽指 公輔 校 錢 理、同判吏部南曹。 ·公輔字君倚,常州武進人。 少從胡翼之學,有名吳中。 ·酒場以自補,富者足欲而貧者日困,充募益鮮;額有不足,至役鄕民,破產不 取酒場官鬻之,分輕重以給役者,不復調民。 歷開封府推官、戶部判官、知 同修起居注,進知制 明州。 衙前法以三等差次**勞**勤,應 第進士甲科。 誻 通判越州,為 供

輔格韶,謫爲滁州團 王疇爲翰林學士未久,擢副樞密。公輔謂疇素望淺,不草制。 即位,陳治平十議,大要言采民政,分吏課,擇守宰,置二府官屬。 陳使。 議 者以爲重,呂誨等上章救之,不得。 踰年,起 帝以初政用大臣,而公 知廣德軍 又作帝問 神宗 篇

列

傳

第八十

鋑

公輔

採

洙

書白事 立,拜天章閣待制、知鄧州,復知制誥。入見,帝勞苦之,使錄十議以進,命知諫院。 ,富弼謂曰:「上求治如飢渴,正賴君輩同心以濟。」公輔曰:「朝廷所爲是,天下誰敢 嘗至中

不同!所爲非,公輔欲同之,不可得已。」

召還,安石言其助小人爲異議,不宜在左右,但徙揚州。以病乞越,改提舉崇福觀,卒,年五 法, 王安石雅與之善,旣得志,排異己者,出滕甫鄆州。 安石主其議,而公輔謂向當黜,遂拂安石意,罷諫職,旋出知江寧府。 公輔數於帝前言甫不當去。 明年,帝欲

十篇,指陳政體,明白剴 孫洙字巨源,廣陵人。 切。 羈丱能文,未冠擢進士。 韓琦讀之,太息曰:「慟哭流涕,極論天下事,今之賈誼也。」再 包拯、歐陽脩、吳奎舉應制科,進策五

遷集賢校理、知太常禮院

員 不可,而鬱鬱不能有所言,但力求補外,得知海州。 以 後廣言 冶 平中求言,以洙應詔疏時弊要務十七事後多施行, 1路。 凡有章奏,輒焚其稿,雖親子弟不得聞。 免役法行,常平使者欲加斂緡錢, 王安石主新法,多逐 兼史館檢討、同知諫院, 乞增諫 諫官御 史,洙 以取 知

贏 爲功,洙力爭之。方春旱,發運使調民濬漕渠以通鹽舸,洙持之不下,三上奏乞止其役。

旱蝗爲害,致禱於朐山,徹奠,大雨,蝗赴海死。

簡便,非所以暢王言、重命令也。」詔自今封贈蔭補,每大禮一易,他皆隨等撰定。 臣進秩,事理各異,而同用一詞;至或一門之內,數人拜恩,名體散殊,而格以一律。 其甚者八事, 定爲令。 尋幹當三班院。 三班員過萬數,功罪籍不明,前後牴牾,吏左右出入,公爲欺姦。 同修起居注,進知制誥。 先是,百官遷敍,用一定之詞,洙建言:「羣 苟從 洙革

纔踰月,得疾。時參知政事闕,帝將用之,數遣中使、尙醫勞問。入朝期日,洙小愈,在家習 肆拜**跽,**價不能興,於是竟卒,年四十九。 帝臨朝嗟惜,常賻外賜錢五十萬。 元豐初,兼直學士院。 澶州河平,作靈津廟,詔洙爲之碑,神宗獎其文。 擢翰林學士,

文詞典麗,有西漢之風。 冰博聞強識,明練典故,道古今事甚有條理。出語皆成章,雖對親狎者,未嘗發一鄙 士大夫共以丞輔期之,不幸早世,一時憫傷焉。

舟幾覆,衆惶擾莫知所爲,稷獨神色自若。 豐稷字相之,明州鄭人。登第,爲穀城令,以廉明稱。從安燾使高麗,海中大風,穡折, **憲歎日**:「豐君未易量也。」知封丘縣,神宗召對,

列傳第

畏! 問 外 郎, 」帝悅,擢監察御史。 卿昔在 提點 海 利州 :中遭風波,何以不畏?」對曰:「巨浸連天, 、成都 路 治參知政事章惇請託事,無所移撓,出惇陳州 刑 獄 風濤固其常 耳, 徙著作佐郎 憑 仗威 靈 吏部 尙 何

矣。 龜, 右 變 曲 祖 當,而 下, 諫 劉 訓 、爲殿 奉 爲 而宗王 世 揚 寶 不 公中侍 加立 荆 鑑 可用其智。 一動 一僭侈, 二王爲 夏國 御 史。 嗣子乾順,而乾 一言,思所以爲則於 官吏奉承, 天子 上疏哲宗曰: 順考古道。二帝所以 叔 父, 尊 皆宜糾正。」 寵 順 「陛下明足以察萬事之統, 莫 來 並, 迎海, 賀 坤 密令蜀 聖; 旣 成節, 爲法 退, 儀刑 道 於千載, 御 奉世 織 史趙 文王, 成王 錦 遽 茵。 屼 出 則敎化行, 謂 境, 而 日 稷 所 於正 稷 不可用其明; 以賢。 劾之,奉世 聞 衙 君 習 論 言, 俗美,而 願以 曰:「二聖以 使 以 以则汗流 洪範 智足以 贖 中 論 國 爲 應 浹 儉 遷 安

平之任 充, 服 士宣等數人。 事 除 改 刑 天 國 守 、之禮 部 忠者 子司 侍 未備 郞 歟 業、 |稷言:「陛下初親萬機,未聞登進忠良,而首召近幸,恐上累大德。」 兼 ? 侍 起居舍人, 畏 願 講。 陛下 天 之誠未 元站 昭 聖 歷太常 八 **『**德, 祗 孚 年 歟? 春 少卿、 天 宮掖 多雪 一戒, 總正 之臣,有關 , 國子祭 稷言:「今嘉祥 萬 酒。 事 以消 預 車駕幸太學, 政 災祥。」帝 未 事 , 如 臻, 天聖之羅崇勛 沴 氣 命講 親 交作, 政, 書無逸篇,賜 召內侍居外者樂 豈 應 天 江 一德明, 之實 几 밂 治 未

狀、既而 以 修哲宗實錄,願申飭之。」時宦官漸盛,稷懷唐書仇士良傳讀於帝前,讀數行,帝曰:「已論。」 之不已,京遂去翰林。 班 《揖曰:「天子自外服召公中執法,今日必有高論。」稷正色答曰:「行自知之。」是日,論家姦 道 路,連歲亟徙六州。徽宗立,以左諫議大夫召,道除御史中丞。入對,與蔡京遇,京越 以 集賢院學士知潁州、江寧府,拜吏部侍郎,又出知河南府,加龍圖閣待制。 陳瓘、江公望皆言之,未能動。稷語陳師錫等曰:「京在朝,吾屬何面目居此?」擊 又乞辨宣仁誣謗之禍,且言:「史臣以王安石日錄亂神宗實錄,今方 章惇欲困

不當 得罪,不可用。 近習招權,是謂『靖國』。以副體元謹始之義。」禁內織錦緣宮簾爲地衣,稷言:「仁宗衾褥用 言:「陛下以『建中靖國』紀元,臣謂尊賢納諫,舍己從人,是謂『建中』,不作奇技淫巧,毋使 佞臣之語,帝問爲誰,對曰:「曾布也。 一賜美諡,不爲書敕。 會布得助嬖暱,將拜相,稷約其僚共論之。俄轉工部尚書兼侍讀,布遂相。 稷曰:「止論其有功於時爾, 哲宗升祔,議功臣配享,稷以爲當用司馬光、呂公著。 陛下斥之外郡,則天下事定矣。」改禮部。 如唐五王豈非得罪於中宗,何嫌於配享?」又 或謂二人嘗 論宋用 稷謝表有

稷爲若不聞者,讀畢乃止。

| 櫻盡言守正,帝待之厚,將處之尙書左丞,而積忤貴近,不得留,竟以樞密直學士守| 越。

黃絁,服御用縑繒,宜守家法。」詔罷之。

列

傳

第八十

豐

稷

呂

蔡京得政,修故怨,貶海州團練副使、道州別駕,安置台州。 除名徙建州,稍復朝請郎。

年七十五。建炎中,追復學士,諡曰淸敏。

子弟亦不得見。 初,文彦博嘗品稷爲人似趙抃,及賜諡,皆以「淸」得名。 退多焚稿,未嘗以時政語人。 所薦士如張庭堅、馬涓、陳瓘、陳師錫、鄒浩 稷三任言責,每草疏,必密室,

蔡肇, 皆知名當世云。

議論 嬴, 洙方力爭, 所謂不揣其本者歟 變, 學者卒從而 ·剴切,精練民事,青苗法行,解獨幡然求去,至窘迫不堪,弗卹也。 諭 熙寧行新法, 化 乃心民事,死猶 輕進少年爭趨競進,老成知務者逡巡引退, 不已。 |稷劾蔡京, 公輔以忤安石 論司馬光、呂公著當配享廟庭,蓋亦名侍從 見黜,洙爲諫官不能言,至 何其見幾之明 襄奮起海隅,屢折不 耶? 一
発
役 取

也。

呂誨字獻可,開封人。 祖端,相太宗、眞宗。 **誨性純厚,家居力學,不妄與人交。** 進士

門入訴。 欲廣采納以補闕政。 登第,由屯田員外郎為殿中侍御史。 時廷臣多上章計人罪, 誨言:「臺諫官許風聞言事,蓋 佐當汰復留, 風,請下詔懲革。」樞密副使程戡結貴倖,致位政地, 誨疏其過,以宣徵使判延州。 復上言: 「臌以非才罷,不宜更委邊任;宣徽使地高位重,非戡所當得也。」克國公主薄其夫,夜開禁 誨請丼劾閣吏,且治主第宦者罪,悉逐之。御藥供奉官四人遙領團練使,御前忠 海劾樞密使宋庠陰求援助,徇私紊法。 苟非職分, 是爲侵官。今乃詆斥平生,暴揚曖昧,刻薄之態浸以成 韶罷庠而用陳升之爲副使, 海 又 論

升之既去, 海亦出知江州, 時嘉祐六年也。

知。 中書韓琦,由此定議。 窺覦之志,可不防其漸哉!願爲社稷宗廟計,審擇親賢,稽合天意,宸謀已定,當使天下共 夏及秋,雨淫地震,陰盛之沴,固有冥符。 前星爲太子,直則失勢,明則見祥。 言,奮獨斷,以遏未然之亂。 萬一有姦臣附會其間,陽爲忠實,以緩上心,此爲患最大,不可不察也。」仁宗以誨章付 E |疏請蚤建皇嗣,曰:「竊聞中外臣僚,以聖嗣未立,屢有密疏請擇宗人。 又聞太史奏,彗躔心宿,請備西北。 。今旣直且暗,而妖彗乘之,臣恐咎證不獨在西北也。 近者宗室之中,訛言事露,流傳四方,人心駭惑, 按天文志,心爲天王正 唯陛下思忠 自

召爲侍御史,改同知諫院。 英宗不發,誨請皇太后日命大臣一員,與淮陽王視進藥餌。

靇 來、舉兵不利、未有不自監軍者。 罪 輔 陳 都 大義, 佐 知任守忠用事久,帝之立非守忠意,數間諜東朝, 先帝 詞旨深切,多人所難言者。 歷年,閱天下事多矣。 內臣王昭明等爲陝西四路鈴轄,專主蕃部。 事之人者, 今走馬承受官品至卑,一路已不勝其害,况鈴轄乎?」卒 帝疾 小愈,屢言乞親萬幾。 宜關白咨訪然後行,示弗敢專。」遂論守忠平生 播爲惡言, 內外洶懼 太后歸政,誨言於帝曰:「后 海上兩宮書,開 海言:「自唐以

臺闕 獲 以 塞 防 壅蔽。 中丞,御吏五 治 未有 平二年,遷兵部員外郎,兼侍御史知雜事。上言:「臺諫者,人主之耳目,期補 如今日 舊三院御史,常有二十員,而後益衰減,蓋執政者不欲主上聞 之甚者。 員,惟三人在職,封章十上,報聞者八九。諫官二人,一他 竊爲陛下羞之。」帝覽奏,即命 邵必 知 流諫院。 遷,一出使,言路 中外之闕 益聰明,

下 聽 有 - 厚所 過 舉 於是濮 を m 解 願黜居外藩,以慰士論。」又與御史范純仁、呂大防共劾歐陽脩「首開邪議,以枉道說 生 災沴 间 臺 議 褲 職,亦不 所 遽作,惟濮王 起,侍從請 繼 · , 隆 聽。 小宗 遂劾宰相韓琦不 稱 而絕大宗。言者論辨累月,琦猶遂非,不爲 王爲皇伯,中書 事 失中,此簡宗廟之罰 忠五罪,日:「昭陵之土 不以爲然,海 也。」郊 引義固 廟 禮畢 爭。 未 復 ·乾,遽欲 會 改正,中外憤鬱,萬 申 秋 前 大 水, 議 追 **崇濮王**, | 論言 | | 陛下 七上章, 使陛

罪,當留御史。」帝猶豫久之,命出御史,旣而曰:「不宜責之太重。」乃下遷海工部員外郎、知 敕,居家待罪,且言與輔臣勢難兩立。 人主,以近利食先帝,陷陛下於過舉」。皆不報。 帝以問執政,脩曰:「御史以爲理難並立, 已而韶濮王稱親,海等知言不用,即上還告 若臣等有

献州

言:「陛下春秋富盛,然聰明睿知,以天下爲心,必不留神於此,願亟罷之。」 拜御史中丞。 神宗立,徙晉州,加集賢殿修撰、知河中府。 初,中旨下京東買金數萬兩,又令廣東市眞珠, 召爲鹽鐵副使,擢天章閣待制,復知諫院, 傳云將備宮中十 閣用度。 海

任之。 下處之有義,臣何敢以形跡自嫌,苟爲去就。」乃出誨知鄧州。 安石,還其章。 我終不置此二人。』敌力加營救。 久居廟堂, 必無安靜之理。 從,遂上疏劾安石曰:「大姦似忠,大佞似信,安石外示朴野,中藏巧詐,陛下悅其才辨而 言,岐王顥宜遷居外邸。 一安石執政,時多謂得人。 安石初無遠略,惟務改作立異,罔上欺下,文言飾非,誤天下蒼生,必斯人也。 海求去,帝謂<u>曾公亮日:「若出海,恐安石不自安。」安石曰:「臣以身許國,</u> 皇太后怒,帝令治其離間之罪。 辟光之謀,本安石及呂惠卿所導。 誨言其不通時事,大用之,則非所宜。 願察於隱伏,質之士論,然後知臣言之當否。」帝方注倚 安石謂無罪。 辟光揚言:『朝廷若深罪我, 蘇頌當制,公亮謂之曰:「辟 著作佐郎章辟光 海請下辟光吏,不 如

列

也。

之言,肆罔上無根之語。」制出,帝以咎頌,以公亮之言告,乃知辟光治平時自言他 光治平四年上書時,安石在金陵,惠卿監杭州酒稅,安得而敎之?」故制詞云:「黨 小人交讚 事 非

安石 二三執政而已,苟非其人,將敗國事。 此乃腹心之疾,救之惟恐不逮,顧可緩耶?」 誨旣斥, 益横。 聽其言則美,施於用則疎;置諸宰輔,天下必受其禍。且上新嗣位,所與朝夕圖議者, 海 之將有言也,司馬光勸止之,誨曰:「安石雖有時名,然好執偏見,輕信姦回,喜人佞 光由是服誨之先見,自以爲不及也。

者用 ·術乖方,妄投湯劑,率任情意,差之指下,禍延四支。 一身之微,固無足卹,奈九族之託 明年,改知河南,命未下而寢疾矣。旋提舉崇福宮,以疾表求致仕曰:「臣本無宿疾,醫

何!」蓋以身疾諭朝政也。

憂。 君實勉之。」光曰:「更有以見屬乎?」曰:「無有。」遂卒,年五 既革,司馬光往省之,至則 誨三居言責,皆以彈奏大臣而去, 目已瞑。 一時推其鯁直。 聞光哭,蹶然 MI 居病困,猶旦夕憤歎,以天下事爲 起, 十八,海內聞者痛惜之。 張目 :強視日:「天下事尙可爲,

海 麗去, 御史劉述、劉琦、錢顗皆以言安石被黜 元祐初,呂大防、范純仁、劉摯表其 忠, 詔贈通議大夫,以其子由庚爲太常寺太祝。 自

都官員外郎,六年不奏考功課。 劉述字孝叔,湖州人。舉進士,爲御史臺主簿,知温、耀、眞三州,提點江西刑獄,累官 知審官院胡宿言其沉靜有守,特遷兵部員外郎,改荆湖南

北、京西路轉運使,再以覃恩遷刑部郞中。

當自後宮始,章辟光宜誅,高居簡宜黜,張方平不當參大政,王拱辰不當除宣徽使。皆不 滕甫爲中丞,述將論之。浦聞,先請對。 帝曰:「甫遇事輒爭,裨益甚多,但外人不知耳。」甫談卿美不輟口,卿無言也。」 神宗立,召爲侍御史知雜事,又十一年不奏課。帝知其久次,授吏部郞中。 **甫退,述乃言甫爲言官無所發明,且擿其隱** 嘗言去奢

認 誣陷,其弊不一。夫變更法度,其事不輕,而止是參知政事二人,同書箚子。 制,舉御史官,須中行員外郎至太常博士,資任須實歷通判,又必翰林衆學士與本臺丞雜互 一一得人,猶不至生事;萬一非其人,將受權臣屬託,自立黨援,不附己者得以中傷,媒糱 [告,曾公亮已入朝,臺官今不闕人,何至急疾如此!願收還前旨,俟酬出,與公亮同議,然 蓋衆議僉舉,則各務盡心,不容有偏蔽私愛之患。今專委中丞,則愛憎在於一己。若 王安石參知政事,帝下詔專令中丞舉御史,不限官高卑。趙抃爭之,弗得。述言:「舊 且宰相富弼暫

後行之。」弗聽

勿失; 安石 治,常若飢渴,故置安石政府。 踰數月,中外人情囂然胥動。 帝, 廟堂 辟光獻岐 陳升之合謀,侵三司利柄,取爲己功,開局設官,用八人者分行天下,驚駭物聽,動搖人心。 畏 利之議, 之心靡不歸向,謂之爲賢。 去年因許遵文過飾非,妄議自首按問之法,安石任一偏之見,改立新議,以害天下大公。章 避 詔開封府推官王克臣劾述罪。 一,以 獨 之意,陰自結援以 述 乃欲 《進瞽言,熒惑聖聽。 陛下以爲愛已,隱忍不行。 先朝所立制度,自宜世世子孫,守而 兼 亂 務爲容悅,言行乖戾,一至於此。 判刑部,安石爭謀殺刑名,述不以爲是。 邸遷外之說,疎間骨肉,罪不容誅。 呂誨等連章論奏,乞加竄逐。 國 事 紀 事更張,廢而 願早罷逐,以慰安天下元元之心。 固寵,久妨賢路,亦宜斥免。 不用。 陛下亦聞而 必欲致時如唐、虞,而反操管、商權詐之術,規以 蓋以專肆胸臆, 安石自應舉歷官,尊尚薨、舜之道,以倡率學者,故士人 於是述率御史劉琦、錢顗共上疏曰:「安石執政以 知之,遂正位公府。 剛狠 自任,則 輕易憲度, 及敕下,述封還中書,奏執不已。 趙抃則括囊拱手,但務依違大臣,事君 曾公亮位居丞弼,不能竭忠許國,反有 又甚焉。 無忌憚之心故也。 遭時得君如此之專,乃首建財 姦詐專權之人, 豈宜處之 陛下雖許其請, 取媚。 陛下任賢 來, 遂與 未 求

豊

當

|如是!|

將安用哉!今時、顗所坐,不過疏直,乃以迕犯大臣,猥加譴謫,恐臣下自此以言爲諱。乞 行之,又以守官之臣而罪之,臣恐失天下之心也。 夫紲食鷹鸇者 (己,求其鷙也,鷙而烹之, 去。』此古今通義,人臣之大節也。彼謀殺已傷自首刑名,天下皆知其非。 之。」司馬光乃上疏曰:「臣聞孔子曰:『守道不如守官。』 孟子曰:『有言責者,不得其言則 疏上,安石奏先貶琦、顗監處、衢州鹽務。 公亮疑太重,安石曰:「蔣之奇亦降監, 朝廷既違衆議而 當從

以知江州。 開封獄具,述三問不承。 踰歲,提舉崇禧觀。 卒,年七十二。 紹興初,贈祕閣修撰。 安石欲置之獄,光又與范純仁爭之,乃議貶爲通判。 帝不許,

還其本資,以靖羣聽。」不報。

者論其非,詔崎就劾,官吏人人惴恐。琦但按首謀二人而已。旣貶,通判鄧州而卒,年六 建言:「自城綏州,數致羌寇,宜棄之。」浙西開漕渠,役甚小,使者張大其事,以功遷官。 <u>劉琦字公玉,宣城人。</u>博學強覽,立志峻潔。以都官員外郎通判歙州。召爲侍御史,

列傳第八十 劉琦 錢顗 鄭俠

鬩當官而行,無所容撓,遇不可,必爭之,由是獨見器重。 錢顗 字安道,常州無錫人。 初爲寧海軍節度推官,守孫沔用威嚴爲治,屬吏奔走聽命。 知贛、烏程二縣,皆以治行

狠 ? 宛轉薦君,得爲御史。亦當少思報國,奈何專欲附會以求美官?懺今當遠竄,君自謂得策 將出臺,於衆中責同列孫昌齡曰:「平日士大夫未嘗知君名,徒以昔官金陵,媚事王安石 以爲:「一人偏詞,不可以汨天下之法,遵所見迂執,不可以當刑法之任。」不從。 我視君犬彘之不如也。」即拂衣上馬去。 治平末,以金部員外與爲殿中侍御史裏行。許遵議謀殺案問刑名,未定而入判大理,順 二年而貶,

有「鳥府先生鐵作肝」之句,世因目爲「鐵肝御史」。卒,年五十三。 後自衢徙秀州。 家貧母老,至丐貸親舊以給朝晡,而怡然無謫官之色。 蘇軾遺以詩、

獄,俠讞議傅奏,安石悉如其請。 俠感爲知己,思欲盡忠。 見,稱獎之。進士高第,調光州司法參軍。 鄭俠字介夫,福州福淸人。治平中,隨父官江寧,閉戶苦學。王安石知其名, 安石居政府,凡所施行,民間不以爲便。 光有疑 邀與相

無區 不悅,猶使其子害來,語以試法。 曰:「讀書無幾,不足以辱檢討。 區也。」安石不答。 三往見之,問以所聞。 秩滿,徑入都。時初行試法之令,選人中式者超京官,安石欲使以是進,恢以未嘗習法 恢退不復見,但數以書言法之爲民害者。 對曰:「青苗、免役、保甲、市易數事,與邊鄙用兵,在恢心不能 果欲接俠而成就之,取其所獻利民便物之事,行其一二,使進 所以來,求執經相君門下耳。 方置修經局,又欲辟爲檢討,更命其客黎東美諭意。 而相君發言持論, 久之, 監安上門。 無非以官 俠 雖

稅務索市利錢,其末或重於本,商人至以死爭,如是者不一。恢因東美列其事。未幾,詔小 夫裨販者冤征,商之重者十損其七,他皆無所行 是時,免役法出口,民商咸以爲苦,雖負水、捨髮、擔粥、提茶之屬,非納錢者不得販鬻。 而無愧,不亦善乎?」

情懼死; 乃假稱密急,發馬遞上之銀臺司。其略云:「去年大蝗,秋多亢旱,麥苗焦枯,五種不入,羣 携塞道, **羸瘠愁苦**, 身無完衣。 並城民買麻枫麥麩, 合米為糜, 或茹木實草根, 至身被鎖械, 而負瓦楬木,賣以償官,累累不絕。俠知安石不可諫,悉繪所見爲圖,奏疏詣閤門,不納。 是時,自熙寧六年七月不雨,至于七年之三月,人無生意。 方春斬伐,竭澤而漁,草木魚鼈,亦**莫生**遂。 災患之來,莫之或禦。 東北流民,每風沙霾曀,扶 願陛下開倉

列

傳

狀上聞者。臣謹以逐日所見,繪成一圖,但經眼目,已可涕泣。 器,駕馭天下忠賢,而使人如此,甚非宗廟社稷之福也。 勢、山川之形,爲圖來獻,料無一人以天下之民質妻鬻子,斬桑壞舍,流離逃散,遑遑不給之 今臺諫充位,左右輔弼又皆貪猥近利,使夫抱道懷識之士,皆不欲與之言。 廩,賑貧乏, 下行臣之言,十日不雨,即乞斬臣宣德門外,以正欺君之罪。」 取有司掊克不道之政,一切罷去。冀下召和氣,上應天心,延萬姓垂死之命。 竊聞南征北伐者,皆以其勝捷之 而況有甚於此者乎 陛下以爵祿名

息追 遠近沾洽。 三司察市易,司農發常平倉,三衞具熙河所用兵回,諸路上民物流散之故。 「呼,方田、保甲並罷,凡十有八事。 民間讙叫相賀。 又下責躬詔求言。 疏奏,神宗反覆觀圖,長吁數四,袖以入。是夕,寢不能寐。 輔臣入賀,帝示以恢所進圖狀,且責之,皆再拜謝。 翌日,命開封體放免行錢, 青苗、免役權

言,罷廢殆盡,豈不惜哉?」相與環泣於帝前,於是新法一切如故。 鄧綰言於帝曰:「陛下數年以來, 忘寐與食, 成此美政, 天下方被其賜; 一旦用狂夫之 安石上章求去,外間始知所行之由,羣姦切齒,遂以俠付御史,治其擅發馬遞罪。

日正直君子邪曲小人事業圖跡。 安石去,惠卿執政,俠又上疏論之。仍取唐魏徵、姚崇、宋璟、李林甫、盧杞傳爲 在位之臣暗合林甫輩而反於崇、璟者,各以其類,復爲書 兩軸,題

獻之。 成、惠卿議致之死。 曰:「以此爲正人助。」惠卿暴其事,且嗾御史張琥丼劾馮京爲黨與。俠行至太康,還對獄,獄 「御史緘默不言,而君上書不已,是言責在監門而臺中無人也。」取懷中名臣諫疏二帙授恢 并言禁中有被甲、登殿等事。 帝曰:「俠所言非爲身也,忠誠亦可嘉,豈宜深罪。」但徙英州。旣至,得 惠卿奏爲謗訕,編管汀州。 御史臺東楊忠信謁之曰:

赦之,仍還故官,又爲察京所奪,自是不復出。 僧屋將壓者居之,英人無貧富貴賤皆加敬,爭遣子弟從學,爲築室以遷。 哲宗立,始得歸。 蘇軾、孫覺表言之,以爲泉州敎授。 布衣糲食,屏處田野,然一言一話,未嘗忘 元符七年,再竄于英。 徽宗立,

官其孫嘉正爲山陰尉。 宣和元年,卒,年七十九。 里人揭其閭爲鄭公坊,州縣皆祀之於學。 紹熙初,韶贈朝奉

息。

成,而此心亦足以白於天下後世。 後世矣。 論曰:海以言三黜,述、琦、顗窮厄至死,皆充然無悔,身雖不偶,而聲名則昭著於天下 俠以區區小官,雖未信而諫,能以片言悟主,殃民之法幾於一舉而空之,功雖不 呂惠卿、鄧綰之罪,可勝誅哉!

列

校勘記

[1] 夫紲食鷹鸇者 「紲」字原脫,據司馬光溫國文正司馬公文集卷四一 論責降劉述等箚子、東都事

略卷七八劉述傳補。

(三) 是時免役法出 事;通考卷二〇市糴考, 按本段內容係論発行錢事,與発役法無關,具見鄭俠西塘先生文集卷一 熙寧六年「詳定行戶利害所言」條引鄭俠奏議跋, 亦有詳述。 発行錢 疑此處

「免役法」當是「免行法」之誤。

(三) 三衞县熙河所用兵 此處敍熙河用兵事,「三衞」疑當作「三衙」。

宋史卷三百二十二

列傳第八十一

齊恢 何 郯 吳中復 楊繪 劉庠 從孫擇仁 朱京 陳薦 王獵 孫思恭 周孟陽

碎首:今陛下受諫如流,臣何敢掠美而歸過君父。」帝欣納之。 事 卒出之。 知,鄭又與昇及魚周詢論之。仁宗召論云:「懷敏實先覺變,宜有所寬假。」鄭等皆言不可, 讒其詐,朝廷下京東體實,郯與張昇江極陳竦姦狀,事得寢。楊懷敏以衞卒之亂,猶爲副都 無所避。 何郯字聖從,本陵州人,徙成都。 王拱辰罷三司使守亳,已而留經筵, 郯乞正其營求之罪。 帝曰:「古有碎首諫者,卿能之乎?」對曰:「古者君不從諫,則臣有 第進士,由太常博士爲監察御史,轉殿中侍御史, 石介死,樞密使夏竦

夏竦倡張貴妃之功,諫官王贄遂言賊根本起於皇后閣,請究其事,冀搖動中宮,而陰 列 傳 第 八 + 何 郯 一〇四三九

乞留京 紀地地 帝以語郷,郯曰:「此姦人之謀也。」乃止不究。 |郯言:「佞人在君側,爲善政累,願勿革前命。」|竦遂行。 郯等奏出知河南,

進其 其異 宰相之職,今用一吏,則疑其從私,故細務或勞於親决。 物 必 類 、圖,故多端而加羈制。 博訪者大臣之體,今見一士,則疑其請託。 應以誠。 時詔羣臣陳左右朋邪、中外險詐,久而無所行。 一; 則 疑爲朋黨。 誠與疑,治亂之本也,不可以一臣詐而疑衆臣,一士詐而疑衆士。 君臣交疑,而欲天下無否塞之患,不可得矣。」 分閩者將帥之任,今專一事,則疑 相先後者士之常,今 且擇官者

乞召 權勢,越次用 上者。 不 內 Įų, 臣. 還王陶 遙 都 旣 領 此 知 义 詔許 弊 止於廉察。今雖不授留後,而先給其祿, 王守忠以修祭器勞,遷景福殿使,給兩使留後奉。 以迎 艺。 開 ,所損不細。」守忠聞之,不敢赴。 如正 合上意, |郯遍歷三院,有直聲。 班。 由是聲名損 守忠移閤門,欲綴本品坐宴,郷又言:「祖宗之制,未有內 於御 晚節 史時 頗 也 回 既得其祿,必得其官, 畏, 知雜御史闕,執政欲進其黨,帝 因地震言陰盛臣強,以譏 郯曰:「守忠勞薄賞重。 若又從之,則何求 切韓琦 以郯不阿 臣 上坐殿 义

庭竊議,謂將處以二府。 以 母老求 ,西歸, 加直 龍 若此命一出,言事之臣,必以死爭之。 圖閣 知漢州 **將行**,上 疏 言:「張堯佐緣後宮親,叨竊 倘能堯佐則傷恩,黜言者則 非 據, 外

堯佐 閣直學士,爲河東都轉運使。 準故事,凡詔敕並由門下,從之。 累德,累德、傷恩,皆爲不可。 宣徽之命。 進集賢殿修撰、知梓州,擢天章閣待制,還判銀臺司。 故相梁適帥太原,病不能事,內臣蘇安靜鈴轄兵馬,怙惡不 臣謂莫若富貴堯佐而不假之以權,如李用和可也。」其後卒罷 唐介出荆南,敕過門下,郯封還之, 介復留諫院。 時對駁之職廢,鄉乞 遷龍 圖

成 都玉局觀。從臣外祠自此始。 歷知永興、河南。 治平末,再知梓州。 遂以尚書右丞致仕。 居三年,老而病,猶乞進 卒,年六十九。 用。 神宗薄之,詔提舉

法,皆劾奏之。

御史, 中復日: 物。 招使者。 中復進士及第,知峨眉縣。 通 吳中復字仲庶, 今豈有識面臺官耶?」遷殿中侍御史。 判 「唐自天寶後治亂分,何也?」中復歷引姚、宋、九齡、林甫、國忠用舍以對。 ·潭州,御史中丞孫抃薦爲監察御史, 城陷、彬執之、仲舉曰:「世祿李氏、國亡而死、職也。」彬義而不殺 興國永興人。父仲舉,仕李煜爲池陽令。 邊夷民事淫祠太盛,中復悉廢之。 初不相識也。或問之, 抃曰:「昔人恥爲呈身 彈宰相梁適,仁宗曰:「馬遵亦言之矣。」且問 曹彬平江南,仲舉嘗殺彬所 康於居官,代還,不載一 適器,

列

傳

第

吳中復

中復亦通判虔州,未至,復還臺。

|弼。 成 兵苦巡轄官苛刻,繁而 后 世 (德軍、成都府、永興軍 部 亦無岡 副 富 韶中復往治,促行甚急。 使, 弼 主 一勢,獄以故得止。 擢天章閣待制, 李仲昌開六漯河,內臣劉恢密告所斷岡與國姓上名同, 鞭之。 知澤州、 又彈宰相劉沆,沆罷。 中復言:「獄起姦臣,非盛世所宜有。」馳至,較其名,乃趙征 獄具,法不至死,中復以便宜戮首惡,流其餘, 瀛州,移 河東都轉運使,進龍 改右司諫, 同知諫院。 圖閣直學士、知江寧府。 賈昌朝陰助之, 遷御 入 、奏爲令。 史知雜 欲以搖 村 郵 拯

惡之,遣使往視,謂爲不實,削一階,提舉玉隆觀。 言:「永康控威、茂,不可廢。」其後因夷竟復之。 拒 不聽, 中復樂易簡約,好周人之急,士大夫稱之。 河 北行青苗法,使者至,將先下州縣。中復檄之曰:「斂散自有期,今先事擾之,何也? 且以報。 安撫司韓琦方疏諫青苗,錄其語以上。 從孫擇仁。 關內大旱,民多流亡。 起 知荆南,坐過用公使酒免。 熙寧倂省郡 邑,以永康 中復 請 加 爲 卒,年六十 賑 縣,中復 卹,執政

計 朝堂白事。 擇仁字智夫,以父任,爲開封雍丘主簿。 宰相范純仁獨異之,曰「簿領中乃有是人邪?」 元祐中, 金 水河隄壞, 十六縣皆選屬吃役,得

者惶 <u>Ц</u> 奴 犯 我以 遽 擇仁上謁,喬年迎笑曰:「所以來,爲察君罪,顧乃得一奇士,吾今薦君矣。」居數日,召 法,按致 入白, 中 靜鎭之。 ·靖國初、畿內饑,多盜,以擇仁 於理。 擇仁著衣冠 若亡命 順羞恚造譖,徽宗召戶部 椎埋故犯,我 坐 一廡下。 喬 年 知太康縣。 慮囚擿隱, 切誅 郞 之, 1-11 宋喬年往鞫 毋得貨。」 剔抉帑庾出入, 始至, 召令賊曹曰:「民窮 相戒不入境。 喬年,优 不能得毫毛罪, 東也,疾驅 而盜, 中貴 非天 乃歸 至。 人譚稹 傳 候 性

詣闕

寵,官 1 帝曰:「新 不返, 度事 緻 廊 一,自占 如 城 栅 方有 削 諸 十三。 鐵, 姓. 司 事青唐,擢熙河路轉運判官,即以直秘閣爲副使,從招討使王厚領兵深入,克蘭 城雜以 名, 急, 使,服金帶。 讒不能 匿宦官楊戩第,擇仁跡取之,竄 一人云「某人送某獄,某人當杖,某人去」,而 加 沙土,反 龍 售。 圖 進 遂 擇仁視事, 狃舊態來前, 不如 集賢殿修撰, 拜 戶 部侍 故, 且速圮。」帝怒, 郎兼 爲京畿 知開封 子 都 府。 遠。 业 轉運使。 密遣取 而械諸獄, 故事 , 塊城上,緘以來,令衞卒三投之,堅 鄭州 尹以三日 尹 無所 城惡, 一府大驚。 वि 1聽訟, 否。 受命更築之。 有竇鑑者,以 右曹吏十輩 賣珠人居民貨久 或讒於 (捕盗 列 庭

法, 奪職, 戩 中 以事 趸。 再閱歲, 出為顯謨閣直 以徽 猷 學士、 閣待制領江、准發運,還直學士、知渭州 知熙州 從永 興 軍 3 走 馬 承受藍從 以病提舉崇福宮, 熙言其擅

列

傳

起知青州,不克拜,卒,年六十六。

告者。 陳薦字彥升,邢州 田主又殺其母。 沙河人。 縣欲聞致殺二人,以逭薦失盜之責。 舉進士,爲華陽尉。 盜殺人, 棄尸民田。 薦不可,曰:「焉有誣人以自貰 薦出驗,有以移尸

者邪

」已而獲盜

知太常禮院。

疑間毫髮不處,與人交久而不變,如彥升者,無幾也。」琦輔政,薦爲秘閣校理、判登聞檢院 從韓琦定州、河東幕府。 性木僵簡澹,獨琦知之最深,每語人曰:「康於進,勇於退, 嫝

公亮用人不當, 閣 待制,進知制 英宗諸王出閣,選爲記室參軍,直集賢院。 誥、知諫院。 言旣行而遷侍讀,罷諫職。 薛向首謀取橫山,功不战,薦請以漢王恢之罪罪向。 薦曰:「此乃宰相欲杜繪言爾,所言是, 潁王爲皇太子,加右諭德; 王卽位,拜天章 楊繪 宜責宰 論曾

十里,期一月就功,役丁夫八萬。鷹曰:「河未能爲數州害,民力方困,願以歲月爲之。」還,判 除龍 圖閣直學士、河北都轉運使。 河 決棗彊, 水官議於恩、冀、深、瀛之間築堤三百六

相。」疏入不報。

御史臺,言李定匿所生母 流內銓、太常寺。 議學校頁舉法, 喪, 不宜爲御史。 請會三年貢士數均之諸路,計口祭孝廉如漢制。 罷臺事。 又以議典禮 不合, 出 知蔡州。 召爲實 權主管

文閣學士兼侍讀,進資政殿學士。

年六十九, 贈光祿大夫。 屢 水退,以爲 本州, 命兩省燕餞資善堂。 擢其子厚御史臺主簿。未幾,提舉崇福宮。卒,

王 獵 字得之,長垣人。 累應進士不第, 乃治生積錢,旣而歎曰:「此敗吾志也。」 悉以 班

諸親族。

待臘 慕在 率教爾。 法者,**獵自責數,以爲敎之不至,**屏出之府。 加敬。 . 境中,往奠謁,建祠其旁。 慶曆用兵,詔求遺逸,范仲淹薦之,得出身爲永興藍田主簿。 致于理,不足以益美化,恐適貽士 徙林盧令,縣依山,俗以蒐田爲生,不知學。 居官無絲髮擾,吏民愛信,共目爲淸長 類辱。」帥悟 帥意其私,捕生下獄, 而喜曰:「吾慮 獵立孔子廟,擇秀民誨之。 獵前白 府使之掌學。 初不 官。 及 曰:「此特 此。」卽 諸生有 漢杜喬 釋 年 少不 生 犯 而

入爲吳王潭王宮教授、睦親廣親宅講書、 諸王侍講。 凡在京藩十二年, 宗室無高

列

傳第

八十

王

獵

孫

思

恭

侍講。 厚,不 長,各得其歡如一日。 敢以非禮名號加於王,所以報王也。」帝大悟,自是不復議。 方議濮王稱,以問臘,臘不可。 英宗在邸,尊禮之 帝曰:「王待侍講厚,亦持此說邪?」對曰:「臣荷皇恩 入爲皇子,即拜說書; 及即位,拜天章閣待制兼 以疾請謝事,不許。 疾 愈

全奉。 神宗立,進龍 後八年卒,年八十。 圖 閣 直 學士。 詔 賻絹千匹,官其二孫,賜家人冠帔,人以爲寵。 求知襄州、未行、改滑州。 自工部郎中爲本曹侍郎致仕,給

入見,帝喜曰:「侍講乃欲捨朕去乎?

位,擢天章閣待制 丘 理。 一令,轉運使以水災時調 事神宗藩邸爲說書,又爲侍講、 孫思恭字彦先,登州 人。 春夫,爭弗得, 擢第後,即遭父喪,不肯復從官,二十年間纔三書吏考。 直集賢院。 乃棄官去。 以居中都久, 吳奎薦其學行, 力請補外, 補國子直 王奏留之。 講 加秘 爲宛 及卽 閣 校

初不知思恭,脩出政府,思恭盡力救解。 思恭性不忤物, 出知江寧府、鄧州, 以疾移單州, 管幹南京 留司 御

犯而

不校,

篤於事

有所

見,

必密疏

以聞。

帝

亦間訪

以政。

歐陽脩

卒,年六十一。

思恭精關氏易,尤妙於大衍。 **嘗修天文院渾儀,著堯年至熙寧長曆,近世曆數之學,未**

有能及之者。

周孟陽字春卿, 其先成都人, 徙海陵。 醇謹夷緩。 第進士,爲潭王宮教授、諸王府記

室。

命宗諤傾一宮往請,不能動,及是,意乃决。 太尉賢,參以天人之助,乃發德音。 從容陳古事以諷,英宗悚然起拜; 曰:「今已有此跡,設固辭不拜,使中人別有所奉,遂得燕安無患乎?」時中使趣召 英宗居環列,以其質厚,禮重之; 及爲皇子,愈堅臥不出。孟陽 何爲堅拒 會除知宗正寺, 如此? 」英宗曰:「非敢徼 力辭,凡上十八表,皆孟陽爲文。 入見臥內,勸之曰:「天子知 福,以避禍 也。」孟陽 十輩 叉

<u>ان</u> افار 以時務。 殿,帝望見慟哭,左右皆泣下。拜天章閣待制。 盂陽稱他人,使代己,乃遷集賢殿修撰、同判太常寺兼侍讀。 帝卽位,命爲皇子位說書,以嘗侍藩邸, 最後, 召至**隆儒殿**, 在 邇英苑中, 羣臣未嘗至。 固辭。 卒, 年六十九。 加直 一秘閣、 人疑且 同 韶特官其壻及子孫二人, 大用, 知太常禮 神宗初立, 帝亦論以不次進 院。 入奏事,方升 數引 對, 除 擢

列

傳

第八

+

周孟陽

弊

恢

楊绮

其家負官緡錢數萬。

年,徙 宮僚,韓琦薦其賢,以直昭文館,爲潁王府翊善,進太子 稱 通 君子 進、銀臺 齊恢字熙業,蒲陰人。 河東。 臨政府,明白簡約,不苛擾,所至人愛之。 司。 凡公帑格外餽餉之物,一 出 知 相州 了; 召 唐宰相映之裔也。 知 審官西院, 無所受。 糾察在京刑 第進士, 單車而 帝念舊僚, 獄。 左 東,入爲 歷通判陳州, 一論德。 卒,年六十六。 自諫議大夫特贈 戶部判官。 帝卽位,拜天章閣 提點成都府路刑 恢居鄉 神宗 工部 出 里, 待 閣, 侍 制, 恂 獄三 精 郎。 恂 簡 知

之,蹤 侍從, 集賢 校理 楊 執政 跡 繪 不類人所出入,則曰:「我知之矣。」呼戲沐猴者詰於庭,一 爲 字元 見其年 開 素,綿竹人。 封 推官, 少, 不 遇事 甪。 少而 迎刃 以母 奇警,讀書五 而 老, 解, 諸吏惟 請 知 眉 行俱下, 州 日 ,徙興 不足, 元 名 繪 府。 未 聞 午 西 吏請攝 州 桽 沛 訊具伏,府中服其明。 進士 然。 穿窬 仁宗愛其才, 上第,通 盜. 庫維者, 圳 荆 欲 南 繪 超 就 寘 以 在 視

郡

獄無繫囚。

爲郡守繩治,時聲父易占亦官越,深庇之。用聲,私也。」帝爲寢其命。 見許其忠盡,擢寘言職,信之亦篤矣。 讀,繪固辭,滕甫言於帝。 聞鼓院,用所厚曾鞏爲史官。 聲,故使守鄲,非由外戚也。」帝曰:「諫官言是,斯可窒異日妄求矣。」曾公亮請以其子判登 向 下新卽位,天下 爾,卿其諭朕意。」繪曰:「諫官不得其言則去,經筵非姑息之地。」卒不拜。 傳範 神宗 安撫京東西路,繪請易之,以杜外戚干進之漸。 立,召修起居注、知制誥、知諫院。 拭目以 觀初政。 帝韶甫曰:「繪抗跡孤遠,立朝寡援,不畏強禦, **|**繪爭曰:「公亮持國,名器視如己物。 館閣、臺省之士,朝廷所素養者不之遣,顧獨遣中人乎? 今日之除,蓋難與宰相並立於輕重之間,姑令少避 韶遣內侍王中正、李舜舉等使陝西, 執政曰:「不然, 向者公亮官越,占民田 繪亦解諫職,改銀侍 傳範久領 知無不爲。 未閱月,復知諫 繪言: 郡,有政 肸 三唑

以三傳解經。」免役法行,繪陳十害。 陶皆五十而求散地,陛下可不思其故乎?」又言:「方今以經術取士,獨不用春秋,宜令學者 年六十有三、呂誨五十有八、歐陽脩六十有五而致仕;富弼六十有八而引疾;司馬光、王 時安石用事,賢士多謝去。繪言:「老成之人,不可不惜。 安石使曾布疏其說。 詔繪分析, 當今舊臣多引疾求去:范鎭 固執前議, 遂罷爲侍

院,擢翰林學士,爲御史中丞

讀學士、知亳州,歷應天府、杭州,再爲翰林學士。

觀,起知興國軍。 議者欲加孔子帝號,繪以爲非禮,又言不宜用遼曆改置閨,悉從之。 元祐初,復天章閣待制,再知杭州。 詳在竇卞傳。 卒,年六十二。 數月,分司南京,改提舉 繪常薦屬吏王永

所容重。 | 繪爲東敏強,主愛利,而受性疎曠,訖以是見廢斥。 爲文立就,有集八十卷。 然表裏洞達, 一出於誠,爲范祖禹

第,爲高密廣平院教授。 劉庠字希道,彭城人。 八歲能詩。 蔡齊妻以子,用齊遺奏,補將作監主簿。 復中進士

盜,治守藏吏。 庠言:「皇城幾察厲禁,實近侍主之,當丼按。」仁宗外家李珣犯銷金法,庠奏 言,法行當自貴近始。 |庠言:「天子之孝,在繼先志,隆大業,不在宗廟之靡。 宜損其制,以昭先帝儉德。」奉宸庫被 日食甫數日,苑中張具待幸,庠言非所以祗天戒,詔罷之。 英宗求直言,庠上書論時事。帝以示韓琦,琦對之「未識」,帝益嘉重,除監察御史裏行。 潁王長且賢,宜亟立,使日侍禁中,閱四方章奏。」帝皆行之。 帝不豫,儲嗣未正,庠拜疏謂:「太子,天下本。」漢文帝於初元即爲無 會聖宮修仁宗神御殿,甚宏麗。

不相 五 得 避。 志,海內爲之困弊。 神宗立,遷殿中侍御史,爲右司諫。 言:「中國禦戎之策,守信爲上。 昔元昊之叛,五來 契丹張宴白溝,日當英宗祥祭,庠丐兔,契丹義而聽之。 。今莫若示大信、捨近功,爲國家長利。」奉使契丹。故事,兩國忌日

府,又爲河東都轉運使,召知開封府。 內侍程昉希功,請益兵濟役。」庠請遲以歲月,徐觀其勢而順導之。 博易以濟用。 土場,或言河北不可不備。 庠上五策,料其必不動,已而果然。 除 集賢殿修撰、河東轉運使。 又請募民入粟塞下,豫爲足食。 進天章閣待制、河北都轉運使。 **庠計一路之產,鐵利爲饒,請復舊冶鼓鑄,通隰州鹽礬,** 大河東流,議者欲徙而北。 朝廷是其議。 契丹侵霸州 移知眞定

爲 脫問 流 乎?」库曰:「臣子於君父各伸其志。 有語庠者曰:「王公意如此,盍一往見。」庠謂:「見之,何所言?自彼執政,未嘗一事合人情。 龍 以下罪徙 ?青苗、免役,將何辭以對。 圖 庠不肯屈事王安石。 、閣直學士、知太原府。 實河 外。 安石欲見之,戒典謁者曰:「今日客至勿納,惟劉尹來,卽告我。」 請復憲州募民子弟剽銳工技擊者,籍爲勇敢,做漢謫戍法,貰 」竟不往。 臣知事陛下,不敢附安石。」會與蔡確爭廷參禮 奏論新法,神宗諭之曰:「奈何不與大臣協心濟治 ,遂以

契丹建牙雲中,遣騎涉內地,邊吏執之。 契丹檄取紛然,又遣使議疆事。 衆疑其造兵

列

第

八十

劉

庠

朱京

端、欲大爲備。 降 喪,服終,知成都府。 願 知號州 勿聽。 宜先諭以理,然後飭兵觀釁。」帝嘉使者辭順, 移江寧府、滁州,徙永興軍。 |庠奏言:「雲朔歲儉,軍無見糧。 乞禁西山六州與漢人婚姻,勿蹈吐蕃取維州之害。 時西征無功,關內騷動。 契丹張形示彊,造端首禍,曲在彼不在我, 訖以黃嵬山分水嶺立新 庠過關,力言虛內事 徙秦州。 疆。 坐 外、恐 一失舉, 遭母

也) 岸有吏能,淹通歷代史,王安石稱其博。 元站 初, 加 樞 密直學士、知渭州。 卒,年六十四。 卒後,蘇頌論||岸治||一建儲之功,詔褒錄其子。 宣仁聞之日:「帥臣極難得,劉庠 可惜

搖

[根本,帝感納其忠。

太學 朱京字世昌, 錄 南豐人。 父軾,有隱德。 京博學淹貫, 登進士甲科。 教授亳州、

得此百 之則輕。 神宗數召見論 數,亦何益國邪?」他日入見,帝勞之曰:「昨覽奏疏,所補多矣。」」原風神峻整,見者 今耳目之官,屢進屢卻,則言者不若靜默爲賢,直者不若柔從爲智。 事,擢監察御史。 時中丞 及同僚多罷去,京抗疏曰:「御史假之則重, 偷安取容,雖 略

憚之,目爲眞御史。

之私。中書言其失實,謫監興國軍鹽稅。 獄、司封員外郎。元符初,遷國子司業。 而退。帝問原安在,左右以告,詔趣之入,辰漏且盡,爲留班以須。未幾,論大臣除擬有愛憎 初,臺臣奏事,必先移閤門,得班乃入。 |京嘗以名聞,翌旦旣入,會有先之者,不及對 徽宗初立,復命之,踰月而卒。 京在元祐時,嘗爲幸太學頌,或擿其語有及先朝者, 歷太常博士、湖北京西江東轉運判官,提點准西刑

京亦固辭不拜。

無可議者。 見,何其同也。 面臺官,其所守可見矣。薦之論李定,思恭之右歐陽脩,繪請惜老成,庠不附新法,數子所 論 日:何郯、吳中復,皆良御史也。 京持論端確,竟以去位,君子惜之。 獵爲令而 興孔子廟,孟陽以教授而參决大計,此其卓然者乎。 郯出夏竦,阻王守忠,姦人庶幾少戢矣。中復恥證 恢臨政簡約

校勘記

張昇 原作「張昇」,參看本書卷三一八本傳校勘記(1)。

 Ξ 從永 列 興軍 第 八 + 「從」, 疑爲「徙」字之誤。 校 勘 記

傳

宋史卷三百二十三

列傳第八十二

蔚昭敏 范恪 馬懷德 高化 安俊 周美 向寶 閻守恭 孟元 劉謙 趙振 張

去,而師不失一人。 冀貝行營兵馬都監。 都虞候。 蔚昭敏字||一明,開封||祥符人。父興,事周世宗,數戰伐有功,又從太宗平太原,終龍尉 眞宗爲襄王,昭敏自東班殿侍選隸襄王府。 契丹以五千騎突至冀州城南,昭敏帥部兵與戰,敗之,得其器甲,賊遁 帝即位,授西頭供奉官,累遷崇儀使、

入寇,帝北巡至大名,契丹退趨莫州,昭敏與范廷召追至莫州東三十里,斬首萬餘級, 口甚衆,契丹委器甲遁去。拜唐州團練使,累遷至殿前副都指揮使,遷都指揮使、保靜軍節 咸平四年,領順州刺史、定州行營鈴轄兼押大陣,又爲鎭、定、高陽關三路先鋒。 擒生 契丹

列

第八十二

蔚昭敏

高化

度使。以足疾,命入謁無拜。卒,贈侍中。

甚衆。 爾,吾 丹所 狐 、略去。 口 高 幾殆。 盜有 化字仲熙,真定人。少沉勇有力,不事耕稼,學擊劍, 楊業留戲下,使捕賊鱼大鵬翼,獲之。 益 遺化金帛者,化弗受。 從州將入京師,遂隸禁軍,選爲裏王牽龖官。 親信之。 一日,王 一趨急召出府門,馬驚墮,化掖之而起。 會契丹又犯眞定,乃辭業還家,家屬 王尹京,命巡內外八廂,積獲 善射。 契丹犯河北, 應募 王曰:「微 虚 一姦盗 轉餉 爲 製

原路 得 馳 都 指 無 至 真宗即 患。 城 揮 權 使、 西 知渭州 仁宗嘉之,進 |榮州 堤欲 位,擢御龍弩直 壞,督守兵負 刺 遷捧 史,遷天武右廂都指揮使、 日、 神龍 天武 衞 |雙員都頭,累遷御龍骨朵直都虞候。 上不能遏。 四廂 几 |麻都 都 指 指 揮使。 揮使、龔州 時 夏 蜀 守恩方典軍 州團 防禦使, 回練使。 一,積 爲 天聖六年夏,大雨,命護汴堤。夜 材木城隅, 鄜 延路馬 乾興初,授天武右第二軍 步軍副 化盡取以塞堤, 都 總管,徙 乃

護 惠太后園陵, 發 兵 襲 明 珠族,不 累拜殿前副都指揮使,歷建武 利,降滑州總管。 改 興 州 軍節度使。 防禦使、 眞 定路 以老,辭管軍。 副 都 心總管, 徒高 韶入朝, 化又固 陽 翮 路。

果出無罪者三人。踰年,復告老,以右屯衞上將軍致仕。卒,年八十。贈太尉,諡曰恭壯。 改武安軍節度使、知滄州,未行,改相州。部有大獄已具,皆當論死。化疑之,遣移訊,

化謹質少過,馭軍有法。 雖起身行伍,然頗知民事焉。

京師,天子召見,隸禁軍。 周美字之純,靈州回樂人。少隸朔方軍,以材武稱。趙保吉陷靈州,美棄其族,間走歸 契丹犯邊,眞宗幸澶州,禦城北門,美慷慨自陳,願假數騎縛契丹

將至闕下,帝壯之,常令宿衞。

衝,我之嶽也(二),今不亟完,將遂失之。」仲淹因屬美復城如故。 都監。 首甚衆。 炬從間道上山,益張旗幟,四面大髞,賊懼走。獲牛羊、橐駝、鎧甲數千計,遂募兵築萬安城 厦人望見,以爲救至,即引去。 金明, 陣于延安城北三十里。 美領衆二千, 力戰抵暮, 援兵不至, 乃徙軍山北, 多設疑兵。 天聖初,德明部落寇平凉方渠,美以軍侯戍邊,與州將追戰,破之于九井原、烏崙河,斬 夏人旣破金明諸砦,美請于經略使范仲淹曰:「夏人新得志,其勢必復來。 累遷天武都虞候。元昊反,陝西用兵,經略使夏竦薦其材,擢供備庫使、延州兵馬 既而復出艾蒿砦,遂至郭北平,夜鬥不解。 數日,賊果來,其衆數萬薄 美率衆使人持一 金明當邊

列

略 而 使 漫。 雕 敵復 籍 表習之,改東路都巡檢使。 寇 金明, 美引兵由虞家堡並北山而下,敵卽引卻。 敗敵于金湯城,焚其族部二十一。 遷文思使,徙知保定軍。

衆繇 世衡等果無功。 馬 右 彼 騏 都 知吾來,必設伏待我。 監 廳 驥 元昊 子部 使。 遷賀州 大入,據承平砦。 西濟大理河, 軍還,築栅于葱梅官道谷, 刺 未幾,敵復略土塠砦,美迎擊于野家店,追 史。 屠箚萬多移二百帳,焚其 不如間道掩其不意。」世衡 諸將會兵議攻討,洛苑副使种世衡請齎三日糧直擣敵穴。美曰: 以據敵路。 積聚以歸。 令士卒益種營田,歲收穀六千斛。 不聽。 北至拓跋谷,大敗其衆。 美獨以兵西出芙蓉谷,大破敵。 籍、仲淹交薦之,除 鄜延路兵 以功遷 復率

揮 敵 破 以精 使、通州 敵 于無定河,乘勝 初, 騎數千來襲,美從百餘騎馳擊破之。 刺 自 史; 靈 武 進捧 來,上其所服精甲,詔藏軍器庫。 至級州,殺其酋豪,焚廬帳,獲牛馬、羊駝、器械三百計,因城龍 日、天武 四廂都指揮使, 加 陵州 本路鈴轄、遂爲 惠 至是,加飾黃金, 「練使。 副總管。 遣使卽軍中賜之。 遷龍神衛四廂 口平砦。 都指 又

諮將憚敵且至,不肯與兵。 慶 曆中, 安定之役,諜報敵數萬將大至,經略使遣管勾機宜楚建中分諸將兵,趣城 又城淸水、安定、黑水、佛堂、北橫山、乾谷、土明、柳谷、雕巢、盧兒、 美曰:「兵常以寡擊衆,何自怯也。」卒以兵二千與建中,而敵亦 黑水以待。 原安砦十

引去。 馬軍 一殿前 每邊書至,諸將各擇便利,獨美未嘗辭難,然所向輒克,諸將以此服之。 認都虞侯、眉州防禦使、步軍副都指揮使、遂州觀察使、 鄜延 副都總管。 歷侍衞親軍 召還,授耀

州觀察使,又進馬 軍副都指揮使。 卒,贈忠武軍節度使,諡忠毅

卒,以孫永淸爲子,官至引進副使。 族,復城堡甚多。 自 陝西用兵,諸將多不利,美前後十餘戰,平族帳二百,焚二十一 在軍 ·中所得祿賜,多分其戲下,有餘,悉饗勞之。 及死,家無餘貲。 ,招種落內附者十一 子蚤

府,因家焉。 而體貌奇偉,榮曰:「是必當事太平天子,吾無恨矣。」後十七年,劉氏平,徙太原民於大名 進不遇主,亦行伍爾,吾自度豈不及進邪?」遂應募,隸拱聖軍,擢殿前押班。 閻守恭,幷州楡次人。父榮,倜儻有志略,劉繼元欲召至帳下,辭以母老不就。 往來負販於井、汾間,過西山,聞郭進爲都巡檢使,太宗甚寵遇之。 乃慨然曰: 守恭生

指揮使、乾州刺史。明道中,落軍職,以德州刺史爲永興軍兵馬鈴轄,徙井代路 <u>咸平中,從幸河北,以功爲捧日副指揮使,歷拱聖、龍衞、捧日指揮使,累遷左第二單</u>

守恭性沉勇,御軍嚴。 雖家居如對賓客。 常訪求士大夫,取郭進事而師法之。 所得奉

列

傳第

八

† =

閻守

챴

孟

范

踰

分多矣。

今日與卿輩訣。」後十日卒。

祿悉散予人。 在抖州,因春社會賓客曰:「守恭,太原一貧民爾。 徒步位刺史,老復官鄉里,

頭 班 指 m. 揮 元字善長,洺州人。性謹愿少過,頗喜讀書。 使,擢 如京使、井代州兵馬都監,改鈴轄,徙高陽關路,又徙眞定路 少隸禁軍,以挽疆選補殿侍,累遷散都

爲 士 由 生,歲荒鹽 | 永濟| 王 則 渠穴地以進。 據 貝州 多不售,民 反,元赴城下攻戰,被數十創,又中機石, 賊平, 無以自給。 改右 騏驥使,徙大名府路鈴轄。 元度軍 食有餘,悉用易鹽,繇是民不轉徙。 墜濠中。 河朔饑,權 旣出,戰愈力。 知滄州 更募死 民醫鹽

武、捧 爲 大名 築永寧堡, 御 日 府路副都總管,徙定州路,遷馬軍 史中丞 四廂 都指揮使,又遷步 敵不 郭勸言其具州 · 敢動。 爲龍神 功 7而賞 軍 衛四廂都指揮使、 都虞侯、眉州 未當, 都虞侯,徙鄜延路,行至鄭州卒, 乃擢 防禦使、幷代路副 普州 忠州 刺史, 團 一練使、 遷宮苑使, 都總管。 高陽 關 專管勾麟 馬 贈遂州 判北京賈昌朝奏 步 軍總管, 觀察使。 府軍 馬

劉 謙 字漢宗, 開封人。 少補衞士,數遷 至捧日右廂都指揮使, 領嘉州團練使兼京城巡

檢。 元昊反,改博州團練使、環慶路馬步軍總管兼 知別 州

頗愛之。 謙 讀書,然鬥訟曲直,皆區處當理。 夏竦奏爲涇原路總管,徙知涇州,未行,會賊寇鎭戎軍,謙引兵深入賊境, 前守者多強市民物以飾廚傳,謙獨無所撓,別人 破其聚

落而還。

以功擢龍神衞四廂都指揮使、象州防禦使。

暴疾卒,贈永清軍節度觀察留後。

趙 振 字仲威,雄州歸信人。 景德中,從石普于順安軍,獲契丹陣圖,授三班借職。 後數

步, 年,爲隰州 中 高平蠻叛, 輒洞穿,蠻遂駭散 兵馬監 徙湖北都巡 押,捕 盜于青灰山,殺獲甚衆。 檢使兼制置 一南路。 以南方暑濕,

弓弩不利,別創

小欠,

振 募降羌, 歲 中, 遷 陷以 慶州沿邊都巡 利,令相攻, 破十 一檢使。 餘 堡。 時, 欽等詣 金湯李欽、白豹神木馬兒、 振 自 歸。 版爲置 酒 一先觸 高羅 跛臧 ,取細仗, 三族尤 闡 悍難 財數分, 制,

植 百 步 明 年, 外共射。 涇原 屬羌胡薩逋歌等叛, 欽等百發不 中, 振 + **鈴轄王懷信以兵數千屬振游奕,** 矢皆貫,飲等皆驚,誓不復 較 犯。 屢捷。 從數十騎詣懷

列

傳

第

八

十

劉

謙

趙

振

信, 力戰抵砦,奪取 邁 賊 十倍 射 水泉, 殪 數 **率**敢 十 ,餘悉退 死 土 破 散 圍 賊 數月,賊數萬圍平遠砦,都監 走, 追斬數 Ŧ 級。 徙 涇 原都 趙士 監 龍 歷 戰沒。 知順安保 振出別道, 安廣信

軍 -、霸州, 改京東都大 人提舉捉 賊。 明年, 知環州,累遷 象州 防禦使

三千、甲騎數百。告鄰部俾以環爲法, 元昊將反, 爲 金銀 冠珮隱飾 甲騎 不聽,於是東菱、金明、萬劉諸族勝兵數萬 遺 屬 羌, 振 潛以 金帛誘取之,以破其勢, 得冠珮銀鞍 悉爲 賊所

有。

及劉平等皆敗,唯環慶無患。

改 、捧日、天武 如吾謀,苟延州弗支,則陝西未可測,此天下安危之幾也 自本路馬步軍副總管擢龍神衞四廂都指揮使、 四廂。 振謂將吏曰:「今賊以我夷傷, 必乘勝以進, 鄜 延 路副 都 總管、 勢宜固守。 知 延 州 尙慮諸城不 代 范雍

法當 遣 龎 籍 百 轄, 斬, 所 餘人赴之,砦遂陷。 未幾,賊寇塞門砦。 奏,貶白州 就遷 再貶 副 太子左清道率府率、潭州安置。 總管、 團 l練使、 祁 州團 振有兵幾八千,按甲不動。 砦主高延德、監押王繼元皆沒于賊。 知絳州 練使 未行, 曾延德、繼元家復訴於朝, 踰年, 砦中兵纔千人, 屢告急,被圍 復右武衛將軍、惠州團練使、井代路兵 振坐擁兵不救,為都轉運使 敕御史方偕就劾振。 五 月,

元昊旣破豐州,將襲近砦,振率鈴轄張亢、麥允言出麟州深柏堰,擊破之。 無領嵐、憲

馬

六 州 車 <u></u>‡}∔ 河外饑,振設法通砦外商,得米數十萬斛,軍民以濟。 進博州防禦使,改解州致

仕; 復 起為 左神武軍大將軍,卒。

振 剛強自負,有武力,便弓馬,喜謀畫,輕財尙氣,衆樂爲用。 子珣、瑜,皆工騎射。

武伎,又試策略于中書,條對數千言。自殿直進閤門祗侯,未幾,除濠州兵馬都監 **珣年十六,仁宗召試便殿,授三班借職。** 景祐中,有言陶藝益進,且習書史。 復召見閱

都監。 檢使。 又上五阵圖、兵事十餘篇。 初,陶隨父在西邊,訪得五路徼外形勝利害,作聚米圖經五卷。 **珣自以年少新進,辭都監。** 呂夷簡、宋庠爲奏曰:「用兵以來,策士之言以萬計,無如珣者。」卽擢通事舍人、招討 帝給步騎使按陣,旣成,臨觀之。 授兵萬人,御賜鎧仗,令自擇偏裨、參佐,居涇原,兼治鼈 。陳執中招討陝西,薦爲緣邊巡 韶取其書, 并召珣至,

服。 膳氈 脈 靜邊將劉滬殿後,爲賊所掩。 一覧、党留百餘帳處近塞爲暴,珣白府,引兵二萬,自靜邊歷揆吳抵木寧襲賊,俘獲數 居龕谷無所屬,珣與書招之,遺以綈綿,瞎氈聽命 **珣登阪望見,從騎數百復入,拔滬之衆以出,士皆歎**

改本路 列 傳 都監 第 八 + = ",詔追 入朝。 趙 振 將行,適元昊大入,府檄留珣,會葛懷敏於瓦亭。 張 忠 懷敏已屯五

所屠。」 若依馬 瑜 敏 谷 亦 口 蛚 在 西 懷 欄 退走,就食鎭戎。 軍 至 馬欄城 ۲į, 敏 城 布 不聽,兵遂逼鎭戎城,越界壕,抵 戰甚力。 一棚以扼其路,守鎭戎城以 ,聞夏 人人徙 東壁兵輒潰,中 俄夏騎四合, 軍新壕 外,議欲 珣 軍 便餉 大擾, 被 擒,瑜以身免。 質 定川 道,俟其衰 明 **珣擁刀斧手前門,夏衆稍却,我軍** 掩 襲。 未及陣,夏 擊之,此 珣 謂 懷敏曰: 人引鐵騎來犯, 必勝之道 敵 遠 也。 來, 珣 不 衆倍鋒銳 居陣 然, 復 陣。 必爲賊 西 写,莫 懷

蹼,亦知名。 珀 美 風 儀, 性 勁特好學,恂恂類儒者。 既沒,人多惜之。 贈莫州刺史,後卒賊中。 瑜弟

幾 揮 () 眞 使。 張 拜齊州 仁宗 忠字聖毗,開封人。先世業農,忠慷慨不事生產。初隸禁軍,累遷龍 卽 團練使,擢 位 遷天 武 知滄州 左第三指 、本路 揮 鈴轄 使、 融 州 刺 史, 改天武右廂指揮使、 1、神衞左第二軍指 潮州 團 回練使。

羣 譟 楊 將 懷 劫 敏以 ^万庫兵為 忠御 亂。 急, 州 因 將恐, [奏對 召忠議。 言之, 徙澶 忠潛 州總管。 捕倡前者數人,斬以 會河 胡, 徇。 明 年, 以疾求醫京

決 商

詔

留戍滿

卒以助隄役, 輒

下

師,卒。

使, 行 門、龍旗直 與攻白豹城,破之。 范恪字許國,開封人。 一、散員押班(三)。康定元年,元昊數寇邊。試武伎,擢內殿崇班 既還,夏人遣騎襲其後。 初名全,少隸軍籍於許州,選入捧日軍,又選爲殿前指 恪設伏崖險,敵半度,邀擊之,斬首四百 一、慶州北 1路都巡 揮使, 檢 歷

取號於衆曰:「賊矢石 級, 生獲七十餘人。 嘗 「會諸道兵攻十二盤暨咄當、迷子砦(三),中流矢,督戰愈力。 以功遷內殿承制。 盡,用竈下甓矣。」於是士卒爭奮,果先得城。 遷供 視砲石中有火爨者, 恪 備 庫副 使。

滿之勢, 至 一箭貫二人。 恪有弓勝一石七斗,其箭鏃如鏵,名曰鏵弓。 賊遽卻。 他日,取蕉蒿砦歸,恪獨殿後,爲數千騎所襲。 管與總管杜惟序、鈴轄高繼隆將兵分討漢乞、薛馬、都處等三砦, 又於羽間識 其官稱、姓 恪視矢箙 止有二鋒, 氏,凡所發必中, 恪先破 即爲引

幣鬼,而繼隆圍薛馬不能下,恪馳往取之,既又援惟序下漢乞砦。 改左騏驥副 使。

因特召見。仁宗謂曰:「適有邊奏,賊犯高平軍劉璠堡,可乘驛 虜犯大顺 環慶路鈴轄,手詔令趣范仲淹麾下起兵赴援。 城,諸將皆閉城自守。 恪率兵一千餘,戰克之。改宮苑副使、環慶路兵馬 恪晝夜銀行, **验** 延往。 」 比至平凉, 逐遷 禮賓使、榮州 賊已解。 都

擅 德 刺

之、遷洛苑使、權秦鳳路兵馬總管。

路 副 都指揮 副都總管 |恪 聽勇善射 使, 數月卒,贈昭化軍節度使。 歷坊州 ,臨難敢前,故數有戰功,自龍、神衞四廂都指揮使累遷至侍衞親軍馬步 刺史、解州防禦、宣州 觀察使、保信軍節度觀察留後, 以疾出爲 永 興 軍

遷右侍禁。 又率蕃漢燒蕩賊海溝、茶山、 懷德爲兵馬監押,以所部兵入賊境,破遮 奉 職 馬 爲延州 懷德字得之,開封祥符人。 南安砦主、東路巡檢。 龍柏、 父玉,東頭供奉官,言懷德 數以 安化十七砦三百餘帳,斬首數百級,虜馬駝牛羊 少擊 鹿、要册二砦,親射殺 西賊, 敗其衆。 可試 范仲 引弓、 淹 知 兒廂主 延州 擊劍、 , 修青澗 遷左 角 觝, 班 補 萬數, 殿 城 直。 班

砦, 賊以四 械以千數。 以范仲淹、韓琦薦,授閤門祗候,延州龐籍入奏爲東路都巡檢使。]萬騎犯邊,趨僕射谷。 遷內殿崇班。 又以兵修龍安城,虜不敢犯,遂爲鄜延路祁監。 懷德以兵數千據谷旁高原待之,斬首二 夷黑神、厥保等十八 一百級, 又城綏平、破賊 得畜產、器

青化、押班、吃當三砦,殺獲甚衆

使 金閣 元 昊爲夏國主,命國子博士高良夫與懷德會西人畫界。 闁 通事舍人。 龐籍具論其前後功,遷供備庫

歷 副 知保 安軍 、環州、環慶益 時用兵久,民多亡散,懷德招輯有方,經略使梁適奏請推其法諸路。 利路鈴轄,累遷至四方館使、舒州團練使,徙鄉 延路副 都總管。

親 軍 步 坐 一違法 軍都 虞候、象州 路宦官閻士良, 防禦使、鄜延 爲安撫呂景初奏,降四方館使、英州刺史。 路 副 都總管,遷馬軍都 虞候,徙環慶路。 大名府路總管,侍衞 環州蕃官蘇 恩

以其 屬 叛 、往降之。 又遷殿前 都虞侯、步 軍副指揮使、隨州 觀察使。

鏃 入於骨,以弩弦繫鏃,發機而 英宗 創位 一遷靜難 軍節度觀察留後,召還,卒,贈安遠軍節度使。 出之。 嘗因戰,流矢中其賴,

安 俊 字智周, 其先太原人。 祖 灣, 高州團 回練使。 仁宗爲皇太子,俊以將家 子謹厚, 選 爲

都監

青、范恪同召至京師,將使備 阳江 資善堂祗 井那等諸砦,安撫使韓琦上其功,遷內殿崇班、 候。 及 創位 了補右 班殿直,累遷 北邊,擢 內園 東頭 副 使。 供 奉官、 翌 環慶路都監,徙涇 日 改 改 **閤門祗侯,爲環州** 禮賓使。 契丹欲渝盟,與狄 破趙元昊吃

會葛 懷敏敗, 命爲秦鳳路鈴轄,復徙涇原。 因條上禦戎十三事,改 (原州) 徙鳞州,

列

傳

第

八

+

安 옏

 $[\hat{n}]$

籒

〇四六八

秦鳳路 除虢州 宅使、貴州刺 總管。 刺 史,徙高陽關路,又遷原州刺史,知滄、涇、冀三州。 史、知忻州,徙代州。 歷龍神衞、捧日天武四廂都指揮使, 爲帥臣誣奏,降京東路鈴轄。 果州 團練使,環慶路副總管; 秦州築古渭城,蕃部大擾,徙 富弼知青州、爲之辨理、眞 遷侍衞步

軍都虞候、陵州防禦使。卒,贈閬州觀察使。

安大保。」指俊于坐曰:「此長髯將軍是也。 俊 久在邊, 羌 人 識 之。 環州得俘虜, 知州神世衡問之曰:「若屬於吾將孰畏。」曰:

向寶,鎭戎軍人,爲御前忠佐,換禮賓使, 涇原、秦鳳鈴轄。 積勞,自皇城使帶 御器械,

歷眞定、鄜延 副總管,遷龍神衞四廂都指揮使、嘉州 團 陳使, 卒。

掠。 斷人跡,寶一矢殪之。 嘗至太原,梁適射弩再中的,授寶矢射之, 實善騎射,年十四,與敵戰,斬首二級。 道過潼關, 巨盜郭邈山多載關中金帛、子女, 及壯, 四發三中。 以勇聞。 適日:「今之飛將也。」神宗稱其 有虎 踞 五原卑邪州 寶射走之, 盡 東 過得其所 西 百 里

勇,以比薛仁貴。

及死,厚恤其家

無如 機。 平反冤獄,脫人於死,蓋武人之知民事者。 功。 不用陶計而取敗,珣亦力戰而沒,惜哉!安俊、向寶無多戰功,夏人皆識其名而畏之。 ĪIJ 軱 爆 勝 陶者。 慨自效,起徒步至刺史,其志亦豈小哉。孟元、劉謙、馬懷德、范恪皆經略西鄙,數戰有 塞門之敗,振擁兵不救,何獨暗於此邪?子珣年少習書史,閱武技,用兵以來,人以爲 其初起自卒伍, 而能練習民事、招輯散亡, 不獨一武夫而已。 趙振挽彊命中, 精曉兵 論 所得祿賜,悉分與麾下,士亦樂爲之用,推古良將,何以加此。 鼈竿一戰,西人奔走不暇,從容而拔劉滬於死,英風義烈,何可少哉! 葛懷敏以 **|美敗夏人,焚族部,城堡砦,未嘗擇便利,而** 閻守恭慕郭進爲人, 所向

校勘記

四四

較之諸人,未可同日語也。

- 我之磁也 蔽 原作 「弊」,據長編卷一二八、編 年綱日卷一 改。
- É 歷行 班 党」「散 門 謯 員 旗 直散 叉 見 負 本書卷一八七兵志禁軍額。 押班 散 員」原 作「散原 據改 隆平集卷 九本傳:「選行門、歷龍旗直、散員押

(三) 聲咄當迷子砦 「暨」原作「旣」,據隆平集卷一九本傳改。

宋史卷三百二十四

列傳第八十三

石普 張孜 許懷德 李允則 張亢 兄奎 劉文質 子渙 滬

趙滋

石普, 其先幽州人, 自言唐河中節度雄之後,徙居太原。 祖全, 事周爲鐵騎軍使。

父

通,事太宗於晉邸。

苛急,農民失業,宜稍蠲減之,使自爲生,則不討而自平矣。」帝許之。 鋒,與韓守英、馬知節誅斬之。 寇掠永興諸縣,命普督兵往捕,悉獲之。 又為西川都提舉捉賊使。 普十歲給事邸中,以謹信見親,補寄班祗侯,再遷東頭供奉官。賊邢橐駝、賈禿指數百人 時獨民疑不自安,多欲爲盜者,普因馳入對,面陳:「圖亂由 遷西京作坊使、欽州刺史。 遷內殿崇班、帶御器械。 順餘黨復寇邛蜀,偽稱邛 李順叛,普爲西川行營先 普卽日還蜀,揭牓諭 南王。 . 赋斂

列

傳

第八

+ =

石

普

緣邊都巡檢使 莫不悅 服 贼 **羌**自己

羽內寇,

普追殺之。 卒, 賜白 金三千兩、襲衣、金帶、鞍勒馬。 累遷洛苑使、富州 團 練使、延州

城。 使,賜黃金三百兩、白金三千兩。 賊 出 城 拒 從眞宗幸大名,會王均叛,以爲 破, 戦, 均夜半突圍由南門遁, 普領前陣力擊破之。 賊退保 故事,正任不兼帶御器械,帝特以 普引兵追擊于富順監 川峽路招安巡 益州,王師圍城數月)檢使,佐雷 均自殺, 不下, 有終率諸將 命普 餘黨皆 普繕 車 進 平 砲 討。 又爲 遷 至 冀州 天 地 回 道 惠 鎭, 練 攻

與別 嫯 頸(こ,至 略, 馘 枫 凡號令進退,及呼召將佐、會合別屯, 令 將 甲甚 契丹犯邊,爲保州兵馬鈴轄、北面行營押策先鋒,與契丹戰廉良城,又戰 初 [各持半,用相合爲信。」帝爲置傳信牌,漆木長六寸,闊三寸, 可 一被爲 衆。 南侵,敗 合契。 徙定州路副都總管。 又穿二竅, 我兵 又獻禦戎圖,請設 容筆墨,上施 子 望 都。 旣而 靈州失守,益兵備關中,徙永興軍副都總管。 諜 重以 紙札, 者言復欲 皆遣人馳告。 陷 每臨陣則 敵 馬,丼上所置 大入寇,帝自 分持,或傳令則書其言, 普上請曰:「臣嘗將兵,輒破一錢, 戦械 畫 甚 軍 腹背刻字而中分之,置 ·事,以 衆。 徙爲莫州 手 長 詔示 \城口 時軍 繋軍吏之 輔臣曰: 獲俘 制 疎

則

쉛

定、

高陽二

路

兵

宜會定州,

夾

唐

河

爲

大陣,

立

棚

災

守,

量寇遠近出

Ħ.

俟敵疲

伍

、先鋒出致師,用騎卒居中,環以步卒,接短兵而已,無遠離隊

背受敵。若不攻定州,縱軼南侵,則復會北平田敏,合勢入契丹界,邀其輜重,令雄、 勿輕鬥,待其氣衰,背城以戰。 延昭、張禧、李懷岊領之;五千騎屯北平塞,田敏、楊凝、石延福領之,以當賊 又分兵出三路:以六千騎屯威虜軍 若南越保州,與大軍遇,則令威虜之師與延昭會, ,魏能、白守素、張銳領之;五千騎屯保州,楊 鋒。 使腹 始至

霸、破虜已來,互爲聲援。

莫州,盧文壽、王守俊監之,敵騎北去,則西趨順安軍襲擊戶,斷西山之路。 鎭大名,以張軍勢。 合,敵由 千屯邢州,扼東西路。 又命孫全照、王德鈞、裴自榮將兵八千屯寧邊軍,李重貴、趙守倫、張繼旻將兵五 [東路,則劉用、劉漢凝、田思明以兵五千會普、全照爲掎角,仍命石保吉將萬兵 契丹將遁,則令定州大軍與三路騎兵會擊之,令普統軍一萬于 如河冰已

傾圖以授諸將。

路,亦可 設險以制敵, 宜有制 後數月,勅輔臣曰:「北邊已屯大兵,而邊奏至,敵未有釁,且聚軍虛費,民力何以給 通漕運 畫,以爲控遏。 守邊之利也。」 至 邊。 宜乘此用衆浚治,使及軍城,彼或撓吾役,即合兵擊之。」李沆等曰: 且靜戎、順安軍界,先開營田、河道,可以扼黑盧口、三臺、小李 遂韶內侍<u>閻文慶與靜戎、順安</u>知軍事王能、馬濟督其事,而徙

列

普屯順安之西,與威虜魏能、保州楊延昭、北平田敏爲掎角。

路都總管,以普副之。 丹欲請和 普率所部 內侍馮仁俊掌御劍于莫州,與普不叶。帝曰:「勿窮治以驕將帥。」第召仁俊還。又令 i 屯乾寧軍,復遷普冀州團練使,徙本州總管。 ,因繼忠遣人持信箭爲書遺普,且通密表。 趙德明納款,詔降制命,普言:「不宜授以押蕃落使,使之總制屬院, 事平, 車駕幸澶淵,時王繼忠已陷契丹,契 遷容州觀察使。 向敏中為鄜延

則強橫不可制矣。」乃止兼管內蕃落使。

(三二卷、用將機宜要決二圖。時方崇尙符瑞,而普請罷天下醮設,歲可省緡錢七十餘萬,以 令扈從至西京。 路總管,遷保平軍節度觀察留後,赴本鎮。 李漢超守河朔時,歲給以萬計,今丼代屯軍多,不足以犒軍,帝不 未幾,徙幷代路,給公使錢二千五百緡,普援例歲給錢三千緡,樞密院言無此例。 拜河西軍節度使、知河陽,徙許州。築大流堰, 帝祀汾陰,還至陝西,普請駐蹕城中。 引河通漕京師。 納。 改桂州 觀察使、鎭州 上軍儀條 因賜詩, 又言

廷,帝怒,命知雜御史呂夷簡劾之。 臣所 、中祥符九年,上言九月下旬日食者三;又言:「商賈自秦州來言唃厮囉欲陰報曹瑋, **[獻陣圖付瑋,可使瑋必勝。] 帝以普言踰分,而樞密使王欽若言谱欲以邊事動朝** 獄具,集百官參驗,九月下旬日不食。坐普私藏天文,下

赡國用,繇是忤帝意

賤,性輕躁,干求不已。 百 「官雜議, 可聽挈家以行。」甫至賀州,授太子左清道率府副率、房州安置,增房州屯兵百人護守。 罪當死。 議以官當, 旣懵文藝,而假手撰述,以揣摩時事。 詔除名, 貶賀州, 遣使縶送流所。 聞在繫所思其幼子,時時泣 帝謂輔臣曰:「普出徼

給官第居察州,遷大將軍,卒。 軍 左 ,徙光州。 屯衞大將 稍復爲左千牛衞將軍,其妻表求普領小郡, 軍,徙蔡州。 以 私用孔子廟錢,貶太子左監門率府副率,滁州安置。 坐失保任,降本衞將軍。 遷左領軍衞大將軍。 歷遷左千牛、左領軍衞大將 以左衞將軍 仁宗卽位徙安州,遷 軍 ,起知信陽 分司西京

衆推 藉其善戰,每厚遇之。 其 普 勇。 倜 儻 頗通 有膽略,凡預討伐,聞敵所在卽馳赴之。 兵書、陰陽、六甲、星曆、推步之術。太宗嘗曰:「普性剛驚, 後以罪廢,每太宗忌日,必盡室詣佛寺齋薦,率以爲常 兩平圖盜,大小數十戰,摧鋒與賊角, 與諸將 少合。」然

曰:「此兒貌厚,汝謹 張 孜,開封人。 視之。」景宗遂養以爲子。 母微時生孜, 後入宮乳悼獻太子。 蔭補三班奉職、給事春 **政方在襁褓,真宗以付內侍張景宗** 坊司,轉殿直

皇 太子卽位 当,遷供 奉官、閤門祗侯。 爲陳州兵馬都監,築堤袁家曲捍水,陳以無患。 五

列

僔

第

八

遷

至

供

貝

(聽捷 備 庫 軍 使, 士上 頟 關銀、鞵錢,事 恩州 團 練使、真定路兵馬鈴轄, 下放議,放言:「此界河策先鋒 歷知莫、貝、瀛三 兵,有戰必先登,故平 州 轉運使張显之奏罷 ·時賜予

O

四 七六

異諸 軍,不 可罷。」且之猶執不已,遂奏罷保州雲翼 別給錢 糧,軍怨果叛

聞。 教不 使、 侍 兵 衞 相 知瀛州 率 中程,指揮使 馬 遷 契丹欲背盟 軍 昭信軍 扣府欲訴, 都 , 拜單州 虞候,又遷殿前 節度觀察留後、馬軍 ,富弼往使, 問 閉 **團練使、** 狀,屈強不肯對, 門不納。 都虞候, 龍 神衛 命政爲副, 是 日 副 幾 四 都指揮 乘夜, 加桂州管內觀察使, 廂 都指揮使、井代 議論 使。 十餘人大課, 雖出 厨, 副 然政亦安重 遷侍衞 總管。 諭之,皆散還營。 趣往將害人,收禽首惡斬之然後 步軍副 河東 酒事 更鐵錢法, 都 指 以勞遷 遷濟州防禦使、 揮 使。 人情疑貳, 西 虎翼兵 上閣門

復 州 哪 稱 薦 御 引之,請 仁宗以其 孜 史矣。」坐此 長 於宮禁中,內外頗涉 無他,復召爲 謫知蔡州。 | 弼引咎求罷 馬 疑似,言者請罷 軍副都指揮使。 而孜尋以罪罷,知曹州。 政 事。 諫官御) 独兵柄, 御 史皆言進擬不 史中 丞韓絳又言:「孜不當典兵,而宰相 乃出 卒,贈太尉,諡勤惠 爲 ·自
阴。 寧遠軍節 絳家居待罪,日:「不敢 ig使、 知路 **孜初名茂實** 州 徙

避英宗舊名,改「孜」云

懷 德字師古, 開封 祥 符人。 **父**均, 磁州 團練使。 懷德長六尺餘,善騎射擊刺。

父 任 爲 東 西 班 一殿侍, 累擢 至殿前指揮使、左班都虞候

在 敵乃去。 級,遂解延州。 城中,率勁兵千餘人突圍,破之。 元昊寇邊, 屠金明縣,復進 選爲儀州刺史、鄜延路兵馬鈴轄,遷副總管。 圍 延州。 懷德遽還,夜遣裨將以步騎千餘人,出不意擊之,斬首二 夏人復陣,有出陣前據鞍嫚駡者, 夏人三萬騎圍承平砦,懷德時 懷德 引弓一發而踣

百

遷鳳州

. 團練使,專領延州東路茭村一帶公事

芻糧, 節度 軍, 馧 使、陵州團練使、本路副都總管。 管軍 又徙 觀 徙秦鳳路,未行,坐夏人破塞門砦不赴援,降寧州刺史。 更赦, 察留後、殿前 高 知 亳 陽關、幷代 徙秦鳳路副都總管,改捧日、天武四廂。 州 徙徐州 副 都指揮 路,歷殿前 歲餘 使、寧遠 遷康州防禦使,又 復爲殿前 都虞侯、遂州 軍節 護使。 副都指揮 觀察使、侍衞 會從妹亡,無子,懷德欲冒有 坐當出 使。 又以賊侵掠屬羌,亡十餘帳, 祀明堂, 討 親 賊逗留不進,所 頃之,擢龍神衞四廂都指揮 軍 馬軍 進都指揮使,更保寧、建 副 都指揮使、武信軍 部 其田 兵 夫 事 徙 、棄隨 永 覺, 興 軍

年 八十猶 列 傳 第 生 八 字,筋 + Ξ 力過人。 許 懷 德 在宿衞十四年,數乞身,帝不許。 李 允 則 懷德 〇四 七七七 「臣年過矣,倘爲

|雄

(三)二節度

御 史所彈,且不得善罷。」即詔爲減數歲。 卒,贈侍中,諡榮毅。

遺。 章示之,懷德謝罪而已,不復別進表。 承 平,保寵終祿。 懷德以給享加恩,旣又移鎮,乃共爲一表以辭。 懷 應自初擢守邊,連以畏愞被謫,已而與功臣並進典軍,及坐請託得罪,去而 故事,節度使移鎭加恩,皆別上表再辭,每降批答,遣內侍齎賜,必有所 其鄙吝如此。 翰林學士歐陽脩劾其慢朝命,詔以脩 復還。

還,言西川以無城難守,宜如 河,創水門、鄭州 逋 蠻出彥伊入寇,遣詣辰州,與轉運使張素、荆南劉昌言計事。 火。 太平 李允則字垂範,濟州團練使謙溥子也。少以材略聞,蔭補衙內指揮使,改左班殿直 興國 又使|| 湖察官吏, 與轉運使檢視錢帛、 七年, 水磑。 幽薊還師,始置権場于靜戎軍,允則典其 西川 正議。 . 賊劉旰平,上官正議修城未決,命允則與王承衎、閻承翰往視。 又言兵分則緩急不爲用,請倂屯要害,以便餽 器 甲、刑獄, **遂擢閤門祗候。** 事。 **允則以蠻徼不足加兵,悉招** 還,使河 東路決繫囚,原 濬治京師 帥。 高溪

累遷供備庫副使、知潭州。 將行,眞宗謂曰:「殷在南衙,畢士安嘗道卿家世,今以湖南 輯之。

州

治

牛,歲輸米四斛,牛死猶輸,謂之枯骨稅。 堯叟安撫湖南,民列允則治狀請留,堯叟以聞。 家貲爲質,乃得發廩賤糶。因募饑民堪役者隸軍籍,得萬人。轉運使請發所募兵禦邵州蠻, 下令月所給馬獨,皆輸本色,繇是山田悉墾。湖南饑,欲發官廩先賑而後奏,轉運使執不 屬 **允則曰:「今蠻不攪,無名益戍,是長邊患也。** 可, 允則曰:「須報踰月, 則饑者無及矣。」明年荐饑, 復欲先賑, 轉運使又執不可, **允則請除三稅,茶以十三斤半爲定制,民皆便之。** 卿。」初,馬氏暴斂,州人出絹,謂之地稅。 民輸茶,初以九斤爲一大斤,後益至三十五斤。 潘美定湖南,計屋輸絹,謂之屋稅。 且兵皆新募,饑瘠未任出戍。」乃奏罷之。 召還,連對三日,帝日:「畢士安不認知人 湖湘多山田,可以藝粟,而民惰不耕。 允則請以 營田戶給

東面。 白金二千兩,副以幃幄、什器,凡下諸路宣勅,必先屬九則省而後行。及王超敗,人心寰搖 勞民者,及契丹至,始見善爲備也。」轉西上閤門副使、鎮定高陽三路行營兵馬都監,押大陣 攻,老幼皆入保而水不乏,斵冰代砲,契丹遂解去。 真宗復召謂曰:「頃有言卿濬井葺屋 |九則勸超衰經向師哭,以解衆忿。 遷洛苑副使、知滄州。 請對,自陳武藝非所長,不可以當邊劇。 九則巡視州境,濬浮陽湖, 葺營壘,官舍間穿井。未幾, 真宗知 允則始屢趣超進兵, 手詔褒厲 帝曰:「卿爲我運籌策,不必當矢石也。」賜 契丹來

列傳

第八十三

李允

ĄIJ

可測 請 及承 長者,不 輟, 此以 切斥 也。」帝 矩 契丹 疾, 足疑。」既而 契丹主 我無用易彼 去。 通 詔 以 好 自擇代, 眞宗 爲 徒 日 知瀛 曰:「茲朕意 有詔詰之,允則奏曰:「初通好不 南朝尚 有用也, 乃請

九

則 州,上言:「朝廷已許契丹和議, 修城備, 縱 也。 知 不治。」遷東 雄州 遷 得 西 無違誓約乎? 上 初, 閣 上 禁権 門 閣門使、獎州 副 使。 場通異物, 」其相張儉日: 即完治,恐他 但擇邊將,謹 何承 · 矩 爲 河 刺 而 史。 邏 日 者得所易 比 誓約,有 李雄 河北 頽 緣 紀因 邊 旣 州 安撫 罷兵, 言和 此 爲 珉 安 廢守,邊 "、提 玉 好 撫使,其 允則 非利 點 榷 治 允 城 則

溝 爭 木 洞 一動,蒔 獻 西 Ш 金 而卒就 城 銀 北 大爲 旈 舊有甕城,允則欲合大城爲 植 翮 久之,密自徹 楡 倉廩營舍。 城浚壕,起月隄,自此甕城之人,悉 柳。 廣閣 始教民 去,聲言盜自 承翰所修 陶瓦甓,標 屯 田,架石 一。先建東嶽祠,出黃金百 北至,遂下令捕 里閈,置 橋、構 內城 亭榭, 廊 中。 市 盜,三移文北界,乃興版 列 邸 始, 舍、 隄道,以通 州民多以草覆屋, 、水磑。 「兩爲供 城上 器, 安肅、廣信、順安軍 一悉累甓, 道 **心以鼓** 築, 允 揚言以 吹, 下環以 則 取 居 材 護

爲 爲 諸 斥 堠, 軍蔬圃,浚井疏洫,列畦隴,築短垣,縱橫其中,植以荆棘,而其地益阻隘 望十里; 自 韶 兵,人莫敢登。 允 則 日:「南 北旣講 和矣,安用此爲?」命 徹 因治坊巷, 樓 夷

嵗

修禊

事

了, 召

界河

戰棹爲競渡,縱

北

人遊觀,潛

寓

水戰。

州北

舊多設陷

馬院

城城

上起樓

徙浮 !圖北原上,州民旦夕登望三十里。下令安撫司,所治境有隙地悉種楡,久之楡滿塞下。

僚 佐曰:「此步兵之地,不利騎戰,豈獨資屋材耶?」

則與同僚何郊外。 上元舊不燃燈,允則結綵山,聚優樂,使民夜縱遊。明日,偵知北酋欲間入城中觀, 果有紫衣人至,遂與俱入傳舍,不交一言,出奴女羅侍左右回, 劇飲而

且置其所乘騾廡下,使遁去,即幽州統軍也。 後數日,爲契丹所誅。

狀,眞宗曰:「允則必有謂,姑詰之。」對曰:「兵械所藏,儆火甚嚴,方宴而焚,必姦人所爲。 物, 舍宴而救,事或不測。」 密遣吏持檄瀛州,以茗籠運器甲。 **嘗宴軍中,而甲仗庫火。** 允則作樂行酒不輟,副使請救,不答。少頃火熄,命悉瘞所焚 不狹旬, 兵數已完, 人無知者。 樞密院請劾不救火

與數,緘印如故,反出彼中兵馬、財力、地里委曲以爲報 所得謬矣。」呼主吏按籍書實數與之。 又得諜,釋縛厚遇之,諜言燕京大王遣來,因出所刺緣邊金穀、兵馬之數。 諜請加緘印,因厚賜以金,縱還。 未幾,諜遽至,還所 允則曰:「若

以其事來詰,答以無有。 契丹,允則移文督還,契丹報以不知所在。 日,民有訴爲契丹民毆傷而遁者。 蓋他諜欲以毆人爲質驗,比得報,以爲妄,乃殺諜。 **允則不治,與傷者錢二千,衆以爲怯。** 九則曰:「在某所。」契丹駭,不敢隱,即歸卒,乃 雲翼卒亡入 逾月,幽州

列傳

第八十三

李

尤則

張亢

宋

領康州

防

禦使。

天聖六年,卒。

一〇四八二

斬以 徇。 歷四方館引進使、高州團練使。 天禧二年,以客省使知鎭州,徙路州。 仁宗卽位,

樞密院大程官營。 往來,費用儀式,多所裁定。 在河北二十餘年,事功最多,其方略設施,雖寓於遊觀、亭傳間,後人亦莫敢隳。 立 允則 善撫士卒,皆得其用。 不事威儀,間或步出,遇民可語者,延坐與語,以是洞知人情。 晚年居京師,有自契丹亡歸者,皆命舍允則家。 盜發輒獲,人亦莫知所由。身無兼衣,食無重羞,不畜資財。 訟至,無大小面訊 **允則死**,始寓 至於國信

京判官事 士及第,爲廣安軍判官、應天府推官。治白沙、石梁二渠,民無水患。改大理寺丞、簽書西 張亢字公壽,自言後唐河南尹全義七世孫。 家于臨濮。少豪邁有奇節,事兄奎甚謹。進

使、知安肅軍。 因入對曰:「契丹歲享金帛甚厚,今其主孱而歲歉,懼中國見伐,特張言耳, 之計,章數十上,仁宗欲用之,會丁母憂。旣而,契丹聚兵幽、涿間,河北增備,遂起爲如京 通判鎭戎軍,上言:「趙德明死,其子元昊喜誅殺,勢必難制,宜亟防邊。」因論西北攻守

非其實也。萬一倍約,臣請擐甲爲諸軍先。」

元昊反,爲涇原路兵馬鈴轄、知渭州,累遷右騏驥使、忠州刺史,徙鄜延路、知鄜州。

疏日

請約故事,別置使名,每路軍馬事,止以三兩員領之。 議,互報不同。按唐總管,統軍,都統,處置、制置使,各有副貳,國朝亦有經略、排陣使, 預本路事。今每路多至十四五員,少亦不減十員,皆兼本路分事,不相統制,凡有論 舊制,諸路總管、鈴轄、都監各不過三兩員,餘官雖高,止不過一路。總管、鈴轄不

才千人,兵勢旣分,不足以當大敵。 若敵以萬人爲二十隊,多張聲勢以綴我軍,後以三 五萬人大入奔突,則何以支? 又涇原一路,自總管、鈴轄、都監、巡檢及城砦所部六十餘所,兵多者數千人,少者

佐三兩人,分屯要害之地,敵小入則一將出,大入則大將出。 位兼高者爲總領。其下分爲三將:一爲前鋒,一爲策前鋒,一爲後陣。每將以使臣、忠 之衆,豈能窺我淺深乎?請下韓琦、范仲淹分按,逐路以馬步軍八千已上至萬人,擇才 萬,鄜延正兵不減六七萬,若能預爲團結,明定節制,迭爲應援,以逸待勞,則烏合饑餒 又比來主將與軍伍移易不定,人馬強弱,配屬未均。今涇原正兵五萬,弓箭手二

列傳第八十三 張亢

預定其法,敵寇某所,則某將爲先鋒,某將出某所爲奇兵,某將出某所爲聲援, 五萬 鄜 路 相 近 延 又 人矣。 有 出敢戰死士某所設覆,都、同巡檢則各扼要害。 路 叉 兵五 主 量 帥 敵 萬 延州 數多 弓箭手、熟戶不在焉。 人矣。 少, 領 三大將, 使鄰路出兵應接,此所謂常山蛇勢也。 原渭州、鎭戎軍各一大將,渭州 鄜州 昨延州之敗,蓋由諸將 一大將, 保安軍及西路巡檢、德靖砦共爲 山外及瓦亭各一大將, 自守, 今萬人已上爲 不相 應援。 請 則涇原路 大將, 大將,則 某城砦 令邊臣

者僅 官軍 餘 爲 严猶不知。 軍 相 蓋 引旗。 日 尅 駐 ·所恃者,步軍與強弩爾。 百人,餘僅及七八斗,正欲閱習時易爲 及支相生尅亦如之。 Ш 又令鄰路取某路出應, 裁得百餘人。 國家 [東,振塵兵掩襲,乃)職也。 若甲子日本軍相遇,則先見者張青旗,後見者以緋旗應之,此是干相生,其干 (承平日久,失於訓練,今每指揮藝精者不過百餘 趙瑜部馬 又教以小坐法,亦十餘日,又教以帶甲小坐法,五十餘日始能服 軍間道先進,而趙振與王逵趨塞門,至高 蓋兵馬出入, 晝則百步之外不能相知, 仍潛用旗幟爲號。 臣知渭州 臣在山外策應,未嘗用本指揮旗號,自以五行 日,見廣勇軍礦弩者三百五十人,引一 力爾。 昨劉平牧延州, 臣以 、跳鐙弩試,皆不 入, 頭平路, 前鋒陷賊者已二千騎, 餘皆瘦弱不可用。 若不預爲之號, 白 能 [馬報 張, 和敵張青 支干 石二斗 閱習 必誤 且 別

熟。若安前弊以應新敵,其有必勝之理乎?

者,或爲諸司使副,白丁試武技,亦命以官,而諸路弓箭手生長邊陲,父祖效命,累世 **捍賊,乃無進擢之路,何以激勸邊民?** 高不及格,宜悉還坊監,止留十之三,餘以步兵代之。 又比來禁衞隊長,繇年勞換前班 出,則恐得怯懦之罪。且諸路騎兵不能馳險,計其芻粟,一馬之費,可養步軍五人。 賊騎至,不問多寡,凡主兵者皆出,至邊壕則賊已去矣。 蓋權均勢埒,各不相下,若不 又兵官務張邊事,以媒進邀賞,劉平之敗,正繇貪功輕進。 鎭戎軍最近賊境,每報 馬

米一升,馬日給粟四升、草五分,賊界有草地,以半資放牧,亦可減輓運之半。 行,使啊廝囉及九姓回紇分制其後,必蕩覆巢穴。 山界。若十月後令諸將分番出界,使夏人不得耕牧。然後出步兵,負十日糧,人日給 界諸州城砦,距邊止二三百里,夏兵器甲雖精利,其鬥戰不及山界部族,而財糧又盡出 竊聞大帥議五路進師,且用兵以來,屢出無功,若一旦深入,臣切以爲未可也。 王師旣 Щ

其半留乾州 邊 ·須。及選殿侍軍將各三十人,以駝、騾各二百,留其半河中,以運廊、延、保安軍軍須, 又言:「陝西民調發之苦,數倍常歲,宜一切權罷,令安撫司與逐州長吏減省他役, 颛 或永 與軍,以運環、慶、原、渭、鎭戎軍軍須,分一轉運使專董其事。又鄜州四路

列

傳

半當 「衝要,嘗以閑慢路遞鋪兵卒之半,貼衝要二路。 驛百人,每三人挽小車,載二百五十斤

至三百斤,若團倂輦運,邊計亦未至失備,而民力可以寬矣。」

初,亢請乘驛入對,詔令手疏上之,後多施用。 進西上閤門使,改都鈴轄,屯延州。 又

奏邊機軍政措置失宜者十事,言:

賊出演戎,遠自鄜延發兵,千里遠鬥,銳氣已衰,如賊已退,乃是空勞師徒,異時更寇別 通:此皆將不知兵之弊也。未聞深究致敗之由而爲之措置,徒益兵馬,未見勝術。一也。 不能避;或爲持權者所逼,或因懦將所牽;或人馬困饑而不能奮,或山川險阻而 自 我貪功; 去春敵至延州,諸路發援兵,而河東、秦鳳各踰千里,涇原、環慶不減十程。 王 師 :每出不利,豈非節制不立,號令不明,訓練不至,器械不精?或中敵詭計,或 或左右前後自不相救,或進退出入未知其便; 或兵多而不能用,或兵少而 去秋 不能

路,必又如此,是謂不戰而自弊。二也。

秦鳳總管等亦兼鄰路,雖今互相策應,然環州至延州十四五驛,徑赴亦不下十驛,涇 今鄜延副都總管許懷德兼管勾環慶軍馬,環慶副總管王仲寶復兼鄜延,其涇原、

原至秦鳳千里,若發兵互援,而山路險惡,人馬之力已竭。三也。

四路軍馬各不下五六萬,朝廷罄力供億,而邊臣但言兵少,每路欲更增十萬人,亦

未見功效。 且兵無節制一弊,無奇正二弊,無應援三弊,主將不一四弊,兵分勢弱五

有此五弊,如驅市人而戰,雖有百萬,亦無益於事。四也。

之以饑饉,加之以他寇,則安危之策,未知如何。 敦失,累年敗衄,而居邊要者未知何謀。使更數年未罷兵,國用民力,何以克堪。若因 古人教習,須三年而後成,今之用兵已三年矣,將帥之材孰賢孰愚,攻守之術孰得 五也。

變,胥史有鈔錄之勞,官吏無商略之暇,邊防軍政,一無定制。六也。 今言邊事者甚衆,朝廷或卽奏可,或再詳究以聞,或付有司。 前條方行,後令卽

命,則翻錄行下;如諸處申稟,則令候朝旨。如是,則何必以大臣主事?七也。 夏竦、陳執中皆朝廷大臣,凡有邊事,當付之不疑。今但主文書、守詔令,每有宣

等十餘員至,所占兵士千餘人,請給歲約萬緡。 募克敵、致勝、保捷、廣銳、宣毅等兵,久未曾團結訓練,但費軍廩,無益邊備。 前河北用兵,減冗官以省費,今陝西日以增員,如制置青白鹽使副、招撫蕃部使臣 復有都大提舉馬鋪器甲之類,諸州並 八也。

萬,除五千守城之外,其餘止一萬五千。若有警急,三日內不能團集,况四十里外便是 今軍有手藝者,管兵之官,每一指揮,抽占三之一。如延州諸將不出,即有兵二

敵境,一有奔突,何以備之?九也。

列

傳

第八十三

張亢

陝 西 [教集鄉 兵, 共 十餘萬人。 市井無賴, 名掛尺籍,心薄田夫(弘),豈無姦盜雜於

其中。苟無措置,他日爲患不細。十也。

既而復請面陳利害,不報。

堡 M,兵至近道纔覺,而蕃漢民被殺掠已衆。攻城不能下,引兵屯琉璃堡,縱遊騎鈔麟、府間, 啓,旣入,卽縱民出采薪獨汲澗谷。 然夏 河外守保德軍未果,徙亢爲抖代都鈴轄、管勾麟府軍馬事。 |州閉壁不出。民乏飲,黃金一兩易水一桮。 下城旁有 會元昊益熾,以兵圍河外。 蔬畦,為築金城堡;州北沙阬有水泉,為築安定堡,置兵守之。募人穫于外, 康德 興無守禦才, 人獨時出鈔掠,亢以州東焦山有石炭穴,爲築康勝 時豐州已爲夏人所破,麟、府勢孤,朝廷議棄 屬戶豪也囉叛去,導夏人自後 單騎叩城,出所授敕示城上,門 河 川襲府

腰鐮與衞送者均得。

當 願 級 有 來 急 戰 獻者,尤以錦袍賜之,禁兵始慚奮曰:「我顧不若 其 诗 兵,且 `禁兵皆敗北,無鬥志,乃募役兵敢戰者,夜伏隘道,邀擊夏人遊騎。 **亢知可用,始謀擊琉璃堡,使諜** 趣避之。」皆笑曰:「漢兒皆藏頭膝間,何敢 :伏敵砦旁草中,見老||先方炙羊髀占吉凶,驚日:「明 彼乎?」 又縱使飲博,方窘乏幸利, 比明,有持首 咸

夏

人棄堡去,乃築宣威砦于步駝溝(き)捍寇路

時 一鱗州餽路猶未通,刺亢自護賞物送鱗州。 敵旣不得鈔,遂以兵數萬趨柏子砦來邀。

會天大風,順 風擊之,斬首六百餘級,相蹂踐赴崖谷死者不可勝計,奪馬千餘匹。

乃修 建寧砦。 夏人數出爭, 遂戰于冤毛川。 亢自抗以大陣,而使驍將張B(C)伏短兵

強弩數千于山後。 易之,而 怯虎翼軍 勇悍。 **亢以萬勝軍皆京師新募市井無賴子弟,罷耎不能戰,敵目曰「東軍」,素 亢陰易其旗以誤敵,敵果趣「東軍」,而值虎翼卒,搏戰良久,伏發,**

敵大潰,斬首二千級。 不踰月,築淸塞、百勝、中候、建寧、鎭川五堡,麟、府之路始 通

| 亢復奏:「今所通特一徑爾,請更增並邊諸栅以相維持,則可以廣田牧, 壯河外之勢。|

議未下, 招討使、知渭州,戊聞詔卽行,及至,敵已去。 都總管。 會契丹欲渝盟,領果州 御史梁堅劾亢出庫銀給牙吏往成都市易,以利自入,奪引進使,爲本路鈴轄。 團練使、知瀛州。 鄭戩統四路,亢與議不合, 葛懷敏敗,遷四方館使、涇原路經略安撫 遷引進使, 徙井代

副

役愈急。 詔置堡砦,豈可得經略牒而 河東,復奏亢前所增廣堡砦,宜使就總其事。 及夏人與契丹戰河外,復引進使、副都總管, 及堡成,乃發 封自劾, 止耶?坐違節度,死所甘心,堡砦必爲也。」每得牒,置案上,督 朝廷置不問。 詔旣 蕃漢歸者數千戶,歲減戍兵萬人,河外遂爲 下,明鎬以爲不可,屢牒止之。 知代州兼河東沿邊安撫 事。 范仲淹宣 撫

H、 汾屛蔽。

陝西 給郊 進使,爲右領衞大將軍、知壽州 三司 所估。 賞,州庫物良而估賤,三司所給物下而估高,亢命均其直,以便軍人。 ,惡亢不附己,特沮其役,然卒城之。 復 知瀛 會陳爲樞密使,奪防禦使,降知磁州。 |州,因言:「州小而人衆,緩急無所容,若廣東南關,則民居皆在城中。」夏竦前在 加領眉州防禦使,復爲涇原路總管、知 御史宋禧繼言沈嘗以庫銀市易,復奪 轉運使奏亢 渭州 擅滅 會

懐州。 引 進 使、果州團練使,又復眉州防禦使、眞定府路 未幾,復客省使、眉州防禦使、徐州總管,卒。 後 坐與鄰郡守議 河事, 會境上經夕而還, 降 一曹州鈴 副 都總管。 轄。 遷客省使,以足疾 改河陽總管, 以疾辭, 知 衛州 爲 秘 書 徙

終不 學 生 以屑意。 爲 亢 好施 吏部,亢憐其老,薦爲縣令。 涎 財, 馭軍嚴明,所至有風跡,民圖像祠之。 凡燕犒餽遺,類皆過厚,至遣人貿易助其費,猶不足。以此人樂爲之用。 後既爲所累,出筠州 還, 所薦者復求濟,亢又贈金帛, 同

奎字仲野,先亢中進士。 歷井、 秀州推官、監衢州酒 徐生者毆人至死, 緊婆州獄,再

問 輒 言寃。 轉運使命奎復治。 **奎視囚籍印窾偽,深探之,乃獄吏竄易,卒釋徐生,抵吏罪,**

伏。 同時薦者三十九人,改大理寺丞,知合淝縣,徙南充縣

江州,徙楚州,遷太常博士,召爲殿中侍御史、知滑州,徙邢州。 貿流通,獨關市收其征,上下皆利。 敦與設重禁壅關之爲民病?」 於是悉除所負。 未幾,知 母遂愈。 三司發鈔稽緩,非諸州罪。 以 一殿中丞通判瀘州,罷歸。 其後母卒,廬于墓,自負土植松柏 因言:「鹽法所以足軍費, 非仁政所宜行。 會秦州鹽課虧緡錢數十萬,事連十一州。 母病,輒割股肉和藥以進, 若不得已,令商人轉 韶奎往按, 還奏

運使、知永興軍、河東都轉運使,加龍圖閣直學士,知澶、青、徐、揚等州,再遷吏部 四 雜 路,擢天章閣待制、環慶路經略安撫招討使、知慶州,以父名餘慶辭,不許。 事。 服終,授度支判官,出爲京康轉運使,以侍御史爲河康轉運使,進刑部員外郎、知御史 安撫京東,募民充軍凡十二萬,奏州縣吏能否數十人。還爲戶部副使。 及分陝西為 歷陝西都轉 郎中。

四十年,洛人德之,有 遷 院 "、知河 右 諫 時 議 李宥知江寧府,府廨盡焚。 南 大夫、知江寧府。 府。 河南宮闕歲 生祠。 奎簡 久頗摧圮, 奎大加興 及見奎偉儀觀,曰:「眞齊王孫也。」因復興齊王祠 材料 諫官言金陵始封之地,守臣視火不謹,宜擇才臣繕治之。 工,一循舊制,不踰時復完。還,判吏部流內銓,徙審官 了事。 又按唐街陌,分牓諸坊。 初, 歲餘,以能 全義守洛

列

傳

第

八

十 三

張亢

劉

文

質

O 74 九二

政 聞 遷給 事 中 歸 朝。 京東盜起,加樞密直 學士、知鄆州 數月,捕 諸盜, 悉

謹 奎治 兄弟所爲不同如此,然皆知名一時。 身有法度,風力精強,所至有治跡, 子燾,龍圖閣直學士 更不敢欺, 第傷苛 細。 亢豪放喜功名,不事小

劉 文質 文質字士彬,保州保塞人,簡穆皇后從孫也。父審琦,虎牢關使,從討李重進戰 、幼從母入禁中,太宗授以左班殿直,遷西頭供奉官、寄班 延候。 帝頗親信之,數訪

以 撃蕃 公事 外 了, 擢 事。嘗謂內侍竇神興曰:「文質,朕之近親,又忠謹,其賜白金百斤。」出爲兩浙走馬承受 西京 左藏 庫副使、岢嵐軍使,賜金帶、名馬。 徙知鱗州,改鱗府濁輪砦兵馬鈴轄。

李繼 保移,走之。 入寇,文質將出兵,而官 越河破 契丹,拔黃太尉砦,殺獲萬計,賜錦袍、金帶。 東不敢發庫錢。 乃以私錢二百萬給軍,士皆 徙 知 慶州 感奮,遂大

遷

州 檢。 破 安置。 賊 進 一禮賓 徙 久之,起爲 涇 副 州 ", 充鱗 使、石 太子 [[] [] [] [] 州 、清遠軍都監,又破敵于枝子平。 率府率、杭州駐泊都監 邊 同 都 巡檢使, 徙秦州鈴轄。 封泰 山,以 建 咸平中,清遠軍陷,坐逗撓奪官, 小落門砦, 內殿崇班爲靑、齊、淄 親率士版築。 維州 會李濬 巡 雷

知秦州

因就賜白

金五百

兩

文質 取二十九 中,知代州。先是,蕃部獲逃卒,給絹二匹、茶五斤,卒皆論死。時捕得百三十九人、 人,以赦後論 如法,餘悉配隸 他州。再遷 內國: 使、知邠州 ,數從曹瑋出戰,築堡

復徙秦州鈴轄,領連州刺 史,再知代州 厚賻其家,官子三人。

賜書 五函 文質 以簡穆親,又父死事 仁宗亦以書賜之。 ,故前後賜予異諸將。 然性剛,喜評刺短長,於貴近無所避,故不大顯。 眞宗嘗問保塞之舊,文質上宣祖、太祖 子十六人,

渙、滬皆知名。

郭后 長, 妓游,黜通判磁州,尋知遼州。 上書請還政。后震怒,將黥隸白州,呂夷簡、薛奎力諫得免。仁宗親政,擢爲右正言。 廢,渙與孔道輔、范仲淹等伏闕爭之,皆罰金。會河東走馬承受奏,渙頃官幷州,與營 漢字<u>仲</u>章,以父任爲將作監主簿,監<u></u>井州倉。 天聖中,章獻太后臨朝久,渙謂天子年加

夏 人叛,朝廷議遣使通河西唃氏,渙請行。 間道走青唐,諭以恩信。 **唃氏大集庭帳,誓**

知 死 滄州 、
扞邊,遣騎護出境,得其誓書與西州地圖以獻。 改吉州 刺 史,知保州。 州自戍卒叛後,兵益驕。 加直昭文館,遷陝西轉運使,由工部郎 中

) 漢 至,

虎翼軍謀舉城叛,民大恐。

換單 ·騎徐叩營,械首惡 者歸、斬之,一軍帖服。 徙登州,益治刀魚船備海寇,寇不敢犯,詔嘉

列 傳 第 八 + Ξ 劉 文 質

獎之。

定州路總管,四遷至鎭寧軍節度觀察留後。 年,民無牛耕,價增十倍,渙復出所市牛,以元直與民,澶民賴不失業。 威令大振。 歷 |知邢、恩、冀、涇、澶五州。 治平中,河北地震,民乏粟,率賤賣耕牛以苟朝夕。 恩承賊蹂踐後,煥經理繕葺有敍,兵民犯法,一切用重典, 熙寧中,還,爲工部尙書致仕。 渙在澶,盡發公錢買之。 歷秦鳳、涇原、眞定、 明

章請自效,不報。卒,年八十一。)換有才略, **尙氣不羈**, 臨事無所避,然銳於進取。 方開拓跳、岷,討安南,渙既老,猶露

晝閉,居民畜產多爲賊所掠,滬獨開門納之。 渭州瓦亭砦監押,權靜邊砦, 滬字子濬,頗知書傳,深沉寡言,有知略。 擊破党留等族,斬一 以蔭補三班奉職,累遷右侍禁。 驍將,獲馬牛橐駝萬計。 時任福 康定中,爲 敗,邊城

城曰 人說城主鐸廝那令內附。會鄭戩行邊,滬遂召鐸廝那及其酋屬來獻結公、水洛、路羅甘地, 賈,自成完國。 水洛,川平土沃,又有水輪、銀、銅之利,環城數萬帳,漢民之逋逃者歸之,敎其百 遷左侍禁,韓琦、范仲淹薦授閣門祗候。 曹瑋在秦州,嘗經營不能得。 滬進城|章川,收善田數百頃, 又破穆寧生氏。 西南去略陽(弘二百里,中有 以益 屯兵, 密使 I 商

官軍 願 追 爲 奔至石門, 屬戶。 滬兵才千人,前後數百里無援,滬堅臥,因令晨炊緩食,坐胡床指揮進退,一戰氐潰, **骶即令滬將兵往受地。** 既至而」氏情中變,聚兵數萬合圍, 又敗臨洮氐于城下。 夜縱 火呼嘯, 期盡殺

内殿崇 殿以三將兵遣董士廉助築城,功未半,會

會

配

器四路招討使,而

涇原路尹洙以爲不便,令 班

亂,朝廷遣魚周詢、程戡往視,

氐衆詣周詢,請以牛羊及丁壯助工役,

復以滬權水洛城砦主。 罷築,且召滬,不聽,日增版趣役。 城成,終以違本路安撫使節制,黜一官,爲鎮戎軍西路都巡檢。 洙怒,使<u>狄</u>青械滬、<u></u>出廉下獄。<u></u>氐衆驚,收積聚、殺吏民爲 復內殿崇班,瘍發首,卒。弟

淵將以其柩東歸,居人遮道號泣請留,葬水洛,立祠城隅,歲時祀之。

經略司言,得熟戶蕃官牛裝等狀,願得滬子弟主其城。乃命其弟淳爲水洛城兵馬監押,

城中有碑記滬事。

趙滋 字子深,開封人。父士隆,天聖中,以閤門祗候爲邠寧環慶路都監,戰沒。 錄|滋三

班奉職。

隆城 |儀 渭 滋 鎭 小 滋馳至, 諭 果 軍 敢 都 任氣, 巡 降八百 檢。 有 會 智 渭 餘 略。 入, 州 得勝砦主姚貴殺監押崔絢 康定初, 貴窮,走出 以右侍禁選捕京西叛卒有功, 岩。 招討 1.使令滋給賜降卒及遷補將吏,滋以爲 劫宣武神騎卒千餘人叛, 遷 左 侍 禁, 後為涇原 攻羊牧

爲 安 張 海 撫 范仲 未 使, 伏伏 淹 舉 誅, 苒 韓琦經略陝西, 任登州 命滋都 大提舉陝西、京西路捉 乳山 舉|滋 [砦兵叛,殺巡檢,州將誅 可 將領,得閣門祗候,爲鎭 賊, 數月賊平。 首惡數人, 後爲京東東路都巡 不窮按。 滋 承檄 時京西 檢。 、験治, 軍 富 賊 丽

是是

誘

其

爲

亂,

藏

其牒不

甪

,還,爲招討使所怒,故賞弗行。

入其

壘,次第推

問,得黨與百餘人付獄,衆莫敢

動

經 以 都 徇。」 略司 在 韓 京 公 嘗 琦聞 因 東 給 五 年,數獲盜,不自言, 軍 建言:「代州、寧化軍有地萬頃,皆肥美,可募人田 而 批之, 食, 同 列 以爲眞 言粟不善, 將帥 材。 |弼爲言, 滋叱之日:「爾欲 及琦在 乃自東 河 東, 頭供奉官超授供備庫副 以是怒衆耶? 又奏滋權丼 作, 代路 敎 使衆 、戰射, 鈴轄, 有 使、定州路 爲 言, 改管勾 堡砦。」 當 先 河 駐泊 斬 東 爾

違約,乘小舟漁界河中,吏憚生事,累歲莫敢禁。 累 遷 西 上閣 門副使,歷 知 安肅 軍 、保州。 滋 強力精 後又遣大舟十餘,自海 "悍,有 吏能 所 至 口運鹽 稱 治。 入界河。 會契丹民 數 朝

遂絕。 廷患之,以滋可任,徙知雄州。 契丹因使人以爲言,而知瀛州彭思永、河北轉運使唐介燕度,皆以滋生事,請罷之。 滋戒巡兵, 舟至, 輒捕其人殺之, 虀其舟, 移文還涿州, 漁者

朝廷 (更以爲能, 擢龍神衞四廂都指揮使、嘉州 團練使,遷天武、捧日四廂都指揮使。

英宗卽位,領端州防禦使、步軍都虞候,賜白金五百兩,留再任。 未幾,卒,贈遂州觀察

使。

令出 短也。 樓櫓,至於簿書、米鹽,皆有條法。 米無所禁,邊人德之。 滋在雄州六年,契丹憚之。 馭軍嚴, 契丹嘗大饑,舊,米出塞不得過三斗,滋曰:「彼亦吾民也。 性尤廉謹 戰卒舊不服役,滋役之如廂兵,莫敢有言。 月得公使酒,不以入家。 然傲慢自譽,此其 繕治 城壁、

足取 從容退師,滬之才略,其最優者數?趙滋有吏能,出米塞下以振契丹,亦仁人之用心。 仕 雖 者。 優蹇,聲名俱章章矣。 論曰:石普曉暢軍事,習知民庸,然揣摩時政,終以罪廢。 許懷德以愞不任 事,數遭貶斥,其不及普遠矣。 |換以小官,能抗疏母后,輯暴弭姦,則 劉文質以私 張孜雖稱持重,跡其所長,無 以其餘 錢 事 給 也。 軍 工,且脫 滬,水洛之戰, 、於死,

列

傳第

八十三

趙滋

校

勘

記

一〇四九八

則在河北二十年, 冤 《毛川之捷,良快人意,區區書生,功名如此, 設施方略,不動聲氣,契丹至以長者稱之。 何其壯哉 ! 奎以治跡著稱, 張亢起儒生,曉韜略,琉璃堡、 其視亢蓋所謂難

校勘記

爲兄難爲弟者歟?

- (1) 繋軍吏之頸 「吏」原作「令」,據武經總要前集卷一五、長編卷五 五
- \exists 則西趨順安軍襲擊 「安」字原脫,據下文及長編卷五四補。
- 建雄 原作「進雄」,據隆平集卷一九、東都事略卷六二本傳改
- 出奴女羅侍左右 隆平集卷一六、東都事略卷二九本傳都作「出妓女列侍」。
- 丢 招撫蕃部使臣等十餘員 「等」字原脫,據文義和長編卷一三二補
- (台)心薄田夫 「心薄」原作「必簿」,據長編卷一三二改。
- (4) 乃築宣威砦于步駝溝 「溝」字原脫,據長編卷一三三、武經總要前集卷一七補。
- 2 張岊 原作「孫岊」,據本書卷三二六張岊傳、卷二五五汪凱傳、長編卷一三三改。
- (元) 略陽 原作「洛陽」,據東都事略卷六一本傳、長編卷一四四改。

宋史卷三百二十五

列傳第八十四

劉平 弟兼濟 郭遵附 任 福 王珪 武英 桑懌 耿傅 王仲寶附

充。 俠, 路由安州,遇賊十數人,平發矢斃三賊,餘駭散。以寇準薦,爲殿中丞、知瀘州,夷人懲前 善弓馬,讀書彊記。進士及第,補無緣尉,擊賊殺五人,擢大理評事。 夷人寇淯井監,轉運使以平權瀘州事,平率土丁三千擊走之。祠汾陰,遷本寺丞。 劉平字士衡,開封祥符人。父漢凝,從太宗征河東岢嵐、憲州,累遷崇儀使。 知鄢陵縣,徙南 平剛 還, 直 任

侍御史、陝西轉運使。 召拜監察御史,數上疏論事,爲丁謂所忌。久之,除三司鹽鐵判官、河北安撫,改殿中 與副使論事不合,徙知襄州。仁宗卽位,遷侍御史。

敗,不敢擾邊。

初,眞宗知其才,將用之。 丁謂乘間曰:「平,將家子,素知兵,若使將西北,可以制敵。」

以 後 則 章 功 獻 Ţ 領 眞 賓州 謂黨,今隸 太后 5 拜信州 怎 刺 調言 史、 刺史、知 順部 鄜 特 延 路 ,慮掎摭致罪。」 改 雄州 兵 衣 (馬鈴 庫 使、 居四 轄, 知 徙 年, 邪 徙 涇 州 遷忻州 汝州 3 原 路 改准 團 屬 兼 陳使 戶 知 明珠、 南 渭 江 州 知 、磨糜族 成德 洲洲 胡 則 荆湖 軍 爲陜 數 反 制置發運 西 覆, 都 平潛 轉 運 副 兵 使, 使, 殺 平 數 數 千 奏

親 知 劾 步 ,落管軍 河 事 軍 景 一都虞侯。 祐 乃徙 元 年,拜龍 知 滄州 同 州 奏言:「元昊勢且叛,宜嚴備之。」尋坐被 副 都總管。 神衞四廂 上疏自列,召入問狀,復爲步軍 都指揮使、永州防禦使、 ·都虞候、知澶州 知定州 酒破 鎖入甲仗庫 • 徙環慶路 時議塞河, 副都 ,爲轉運 i總管, 使 而 平言不 進侍衞 蘇 耆 所

與詐 諭 及 管 臺 諫 軍 忠 時 旨 呂 將 官, 賣 夷簡 校 直 仲 毋 一,所爲若 淹 令越 爲宰 輩,欲逐 且. 武 職 人進 相, 此 仍 大 臺諫官 退, 不 (臣而 臣 許 慮 與 更 代其 小臣以淺文薄 數言政事 儒 相 臣 引 位 三異路, 薦 者。 一闕失, 或闕 若 臣於眞宗朝爲 伎,偶致 掎 員, 平奏書曰:「臣見范仲淹等毀訾大臣,此 摭 短 則 長, 朝 礘 廷自 用, 妄 御 有 不 史,顧當 擇 舉 識 忠 动, 朝 純 廷 耆 則 時 典 德 心 同 故, 搖 用 列, 之。 而 而 未聞 怨結 論 論 事 者 矣 有 以 姦 謂 邪 必有 願 遂 明

寶元元 年,以殿前 都虞候爲 環慶路馬步軍副總管。 會元昊反, 遷邕州 觀察使, 爲 鄜 延

簡

意

也

改

高

陽

關

副

總管

路副總管兼鄜延、環慶路同安撫使。 頃之,兼管勾涇原路兵馬,進步軍副都指揮使、靜江軍

節度觀察留後。 獻攻守之策曰:

武馮繼業一切亦徙內地。 師出討,事已,則兵歸宿衞,將還本鎭。彼邊方世襲,宜異於此,而誤以朔方李彝興、靈 懲唐末藩鎭之盛,削其兵柄,收其賦入,自節度以下,第坐給奉祿,或方面有警,則總 豪為衆所伏者,封以州邑,征賦所入,足以贍兵養士,由是無邊鄙之虞。 太祖定天下, 五代之末,中國多事,唯制西戎爲得之。中國未嘗遣一騎一卒,遠屯塞上,但任土 自此靈、夏仰中國戍守,千里運糧,兵民並困

窺邊隙,鄜延、環慶、涇原、秦隴所以不能弛備也。 限 山爲界,則無今日之患矣。 其後靈武失守,而趙德明懼王師問罪,願爲藩臣。于時若止棄靈、夏、綏、銀,與之 而以靈、夏兩州及山界蕃漢戶丼授德明,故蓄甲治兵,漸

界洪、宥等州。 道,益以蕃漢弓箭手,精兵可得二十萬,三倍元昊之衆,轉粮二百里,不出一月,可收山 則何以制其侵軼。今元昊國勢未彊,若乘此用鄜延、環慶、涇原、秦隴四路兵馬,分兩 玩,敵不可縱。或元昊不能自立,別有酋豪代之,西與唃廝囉復平,北約契丹爲表裏, 今元昊嗣國,政刑慘酷,衆叛親離,復與唃廝囉搆怨,此乃天亡之時。臣聞寇不可 招集土豪,縻之以職,自防禦使以下、刺史以上,第封之,給以衣祿金

列

斯耀 帛; 部族,招其會帥,離其部衆,然後以大軍繼之,元昊不過鼠竄爲窮寇爾,何所爲哉 又以土人補將校,使勇者貪於祿,富者安於家,不期月而人心自定。 ,授以靈武節度,使撓河外族帳,以窘元昊。 復出麟、府、石州蕃漢步 入騎,獵 一 及遺使論唃 取河

師費財,以致中國疲弊,小醜猖獗,此議臣之罪也。 量以戎兵鎭守, 勁勇善戰,夏人恃此以爲肘腋。 且靈、夏、綏、銀地不產五穀,人不習險阻,每歲資糧,取足洪、宥。 此天險也。 廟朝之謀,不知出此, 我苟得之,以山爲界,憑高據險,下瞰沙漠,各列堡障, 而爭靈、夏、綏、銀,連年調發,老 而洪、宥州羌戶

爲掎角,則我一身二疾,不可並治。 今朝廷或貸元昊罪,更示含容,不惟宿兵轉多,經費尤甚。 必輕者爲先,重者爲後,如何減兵以應河北。請召 萬一元昊潛結契丹,互

疏奏未報。

邊臣,與二府定守禦長策。

路駐泊都監黃德和將二千餘人,屯保安北碎金谷,巡檢万俟政、郭遵各將所部分屯,范雅皆 日,至萬安鎭。 又有告敵兵破金明、圍延州者,確復召平與元孫救延州。 屬 元昊盛兵攻保安軍,時平屯慶州, 范雍以書召平, 平率兵與石元孫合軍趨上門。 平先發,步軍繼進,夜至三川口西十里止營,遣騎兵先趨延州爭門。 平素輕敵,督騎兵畫夜倍道行,明 時廊 延

召之爲外援,平亦使人趣其行。 詰旦,步兵未至,平與元孫還逆之。行二十里,乃遇步兵,

及德和 、万俟政、郭遵所將兵悉至,將步騎萬餘結陣東行五里,與敵遇。

復使人僞爲戍卒,遞文移下,平殺之。夜四鼓,敵環營謼曰:「如許殘兵,不降何待!」平旦, 日,賊退還水東。 敵,奈何先奔?」 麾下走保西南山,衆從之,皆潰。平遣其子宜孫馳追德和,執轡語曰:「當勒兵還,倂力抗 之,皆當重賞汝。」語未已,敵以輕兵薄戰,官軍引卻二十步。 死者幾千人。平左耳、右頸中流矢。 之,不能入。官軍並進,殺數百人,乃退。 時平地雪數寸,平與敵皆爲偃月陣相嚮。 ,自山四出合擊,絕官軍爲二,遂與元孫皆被執 德和不從,驅馬遁赴甘泉。 平率餘衆保西南山,立七栅自固。 日暮,戰士上首功及所獲馬,平曰:「戰方急,爾各誌 敵復蔽盾爲陣,官軍復擊卻之,奪盾,殺獲及溺水 平 遺軍校杖劍遮留士卒,得千餘人。 有頃,敵兵涉水爲橫陣,郭遵及忠佐王信薄 敵夜使人叩栅,問大將安在,士不應。 黃德和居陣後,望見軍卻,率 轉鬥三

軍節 未官者錄之。 往 度 訊焉,具得其實。 初, (使兼侍中, 諡)出武,賜信陵坊第,封其妻趙氏爲南陽郡太夫人,子孫及諸 德和言平降財, 其後降完多言平在興州未死,生子于賊中。 **遂釋其家**, 朝廷發禁兵圍其家。 德和 坐腰斬。 及命殿中侍御史文彦博即河中府置獄,遣龐 m 延州吏民亦詣闕訴平戰沒狀,遂贈朔方 及石元孫歸, 乃知平戰時被執 弟皆優遷,

列

傳

一〇五〇四

後沒于興州。弟兼濟。

點陝西 漲, 巡檢使。 兼濟解衣涉水,率衆捍城,州賴以完。 兼濟字寶臣,以父蔭補三班奉職。 河東刑 歲饑,太行多盜,禽二百餘人。 獄,徙知籠竿城 善騎射,讀兵書知大旨。 改左侍禁、鄜延路兵馬都監,權知保安軍,歷同提 擢閤門祗侯、雄霸州界河巡檢、徙晉、絳、澤、潞都 爲襄州兵馬監押。 漢江 . 暴

珠族 特授 之,射殺其酋長,收餘衆以歸。 叛, 內殿崇班、知原州。 夏 人寇邊, 諸將欲 衆號數萬,兼濟將兵千餘, 極討。 兼濟第 入辭,仁宗慰勉之曰:「國憂未弭,家仇未報,不可不力也。」 徙寧州 日縱飮擊鞠,繆爲不 ,破斬廝韈砦,徙鄜州 轉戰至黑松林, 知, 以 疑其意。 敗之。 屬其兄平戰沒于三川口, 旣而 叛者自潰, 乃追 屬 戸明

北緣邊安撫 諸 內 地。 元昊旣 改涇原路鈴轄,復知寧州, 稱藩,徙梓夔路鈴轄,又徙 副使、指 四上 閣門使、 同管勾三班院,出知 文 知原州,徙冀州 知鎭戎軍。 兼濟御下嚴急,轉運使言士心多怨,請 雄州 、廣信軍 累遷文思使、惠州刺 河 徙

改忻州,復管勾三班院,卒。 先 是,邊民避 罪 逃者,契丹輒納之,守將畏事不敢詰,兼濟悉移檄責還。 徙冀州,踰月,

直、幷代路巡檢。 郭瓊者,開封人也,家世以武 遷右侍禁、慶州柔遠砦兵馬監押。 、功稱。 **適少**隸軍籍, 召試騎射優等,遷左侍禁、 稍遷殿前指揮 使。 乾興 中, 改左班 **閤門祗候。** 殿

爲秦州三陽砦主任,徙延州西路都巡檢使。

|君 忠裔右侍禁,忠緒左班殿直。 特贈果州團練使。 持大絭索立高處迎遵馬,輒爲遵所斷。 **遵奮擊,期必死,獨出入行間。 遵揮鐵杵破其腦,兩軍皆大呼。** 弟青右侍禁,逵三班奉職。 元昊寇延州, 遵以裨將屬劉平, 遇敵, 馳馬入敵陣, 殺傷數十人。 以其父斌爲太子右清道率府副率; 女舊爲尼,亦賜紫方袍。 軍稍卻,卽復馬以殿,又持大矟横突之。敵知不 四子尚幼,仁宗悉爲賜名, 復持鐵槍進, 所向披靡。 因縱遵使深入,攢兵注射之,中馬,馬踠仆地,被殺。 母質, 會黃德和引兵先潰, 忠嗣西頭供奉官,忠紹左侍禁, 封仁壽郡君; 妻尹, 敵出驍將揚言當遵, ·可敵,使人 敵戰益急。 安康郡

逵自有傳。

願 元昊 嚴 守 反, 任 備 福 除 字 以 莫 祐 成 州 不 刺 其 · 虞。 」 史、 先 嵐石 仁宗 河 東 、善之, 隰 人,後徙開封。 州 緣 命 邊 都 知 巡 隴)檢使。 州 咸平 ٠ 擢 中, 秦 旣 鳳路 辭, 補 衞 馬步 奏日 士 軍 由殿前 副 河 總管。 東 諸 地 班 介大河, 詔 累 陜 遷 西 至 增 斥 遙 城 堠 郡 壘 刺 疎 闊 史。 器

堠。 因 郣 經 知 度所 慶州 過山 復兼環 川 道 慶路副 一路,以爲緩急攻守之備 總管。 上言:「慶州 帝 去 益善之,聽 蕃 族 不 遠, 便宜 願 勒 從 兵境 事 上, 按亭堡, 謹 械,

福

受命四十

日

呵

戰守之備皆具。

以忻州

團

練使爲

鄜

延路

副總管

、管勾延州

東路蕃部

以 破 其 功 城, 拜 夏 人寇保安、 龍 縱兵大掠,焚巢穴,獲牛馬、橐駝 柔遠砦,稿蕃部,即席部分諸將,攻白豹城。 神 衞 几 屈廂 鎭戎軍,福與子懷亮、姪壻成暠自 都指揮使、賀州防禦使,改侍衞馬 七千有餘,委聚方四十里,平骨畔等四十一族。 軍都虞侯 華池鳳川鎭 夜漏 未盡 ,抵城下, 聲言巡 邊 四 , 面 召 合 諸 撃。 將 牽 平明 制 敵

以 從 邊 福 耿 趨 節 涇原 傅 康 參 定二 制 軍 聞元昊謀寇渭州 事 年 琦 春 ,戒福等併兵,自懷 涇 原 朝 路 廷欲發 駐泊 都 涇 監 琦 原 桑懌 遠 귮 、鄜延 城趨得勝砦, 趨 鎭 爲 兩路兵 先鋒 戎軍 大。盡 一,鈴轄 西 出 至羊牧隆城, 討, 其兵, 朱 觀 詔 福詣 都監 又募敢 涇原 武英、 出敵 勇得萬八千人, 計 之後。 涇州都監王珪各以所部 事 會安 諸 砦 撫副使韓琦行 相距纔四 使福 將之。

里,道近粮餉便,度勢未可戰,則據險設伏,待其歸邀擊之。

至午, 陣,諸 將,兵敗,以死報國爾。」揮四刃鐵簡,挺身決鬥,槍中左頻,絕其喉而 繼,士馬乏食已三日。 敵分兵數千, 斷官軍後, 福力戰, 暮,與懌合軍屯好 斬首數百。 福 陣動, 將方知墮敵計,勢不可留,遂前格戰。 引 輕騎數千,趨懷遠城捺龍川,遇鎭戎軍 夏人棄馬羊橐駝佯北,懌引騎趨之,福踵其後。 衆傅山欲據勝地。 水川,觀、英屯龍落川,相距隔山五里,約翌日會兵川 追奔至籠竿城北,遇夏軍,循川行,出六盤山下,距羊牧隆城五里結 俄伏發, 身被十餘矢。 自山背下擊,士卒多墜崖塹,相覆壓,懌、肅戰死。 懌馳犯其鋒,福陣未成列,賊縱鐵騎突之,自辰 有小校劉進者, 西路巡檢常鼎、劉肅,與敵戰于張家堡 諜 傳敵兵 勸福 死 自死。 少,福等頗易之。 口。 路旣遠,獨餉 福日:「吾爲大

戰沒; 去,與福戰處相距五里,然其敗不相聞也。 官軍遂大潰,英、津、建、傅皆死;內殿崇班訾贇、西頭供奉官王慶、侍禁李簡李禹亨劉鈞亦 趙津三將瓦亭騎兵二千繼至。 乃倂兵攻觀、英。 軍校死者數十人,士死者六千餘人。唯觀以兵千餘保民垣,四嚮縱射, 戰旣合, 王珪自羊牧隆城引兵四千, 陣于觀軍之西; '珪屢出略陣,陣堅不可破, 英重傷, 不能視 福子懷亮亦死之。 軍 渭州駐泊都監 敵兵益至, 敵 引

方元昊傾國 |福臨敵受命,所統皆非素撫之兵,旣又分出趨利,故至於甚敗。

第

+

几

任福

母爲隴西郡太夫人,妻爲琅琊郡夫人,錄其子及從子凡六人。 至,帝震悼,贈福 武勝軍節度使兼侍中,賜第一區, 月給其家錢三萬, 麥四 一十斛。 追封

王 一珪,開封人也。少拳勇,善騎射,能用鐵杵、鐵鞭。 年十九,隸親從官,累遷殿前第

班押班,擢禮賓副使、涇州駐泊都監。

然以 披靡 **E**挾其槍, ·兵法,以寡擊衆必在暮,我兵少,乘其暮擊之,可得志也。」復馳入,有驍將持白幟植槍以 其下 ,獲首級爲多。 康定初,元昊寇鎭戎軍,珪將三千騎爲策先鋒,自瓦亭至師子堡, 「誰敢與吾敵者」」 死傷亦多, 以鞭擊殺之。 叩鎭 止賜名馬二匹, 成城,請益兵,不許。 槍直珪胸 軍大驚, 而傷右臂, 黄金三十兩, 遂引去。 城中惟縋糗糧予之。 **哇亦以馬中箭而還**, 珪左手以杵碎其腦。 裹創絹百匹。復下詔暴其功塞下, 師旣飽,因語共下曰: 仁宗特遣使撫諭之; 敵圍之數重, 繼 又一將復以槍進, 珪奮擊 以

皆敗。 Ш 焚敵族帳,獲首級、馬駝 任福陷圍中,望見麾幟猶在,珪欲援出之,軍校有顧望不進者,斯以徇。 改涇原路都 監。 明年,爲本路行營都監,勒金字處置牌賜之,使得專誅殺。 甚 衆。 會敵大入,以兵五千從任福屯好 水川 , 連 戰三日 乃東望再拜 諸 尋至 將

厲諸

曰:「非臣負國,臣力不能也,獨有死報爾。」乃復入 、戰,殺數十百人,鞭鐵撓曲,手掌盡裂,奮

了自若。 馬中鏃,凡三易,猶馳擊殺數十人。 矢中目,乃還,夜中卒。

光祖 以所得二槍植山上,其後邊人即其處爲立祠。 恐 不得還。 爲西頭供奉官、閤門祗候,後爲東上閤門使;光世,西頭供奉官;光嗣,左侍禁。 |珪 一少通 我死,可速去此,無爲敵所仇也。」及敵攻瓦亭, 購甚急, 果如所料。 陰陽術數之學(目),始出戰,謂其家人曰:「我前後大小二十餘戰, 贈金州觀察使,追封其妻安康郡君,錄其子 殺敵多矣,今 鎭戎之戰,

德砦主,又徙慶州柔遠砦。 射,悉禽獲之。 帳飲, 英曰:「今空郡而來, 萬一敵乘間入城, 奈何?」旣而敵百餘騎果入寇, 英領衆左右 望都,贈西京左坊使,錄英爲三班借職,以右班殿直爲忻、代州同巡檢。會州將出獵,因留 武英字漢傑,太原人。父密,隨劉繼元歸朝,仕至侍禁、鎭定同巡檢。 以功遷左班殿直、監雄州権場,改右侍禁、閤門祗侯,爲環州都巡檢使,徙洪 與契丹戰,沒于 馳

敵棄羊 從 任福 元 馬僞 破 是寇延州,英主兵攻後橋,以分敵勢。 公白豹 遁 以城,遷禮賓副使,尋 諸將皆趨利爭進,英以爲前必有伏,衆不聽,已而伏發。 棄涇原行營都監。 擢內殿承制、環慶路駐泊都監。 與任福合諸將戰張 家堡,斬首 福等旣敗,英獨力 破黨平族,又 數十百,

列

戰,自 永孚,西頭供奉官; 辰至申,矢盡遇害。贈邢州觀察使。錄其子三班奉職永符爲東頭供奉官、閤門祗侯; 永昌,左侍禁。 姪永保,右班殿直; 永錫,三班奉職。

祗畏若不自足,語言如不出其口, 卒遇之, 不知其勇且健也。 |桑懌,開封||雍丘人。 勇力過人,善用劍及鐵簡,有謀略。 其爲人不甚長大,與人接,常 兄慥,舉進士,有名。 懌以再

舉進士,不中。

饑,聚人共食其粟,盡而止。 嘗遭大水,有栗二廩,將以舟載之,見百姓走避水者,遂棄其栗而載之,得皆不死。 後徙居汝、潁間,耕龍城廢田數頃以自給。

其衣,不使之知也。 也。」有頃,里老父子死未斂,盜夜脫其衣去,父不敢告縣。懌疑少年王生者,夜入其家,得 色動,即推仆地,縛之,詰共盜者姓名,盡送縣,皆伏辜。 諸縣多盜, 懌自請補耆長, 得往來察姦, 因召里中惡少年戒曰:「盜不可爲, 吾不汝容 明日,見而問之曰:「爾許我不爲盜,今里中盜屍衣者,非爾邪?」少年

以往,殺數人,盡縛其餘,汝旁縣爲之無盜。京西轉運使奏其事,補郟城尉。 曰:「賊在此,欲何之?」乃下馬,獨格殺數人,因盡縛之。又聞襄城有盜十許人,獨提一劍 嘗之<u></u>郟城,遇尉出捕盜,招懌飲酒。 與俱行,至賊所藏,尉怯甚,陽爲不知,將去。

所執,懌幾不免。 尤爲民害,朝廷每授巡檢使,必疏姓名使捕之。 懌不知其僞也,因挺身入賊中,與伯同臥起,十餘日,伯遂與懌出至山 天聖中, 河南諸縣多盜,轉運使奏移澠池尉。 |懌曰:「巡檢懼無功爾。」即以伯與巡檢,使自爲功。 羣盜保靑灰山,時出攘剽。 懌至官,巡檢僞爲宣頭以示懌,牒招致 巡檢俘獻京師,而懌 口,爲巡檢伏兵 有宿盜王伯

不復自言。

,朝廷知之,爲黜巡檢,擢懌右班殿直、永安縣巡檢。

皆走,獨一媪留,爲具飲食,如事羣盜。 其尤強梁者,懌自馳馬以往,士卒不及從,惟四騎追之,遂與賊遇,手殺三人。凡二十三人 察其實而愼勿泄。」後三日復來,於是媪盡得居處之實以告。 軍吏不知所爲,數請出自效,輒不許。 媪以爲眞盜。乃稍就媪,與語及羣盜,一媪曰(E):「彼聞桑殿直來,皆遁去。 近聞閉營不出, 知其不足畏,今皆還矣,某在某處。」懌又三日往,厚遺之,遂以實告曰:「我桑殿直也,爲我 「盜畏吾名,必潰,潰則難得矣,宜先示之以怯。」至則閉栅,戒軍吏不得一人輒出。 一日皆獲。 明道末,京西旱蝗,有惡賊二十三人,樞密院召懌至京師,授以賊名姓,使往捕。 夜,與數卒變爲盜服以出,跡盜所嘗行處。入民家,民 |懌歸,閉栅三日,復往,自攜具就媪饌,而以餘遺媪, 懌明日部分軍士,盡擒諸盜。 居數日 ||懌日

還京師,樞密吏求銀,爲致閤門祗侯。 懌曰:「用賂得官,非我欲,况貧無銀;有,固不

列傳

第

八十

四

任福

軍不 若欲避名,則善皆不可爲也。」益辭之,不許。 吾心。」將讓其賞以歸己上者。 上者 印 也。」吏怒,匿其 能 ,吾乃其佐也。 制,因命懌往,盡手殺之。 (功狀,止免其短使而已。 今彼留而我還,我賞厚而彼輕,得不疑我蓋其功而自 或譏以好 還,乃授閤門祗侯。 名, 除兵馬監押,未行,會宜州蠻 「士顧其心如何爾, 懌日:「是行也, 非獨 叛,殺海上巡檢,官 1伐乎? 當自信其心以行, 吾功, 受之,徒慚 位有 居吾

班、鄜延路兵馬都監 防禦使; 寶元 初,遷 子湜皇城使。 一西頭供奉官、廣西駐泊都監。 踰月,徙涇原路,屯鎭戎軍,與任福遇敵于好水川,力戰而死。贈解州 元昊反,參知政事宋庠薦其有勇略,遷內殿崇

斷 手足,不屈而 耿傅公字公弼,河南人。 祖昭化,爲蜀州司戶參軍。 盜據城,欲脅以官,昭化大駡,至

永寧縣。 傅少喜俠尙氣,初以父蔭爲三班奉職,換伊陽縣尉,歷明州司理參軍,遷將作監丞、知 河南守宋綬薦其材,遷通判儀州,徙慶州。 時議進兵西討,以傅督 道 糧

英歎曰:「英當死,君文吏,無軍責,奈何與英俱死?」朱觀亦白傅少避賊鋒,而傅愈前 會元昊入寇,參任福行營軍事,遇敵姚家川,諸將失利,敵騎益至,武英 勸 傅 避 去,傅不

措 顧 自 岩 被數創 ",乃死

|琬同學究出身。 大夫,官其子暖爲太常寺太祝,璩爲太常寺奉禮郎,璋爲將作監主簿,眭試秘書省校書郎 寫 題觀名,以致福 始,傅與觀營籠落川,夜作書遺屜,以其日小勝行,前與敵大軍遇,深以持重戒之。 軍 中。 傳死後, 韓琦得其書於隨軍孔目官彭忠, 奏上之。 詔贈傅右諫議 自

捕賊功,遷左班,徙 用 開 封府判官鞠仲謀薦,召對,改右班殿直,爲鎭、定、保、深、永寧、天雄六州軍巡檢。 王 仲實字器之,密州高密人。 叩戶外乞降,左右欲殺之,爲首級論 河北 西路提舉捉賊,擒磁州名賊王 初爲刑部史,補齊州章丘尉。 遇仙、博州孫流油輩,凡四十人。 以捕羣盜六十餘人有功,

功,

仲寶不

可,

納舍中使寢。

擢

夜有盜

絳慈隰 北提舉捉賊 命 乘驛捕登州 、威勝 軍巡檢使, 海賊 有盜 百餘依 百餘人,獲之。 至官才八日, 西山 官軍 還,爲河北 獲太行山宿賊八十人。 不能捕, 提舉捉賊,又捕斬百餘 仲寶悉招 出, 隸軍籍, 累賜金帛、緡錢。 人。 奏以自隨 知信安軍,復爲河 使契丹,積 徙澤潞晉

遷 內殿 承 制

天聖 初, 知鎭戎軍, 改供備庫副使。 破康奴族, 獲首領百五十、羊馬 七千,詔獎其功。

列

州鈴 邊境。」久之,遷東上 徙 凡 涇原路鈴轄, 五 年,還,巡 ,改西上 護惠民 閣 復 門使。 知鎭 一閤門使。 河 成戎軍 ."堤岸, 建言:「緣邊博糴,屬羌苦之,數逃去。 遷供備 又徙原、環二 庫使、鱗府路 州。以西京 兵馬鈴轄、 左藏庫使、 知麟州 請寬其法,使得復業,以捍 惠州 刺史知利州 會鎭 **近** 成軍 蕃 徙井、代 族 內寇,

明年 州 副 諸將皆沒, 使。 團 時任福 練使,爲涇原路總管、安撫副使兼管勾秦鳳路軍馬事。 元昊寇延州,仲寶將兵至賀蘭谷,以分兵勢,敗蕃將羅逋于長雞嶺。 以磁州防禦使知代州,除左屯衞大將軍致仕,卒。 破金湯城,復賜詔獎論,徙澶州副總管。 大敗好水川,別將朱觀被圍于姚家堡,仲實以兵救之,拔觀出圍,乘以從馬。 獨仲寶與觀得還。 徙環慶路副都總管、知慶州。 安撫使范仲淹以仲寶武幹未衰, 與西羌戰六盤山,俘馘數百人。 未幾,兼本路經略安撫、招討 遷四方館使,領濮 奏留之。

水之敗、諸將力戰以 論 元昊乘中國 死。 . 弛備,悉衆寇邊,王師大衄者三,夫豈天時不利 噫,趨利以違節度,固失計矣; 然秉義不屈,庶幾烈士者哉 ·哉?亦· Ĺ 謀 而已。 好

 Ξ 知邠州 「邠州」原作「汾州」,按宋汾州在河東路,與下文所述地理上不合。 據長編卷一〇一、

東都事略卷一一〇本傳改。

秦州三陽砦主 「秦州」原作「泰州」。 按本書卷八七地理志、武經總要前集卷一八,三陽砦隸屬

秦州,「泰」字是「秦」字之訛,據改。

 \subseteq 趙津 長編卷一三一、韓琦韓魏公集卷一一家傳、尹洙河南先生文集卷三憫忠都作「趙律」。

珪少通陰陽術數之學 「術數」二字原倒,據東都事略卷一一〇本傳、隆平集卷一九任福傳乙

涯。

(至) 一媼曰 「一」字當是衍文。按上文已說「獨一媼留」,此時又別無他媼,不得再說「一媼」。

歐陽

修歐陽文忠公文集卷六五桑懌傳即無「一」字。

公

耿傅

卷三辯經、司馬光淶冰紀聞卷一二都作「耿傳」,長編卷一三〇也作「耿傳」。疑作「傅」是。 長編卷一三一、蔡襄蔡忠惠公文集卷二九耿諫議傳同;編年綱目卷一一、河南先生文集

(主) 以其日小勝 「日」原作「戒」,據河南先生文集卷三辯誣改。

宋史卷三百二十六

列傳第八十五

盧鑑 景泰 李渭 王信 王 蔣 果 偕 郭諮 張 忠 田敏 郭恩 侍其曙 張 岊 張君平 康德輿

張昭遠

疏不報。 刨 上 言:「元昊雖稱臣,誠恐包藏禍心。 景泰字周卿,普州人。 俄元昊反,又上邊臣要略二十卷。 進士起家, 當選主將,練士卒,修城池,儲資糧,以備不虞。」三 補坊州軍事推官。 遷都官、知成州,奏平戎策十有五篇。 後以尚書屯田員外郎通判慶州,

至潘原。 二道, 會有薦塚知兵者,召對稱旨,換左藏庫使、知寧州。 一出劉璠堡, |泰率兵五千,從間道赴原,而先鋒左班殿直張迥逗遛不進,|泰斬以徇。 一出彭陽城,入攻渭州。 葛懷敏援劉璠,戰崆峒北,敗没,敵騎逾平凉, 任福敗,徙原州。 元昊衆十萬,分 遇敵彭陽

列

傳

第八

+

五

景泰

王信

翼,張旗 級 西 裨將夏侯 以 功遷 人職爲 西上閤門使、知鎭戎軍兼兵馬鈴轄。 疑兵。 觀 欲退守彭陽,泰弗許,乃依山而陣。未成列,敵騎來犯,泰陰遣三百騎,分左右 敵欲遁去,將校請進擊,泰 止之,遣 久之,領忠州刺 士搜山,果得伏兵, 史,徙秦鳳路馬步 與戰, 斬首千餘 軍總管,

以 左藏庫副使、遂州駐泊都監擊瀘州夷人,陷於羅箇暮山下。 子 思立、熙寧中屢有戰功、爲引進使、忠州防禦使、知河州、與董氈部兵戰,沒。 兄弟繼死王事,人皆憐其忠。 後思忠

忠佐,領河中府、同幹鄜延丹坊州慶成軍管界捉賊,又遷龍 軍,與其徒生擒賊七十人,累以 王信字公亮, 太原人。 家故饒財, 功補龍、神衞指 少勇悍。 大中祥符中,盜起晉、絳、澤、潞數州, 揮 使。 **衞都虞候兼鄜延巡檢。** 部使者表薦 ,召閱其藝, 遷 信應

懾。 京作坊使、 擊走之,獲首級、馬牛居多。 信領 康定初,劉平、石元孫戰于三川,信以所部兵薄賊,斬首數十級。 勁兵二千,夜出南門與戰,失其前 知鎭戎軍,徙保安軍兼鄜延路兵馬都監。 遷鈴轄兼經略、安撫、招討都監,領貴州刺史。 鋒,因按軍 不動。 始至之夕, 敵衆號數萬 遲明, 潛上東山 遷捧日都虞候, 整軍 . 傅城,軍 葛懷敏戰 乘 勢 · 吏氣 改西

敗 信出兵拒敵,俘斬甚衆。 進保州刺史,就遷馬步軍都總管。 四路置招討使,遂爲本路招

討]副使。 累遷馬 步軍 都虞候、象州防禦使,徙高陽關路。

黨自 I焚死。 則 反具州 拜感德軍節度觀察留後,召爲步軍 ,用安撫使明鎬奏,爲貝州 城下都總管。 副都指揮使,未至,卒。 城破, 則遁, 贈武 信率兵執則而 寧軍節度日 湿,餘 兼

侍中。

邪 ? 」曰:「情之所感,實不 蔣偕字齊賢, 華州鄭縣人。 自 知也。」舉進士,補韶州司 幼貧,有立志。 父病, 嘗刲股以療, 父愈, 詰之曰: 「此豈孝 理參軍,以祕書省著作佐郞爲 大理寺

詳斷官。

庠

與偕持之不從, 密州 豪人王澥使奴殺一家四人,偕當澥及奴皆大辟。 偕以是知名。 宰相陳堯佐 欲寬解, 判審刑院宋

白 民苦屬戶為 鹽 使。 陝西 用兵,數上書論邊事,遷 用龐籍、范仲淹薦,改北作坊副使、環慶路兵馬都監,歷知汾、涇二州,徙原州 一鈔盜,偕得數輩,腰斬境上,盜爲息。 秘書丞、通判同州,計置 遷北作坊使兼本路鈴轄。 陝西錢粮。 逾年,爲沿邊計置青 明珠、康奴諸族 邊

列

數爲寇,偕潛兵伺之,斬首四百,撿酋豪,焚帳落,獲馬、牛、羊千計。 所俘皆刳割磔裂于庭

下,坐客爲廢飲食,而偕語笑自若。 徙華州兵馬鈴轄。

軍食。 之交鈔,患未有應令者。 年,徙恩州,領韶州刺史。 湖南蠻唐和內寇,徙潭州鈴轄。 爲御史彈奏,降知坊州。 偕使州倉謬爲入粟數,輒作鈔,遣屬官持至京師轉貿,得緡錢以補 屬兵粮乏絕,朝廷方募民入粟,增虚直,給券詣京師射取錢貨,謂 賊平,知忻州,徙冀州。 坐擅率粮草,降知霸州。

城下。 都監,再降北作坊使、忠州刺史。 儂智 高 戰士未集,會儂智高徙軍沙頭,安撫楊畋檄偕焚粮儲,退保韶州。 反,除宮苑使、韶州團練使,爲廣南東西路鈴轄。 命未至,軍次賀州太平場,賊夜入營,襲殺之。 賊方圍廣州,偕馳傳十七 坐此,降潭州 贈武 信軍 駐泊 日至

也。 簡日:「安有團 初,偕入廣州,即數知州仲簡曰:「君留兵自守,不襲賊, |練使欲斬侍從官。」偕曰:「斬諸侯劍在吾手,何論侍從!」左右解之,乃 又縱步兵馘平民以幸賞,可斬 節度觀察留後。

卒以輕肆敗。

海 去爲 、郭邈山 深盜,復 張 池忠 、開封 紹出, 從平 人。 恩州 隸龍猛 初隸龍騎備征, 功第 軍, 以材武 累遷. 補三班借職、陝西總管司 選爲教唆。 如 京使、資州 有軍校恣掊斂,忠歐殺之,坐配鼎州。 刺史,歷眞定府、定州、高陽關 指使。 數攻 破堡砦,殺劇 、京東西 賊 旣 張 遁

兵馬鈴轄

功爲 |州 封其母為 凡四人; 奮,遂中標槍 蘇 車 緘以兵八千人據邊渡村, 儂 智高 練使,若曹勉之。」於是不介騎 河內郡 封長女爲淸河縣君。 反,就移廣東,領英州 死。 夫人; 錄其父率府副 弟愿遷右班殿直、閤門祗候; 扼賊 率致仕餘慶爲 團 歸路, 回練使。 而 削 忠奪 **愈先鋒遇賊奔**, 初,智高圍廣州,時洪州 左 而 將之。 監門衛 官其子永壽、 大 謂 忠手拉 其下 將 軍, 日:「我 賜 賊 、駐泊都監蔡保恭及知 永吉、永德及其壻劉錞 第 帥 區, 三人, + 午前 給半 馬陷 健兒,以 俸終 濘, 不能 身

戦

;

英

累遷 鳥族叛,又率兵攻討,斬首八 內殿承制、秦鳳路兵馬部監。 郭恩,開封人。 初隸諸班,出爲左侍禁、閤門祗候,歷延州 十五級, 遷六宅副使。 開古渭州 路,爲前鋒,斬首九百餘級,擢崇儀副使。 累勞,補崇儀使,爲秦隴路兵馬鈴轄,徙 西路都巡檢、環州肅遠砦主, 會掌

列

傳

第

八

+

五

張

忠

郭

恩

拼、代州鈴轄,管勾<u>麟</u>府軍馬事。

敵盛 然後 之上,俯瞰其地,獨指掌也。 意 數十里無寇跡。 河 東毋與戰。 미 則 【廢橫戎、臨塞二堡(三),徹其樓櫓,徙其甲兵,以實新堡,列烽燧以通警急。 更增二堡, 夏 入堡以避。 人歲侵屈野河 嘉祐 以據其 是時,知麟州武戡、通判夏倚已築一堡爲侯望,又與光議曰:「乘敵去,出不 二年,自正月出屯,至三月然後去。 如是,則堡外必不敢耕種,州西五六十里之內晏然矣。」籍遂檄麟州 西 地。 地,至耕穫時, 請還白經略使,益禁兵三千、役兵五百,不過二旬, 有急,則州及橫陽堡出兵救之; 敵來耕則驅之,種則蹂踐之; 輒屯兵河西以誘官軍。 通判幷州 司 經略使龐籍每戒邊將,斂兵 馬光行邊至河西白草平, 從衙城紅樓 壁壘可城。 如其

曹故 起 河 盛 北 屯沙黍浪,恩欲 欲 而 五 幾 沮 行 月,恩及武戡、走馬承受公事內侍黃道元等以巡邊爲名,往按視之。 敵數十人皆西走,相去數十步,止。 ',無復 年 我 聞 師。」及聞 郭恩名,今日 部 止 伍。 不行。 鼓聲,道元獨不信。 夏人舉火臥牛峯,戡指以謂恩曰:「敵已知吾軍至 懦 道元怒,以言 怯 與買 達何殊?」恩亦愠曰:「不過死耳 [脅恩,夜率步騎一千四百餘人,不 行至谷口(三), 恩等踞胡床,遣使騎呼之,敵不應,亦不動。 恩欲休軍,須曉乃登山。 矣。」道 一乃行。 甲者半, 會調者言,敵兵 元日: 比明, 道元 循 至忽 奮 屈 此 衣 爾

丽 起火,敵騎張左右翼,自南北交至。 堆東有塹,其中有梁,謂之「斷道堰」。恩等東據梁口

與力戰,自旦至食。 時敵自兩旁塹中攀緣而上,四面合擊,恩衆大潰。

封其妻爲京兆郡君,錄其子弟有差,給舊俸三年。 百八十七人,已馘耳鼻得還者百餘人,亡失器甲甚衆。 山 趣城東,抉門以入。恩、道元及府州寧府砦兵馬都監劉慶皆被執,使臣死者五人,軍士三 夏倚方在紅樓,見敵騎自西山大下,與推官劉公弼率城中諸軍,閉門乘城。 武戡坐棄軍除名,編管江州 恩不肯降,迺自殺。 贈同州觀察使, 武戡走東

子來歸。 遣呂詰問,呂徑造帳中,以逆順論阿遇,阿遇語屈,留呂共食。 引吻就刀食肉,無所憚。 **橐駝,悉歸所虜。** 曰:「眞男子也。」翌日,又與呂縱獵,雙兔起馬前,呂發兩矢,連斃二兔。 張岊字子雲,府州府谷人。以貲爲牙將,有膽略,善騎射。 阿遇寇麟州, 州將補爲來遠砦主。 虜邊戶,約還子然後歸所虜。 阿遇復弦弓張鏃,指岊腹而彀,岊食不輟,神色自若。 手殺僞首領,奪其甲馬。 麟州還其子,而阿遇 阿遇袖佩刀,貫大臠啗岊,岊 天聖中,西夏觀察使阿遇有 時年十八,名動一 阿遇驚服,遺岊馬 輒背約。 阿遇撫岊背 軍。 安撫使

元昊犯鄜延,詔麟府進兵。 品以都教練使從折繼閱破浪黃、党兒兩族,射殺數十人,斬

列

第八

+

五.

張

岊

偽軍主敖保,以功補下班殿侍、三班差使。

甚急, 下身被三創,晝夜督守。 時 城西南隅庳下,贼將登,衆囂曰:「城破矣!」吕乘陴大呼搏賊,贼稍却, 敵騎方熾,中人促賜軍衣,至麟州,不得前。 至靑眉浪,週賊接戰,流矢賈雙頰,岊拔矢,鬥愈力,奪馬十二匹而還, 又帥死士開關,護州人汲于河,訖圍解,城中水不乏,以勞,遷右班 康德興管勾軍馬司事,遣岊馳騎五十往 飛矢中右目, 賊兵攻府州

之(豆),大敗賊 首百餘級,奪兵械、馬牛數百。 然賊嘗往來邀奪饋運,以岊爲麟、府州道路巡檢。 於龍門川 從諸將通鱗州糧道,破賊於柏子砦。 近郊民田,比秋成未敢穫, 問以計干脹亢, 至深柏堰, 遇賊數千, 改左班殿直 得步 分兵追擊, 斬 卒九百人護

馳射,諸將乘勝而進,賊皆棄潰。 日 數戰,破容州刺史耶布移守貴叁砦,俘獲萬計。 內侍宋永誠傳詔砦下,呂護永誠,遇賊三松嶺。 特改 西頭供奉官,又遷內殿崇班。 遷禮賓副 賊以精騎挑戰,矢中呂臂,猶躍 賊破豐州 馬左右

張亢 左右親信咸曰:「擅易砦地可乎?」岊曰:「苟利國家,得罪無憾也。」卒易之。已而本道上 修並砦堡障,初議置安豐砦於石臺神,因以爲非要害之地,遂徙砦於生地骨堆以扼 明鎬在河東,以岢嵐軍當雲、朔路,奏景爲麟府路駐泊都監乘沿邊都巡檢使, 駐岢嵐。

夜入|| 完中偵機事,旣還,完覺追之,問隨|| 完縣,効|| 一說,與|| 是俱數里,乃得脫。 言,左遷絳州兵馬都監。 二州未解嚴,復麟府駐泊都監,屯安豐。 累遷洛苑使。 前後數中流 嘗從數騎

矢,創發臂間,卒。

僚兵屢入寇, 張 君平字士衡, 君平引兵擊破之,以功遷奉職,除駐泊監押,徙喀、白等州巡檢。 磁州滏陽人。 以父承訓與契丹戰死, 補三班差使殿侍、 黔州指 又以捕賊功, 揮使。

地 則水湍駛而無留沙,歲可省功百餘萬。 謝德權薦君平河陰窖務,擢閤門祗侯,管勾汴口。 又請沿河縣植榆柳,爲令佐、使臣課最,及瘞汴 建言:歲開||下口,當擇其地; 得其

河未塞,召同提點開封府界縣鎭公事。 天聖初,議塞滑州決河,以君平習知河事, 以嘗護滑州隄有功,特遷內殿崇班。 命以左侍禁簽書滑州事棄修河都監。

河流屍。

悉從其言。

遷右班殿直。

縣長東,皆兼管勾溝洫 君平以京師數罹水災,請委官疏鑿近畿諸州古溝洫, 河道。 自畿至泗州,道路多羣寇,君平請兩驛增置使臣,專主捕盜, 久之, 稍完, 遂詔畿內及近畿州

列傳

第

八十五

張

君平

史

方

遷鈴轄,卒。

而罷 檢,於是行者無患。 復爲滑州修河都監,遷供備庫副使。 河平,改西作坊使,就

錄 三子官。 君平有更材,尤明於水利,自議塞河, 子鞏,皇祐中,以尚書虞部員外郞爲河陰發運判官,管勾汴口,嗣其父職云。 朝廷每訪以利害。 河平, 君平且死, 論者惜之。

重以 足尙也。 書生,或奮行伍,或出亡命,非有將率之材也。 制敵耳。 論曰:孔子謂:「暴虎馮河,死而無悔者,不與也。」老氏曰:「佳兵者不祥。」景泰輩或起 品之聽勇, 固非臨事而懼者。 |蔣、張輕肆自用,竟殞于烏合之寇。 君平死戰之子, 迺明習水利, 以吏材稱, 亦可謂善 泰、信以區區之卒,嘗摧西夏之彊 恩忧道元之勢,身陷 虎 口,守義不屈, **一鋒,頗** 知持 獝

沿邊同巡檢,改右班殿直、閤門祗侯。 史方字正臣,開封人。 應周易學究不中,補西第二班殿侍,再遷三班奉職,爲潭、澧、鼎 會澧州民訴下溪州蠻侵其土地,遣乘驛往視。 自竹

疎 驛至申文崖,復地四百餘里,得所掠五百餘人, 又置澧州、武口、楊泉、索溪四砦,以扼賊

衝。 就 知 邵州 ,徙澧州,遷右侍禁。

等八百餘人, 禧中,下溪州蠻彭仕漢寇辰州, 誅其尤惡者社忽等十九人。 殺巡檢王文慶。 遷西頭供奉官、知辰州 方勒兵入溪洞討捕, 降其黨李順 兼沿邊溪洞都巡檢使, 同

南、北江五砦,徙夔州

監。 女栅,降之。 時富、順州蠻田彥晏寇施州,焚暗利砦(新)。 遷內殿崇班,改內殿承制, 奉使契丹,以供備庫副使知環州、環慶路兵馬都 方領兵直抵富、順,蕩其巢穴,窮追彥晏至

州 禁兵五千,徙內地以省邊費。 刺史,爲益州鈴轄,徙秦鳳路,遷 先是,磨娟、浪壺、托校、拔新、兀二、兀三六族內寇,方諭以恩信,乃傳箭牽羊乞和。 徙慶州,遷禮賓使兼環慶路兵馬鈴轄,復知環州。 西京作坊使,卒。 歲餘,遷愛

減

走馬承受公事 盧鑑字正臣, 李繼 金陵人。 遷寇邊,與總管王榮敗走之,又與鈴轄張崇貴擊賊,焚其積聚,斬首 累舉進士不中,授三班奉職、監坊州酒稅,以右班殿直爲鄜延路

列

傳 第

八

+

五

廬 縬

李

州 級 提點 而 還。 賊盜公事,尋爲都巡檢使,徙 擢뭠門祗候, 爲本路 兵 馬都監。 利州 都 復出蕩族帳,獲羊牛萬計 監 徙 鳳 翔 秦隴階成等

餞州。 幼、芻粟于內地。 之,鑑曰:「此詐爲之以欺朝廷也,宜益爲備。」至是,繼遷陷靈武,帝思其言,特遷右侍禁、 再遷 初, 州有制勝關,最號險要,繼遷欲乘虛襲取之,放言將由此 綴遷聲言石隕帳前, 西頭供 奉官、知利 鑑 曰:「此姦謀也,且示虜弱,搖民心,臣不敢奉詔。」卒不徙,已而賊亦不 州 有文曰:「天誠爾勿爲 中國患。」鑑時爲承受, 大人。 諜者以告,有詔徙老 入奏事, 眞宗 問 知

累遷 西京左藏庫使、 軍 會歲飢 京原州 ,以便宜發倉粟振民。 就為環慶路 恩州刺史,為環慶路鈴 都監 兼知慶州, 秩滿,民請留,詔留一年。 轄兼知環州 徙環州。 平磨媚族于合道鎮。 改 、西上閤門使、秦州、卒。 提點河東路刑獄,歷知保州、 坐 事 徒 知丹州。

河 並 決滑州 爲 修河都監 李渭字師望,其先西河 天聖初, 未幾皆罷,以渭爲鄆州兵馬都監,徙知憲州 上治 河 十策, 人,後家 參 河陽。 知 政 事 魯宗道 進 士起家, 為臨 奉 詔 行 河,奏渭換北作坊 潁 ,又知鳳州兼階、成州鈴轄 縣主 簿,累官 至太常 副 與張君平 博 士。 會

徙益 果反。 卒。 備。 保州 夫 爲 食使、 馬 鈐 利路 實元 審 懷 契 王 知汝州, 又 果字仲武, 敏怒,訴果以不法,左遷 丹謀致書求關南地,使未至,果購諜者先得其稿,奏之,擢領賀州刺史銀高陽關路 刑 (與勸 院洋議官,遷殿中丞。 兵 中官楊懷敏領沿邊屯田事 元年,元昊將 馬 奏, **鈴轄**,領惠州 徙磁州。 以爲 深州饒陽人。 元昊 山遇 元昊犯邊, 率 表 刺 至猶 史,遷東八 其族來歸, 青州兵馬都监 舉 奏邊策, 稱 一明法, 言者益歸罪于渭, 臣, 大廣塘水, 、作使,擢 且言元昊反狀,渭 可漸 試舍人院, 改衣庫副 歷 大 屈以 理 歷永興軍兵馬鈴轄、知 邊臣莫敢言,果獨抗辨水侵民 寺詳斷 西上閣 禮。 復降右監門衞將軍、白波兵馬都監 朝 官, 門使,徙鄜延路,再 延 與知州郭勸謀,卻之。 初以消 遷光敞 使、 知永寧軍,更尚食使、知 兼 寺丞,以 知 に随州 鄜州 遷四 太子右 坐 H]方館: 旣而 是貶爲倘

贊善大

.51

傳

第

八

+

五

Ŧ

杲

郭

諮

〇五二九

無

邊

兵

酋 帥

復其砦。

遷軍器

庫副

使,

歷

知原、環、

慶三

州

時

詔

舉

勇略任邊者,

李諮

以渭

應詔

使。

元 臭

道州

; 以

恩信諭

初

屬

戶寇陷階州沙灘砦,渭至,詰所以然者,乃都校趙釗擾之,奏流釗

宋

坐 一多傷 俄 詔 還 遷 徙知密州 皇 一城使、 河北 又知忻州、鄜州 沿邊安撫副使,徙 į 權秦鳳路兵馬總管, 知定州兼真定路兵馬鈴 遷西上閤門使, 轄。 叛卒據保州 徙知滄州, 果

卒。

詔 澶 縣 不道使者共議,弗合。 主 一簿,改大理寺丞、知濟陰縣。 郭諮字仲謀,趙州平棘人。八歲始能言,聰敏過人。 且黎陽九河之原,今若引河出汝子山下,穿金堤,與橫欖合,以達于海,則害可息。」 部夫坐小法、監通利軍稅 建言:「澶、滑堤狹, 無以殺大河之怒,故漢以來河決多在 舉進士,歷通利軍司理參軍、中牟

民乃復。 方 田 法四出量括,遂得其數,除無地之租者四百家,正無租之地者百家,收逋賦八十萬,流 洛州肥鄉縣田賦不平,歲久莫治,轉運使楊偕遣諮攝令以往。 偕奏其才,遷殿中丞、知館陶縣 旣至,閉閣數日,以千步

州 上蔡縣稅 :募兵教習。 康定西征,路上戰略,獻挺馬槍陣法(台),其制利山川險隘,以騎士試 以母憂免官。 會三司議均稅法,知諫院歐陽脩言,惟諮方田法簡而易行,詔諮與孫琳均蔡 用宰相呂夷簡薦,起爲崇儀副使、提舉黃御河堤岸。 上前, 擢通判鎮戎

爾。

視塘泊,界截虜疆,東至海口,西接保塞。 河, 下與胡蘆 時富弼使契丹,諮入對,陳大水禦戎之要。 、滹沱、後唐河以注塘泊,混界河,使東北抵于海,上溢鸛鵲陂,下注北當城,南 惟保塞正 詔與楊懷敏、鄧保信行河,其議「決黎陽大 西四十里,水不可到,請立堡砦,以兵戍

詔儲用興役,會契丹約和而

ょ

知丹、利二州。

間,可興水田。 獨轅弩可試,改鄜延路兵馬鈴轄,許置弩五百,募土兵教之。 上, 屯田 韶立獨轅弩軍。 帝頗嘉之。 王 則叛,文彥博薦諮知冀州 轉運使任顓言諮有巧思,自爲兵械皆可用。 又作鹿角車、陷馬槍,請廣獨轅弩於他道。 除益州路兵馬鈴轄,累遷英州刺史,後爲契丹祭奠副使、知汾州 以西上閤門使知潞州。 ,運糧助攻討。 言懷、保二郡旁山,可以植稻;定武唐河抵瀛、莫 賊平,徙忻州,開渭渠,導汾水, 詔以所作刻漏、圓楯、獨轅弩、生皮甲來 旣成,經略使夏安期言其便, 興水利, 置

|P,觀||幽|||地方不及三百里, 疆,乃其術也。 制之,使舉不得利,居無以給,不踰數年,必棄幽州而遁。 韶諮置弩千分給丼、潞,諮因上疏曰:「臣自冠武弁,未嘗一日不思禦戎之計。 臣所創車弩可以破堅甲,制奔衝,若多設之,助以大水,取幽薊如探囊中物 無十萬人一年之費,且烏合之衆,非二十萬不敢舉。 臣慶曆初經畫河北大水,界斷 若以 頃使契 術 敵

伸用, 軍 以 兵自守。 地者佚。 其糧匱乏。 ا升 口,砦松亭關,傳檄 來則 疆 水運以給保州。 北 土雖廣,人馬至少,儻或南牧,必率高麗、渤海、黑水、女眞、室章等國會戰,其來旣遠, 口 店 則 三司 戰,去則 敵 地狹民少。自古北口至中原, 步卒十二萬,騎卒三萬,彊壯三萬,歲計糧餉百八十三萬六千斛。 以臣所見,請舉慶曆之策,合衆河於塘泊之北界,以限戎馬,然後以景德故事,頓 可 議 臣聞以近待遠,以佚待勞,以飽待飢,用兵之善計。 均 勿追。 H 幽 然後以拒馬車三千,陷馬槍千五百,獨轅弩三萬,分選五將,臣可以備 租 幽薊,燕南自定。 燕可取。」 召還,諮陳均括之法四 幽州糧儲旣少,敵不可久留,不半年間,當遁沙漠。 帝壯其言,詔置獨轅弩二萬, 且彼之所恃者,惟 屬溪、契丹,自中原至慶州,道旁纔七百餘家 一十條。 復上平燕議日:「契丹之地, 馬而已。 同提舉百司及南北作坊,以完 又聞得敵自至者勝,先據 但能 多方致力,使馬 又傍河郡邑,可 則進兵斷古北 自 瓦 不獲 蓋 橋 其 便 至

洛入汴,可以四時行運。 諮 嘗 間:作汴乘索河三十六陂之流,危京師,請自鞏西山 詔都水監楊佐同往計度。 歸,未及論 七里店孤柏嶺下鑿七十里,導 功而卒。

戰 勇 ''; 四 持 H 一十八人死,愈與兩 書抵彬, 敏字子俊,本易州牙吏。 敏應夢, 人者,僅以 間 行 由 祁 雍熙中,王師討幽薊, 身死。 溝 關 達 涿州 彬上其事,太宗召見,復令齎詔諭彬 彬 得韶,選壯士五十人衞 曹彬進兵涿州,敵斷其後。 敏還 道 師 王繼 還,補敏 遇賊,力 恩募

易州靜砦指揮使。

歸。 至 敵陷易州 水 徙 南。 端 屯 拱 敏以百騎奮擊,敵懼,退水北,遂 鎭州 初 敏失其家所 ,以所部兵屯定州。 ,而升其指揮 在。 爲 帝擢 內 員 一般本 契丹攻唐河北行了,大將李繼隆遣部將逆 (僚直 軍都虞候, 引 去。又出 賜白金三百兩,使間行求其父母,得之以 **狼山,襲契丹,至滿城,獲首級** 戰, 爲 甚 敵 所乘, 衆。 旣 而 奄

雄軍 橐駝 契丹 於靈 、鎧仗數萬 池 ,詔敏隸高瓊,使追賊至寧遠軍,以功領涿州刺史。 李繼 斷蒲陰路,城中 山 隆討 賊平,遷馬步軍 夏州 計。 奏隸 繼隆 有神! 麾 上其功, 勇軍士千餘人,屬敵兵盛,不敢戰, 都 下。 軍頭 敏率兵 遷 御前忠佐馬 至 靈州 槖 步軍副都軍頭。 駝 雙追 王均亂西川 西,遇敵, **敏率輕銳援出之。** 眞宗幸天 旣而又從傳潛于定州。 ,從招安使雷 斬首三千級, 有終敗財 獲羊馬、

授單州 咸 平 刺史,後爲邢州兵馬鈴轄。 中, 契丹復入寇,敏從王顯爲鎭、定先鋒,大敗契丹於遂城 未幾,從圧起屯定州,巡契丹于望都, 西羊山,斬其 逆戰, 斯首二千餘

列

傳

第

八

+

田

敏

級。徙北平砦兵馬鈴轄,領騎兵五千以當其衝。

撻覽 去北平 砦 總管,賜 曰:「所謂田廂使者。」契丹主曰:「其鋒銳不可當。」遂引衆去 先 是 + 里 御 兩 庸陰駐砦,敏夜率銳兵,襲破其營帳。 劍,聽以便宜從事 地 供輸民多為 契丹鄉導, 0 至是, 敏自 契丹復入寇,復與敵戰楊村,敗之。 1魚臺 北 契丹主· 悉 驅 南 徙, 大驚,問撻覽曰:「今日戰者誰? 凡 七百 餘戶,送定州 敏諜知契丹主 遷北 平

鎭州 出 西 之北 徙永 路 敵 ,抵易州南十里,屯師石村, 攻瀛州不下,欲乘虚犯具、魏,詔敏與魏能、張凝三路兵,入敵境縱擊,以牽其勢。 馬 興軍、陝州,歷鄽延、環慶、鳳翔三路,久之,爲環慶路都 頭嶺,復大破之。 契丹請和,乃徙敏鎮定路都鈴轄,遷本州團 **虜獲人畜、鎧仗以萬計。** 尋詔三路兵還定州, i 總管。 練使,充鎭定路總 敏遇敵 敏

練 使 後 知 時 徒環 隰州 後橋 慶。 復 屬羌數擾邊,敏誅 爲 坐與部豪往 環 慶 路 都總管 還納 違命者十八族,又敗羅骨於三店川,遷鄭 路為不 儀州防禦使,卒。 法, 降 左屯衞大 敏在邊二十餘年,凡遷授,多以功伐, 、將軍 一、昭州 防禦使。 州防禦使、 旣 而 涇原路 以 虢 州 雖 總 專

晚不

自飭

而

朝廷亦優容之。

粟邪? 班殿直。 謝德權提舉在京倉草場。 侍其曙字景升。 」曙聞而自劾,帝勉諭之。它日,召曙問:「汝才孰與德權?」對曰:「德權畏法愼事 |咸平中,以閤門祗侯爲蘇、忧、湖、秀等州都巡檢使。 父稹,左監門衞大將軍。 **嘗於倉隙地牧牛羊**, 曙少舉進士,不第,以父任爲殿前承旨,改右 爲德權所訟。 眞宗以問德權曰:「牛羊食倉 遷左侍禁,領東西排岸司,與

臣乃敢於官倉牧牛羊,是不及也。」人多稱之。

帝擢 知青州 遣內侍經度,計工二百萬。 訟其校李緒謀以衆叛,帝疑其誣,又命曙至青州,與通判魏德昇同至劾, 則設方略, !緒本軍虞侯,而進曙東頭供奉官。 初,太宗平河東,建塔于太原故城,塔毁,帝欲新之, 鄂州 張齊賢奏曙擅戮人,帝曰:「不爾,無以安被告者。」曙還,奏德憚緒治軍嚴,故誣之。 男子聞人若挫, 捕痰黨三十餘人,皆伏法。」琰辭連己所不快者數十人,一切不問。 告其徒永興民李琰將作亂,命曙同度支判官李應機往按之。 帝疑,命曙往,減費十九。改內殿崇班 無驗,遂棄德市。 青州卒龐德

方出,請誅之。 人復叛。 知慶州孫正辭、環慶駐泊都監張繼勳領陝西兵,同曙俱進,所至皆降。 |祥符二年,黎州夷人爲亂,詔|曙乘驛往招撫,其酋首納款,殺牲爲誓。 曙率部兵百餘,生擒首領三人,斬首數十級。 眞宗謂王旦曰:「已降而殺之,何以信四夷?」不許。 因上言蠻阻險拒命,請必加討。 夷人平, 遷內殿承制, 曙又言:王師已至而 曙按行鹽井,夷

列

傳

第

八十

五

侍

其曙

康德與

再遷如京副使、知登州。

廷數任使之。

州 遷 會歲 西 上閣 飢 清 門使,徙 漕江、潍米以振貧乏,活者甚衆。 軍州 ,提舉在京諸司庫務,卒。 累遷西京作坊使、惠州刺史、知桂州,徙滑 |曙爲人沈敏,有幹略,善論利害事,朝

閤門祗侯。 儀使、武 康德 州 興字世基,河南洛陽人。父贊元,嘗以作坊使從曹光實襲李繼遷,獲其母妻,擢崇 刺史。 河齧陽武埽, 贊元死,眞宗追其功,錄德輿三班奉職,遷右班 韶遣德興完築。 **歴開封府** 西路都巡檢、勾當権貨務,皆 殿直、涇原路 走 馬承 兼領婦事 受,擢

改巡護開封府等六州黃河隄岸。

陰兵 其復 溢 馬 仇 天 歷 , 紿曰:「非也。」還,勾當| 聖 都監,建沿汴斗門以節 知原州、慶州,盆州路兵馬鈴轄,久之,領昭州刺史,徙井代兵馬鈴轄、管勾麟府路 中,使夏州,賜趙德明多服。 水。 Ė, 會 積 改西 夏人謂曰:「前康將軍戰靈武者,非先 雨,汴水將溢 頭供奉官。 一、德奥 用樞密使曹利用薦, 請 自京 西導 水入 、護龍 世 遷 內殿崇班 邪?」德興懼 河, 水得不 軍 河

馬

事

則 「今日豈殺|蕃部時邪?」|呂曰:「叛者特|也羅,非衆所欲也。請爲君召與飮,仆崖谷中,聲言墮 反 」射漢人,也羅無以自明,乃謀附賊。 有蕃部乜羅爲殿侍,求錦袍、驛料,德興不與, 指揮張岊聞之,召乜羅與飲,乜羅泣曰:「我豈附賊 乜羅頗出怨言。 後有譖也羅與賊通 戦

馬死,安知漢殺之?」德輿猶豫不決,以問所親,所親惡問,短毀之,問計不得行

調軍 信。 坐不出戰,降爲東染院使、河陽兵馬都監。 數里,三日而還。 羅 爲 知代、石、儀三州,大名府路鈴轄,提舉金堤,累遷西上閤門使。 ġ 。 嚮導,自後河川入襲府州。 賊旣圍 知府州折繼閱聞賊將至,以告德興,德輿怒曰:「君不召之,何以知其來也!」賊果以也 轉運副使文彥博籍民輦運,至境以俟,而德興等終不出。 |府州,|德興與馬步軍副總管|王元、兵馬鈴轄|楊懷|忠按兵不出戰,但移文轉運 居民望見,以謂寇復至,皆棄其所齎,入保城郭。 蕃漢欲入城,德興閉門不納,或降賊,或爲賊所殺, 尋復昭州刺史、知保州, 徙眞定府定州路總管, 然朝廷不悉聞,德輿止 及陷豐州,纔出 屯州 不可勝 城

五 元夜劫庫兵爲亂,德興會賓屬燕飮自若,陰遣人捕首謀誅之。 十,順流以濟之,遂免墊溺。 至和中,河決小吳婦,破東堤頓丘口,居民避水者趨堤上,而水至不得達, 復領果州團練使、知冀州,徙趙州。 徙陳州鈴轄,卒。 有告雲翼卒公謀以上 德興以巨艘

昭遠

列

伏兵瀛州 張 昭 ,陷圍中。 遠字持正,滄州無棣人。 昭遠 年十八,挺身掖 父凝,殿前都虞候、寧州防禦使。 出之,擢左班殿直、寄班祗侯。 契丹內寇,凝與康保裔 每出使還,奏利害,

州,以引進副使復知瀛州, 朝儀 多稱旨 天禧 可並除 爲忻州都巡檢,改閣門祗候、知火山軍,管勾河東緣邊安撫司,再遷內殿崇班 初,閤門副使缺員,樞密院方奏擬人,眞宗曰:「朕有 西上閤門副 使。」俄爲河北綠邊安撫副 遷 西上閤門使、 知雄州。 使, 獻言歲會四権場入中銀, 尋知瀛州, 人矣。 改東 張 昭遠知邊略, 上閣 門副使、 帝謂 輔臣曰; 曹儀 知定 習

「先朝置権場,所以通貨,非所以計貿易之利也。」

代州。 成平川。 民至今爲 會大雨,陂塘大溢,昭遠勒兵築長堤,以捍其衝。 召還, 利。 領忠州刺史、知成德軍,遷四方館使。 改莫州防禦使, 擢 捧日 天武 四 廂都指揮 罷管軍, 使、新州 授左龍武軍大將軍、昭州防禦使, 防禦使,歷步軍馬軍都虞候、嘉州 滹沱河决,壞城郭,乃修五 徙鄉 延路兵馬鈴轄, 卒。 關城,外環以堤, 進 都鈴轄, 特贈應州 防禦使、知 觀

幸容於時。 如方之禦寇,鑑之料敵,王果持法峭深,治軍嚴辦,茲其長也。 論曰:郭諮以其智巧材略,自見於功利之間,有足稱者。 李渭治無遠略,一失機會,關中兵禍,數年不解。 **德興閉城以棄其民,昭遠計権** 曙,抑其次也,餘皆碌碌者矣。 田敏屢有戰功,而貪墨敗度,

校勘記

場所入,焉知聖人懷柔之意哉。

(1) 武寧軍節度 感德軍節度觀察留後王信,慶曆八年八月,贈武寧軍節度使兼侍中。」 據改。 原作「武密軍節度」,按法無此軍額, 宋會要儀制一一之一七說:「步軍副指揮使、

- Ξ 横戎臨塞二堡 「臨塞」原作「臨砦」,據長編卷一八五、隆平集卷一九本傳改。
- (三) 行至谷口 「谷口」原作「皆口」,據長編卷一八五改。
- 得步卒九百人護之「護」,長編卷一三三作「穫」。
- 富順州蠻田彥晏寇施州焚暗利砦 長編卷九九作「順州蠻田彦晏焚劫暗利寨」。
- **3** 竹若 拒馬槍陣法 一木三枝六首,交竿相貫,植地輒立。 「槍」原作「搶」。 按拉馬槍是一種兵器,武經總要前集卷一三說:「拒馬槍,其制以 貫處以鐵爲索, 更相勾聯。 或布陣立營,拒險塞空,皆

列

傳

第

八十

五

校勘記

一〇五四〇

宜設之。」郭諮蓋以此布陣,故名「拒馬槍陣法」。「搶」當爲「槍」字之譌,據改。

(4) 契丹攻唐河北 「北」字原置「唐河」上,據長編卷二九、編年綱目卷四移正。

(大) 雲翼卒 有三指揮,本傳所謂謀「劫庫兵爲亂者」當爲所屬。「冀」字係「翼」字之訛,據改。 原作「雲冀卒」。按「雲翼」是駐河北路禁軍軍名,見本書卷一八七兵志,其駐在趙州的

宋史卷三百二十七

列傳第八十六

王安石 子写 唐坰附 王安禮 王安國

度支判官、時嘉祐三年也。 以祖母年高辭。脩以其須祿養言於朝,用爲羣牧判官,請知常州。 起堤堰,決陂塘,爲水陸之利;貨穀與民,出息以償,俾新陳相易,邑人便之。通判舒州。 文彥博爲相,薦安石恬退,乞不次進用,以激奔競之風。尋召試館職,不就。脩薦爲諫官, 其屬文動筆如飛, 初若不經意, 旣成, 見者皆服其精妙。 友生曾鞏攜以示歐陽脩, 脩爲之 延譽。擢進士上第,簽書淮南判官。舊制,秩滿許獻文求試館職,安石獨否。再調知鄞縣, |王安石字介甫,撫州臨川人。父益,都官員外郎。 安石少好讀書,一過目終身不忘。 移提點江東刑獄,入爲

安石議論高奇,能以辨博濟其說,果於自用,慨然有矯世變俗之志。於是上萬言書,以 列 傳 第 八十 六 王 安 石 一〇五四一

爲三今天下之財力日以困窮,風俗日以衰壞,患在不知法度,不法先王之政故也。 之弊,明詔大臣,爲之以漸,期合於當世之變。臣之所稱,流俗之所不講,而議者以爲迂闊 嘗以財不足爲公患也,患在治財無其道爾。在位之人才旣不足,而閭巷草野之間亦少可 固已合先王之政矣。 之政者,法其意而已。 而熟爛者也。」後安石當國,其所注措,大抵皆祖此書。 用之才,社稷之託,封疆之守,陛下其能久以天幸爲常,而無一旦之憂乎?願監苟且因循 。法其意,則吾所改易更革,不至乎傾駭天下之耳目,囂天下之口,而 因天下之力以生天下之財,收天下之財以供天下之費,自古治世,未 法先王

受; 吏隨而拜之,則避於廁; 吏置敕於案而去,又追還之; 上章至八九,乃受。遂知制誥, 糾察在京刑獄,自是不復辭官矣。 廷每欲畀以美官,惟患其不就也。明年,同修起居注,辭之累日。閤門吏賫敕就付之,拒不 俄直集賢院。先是,館閣之命屢下,安石屢辭;士大夫謂其無意於世,恨不識其面,朝

駮曰:「按律,公取、竊取皆爲盜。此不與而彼攜以去,是盜也; 追而殺之,是捕盜也,雖死 有 。」遂劾府司失入。 少年得鬥鶉,其儕求之不與,恃與之昵輒持去,少年追殺之。 府官不伏,事下審刑、大理,皆以府斷爲是。詔放安石罪,當詣閤 開封當此人死,安石

安石言:「我無罪。」不肯謝。御史舉奏之,置不問。

聽大臣所爲,自非大臣欲傾側而爲私,則立法不當如此。 而 彊 一者則挾上旨以造令,諫官、御史無敢逆其意者,臣實懼焉。」語皆侵執政,由是益與之 時有詔舍人院無得申請除改文字,安石爭之曰:「審如是,則舍人不得復行其職,而 一 今大臣之弱者不敢爲陛下守法;

以母憂去,終英宗世,召不起。

之說,維之友王安石之說也。」及爲太子庶子,又薦自代。帝由是想見其人,甫卽位,命知 曰:「擇術爲先。」帝曰:「唐太宗何如?」曰:「陛下當法堯、舜,何以太宗爲哉?曉、舜之道, 江寧府。數月,召爲翰林學士兼侍講。熙寧元年四月,始造朝。入對,帝問爲治所先,對 及呂公著交,三人更稱揚之,名始盛。神宗在潁邸,維爲記室,每講說見稱,輒曰:「此非維 可謂責難於君,殷自視眇躬,恐無以副卿此意。可悉意輔殷,庶同濟此道。」 安石本楚士,未知名於中朝,以韓、呂二族爲巨室,欲藉以取重。 而 不煩,至要而不迂,至易而不難。但末世學者不能通知,以爲高不可及爾。」帝曰: 乃深與韓絳、絳弟維

大,人民之衆,百年承平,學者不爲不多。然常思無人可以助治者,以陛下擇術未明,推誠未 有皋、夔、稷、禼;誠能爲高宗,則必有傳說。彼二子皆有道者所羞,何足道哉?以天下之 劉備必得諸葛亮,然後可以有爲,二子誠不世出之人也。」安石曰:「陛下誠能爲薨、舜,則必 日 講席,羣臣退,帝留安石坐,曰:「有欲與卿從容論議者。」因言:「唐太宗必得魏徵,

列

傳第八十六

王安石

唐、舜之時,不能無四凶。」安石曰:「惟能辨四凶而誅之,此其所以爲**薨**、舜也。 雖有皋、虁、稷、禼、傅說之賢,亦將爲小人所蔽,卷懷而去爾。」帝曰:「何世無 若使四凶得 小

肆其讒慝,則皋、夔、稷、禼亦安肯苟食其祿以終身乎?」 登州婦人惡其夫寢陋,夜以刃斮之,傷而不死。 獄上,朝議皆當之死,安石獨援律辨證

之,爲合從謀殺傷,減二等論。帝從安石說,且著爲令。

而農 對曰:「經術正所以經世務,但後世所謂儒者,大抵皆庸人,故世俗皆以爲經術不可施於世務 爾。」上問:「然則卿所施設以何先?」安石曰:「變風俗,立法度,最方今之所急也。」上以爲 於是設制置三司條例司,命與知 田 二年二月,拜參知政事。上謂曰:「人皆不能知卿,以爲卿但知經術,不曉世務。」安石 水利、青苗、均輸、保甲、免役、市易、保馬、方田諸役相繼並興,號爲新法,遣提舉官 、樞密院事陳升之同領之。

安石令其黨呂惠卿任其事。

陣。 者,得以便宜蓄買。 運之職改爲 免役之法,據家貲高下,各令出錢雇人充役,下至單丁、女戶,本來無役者,亦一概輸 青苗 法者 、均輸,假以錢貨,凡上供之物,皆得徙貴就賤,用近易遠,預知在京倉庫所當辦 ,以常平糴本作青苗錢,散與人戶,令出息二分,春散秋斂。 保甲之法,籍鄉村之民,二丁取一,十家爲保,保丁皆授以弓弩,敎之戰 均輸法者,以發 四

十餘輩,頒行天下。

錢,與免行戶祗應。自是四方爭言農田水利,古陂廢堰,悉務興復。又令民封狀增價以買 坊場,又增茶鹽之額,又設措置河北糴便司,廣積粮穀于臨流州縣,以備饋運。由是賦斂愈 色號,分爲五等,以地之等,均定稅數。又有冤行錢者,約京師百物諸行利入厚薄,皆令納 步,當四十一頃六十六畝一百六十步爲一方,歲以九月,令、佐分地計量,驗地土肥瘠,定其 期不輸,息外每月更加罰錢百分之二。保馬之法,凡五路義保願養馬者,戶一匹,以監牧見 錢,謂之助役錢。市易之法,聽人賒貸縣官財貨,以田宅或金帛爲抵當,出息十分之二,過 馬給之,或官與其直,使自市,歲一閱其肥瘠,死病者補償。方田之法,以東、西、南、北各千

損不 笑下之人歸流俗; 陛下權重,則天下之人歸陛下。權者與物相爲重輕,雖千鈞之物,所加 辭謝,令呂惠卿諭旨,韓絳又勸帝留之。安石入謝,因爲上言中外大臣、從官、臺諫、朝士朋 欲從之,安石求去。司馬光答詔,有「士夫沸騰,黎民騷動」之語,安石怒,抗章自辨,帝爲巽 比之情,且曰:「陛下欲以先王之正道勝天下流俗,故與天下流俗相爲重輕。流俗權重,則 -過鉄 御史中丞呂誨論安石過失十事,帝爲出誨,安石薦呂公著代之。韓琦諫疏至,帝感悟, 兩 加銖兩之力, 而 今姦人欲敗先王之正道,以沮陛下之所爲。於是陛下與流俗之權適爭 則用力至微,而天下之權,已歸于流俗矣,此所以紛紛也。」上以

重,而天下騒然矣。

爲然。安石乃視事,琦說不得行。

齡、王子韶、程顥、張戩、陳襄、陳薦、謝景温、楊繪、劉摯(1),諫官范純仁、李常、孫覺、胡宗 愈皆不得其言,相繼去。驟用秀州推官李定爲御史,知制誥宋敏求、李大臨、蘇頌封還 去,安石未知所託,得曾布,信任之,亞於惠卿。 御 未 史林旦、薛昌朝、范育論定不孝,皆罷逐。翰林學士范鎭三疏言青苗,奪職致仕。惠卿遭喪 拜 安石 而安石 「與光素厚,光援朋友責善之義,三詒書反覆勸之,安石不樂。 出,命遂寢。公著雖爲所引,亦以請罷新法出潁州。 御史劉述、劉琦、錢顗 帝用光副樞密,光辭 、孫昌 詞頭,

有之,亦不足怪。 中 ·書,令省事安靜以應天變,放遣兩路募夫,責監司、郡守不以上聞者。 安石執不下。 開封 三年十二月,拜同中書門下平章事。明年春,凉康、河北有烈風之異,民大恐。帝批付 民避保甲, 今士大夫睹新政,尚或紛然驚異;况於二十萬戶百姓,固有惷愚爲人所 有截指斷腕者,知府韓維言之,帝問安石,安石曰:「此固未可知,就令

如是。」又曰:「治民當知其情僞利病,不可示姑息。 東明民 或遮宰相馬訴助役錢,安石白帝曰:「知縣賈蕃乃范仲淹之壻,好附流俗,致民 若縱之使妄經省臺,鳴鼓邀駕,恃衆饒

惑動者, 豈應爲此遂不敢一有所爲邪?」帝曰: 「民言合而聽之則勝, 亦不可不畏也。」

倖,則非所以爲政。」其彊辯背理率類此

爲小人發。市易之起,自爲細民久困,以抑兼丼爾,於官何利焉。」閱其奏,出彥博守魏。於 鯀。 是呂公著、韓維,安石藉以立聲譽者也;歐陽脩、文彥博,薦己者也;富弼、韓琦,用爲侍從 請對極論其罪, 謫死。 文 彦博言市易與下爭利, 致華嶽山崩。 安石曰:「華山之變, 殆天意 致仕,馮京請留之,安石曰:「脩附麗韓琦,以琦爲社稷臣。 廷則壞朝廷,留之安用?」乃聽之。富弼以格青苗解使相,安石謂不足以阻姦,至比之洪、 靈臺郎尤瑛言天久陰,星失度,宜退安石,即黥隸英州。 帝用韓維爲中丞,安石憾曩言,指爲善附流俗以非上所建立,因維辭而止。 如此人,在一郡則壞一郡,在朝 唐坰本以安石引薦為諫官,因 歐陽脩乞

拱扈至尊而已,宰相下馬非其處,所應訶止。」帝卒爲杖衞士,斥內侍,安石猶不平。 王韶開 者也;司馬光、范鎭,交友之善者也:悉排斥不遺力。 熙河奏功,帝以安石主議,解所服玉帶賜之。 從駕乘馬入宣德門,衞士訶止之,策其馬。安石怒,上章請逮治。御史廢確言:「宿衞之士, 禮官議正太廟太祖東嚮之位,安石獨定議還僖祖於祧廟,議者合爭之,弗得。上元夕,

懼者,正爲人事之未修爾。今取冤行錢太重,人情容怨,至出不遜語。自近臣以至后族,無 「水旱常數,薨、陽所不免,此不足招聖慮,但當修人事以應之。」帝曰:「此豈細事,殷所以恐 七年春,天下久旱,饑民流離,帝憂形於色,對朝嗟嘆,欲盡罷法度之不善者。安石日

第八十六

王安石

尙書。 獨聞此言,臣未之聞也。」監安上門鄭俠上疏,繪所見流民扶老攜幼困苦之狀,爲圖以獻, 不言其害。 日:「旱由安石所致。 有言,乃向經、曹佾所爲爾。」馮京曰:「臣亦聞之。」安石曰:「士大夫不逞者以京爲歸,故京 「安石亂天下。」帝亦疑之,遂罷爲觀文殿大學士、知江寧府〔三,自禮部侍郎超九轉爲吏部 兩宮泣下,憂京師亂起,以爲天旱更失人心。」安石曰:「近臣不知爲誰,若兩宮 去安石,天必雨。」恢又坐窗嶺南。 慈聖、宣仁二太后流涕謂帝日:

模,不少失,時號降爲「傳法沙門」,惠卿爲「護法善神」。 丞鄧綰,復彈惠卿與知華亭縣張若濟爲姦利事,置獄鞫之,惠卿出守陳。 拜相,安石承命,即倍道來。 因鄭俠獄陷其弟安國,又起李士寧獄以傾安石。絳覺其意,密白帝請召之。 **害辭**,惠卿勸帝允其請,由是嫌隙愈著。 惠卿服闋,安石朝夕汲引之,至是, 三經義成,加尚書左僕射兼門下侍郎,以子]馬爲龍 白爲參知政事, 又乞召韓絳代已。二人守其成 惠卿爲蔡承禧所擊,居家俟命。 而惠卿實欲自得政,忌安石復來, 八年二月,復 |男風御史中 圖閣直學

占,而所信者人事而已。 彗出軫;十年,又有孛。而其在位二十八年,與乙巳占所期不合。 十月,彗出東方,詔求直言,及詢政事之未協於民者。安石率同列疏言:「晉武帝五年, 天文之變無窮,上下傅會,豈無偶合。周公、召公,豈欺成王哉。 蓋天道遠,先王雖有官

德 其言中宗享國日久,則曰『嚴恭寅畏,天命自度,治民不敢荒寧』。其言夏、商多歷年所,亦曰 今出兵,欲相拯濟。」安石怒,自草敕牓詆之。 帝喜其出,悉從之。時出師安南,諜得其露布,言:「中國作青苗、助役之法,窮困生民。我 怨咨,此無庸恤。」帝曰:「豈若丼祁寒暑雨之怨亦無邪?」安石不悅,退而屬疾臥,帝慰勉起 以此為憂,望以臣等所言,力行開慰。」帝曰:「聞民間殊苦新法。」安石曰:「祁寒暑雨 下盛德至善,非特賢於中宗,周、召所言,則旣閱而盡之矣,豈須愚瞽復有所陳。 其黨謀曰:「今不取上素所不喜者暴進用之,則權輕,將有窺人間隙者。」安石是其策。 丽 有如: , 裨竈, 未免妄誕, 况今星工哉?所傳占書, 又世所禁, 謄寫譌誤, 尤不可知。 裨竈言火而驗,欲禳之,國僑不聽,則曰『不用吾言,鄭又將火』。僑終不聽,鄭亦 竊聞 、民猶 兩 宮 陛

此。」又發安石私書曰「無使上知」者。帝以示安石,安石謝無有,歸以問害,寓言其情,安石 末數,方命矯令,罔上要君。此數惡力行於年歲之間,雖古之失志倒行而逆施者,殆不如 獄,安石不知也。省吏告惠卿于陳,惠卿以狀聞,且訟安石曰:「安石盡棄所學,隆尙縱橫之 網始以附安石居言職,及安石與呂惠卿相傾,網極力助攻惠卿。 華亭獄久不成,男以屬門下客呂嘉問、練亨甫共議,取鄧綰所列惠卿事,雜他書下制 安石暴縮罪,云「爲臣子弟求官及薦臣壻察下」,遂與亨甫皆得 上頗厭安石所爲,館

列傳

上失勢,屢留之於上,其言無所顧忌; 亨甫險薄,諂事]男以進,至是皆斥

年,復拜左僕射、觀文殿大學士。換特進,改封開。 軍節度使、同平章事、判江寧府。明年,改集禧觀使,封舒國公。 安石之再相也,屢謝病求去,及子傳死,尤悲傷不堪,力請解幾務。 哲宗立,加司空。 屢乞還將相印。 上益厭之,罷爲鎭 元豐二

食文宣王廟,列于顏、孟之次,追封舒王。 元祐元年,卒,年六十六 [三],贈太傅。紹聖中,諡曰文,配享神宗廟庭。 **欽宗時,楊時以爲言,詔停之。** 高宗用趙鼎、呂聰 崇寧三年,又配

問言,停宗廟配享,削其王 封。

先儒 穿鑿傅會。 傳註, 初,安石訓釋詩、書、周禮,旣成,頒之學官,天下號曰「新義」。晚居金陵,又作字說,多 一切廢不用。 其流入於佛、老。 黜春秋之書,不使列於學官,至戲目爲「斷爛 一時學者,無敢不傳習,主司 純用以取士, 、朝報」。 士莫得自名一說,

賢。 圖人<u>蘇</u>洵獨曰:「是不近人情者,鮮不爲大姦慝。」作辯姦論以刺之, 安石未貴時,名震京師, 性不好華 一腴, 自奉至儉, 或衣垢不澣,面垢不洗, 謂王衍、 世多稱其 盧
れ
合
為

人

經義,出己意,辯論輒數百言,衆不能詘 安石性強忮,遇事無可否,自信所見, 甚者謂「天變不足畏,祖宗不足法,人言不足恤」。 執意不回。 至議變法,而在廷交執不可,安石 傅

一點中外老成人幾盡,多用門下儇慧少年。 久之,以旱引去,消復相,歲餘罷,終神宗世不

復召,凡八年。

。子男。

言洮、河事,歎曰:「此可撫而有也。使西夏得之,則吾敵彊而邊患博矣。」其後王韶開熈河, 性敏甚,未冠,已著書數萬言。年十三,得秦卒

安石力主其議,蓋兆於此。舉進士,調旌德尉。

館、曾布又力薦之,召見,除太子中允、崇政殿說書。神宗數留與語,受詔撰詩、書義,擢天 章閣待制兼侍講。書成,遷龍圖閣直學士,以病辭不拜。 而經筵可處。」安石欲上知而自用,乃以害所作策及注道德經鏤板鬻于市,遂傳達於上。鄧 **'解,亦數萬言。時安石執政,所用多少年,] 写亦欲預選,乃與父謀曰:「執政子雖不可預事,**

大言曰:「梟韓琦、富弼之頭于市,則法行矣。」安石遽曰:「兒誤矣。」卒時纔三十三,特贈左 語,雾囚首跣足,攜婦人冠以出,問父所言何事。曰:「以新法數爲人所阻,故與程君議。」房 安石更張政事,雾實導之。常稱商鞅爲豪傑之士,言不誅異議者法不行。安石與程顥

諫議大夫。

介。 悅其言。 出 自,爲崇文校書。上薄其人,除知錢塘縣。 數月,將用為諫官,安石疑其輕脫,將背己立名,不除職,以本官同知諫院,非故事 唐 **坰者,以父任得官。** 又云:「青苗法不行,宜斬大臣異議如韓琦者數人。」安石尤喜之, 薦使對, 賜進士 熙寧初,上書云:「秦二世制於趙高,乃失之弱,非失之彊。」神宗 安石欲留之,乃令鄧綰薦爲御史,遂除太子中 也

繆舉。 臣衞 爲賢。」至詆爲李林甫、盧杞。 奴。 布等表裏擅權, 天下但知憚安石 獝 事安石,無異廝僕。」且讀且目珪,珪慚懼俛首。「元絳、薛向、陳繹,安石 令諭以他日,炯伏地不起,遂召升殿。 炯至御坐前,進曰:「臣所言,皆大臣不法,請對陛下 一一陳之。」乃搢笏展疏,目安石曰:「王安石近御坐,聽箚子。」安石遲遲,坰訶曰:「陛下前 較 土 張琥、李定爲安石爪牙,臺官張商英乃安石鷹犬。 如 | 坝果怒安石易己,凡奏二十疏,論時事,皆留中不出。乃因百官起居日,扣陛請對,上 ,相顧失色,安石爲之請去。 此,在外可知!」安石悚然而進。 安石曰:「此素狂,不足責。」改監廣州軍資庫,後徙吉州酒稅,卒官 上屢 威權,不復知有陛下。 (止之, 圳慷慨自若, 略不退懾。 閣門糾其瀆亂朝儀, 貶潮州 | 坰大聲宣讀,凡六十條,大略以「安石專作威福,曾 逆意者雖賢爲不肖,附己者 文彥博、馮京知而不敢言。王珪曲 別駕。 讀已,下殿再拜而 鄧綰 頤指氣使,無異家 申救之,且自劾 退。 雖不肖 侍

寧、宣和之際,而禍亂極矣」。此天下之公言也。昔神宗欲命相,問韓琦曰:「安石何如?」對 排擯忠直,躁迫強戾,使天下之人,囂然喪其樂生之心。卒之羣姦嗣虐,流毒四海,至於崇 相,世方仰其有爲,庶幾復見二帝三王之盛。而安石乃汲汲以財利兵革爲先務,引用凶邪, 曰:「安石爲翰林學士則有餘,處輔弼之地則不可。」神宗不聽,遂相安石。嗚呼!此雖宋氏 論曰:朱熹嘗論安石「以文章節行高一世,而尤以道德經濟爲已任。 被遇神宗,致位宰

之不幸,亦安石之不幸也。

之深入,此不爲寇所乘,則凍餓而死爾,宜亟罷遣。」公弼用其言,民得歸,而他路遇敵者,全 軍皆覆、公弼執安禮手言曰:「四萬之衆,豈偶然哉。果有陰德,相與共之。」 民四萬負餉,宣撫使韓絳檄使佐役,後帥呂公弼將從之。安禮爭曰:「民兵不習武事,今歐 王安禮字和甫,安石之弟也。早登科,從河東唐介辟。熙寧中,鄜延路城囉兀,河東發

傳第八十六 王安禮

列

初,絳專爵賞,旣上最,多失實,公弼以狀聞。 詔卽河東議功,公弼將受之。

潤州 佐郎、崇文院校書。 他日得見,命之坐,有司言八品官無賜坐者,特命之。遷直集賢院,出知 于非其任邪?」公弼遽辭。 同修起居注 |撫使以宰相節制諸道,且許便宜,封授一有不韙,人猶得非之。 、湖州,召爲開封府判官。 <u>遂薦安禮于朝,神宗召對,欲驟用之。</u> **嘗偕尹奏事,旣退,獨留訪以天下事,帝甚鄉納。** 安石當國,辭,以爲著作 公藩臣, 乃欲 直舍人院、 隃進功狀

能 以 才 容才。」帝曰:「朕固不深譴也,行爲卿貰之。 自奮,謂爵位可立取,顧錄錄如此,其心不能無觖望。今一旦致於理,恐後世謂陛下不 蘇軾下御史獄,勢危甚,無敢救者。安禮從容言:「自古大度之主,不以言語罪人。」軾 卿第去,勿漏言,賦方賈怨於衆,恐言者緣以

害卿 用 應 祈 愛 (物之心,而澤不下究,意者左右大臣不均不直,謂忠者爲不忠,不賢者爲賢,乘權射 沮 醿 力殫於溝瘠,取利究於園夫,足以干陰陽而召星變。 [也。]|李定、張璪皆擿使勿救,安禮不答,軾以故得 格 小 進 數,貶損 知 人言,以自壅障。 制誥。 **「舊章,恐非所以應天者。」帝覽數嘉歎,諭之曰:「王珪欲使卿條具,朕嘗謂** 彗星見, 韶求直言。 今以一指蔽目,雖泰、華在前弗之見,近習蔽其君, 安禮上疏曰:「人事 整比。 願祭親近之行, 失於下,變象見於上。 杜邪枉之門。 何以異此, 陛下有 利者, 至於 卿

益

自信。」

聞之、喜曰:「昔秦內史廖從容俎豆,以奪由余之謀,今安禮能勤吏事,駭動殊鄰,於古無愧 決,未三月,三獄院及畿、赤十九邑,囚繫皆空。 以翰林學士知開封府,事至立斷。 前滯訟不得其情,及具按而未論者幾萬人,安禮剖 書揭於府前,遼使過而見之,歎息誇 異。 帝

矣。」特升一階。 帝數失皇子,太史言民墓多迫京城,故不利國嗣,詔悉改卜,無慮數十萬計,衆洶懼。

安禮諫曰:「文王卜世三十,其政先於掩骼埋胔,未聞遷人之冢以利其嗣者。」帝惻然而罷。

邏者連得匿名書告人不軌,所涉百餘家。

帝付安禮曰:「亟治之。」安禮驗所指,皆略

同,最後一書加三人,有姓薛者,安禮喜曰:「吾得之矣。」呼問薛曰:「若豈有素不快者耶?」

不逮一人,京師謂爲神明。 曰:「有持筆來售者, 拒之, 鞅鞅去, 其意似見銜。」卽命捕訊, 果其所爲也。 卽梟其首于市,

其直而加厚譴,以爲戒。」詔從之,仍奪合騑奉。 言:「妾之所以直數十萬者,以姿首也,今炙敗之,則不復可鬻,此與炮烙之刑何異。請勿理 宗室合騑以數十萬錢買妾,久而斥歸之,訴府督元直。安禮視妾,旣火敗其面矣,卽奏

禮曰:「庸詎非置之不得其地,爲風雨燥濕所壞耶。苟如是,民將無復得直,約不可用也。」 後宮造油箔,約三年損者反其價,纔一年有損者,中官持詣府,請如約,詞氣甚厲。安

列傳第八

十六

王安禮

卒不追。以是宗室、中貴人皆憚之。

道路,康直 覈,且械緊康直以俟。 承受梁同奏:「轉運使葉康直餉米,惡不可食。」帝大怒曰:「貴糴遠餉,反不可用,徒弊民力於 元 豐 四年(四),初分三省,置執政,拜中大夫、尚書右丞。 可斬也。」安禮曰:「此一梁同之言,疑未必實,當按之。」乃遣判官張大寧與同參 旣而米可用者什八九,帝意解,赦康直 轉左丞。 王師問罪夏國,涇原

錢鈔 爾, 平准蔡,唯裴度謀議與主同。 出 安禮又以爲不可 比,憲材非度匹, .征之期纔兩月,安能集事。」帝曰:「李憲以爲已有備,彼宦者能 有裴度之謀、 五百萬緡,以供軍食有餘矣。」安禮曰:「鈔不可噉, 是時,伐夏 不得志,李憲又欲再舉。 諸將非有光顏、邀輩,臣懼無以副聖志也。」帝悟而止。 李光顏李愬之將,然獨引天下之兵力, 今乃不出公卿而出於閹寺, 帝以訪輔臣,王珪曰:「向所患者用不足,朝廷今捐 必變而爲錢,錢又變爲 歷歲而後定。 朕甚恥之。」 安禮 如是, 今夏氏之疆非准蔡 卿等獨無意乎? 後欲除憲節度使 日:「淮西, 為粟。 三州 今距 唐

及永樂敗書聞,帝曰:「安禮每勸朕勿用兵,少置獄,蓋爲是也。」 史中丞舒亶上章詆執政, **亶坐廢**。 且言:「尙書不置錄目, 徐禧計議邊事 ,安禮曰:「禧志大材疎,必誤國。」 有旨按吏罪。」 安禮請取臺錄以爲

士,歷楊、凊、蔡三州。又爲御史言,失學士,移舒州。 太原府。 久之,

御史

張汝賢論其過,以端明殿

學士知江

寧府,

汝賢亦罷。 苦風痺,臥帳中決事,下不敢欺。卒,年六十二,贈右銀青光祿大夫。 紹聖初,還職, 元祐中,加資政殿學 知永興軍。 二年,知

安禮偉風儀,論議明辨,常以經綸自任,而闊略細謹,以故數詒 口語云。

論、賦數十篇示人,語皆警拔,遂以文章稱于世,士大夫交口譽之。 士,又舉茂材異等,有司考其所獻序言爲第一,以母喪不試,廬于墓三年。 王安國字平甫,安禮之弟也。 幼敏悟,未嘗從學,而文詞天成。 於書無所不通,數舉進 年十二,出所爲詩、銘

賜對 至用價誼言,待羣臣有節,專務以德化民,海內興於禮義,幾致刑措,則文帝加有才一等 其才不能立法更制爾。」對曰:「文帝自代來,入未央宮,定變故俄頃呼吸間,恐無才者不能。 熙寧初,韓絳薦其材行,召試,賜及第,除西京國子教授。官滿,至京師,上以安石故, 帝曰:「卿學問通古今,以漢文帝爲何如主?」對曰:「三代以後未有也。」帝曰:「但恨

教堅以峻刑法殺人,致秦祚不傳世,今刻薄小人,必有以是誤陛下者。願顓以堯、舜、三代

矣。」帝曰:「王猛佐苻堅,以蕞爾國而令必行,今朕以天下之大,不能使人,何也?」曰:「猛

爲法,則下豈有不從者乎。」又問:「卿兄秉政,外論謂何?」曰:「恨知人不明,聚斂太急爾。」 帝默然不悅,由是別無恩命,止授崇文院校書,後改秘閣校理。 屢以新法力諫安石,又質責

曾布誤其兄,深惡呂惠卿之姦。

詔以諭安石 曰:「亦願兄遠佞人。」惠卿銜之。 先是, 安國教授西京,頗溺於聲色,安石在相位,以書戒之曰:「宜放鄭聲。」安國 ,安石對使者泣下。 既而復其官,命下而安國卒,年四十七。 及安石罷相,惠卿遂因鄭俠 事陷安國,坐奪官,放歸田里。 [復書

安禮爲政,有足稱者。 論曰:安石惡蘇軾而安禮救之, 昵惠卿 安國早卒,故不見於用云。 而安國折之, 議者不以咎二弟也, 惟其當 而已

校勘記

矣。

(二)御 按 安石傳作「御史」,據改。 史劉述劉琦錢顗孫昌齡王子韶程顥 劉述等當時都 是御史, 見本書卷一四、卷一五神宗紀及劉述等傳各卷。 張戩陳襄陳薦謝景溫楊繪劉擊 御 史 東都事略卷七 原 作 刺刺 九江 史」。 記

 Ξ

知江寧府

五 一七觀文殿學士知江寧府謝上表改。

元豐四年 年六十六 當作「元豐五年」。按本書卷一六神宗紀,元豐五年四月新官制成,以翰林學士王安 原作「年六十八」,據東都事略卷七九本傳、琬琰集下編卷一四王荆公安石傳改。

禮爲尚書右丞;卷二一一字輔表,王安禮加中大夫守尚書右丞,也繫在元豐五年。 此誤。

宋史卷三百二十八

列傳第八十七

子厚 李清臣 宷 薛向子嗣昌 安燾 張璪 章楶 蒲宗孟 黄履 蔡挺 兄抗 王韶

邪 ? 從京 」因作浮圖災解。兄驚曰:「是必大吾門。」韓琦聞其名,以兄之子妻之。 師來者,與其兄談佛寺火,清臣從傍應曰:「此所謂災也,或者其蠹民已甚,天固儆之 李清臣字邦直,魏人也。七歲知讀書,日數千言,暫經目輒誦,稍能戲爲文章。 客有

祕閣, 掞離席曰:「君能 未竟, 閡銓格, 判銓張掞擿使自陳勿用。 清臣曰:「人以家保已而已捨之, 薄矣。 舉進士,調邢州司戶參軍、和川令。歲滿,薦者踰十數,應得京官。適舉將薛向有公事 考官韓維曰:「荀卿氏筆力也。」試文至中書,脩迎語曰:「不置李清臣於第一,則謬 如是,未可量也。」應材識兼茂科,歐陽脩壯其文,以比蘇軾。 治平二年,試 願待之。」

列

傳

第八十

-6

李清臣

矣。」啓視如言。

嫌太審。 策入等,以祕書郎簽書平江軍判官,名聲籍甚。 之腹心肺腑也; 即條對言:「天地之大,譬如人一身,腹心肺腑有所攻塞,則五官爲之不寧。 民人生聚,天地 下』爲證,必擢上第。」清臣 時 大雨霖,災異數見,論者歸咎濮議。 如李清臣者,公議皆謂可用,顧以親抑之可乎?」旣而詔舉館閣,歐陽脩薦之,得 日月星辰,天地之五官也。善止天地之異者,不止其異,止民之疾痛而 曰:「此漢儒附會之說也,吾不之信。民間豈無疾痛可上者乎?」 及廷對,或謂曰:「宜以五行傳『簡宗廟,水不潤 英宗知之,語王廣淵曰:「韓琦固忠臣,但避

清臣官右正言,當易承議階,帝曰:「安有尚書而猶承議郞者?」乃授朝奉大夫。 書右丞。哲宗即位,轉左丞 直 作韓琦行狀,神宗讀之曰:「良史才也。」召為兩朝國史編修官,撰河渠、律曆、選舉諸志,文 通判海州。 集賢校理、同知太常禮院。]事詳,人以爲不減,史、漢。 同修起居注,進知制誥、翰林學士。 從韓絳使陝西。慶卒亂,家屬九指揮應誅,清臣請於絳,配隸爲奴婢。 久之,還故官,出提點京東刑獄。齊、魯盜賊爲天下劇,設耳目方略,名捕 元豐新官制,拜吏部尚書。 解坐貶,清臣亦 六年,拜尚 且盡

時熙、豐法度,一切釐正,清臣固爭之、罷爲資政殿學上、知河陽,徙河南、永興。

告前 吏部 1後饋餉過制,囚繫數百人。 尚書,給事 ,中姚勔駮之,改知眞定府。 清臣至,立奏解其獄,而竄宗正。 班行有王宗正者, 致憾於故帥, 帝親政,拜中書侍郎,勔 使其妻詣使者?

復駮之,不聽。

皆組 弛 富,可差可募之說雜而役法病,或東或北之論異而河患滋,賜土以柔遠也而羌夷之患未弭 !利以便民也而商賈之路不通。 夫可則因,否則革,惟當之爲貴,聖人亦何有必焉。」 主意 元祐之政,策士悟其指,於是紹述之論大興,國是遂 紹 聖元年,廷試進士,清臣發策曰:「今復詞賦之選而士不知勸,罷常平之官而農不加 變。

不爲 爲異。 亦多端,或先登爭利,或輕身入敵。 置 迺 ·六輩 一餘人不問。」」
」」
」
」
会明
等
、主
等 擿 無 轍嘗以漢武 范純仁去位,清臣獨顓中書,亟復青苗、免役法,除諸路提舉官。 過, 惇旣逐諸臣,并籍文彦博、呂公著以下三十人,將悉竄嶺表。 然皆累朝元老,若從惇言,必大駭物聽。」帝曰: 比先帝激上怒,轍罷。 張興(1)戰沒,惇怒,議盡 今悉誅吏士,異時亡將必舉軍降虜矣。」於是但誅牙兵 時召章惇未至,清臣心益覬之。 一戮全軍 「是豈無中道耶? 四千人。 清臣 **覬爲相,顧蘇轍** 已而惇入相,復與 曰:「更先帝法度, 清臣 合揭榜朝堂, 曰:「將死 軋己,

上 幸楚王 列 傳 第 第,有狂婦人遮道叫呼,告清臣謀反,屬東捕治,本澶州娼而爲清臣姑子田氏 八 + -6 李 凊 臣 安 餐

外婦者。 清臣 不能引去,用御史言,以大學士知河南,尋落職知眞定府。

立, 入爲門下侍郎。 初,蔡確 子渭上書訴父冤,造奇譖以危劉擊等,清臣心知其誣,弗之省,坐奪學士。徽宗 僕射韓忠彥與之有連,惟其言是聽,出范純禮、張舜民,不使呂希純

劉安世入朝,皆其謀也。尋爲曾布所陷,出知大名府而卒,年七十一。贈金紫光祿大夫。 人寬洪,不忮害。 清臣蚤以詞藻受知 嘗爲舒亶所劾,及在尚書,亶以贓抵罪,獨申救之,曰:「亶信亡狀,然謂之 ,神宗,建大理寺,築都城,皆命作記,簡重宏放,文體各成一 家。

以復孟后罪,追貶武安軍節度副使,再貶雷州司戶參軍。 敢撓以私。 同,豈應以臣故而 贓則不可。」再爲姚勔所駮,當紹聖議貶,或激使甘心,清臣爲之言曰:「勔以職事,所見或不 然志在利祿,不公於謀國,一意欲取宰相,故操持悖謬,竟不如願以死。 加重?」帝悟,薄勔罪。 起身窮約,以儉自持,至富貴不改。 居官奉法,毋 後朝議

師之。 安燾字厚卿,開封人。幼警悟。 先生曰:「汝方爲誦數之學,未可從吾游,當羣試省題一詩,中選乃置汝。」燾無難色。 年十一,從學里中,羞與羣兒伍,聞有老先生聚徒,往

詩成,出諸生上,由是知名。

行之吏,或迎合求進。 理、判吏部南曹,荆湖北路轉運判官、提點刑獄兼常平、農田水利、差役事。 時方興新法,奉 切,其類旁午。 登第, 調察州觀察推官,至太常丞、主管大名府路機宜文字。 司農符檄日夜下,如冤役增寬賸,造簿供手實,青苗責保任,追胥苛 用歐陽脩薦, 爲 秘閣 校

假官,兼直學士院。 也,特以罕至有加爾。朝廷與遼國通好久,豈復於此較厚薄哉!」使還,帝以爲知禮,即授所 言:「王遇使者甚敬,出誠心,非若奉契丹苟免邊患而已。」|燾笑答曰:「尊中華,事大國,禮一 元豐初,高麗新通使,假燾左諫議大夫往報之。高麗迎勞,館餼加契丹禮數等,使近臣

IF.

中書孔目房、修起居注。

判軍 故 法官顧避稽停。 一器監 知審 刑院,決剖滯訟五百餘案。 請自今以疑獄讞者,皆得輕論。」從之。 因言:「每蔽獄上省,輕重有疑,則必致較,勢旣不敵, 求知陳州,還,爲龍圖閣直學士、

綴行 足較,燾曰:「契丹喜嘗試人,其漸不可長也。」俄權三司使,改戶部尚書。六年,同知樞密院。 分班,使者 命館 遼使。方宴近郊,使者不令其徒分坐廡下,力爭之,使無以奪。至肆儀將見,又不使 入,餘皆坐門外,震請令門見而出,衆始愧悔。 逮辭日 ,悉如儀。 或謂 品細故無

列傳

第八

十七

安徽

一〇五六五

四砦歸之。 靈武而東,皆中國故地。 兵(E), 夏 不應示以厭兵之意。」哲宗 塞,乞還 侵疆。 先帝有此武功,今無故棄之,豈不取輕於外夷?」於是但以葭蘆等 **燾言:「地有非要害者固宜予,然|
売情無厭,** 立, 復仍前議,二府遂欲幷棄熙河。 當使知吾宥 震固爭之,曰:「自 過而息

之,未必不回戈而復怨,此一奇也。」其後夏人自相攜貳,使來修貢,悉如燾策。 民,畏則遺患。今朝廷每戒疆吏,非舉國入寇毋得應之,則固畏用兵矣。雖僅保障戍,實墮 章青宜結,二邊少清,而並塞猶苦寇掠。一燾言:「爲國者不可好用兵,亦不可畏用兵,好則疲 |蔡確輩更用事,||燾循循其間,不能有所建明。||元祐二年,進知院事。 ` 願復講攻擾之策。 且乾順幼豎,梁氏擅權,族黨酋渠多反側顧望。 時復洮、河,擒鬼 若有以離間

至公,然此舉不可不深思而熟計。」太后悟,遂止。 宣仁太后患國用不足,頗裁冗費,宗室奉亦在議中。

今水官之議,不過論地形,較功費;而獻納之臣,不考利害輕重,徒便於治河, 則 敵, 途上言曰:「自小吳未決之前, 河雖屢徙, 而盡在中國, 故京師得以爲北限。 |河尾盆: |大河北流,宰相主水官議,必欲回之東注。||燾以||河流入濼淀,久必淤淺,恐||河朔無以禦 北, 如此不已,將南岸遂屬敵界。 彼若建橋梁, 守以州郡, 窺兵河外, 可爲寒心。 今決而 而以設險

列傳第八十七 安徽 張璪

階,亦爭之。

爲緩,非至計也。」帝雖然之,而回河之議紛起,東北蕭然煩費,功亦不就

意以一時同列超升之故,特用是以慰安其心爾。 臣稍敦廉恥之風,庶或有補。」竟不受。以母憂去,卒喪,拜觀文殿學士、知鄭州,徙潁昌及 三年,同列皆序遷,且新用執政,燾獨如初。 今日願自臣革之,使朝廷不爲姑息,而大 韶增其兩秩, 燾繆辭曰: 「是雖有故事, 竊

河南府,入爲門下侍郞。

官有絕馳道穿仗而過者,震方舉劾,諫官常安民又言,教坊不當於相國寺作樂。帝怒,欲 逐安民,燾爲救釋。 右之邵,欲薄其罪,麙不可;復欲幷劾開封,麙又不可,遂與惇隙。明堂齋祠,爲儀仗使,後 交, 覬其助己, 燾不肯少下之。陽翟民蓋漸有財訟, 而與諫官來之邵交通, 開封得其事。 宣仁之喪,宗室旣爲三年服,才越歲,章惇拜相,欲革爲期。 惇遂譖其相表裏,出知鄭州,徙大名。 震爭之曰:「上以先后保佑

懃領 密院。 他 父日華,本三班院吏,以燾恩封光祿大夫,至是卒,年九十餘。 職、前 舊制,內侍出使,以所得旨言於院,審實乃得行。 能不以告, 亦劾之, 帝敕守懃詣燾謝。 郝隨得罪,或揣上意且起用,欲接赦為 後多輒去,燾請按治之。 **震免喪,徽宗立,復知樞** 都 知閣守

以其 爲 俸, 讐,下則希進用而肆朋附。 無不充衍,小邑所積錢米,亦不減二十萬。 將行,上疏曰:「自紹 身謀者復得行其說。」又言:「東京黨禍已萌,願戒履霜之漸。」語尤激切。 公私 事觀之。 以 老避 虚耗,未有甚於此時,而反謂紹述,豈不爲厚誣哉!願陛下監之, 位 臣不敢高談遠引,獨以神考之事切於今者爲證。 帝將寵以觀文殿大學士,有間之者曰:「是宰相恩典也。」但以學士知河南。 聖、元符以來,用事之臣,持紹述之名,誑惑君父,上則固寵位而快恩 彼自爲謀則善矣,未嘗有毫髮爲公家計者也。 紹聖以還,傾竭以供邊費, 熙寧、元豐之間,中外府庫, 使軍 **夫聽言之道,必** 無見粮,吏無月 勿使飾り 温解而

鄯州 夫,還洛卒,年七十五。 年 議 之復, 其罪,降端明殿學士,再貶寧國軍 初 ,建青唐邈川爲湟州,戍守困於供億。 又移建昌 軍 後五歲,悉還其官 然棄鄯州 時, 節度副 職 使,漢陽軍安置。湟州復,又降祁州 終不敢自明。 閱再歲, 始復通議大 團 練 崇寧元 副使。

子扶,靖康時爲給事中。 金人入京師,責取金帛,扶與梅執禮、陳知質、程振皆見殺。

張躁初名號,字邃明,滁州全椒人,消之孫也。 早孤,鞠於兄環,欲任以官,辭不就。

冠登第,歷鳳翔法曹、縉雲令。

宗欲命躁知制誥,安石薦用布,以躁同修起居注。自縣令至是,才歲餘。坐奏事不實,解三 院、直舍人院。楊繪、劉擊論助役,安石使興爲文詰之,辭,曾布請爲之,由是忤安石意。 王安石與環善,旣得政,將用之,而環已老,乃引躁同編修中書條例,授集賢校理、知諫 神

職,已而復之。

荆 事。」皆不聽。以集賢殿修撰知蔡州,復知諫院兼侍御史知雜事 未聞偏習其一者也。請無問文武之士,一養于太學。」朝廷旣復河、隴,欲因勢戡定變、閩、 () 廣諸夷,躁言:「先王務治中國而已。今生財未盡有道,用財未盡有禮,不宜遽及徂征之 時建議武學,陳言:「古之太學,舞干習射,受成獻功,莫不在焉。文武之才,皆自此出,

弱。」後皆 萬 <u>盧</u>康行鹽法於東南,操持峻急,一人抵禁,數家為黥徙,且破產以償告捕,二年中犯者 操條列其狀。 施 又言:「行役法以來,最下戶亦每歲納錢,乞度寬羨數均損之,以惠貧

河陽 弟子員,月書、季攷、歲校,以行藝次升,略倣,周官鄉比之法,立齋舍八十二。學官之盛,近 鄭 俠 元 豐初,入權度支副使,遂知 事起,躁媚呂惠卿,劾馮京與俠交通有迹,深其辭,致京等於罪。 制 浩、知諫院。 判國 子監,薦蔡卞 可爲 巡直講 判 司 農寺,出 建增博士 知

列傳

第八十七

張璪

蒲宗孟

代莫比,其議多自躁發之。

朝未嘗. 寺虛名,而 曰:「在今所宜,無以易此。」卒行其說。 蘇 躬行方澤之禮爲非正,詔議更制。 | 献下臺獄, 躁與|李定雜治, 謀傅致| 献於死, 卒不克。 事名始正。 爲翰林學士,詳定官制,以寄祿二十四階易前日省、 躁請於夏至之日,備禮容樂舞,以冢宰攝事。 詳定郊廟奉祀禮文,議者多以國 帝

職

右銀青光祿大夫,盜 惇, 諂<u>廃</u>確, 數人之性不同, 而能探情變節, 左右從順, 各得其歡心。 意 去。」如是踰歲,乃以資政殿學 而在高位,德之賊也。」疏入,皆不報。 ,隨勢所 几 年, 拜參. 在而 依附之,往往以危機陷 知政事,改中書侍郎。 日簡翼 土 知鄭州,徙河南、定州、大名府,進大學士,知楊州以卒。 最後,劉擊言:「躁初奉安石,旋附惠卿,隨王珪,黨 人。 哲宗立,諫官、御史合攻之,謂:「操姦邪便佞, 深交舒亶,數起大獄,天下共知其爲大姦。 今過惡旣章,不可 善窺 不 小人 速 贈

書, 斥大臣及宮禁、 蒲 宗孟 字傳正, 宦寺。 閬州新井 熙寧元年, 人。 第進士, 改著作佐郎。 調夔州 觀察推 神宗見其名,曰:「是嘗言水災地震者 官 治平 中, 水災地 震, 宗孟

邪 」召試學士院,以爲館閣校勘、檢正中書戶房兼修條 例,進集賢校 理

不預。 荆 司,勿以豐凶弛張其法。」從之,民於是益病矣。 力役,天下良法也。 湖 兩路,奏罷辰、沅役錢及湖南丁賦,遠人賴之。 宗孟言:「民以手實上其家之物產而官爲注籍, `三司新置提舉帳司官,祿豐地要,人人欲得之。 然災傷五分不預焉。臣以爲使民自供, 呂惠卿制手實法,然獨許災傷五 以正百年無用不明之版圖而均齊其 執政上其員,帝命與宗孟 初無所擾,何待豐歲? 願詔有 一分以上 命察訪

質 加 侍 一帝前 佩 .讀 魚,遂著爲令。 俄 !同修起居注、直舍人院、知制誥,帝又稱其有史才,命同修兩朝國史,爲翰林學士兼 舊制,學士唯服金帶,宗孟入謝,帝曰:「學士職淸地近, 皆非是,因叩頭白其姦。 樞密都承旨張誠一預書局事,頗肆橫,挾中旨以脅同列。 帝察其不阿,欲大用,拜尙書左丞。 非他官比,而官儀未寵。」迺 宗孟持其語

視 色及繕治 久之,日:[· 他人, 帝嘗語輔臣,有無 府舍 則雖迫之使去,亦不肯矣。」宗孟 蒲宗孟 過制, 靇 乃不取司 知汝州 人才之歎, 馬光 踰 年,加 邪!未論別事,只辭樞密一節,股 宗孟率爾對曰:「人才半爲司馬光邪說所壞。」帝不語,直 資政殿學 慚懼, 士,徙亳、杭、鄆三州 至無以爲容。 僅 一歲, 自卽位以來,唯見此一 御 史論 其荒于酒

耶介梁山 濼,素多盜,宗孟痛治之, 雖小偷微罪, 亦斷其足筋, 盜雖爲衰 止,而所殺亦

列

傳

第

八

+

-6

蒲宗孟

黄

履

〇五七二

移大名。 可勝計 宗孟 方 厭苦易地,頗默默不樂,復求 徙 河 中,御 史以慘酷劾,奪職知號州。 河中。 卒,年六十六。 明年, 復知 河中, 還其職。 帥 永興,

別。 |軾答之曰:「聞所得甚高,然有二事相勸:一曰慈,二曰儉也。」蓋鍼其失云。 曰:「君欲使我坐暗室忍饑邪?」常日盥潔,有小洗面、大洗面、小濯足、大濯足、小大澡浴之 宗孟 每用婢子數人,一浴至湯五斛。他奉養率稱是。嘗以書抵蘇軾云:「晚年學道有所得。」 趣尙嚴整 而性侈汰,藏帑豐,每旦刲羊 十、豕十,然燭三百入 、郡舍。 或請損之,愠

閣 i校勘、同知禮院。 黄履字安中, 邵武人。 少游太學, 舉進士, 調南京法曹, 又爲高密、廣平王二宮教授、館 **擢監察御史裏行,辭御史,改崇政殿說書兼知諫院**

方今, 爲 皆合於古。 代損 神宗嘗詢天地合祭是非,對曰:「國朝之制,多至祭天圓丘,夏至祭地方澤,每歲行之, 爲不可易。 益之制。 獨以有司攝事未足以盡,於是三歲一郊而親行之,所謂因時制宜者也, 雖施之 詔 惟合祭之非, 置局詳定,命履董之,北郊之議遂定。同修起居注,進知制誥、同修國 在所當正。然今日禮文之失,非獨此也,願敕有司正羣祀,

史。

遭母憂去,服除,以禮部尙書召。

喜。 時又 願 鄉 無以言。 也。」遂刊其制。 論 時間 制 鄙 羣臣且然,況大臣乎?使罪在可議,黜之可也;可恕,釋之可也,豈可罰以示辱哉!」 艺。 侍 中患苦鹽法,獻言者衆,神宗謂履自閩來,恃以爲決。 今乃究其自來,則人將懲之,臺諫不復有聞矣,恐失開言路之意。」事 郎以下不許獨對,履言:「陛下博訪萬務,雖遠外微官,猶令獨對,顧於侍從乃弗得 遷御史中丞。 御史翟思言事,有旨詰所自來。 履以大臣多因細故罰金,遂言:「賈誼有云:『週之以禮,則羣臣自 履諫曰:「御史以言爲職,非有所 履乃陳法甚便,遂不復革, 乃寢。 聞,則

學士 行之法爲罪。 华 道 媳 風 御 哲宗 旨於履,履 ,爲御史中丞。 史不當, 即位,徙爲翰林學士。 降天章閣待制。 即排擊之。至是,更自謂有定策功。 極論呂大防、劉擊、梁燾垂簾時事,乞正典刑;又言司馬光變更先朝已 履素與廢確、章惇、邢恕相交結,每確、惇有所 歷舒洪蘇鄂青州、江寧應天潁昌 劉安世發其罪,以龍圖閣 府。 紹聖 初, 直 嫌 |學士知越州, 復龍 惡,則使恕 圖 閣 直

在陛下及二三執政。」哲宗詢諸朝,章惇以爲北郊止可謂之社。 席共牢,歷世襲行,不能全革。 是以聖人因天祀天,因地祀地,三代至漢,其儀不易。 先是,北郊之論 [雖定,猶不果行,履又建言:「陽復陰消,各因其時。 逮神宗考古揆今,以正大典, 及王莽諂 嘗有意於茲矣。 履曰:「天子祭天地。 事元后, 上 圓 逐躋 今承 下方,各順 地位, 先志, 蓋郊 當 同

列

傳

祭大祇亦謂之社乎?」哲宗可之,遂定郊議。 者交於神明之義,所以天地皆稱郊。故詩序云『郊祀天地』。 拜尚書右丞。 若夫社者, 土之神而已, 豈有

學士兼侍讀,復拜右丞。 人臣將視以爲戒,誰復敢爲陛下論得失乎?乞徙善地。」坐罷知亳州 會正言鄒浩以言事貶新州,履曰:「浩以親被拔擢之故,敢犯顏納忠,陛下遽斥之死地, 未踰年,求去,加大學士、提舉中太一宮,卒。 徽宗立,召爲資政殿

羣姦洞之,衝決莫障,重爲薦紳之禍焉。 端其志嚮,元祐之治業,庶可守也。清臣怙才躁進,陰覬柄用,首發紹述之說,以隙國是, 小人之靡,三子抑其亞乎。 法,以壞人材、瀾司馬光者,宗孟也; 計垂簾之事,擊呂大防、劉擊等去之者,履也。 論曰:哲宗親政之初,見慮未定,范、呂諸賢在廷,左右弼謨,俾日邇忠讜,疏絕回遹,以 **壽論議識趣,有可稱述,雖立朝無附,而依違察確、章惇間,無所** 至於興大獄以傾馮京、蘇軾者,躁也;助成手實之 清臣眞

匡建,非大臣之道也。

州 團 練推官。 蔡挺字子政, 宋城人。 王堯臣安撫陝西,辟管勾文字。 第進士,調虔州推官。 富弼使遼,奏挺從, 秩滿,以父希言當官蜀,乞代行, 至雄州,誓書有所更易, 遂 授 陵

遣挺還白。 仁宗欲知契丹事,召對便殿,挺時有父喪,聽以衫帽 入。

范仲淹宣撫陝西、河東,奏挺通判涇州,徙鄜州。 河北多盜,精擇諸郡守,以挺知博州。

申飭 屬縣嚴保伍,得居停姦盜者數人,弛其宿負,補爲吏,使之察警,盜每發輒得。 均博平

聊城二 縣稅,歲衍鉅萬。三司下其法於四方,然大抵增賦 也。

爲開封府推官、提點府界公事。 部修六漯河,用李仲昌議,塞北流,入于六漯。 一夕復

決,兵夫芟楗漂溺不可計。降知滁州,言者以爲輕,乃貶秩停官

室廬 一稀疎,往來無所芘。 越數歲,稍起知南安軍,提點江西刑獄,提舉虔州鹽。 挺兄抗時爲廣東轉運使,迺相與謀,課民植松夾道,以休行者。江、 自大庾嶺下南至廣,驛路荒遠,

貴,盜鹽善而價且下,故私販日滋。 閩 . 鹽賊率千百爲州縣害,挺論所部與期,使首納器甲,原其罪,得兵械萬計。 挺簡僚吏至准轉新鹽,明殿賞,以官數之餘畀之,於是 官鹽惡而價

賊黨破散,宿弊遂絕,歲增賣鹽四十萬。

保,戒諸砦無出戰。 改陝西轉運副使,進直龍圖閣、知慶州,因上書論攻守大計。 諒祚親帥軍數萬攻大順,挺料城堅不可破,而柔遠城惡,亟遣總管張玉 夏人大入,挺盡斂邊戶入

將銳 1 諒祚果疑思順,毒之死。 熟羌思順舉族投諒祚,倚爲鄕導。挺宣言思順且復來,命葺其舊舍,出兵西爲迎候之舉。 決戰, 師守之。 挺伏強弩壕外,飛矢貫其鎧,遂引卻。 先布鐵蒺藜大順城旁水中,騎渡水多躓,驚言有神。 挺築城馬練平爲荔原堡,分屬羌三千人守之。 移寇柔遠,玉夜斫營, 過三日不克,諒祚督帳 夏人驚擾潰 去。 環州

则 歲省粟帛、錢纊十三萬有奇。括並邊生地冒耕田千八百頃,募人佃種,以益邊儲 至。 一訓之, 市蕃部田八千頃,以給弓箭手。又築城定戎軍爲熙寧砦,開地二千頃,募卒三千人耕 又分義勇爲伍番,番三千人(三),參正兵防秋與春,以八月、正月集, 神宗即位,加天章閣待制、知渭州。 偏伍鉦鼓之法甚備。 儲勁卒於行間, 舉籍禁兵悉還府,不使有隱占。 遇用奇, 則別爲一隊。 甲兵整習, 建勤武堂, 四十五 日而罷, 常若寇 取邊民 五 日

漢青苗、助役法。 變,挺討平之,進龍圖閣直學士。廣銳卒徙營,衆憚遷,欲爲亂,城中震擾,挺推斬首惡十九 人,訖徙營。蕃部歲饑,以田質於弓箭手,過期輒沒。 大夫,賜金帛二千。夏人復犯諸砦,環慶兵不能禦,挺遣張玉以萬人往解其圍。 諜告厦人集別盧河,挺出奇兵迎擊之。厦人潰,分諸將躡而討之,蕩其七族。 又自以意製渡河大索及兵械鐮槍,皆獲其用。 挺爲貸官錢,歲息什一,後遂推爲蕃 慶州 進右 守之。

法。 河州景思立戰死,帝開天章閣訪執政,挺請行。 熙寧五年,拜樞密副使。 帝問挺涇原訓兵之法,召部將按于崇政殿,善之,下以爲諸郡 帝曰:「此小事,不足煩卿。 河朔有警

卿當行矣。」契丹議雲中地,挺請罷沿邊戍人,示以無事,因乞置三十七將,皆行其策

七年冬,奏事殿中,疾作而仆,帝親臨賜藥,罷爲資政殿學士、判南京留司御史臺。 元

豐二年,薨,年六十六。贈工部尚書,諡曰甘肅。

在滑 久, 鬱鬱不自聊, 寓意詞曲, 有「玉關人老」之歎。 |挺 譎而多知,人莫能窺其城府。 初,爲富弼、范仲淹客, 中使至,則使優伶歌之,以達于禁掖 頗泄其幾事於呂夷簡以 自售。

神宗愍焉,遂有樞密之拜云。

抗字子直。

中進士,

調太平州推官。

聞父疾,

委官去。

稍遷陸親宅講書。

英宗在宮

州,爲祕閣校理,乞知蘇州。 邸,器重之,請於安懿王,願得與游。 州並江湖,民田苦風潮害,抗築長隄,自城屬崑山,亘八十里, 每見,必衣冠盡禮,義兼 師友。 再遷太常博士、通判秦

民得立塍堨,大以爲利。

列傳

第八

+

七

祭 挺

之,人得直以止。 徙廣東轉運使。岑水銅冶廢,官給虛券爲市,久不償。 番禺歲運鹽英、韶,道遠,多侵竊雜惡。抗命十舸爲一運,擇攝官主之,歲 人無所取資,聚而私鑄,抗盡給

終會其殿最,增十五萬緡。

抗引禮爲人後之誼,指陳切至,涕淚被面,帝亦感泣。 變異,守前說以對。 「卿乃吾故人,朕望於卿者厚,勿以常禮自疎也。」以史館修撰同知諫院。方議安懿王典禮, 第行,且召矣。」 英宗立,召爲三司判官。 大臣畏其諫,列白爲知制誥,遷龍圖閣直學士、知定州。 廣部去京師遠,不卽至,帝見南來者必問之。 都城大水,抗請見,帝迎問之,抗推原 及入對, 諭 帝惜其去,日:

爲太子詹事,未至而神宗立,改樞密直學士、知秦州。過闕,帝見之,悲慟不自勝,曰:「先帝 疾大漸,猶不忘卿。」遂赴鎮。 郡兵番戍,室家留營多不謹,夫歸輒首原,抗下令悉按以法,戍者感焉。 帝不豫, 趣命

郎。 感念歔欷。 有犯者,斬以狗,莫敢奸令。居數日,夢英宗召語,眷如平生,欲退復留。覺爲家人言, 又欲賜諡,吳奎曰:「抗以舊恩,自雜學士贈官,已踰常制。」遂止。 秦有質院,質諸羌百餘人,自少至老,扃繫之,非死不出,抗皆縱釋,約毋得擅相仇殺。 及靈駕發引之旦,東望號慟,見僚佐于便室,驟得疾卒,年六十。 特贈禮部侍

王韶字子純,江州德安人。 第進士,調新安主簿、建昌軍司理參軍。 試制科不中,客游

陝西,訪采邊事。

結,策之上也。」一神宗異其言,召問方略,以韶管幹秦鳳經略司機宜文字。 謂湟中、浩亹、大小楡、枹罕,土地肥美,宜五種者在焉。 及,各不過一二百里,其勢豈能與西人抗哉!武威之南,至于洮、河、蘭、鄯,皆故漢郡縣,所 漢法,異時族類雖盛,不過一延州李士彬、環州慕恩耳。 子孫,瞎征差盛,爲諸羌所畏,若招諭之,使居武勝或渭源城,使糾合宗黨,制其部族,習用 **丼合而**衆撫之時也。諸種旣服, 擾,瞎征(日)兄弟其能自保邪?今鹇氏子孫,唯董氊粗能自立,瞎征、||欺巴温之徒,文法所 牧馬于蘭、會,斷古渭境,盡服南山生羌,西築武勝,遣兵時掠洮、河,則隴、蜀諸郡當盡驚 人有腹背受敵之憂。 夏人比年攻||唐,不能克,萬一克之,必倂兵南向,大掠秦、渭之間, 熙寧元年, 詣闕上平戎策三篇, 其略以爲:「西夏可取。欲取西夏, 當先復河、湟, 則夏 **唃氏敢不歸? 唃氏歸則河西李氏在吾股掌中矣。且唃氏** 爲漢有肘腋之助,且使夏人無所連 幸今諸羌瓜分,莫相統一, 此正 印

騎直抵其帳,論其成敗,遂留宿。明旦,兩種皆遣其豪隨以東。久之,龍珂率屬十二萬口內 蕃部俞龍珂在青唐最大,渭源羌與夏人皆欲羈屬之,諸將議先致討。 韶因按邊,引數

列傳第八十七 王韶

附,所謂包順者也

訟, 卿 將 原 坐 帝 移 從 (是)。 又歸之矣。 其言, 市 韶 Ħ. 丽 易司 又言 遣李若 韶爲太子中允、 改 一,渭源 於古渭 著作 愚按實。 若愚奏其 佐 至 恐秦州 郎, 秦州 祕閣 若愚 仍 換, , 命韶 自 良 校理。 安石 此 田 至, 提 不 盆 間 多事 舉 ·耕者萬 又 田 〈爲罷 後帥郭逵上韶盜貸 所 , 所得不補 經 在, 略 舜 頃,願置 卿 韶 使李師 不能對 而 命 所亡。」王安石主 市易司 中言:「 韓 縝 舜 市易錢, ,頗籠商賈之利 卿 韶 縝 檢索, 乃欲指占極 遂 附 安石以爲不足校, 會實 韶 僅 議, 得 其 地 爲罷 事 邊弓箭 取 其贏以 頃 師 師 中 中,以 手 旣 地耳, 治出 徙 舜 地 竇 卿 主 郊 皆 有 又

蒙羅 等, 高 歸。 萬 征 度洮爲之援, 下門,師小却。 與戰破之,遂城武勝, 角、抹耳水巴等族。 更名 今已入險地,當使險爲吾有。」乃徑趣抹邦山 帝 志 鎭 復 河、 洮 爲熙州,以熙、河、洮、 隴,築古渭 餘黨復集。 韶 躬擐甲胄,麾帳下兵逆擊之, 初, 建爲鎭洮 爲 韶戒別將由竹牛嶺路張軍聲,而潛 通遠 羌保險,諸將謀置陣 軍 ٠, 軍。 岷、通遠為一路,韶以龍圖 以 進右 韶 知軍事。 正言、集賢殿修撰 羌大潰,焚其廬帳 平地 壓 五 敵 年 軍而 韶日:「賊不 七月, 陣,令日:「敢 閣待制 引 師越武勝、遇瞎 兵城渭源堡及乞神平, 復擊走瞎征 行而還, 含險 知熙州 來門? 言退者斬 洮 西大震。 則我 征 降其部 首 領 師 必徒 會瞎 瞎 賊 薬 乘

六年三月,取河州, 遷樞密直學士。 降羌叛,韶回軍擊之。 瞎征以其間據 河州、韶進

訶諾 州 ;自 有 辺 木藏城, 將 日, 涉千八百里, 尾官軍 穿露骨山, 一,韶力戰破走之,河州復平。 得州五,斬首數千級,獲牛、羊、馬以萬計。 南入洮州境, 道陿隘, 連拔岩、岷 釋馬 徒行, 二州,疊、洮羌

一州,疊、洮 或日 至六七。 進左諫議大夫、端明殿 瞎征留其黨守河 軍

七年,入朝,又加資政殿學士,賜第崇仁坊。

我,且 爲 萬 解 還至 者 新勝氣銳,未可與爭。 議所向, 也。」乃直 一興平 - 、聞景思立敗於踏白城,賊圍河州, 諸將欲趨 扣定羌城,破結河族,斷夏國通路,進臨寧河, 河州。 當出其不意,以攻其所恃,此所謂『批亢擣虚,形格 韶曰:「賊所以圍城者,恃有外援也。 日夜馳至熙。 熙方城守,命撤之。 分命偏將入南山。 今知救至,必設 勢禁, 瞎征 選兵得 則自 伏待 知

觀文殿 是, 帝大 初, 學士 喜。 思立 禮部 立之覆 韶 還 侍郎。 師也, 熙州 以兵循 **羌勢復熾,朝廷議棄熙河,帝爲之旰食,** 資政、 觀文學士,非嘗執政而除者, 西 山 繞出踏白後, 焚八千帳, 瞎征窮蹙丐降,俘以 皆自韶始。 數下詔戒韶持重勿出。 官其兄弟及 獻。 兩子, 拜 及

援

絕,

拔

棚

去。

前後賜絹八千匹。未幾,召爲漚密副使。

熈 右 河 城 雖 一部始沮 名 路,而實 一,於是 無租 與安石異。 入, 軍食 登留仰給: 數以 母老乞歸,帝語安石勉留之。 他道。 轉運 判官馬城 相官 吏糾 故 韶欲罷城:

列

傳

第

八

+

七

Ŧ

詔

紫光 容。 坐 廷 事. 謝 而 之初,臣力爭極論,欲寬民力而省財用,但同 部 禄 表 印 以至 怨慢, 大 本鑿空開邊,驟躋政地,乃以勤兵費 夫, 之役,韶言:「決里、廣源之建,臣以爲貪虛名而忘實禍,執政乃疑臣爲刺譏。 一伊吾盧甘,初不欲令熙河作路,河、岷作州 落職 諡 知影州 襄 敏 元豐二年、還其職,復知洪州。 財 歸曲朝廷, .列莫肯聽,至以熙河 也。 帝由是不悦, 四年, 今與衆異論, 儻不求退, 病疽 事 折 卒,年五十二。 以 臣。 故罷 臣本意 職 知 洪 必致 不 州 方舉 贈 費 又 不 朝

予以首 客張 人,厚、宋最顯 前 大 盃 部 罰 繢 遇 韶 之,談笑 敵,矢石已交,呼聲震 爲 醉 起 挽 孤 功 生,用 級 姬不前, /如故, 韶 兵有機略。 晚節言動不常,頗若病狂狀。 人亦服其量 將擁之, Ш 臨出師,召諸將授以指,不復更問, 谷, 姬 侍 泣以告。 弘川 者往往股栗,而韶鼻息自 交親多楚人, 韶徐 旣病疽, 曰:「本出汝曹娛客, 依韶求仕,乃分屬 洞見五臟,蓋亦多殺 如。 每戰必捷。 在影 而令失 諸將, 宴客, 歡 或 出家 嘗夜臥 微云。 殺 如 降羌 此。 姬奏樂、 帳 命 子 老 弱 酌

政 事堂言之,不聽。 厚 字處道 少從父兵間,暢習羌事 紹聖中,用薦者換禮賓副使、幹當熙河公事 官 |累通 直 郎。 元祐 棄河、 厚上疏陳不可, 月. 詣

月,下 上閤門副使、知湟州 會羌 邈川 酋 , 降瞎 瞎 征 、隴拶 征 九月,次青唐,隨拶出迎, 旣而 爭國,河州守將王瞻與厚 他種叛 ,合兵來攻,厚不能支。朝廷度二州不可守, 遂定湟、 同獻議復 鄯。 故地。 韶賜隴拶姓名日趙懷 元符元年 六月,師 乃以畀懷德, 德 進厚東 出 寒。 +

而 貶厚右內府率,再貶賀州 別駕。

道出 畏偪 往。 多羅巴知王 崇寧初, 奔河南,種落 多羅巴三子 蔡京復開邊,還厚前秩, 師 ·以數萬 且至,集衆以拒。 更挾之以令諸部。 一人分據險,厚進擊破殺之,唯少子阿蒙中流矢去,道遇多羅巴, 厚聲言駐兵而陰戒行,羌備益弛,乃與偏將高永年異 於是羌人多羅巴奉懷德之弟溪賒羅撒謀復 朝廷患衆羌扇結,命厚安撫洮西,遣內客省使童貫偕 國。 懷 與

俱 遁。 遂拔湟州。 以功進 威州 團練使、熙河經略安撫

之,大 能 高 南 及, 指 騎 自 馳 呼, 風 將 遂 年四月, 去, 中軍 從 望中 1F 東 其 南 趨綏遠,期會宗 母 軍 師 來,揚 龜 旗 下 厚帥 青唐 鼓爭赴之。 茲公主 大軍 沙 緊
完 與諸 知羅撒留一宿去, 次于湟, 部川。 目,不得視,遂大敗,斬首 |厚麾 鄯州 游騎登山攻其背,親帥強弩迎射, |羌置 命永年將左軍循宗水 降。 陳臨宗水, 貫始悔之。 厚計羅撒 倚 北 应 必且 厚將大軍趣 千三百餘級,俘三千餘 山,溪除羅撒張黃屋、 流化, 一走青唐,將 別將張誠將右軍出宗谷而 鄭州 羌 夜 退走。 追之, 童買 施 右軍 人。 建 軍令結以 大 濟水 八旆, 乘 以 羅 撒以 爲

列

僔

衆降,遂入廓州。超拜厚武勝軍節度觀察留後。

使。 已而趙懷德約降未決,厚以書諭之,懷德卽納款。 明年,羅撒復入寇,永年戰死,羌焚大通 河橋以叛, 還厚舊官 新疆大震。 入朝,提舉體泉觀, 厚坐逗遛,降郢州 防禦

贈寧遠

軍節度使,諡曰莊敏。

砂、 、神仙 |宋字輔道。 事 得鄭州書生,託左道,自言天神可祈而下,下則聲容與人接。因習行其術,纔能 好學,工詞章。 登第,至校書郎。 忽若有所覩,遂感心疾,唯好延道流談丹

什 七八,須兩人共爲 乃驗。 外間讙傳,浸淫徹禁庭。

也, 久以爭進絕還往。 徽宗方崇道教, 侍晨林靈素自度技不如,願與之游,拒弗許。戶部尚書劉昺,宋外兄 神降寒家,使因昺以達,寒言其故,神曰:「第往與之言,汝某年月 E

弗許。 召。案風儀旣高, 在蔡京後堂談某事,有之否?」昺驚駭汗洽,不能對,蓋所言皆陰中傷人者。乃言之帝,即 反 國。 或謂 遲 至 一尊候 靈素, 神, 又善談論,應對合上指。帝大喜,約某日 但勿令鄭書生偕, 且圖 不軌。」帝疑焉。 深當 立敗。 及是 日, 卽 宋與書生至 白帝曰:「宋父兄昔在 卽 內殿 一東華 致天 Ħ, 神。 靈素戒閣卒獨聽案 西邊, 靈素 |求與共事,又 密與夏

帝齋潔敬待,越三夕無所聞,乃下宋大理,獄成,棄市,昺竄瓊州

樞 !密使王德用書,云以與其弟。 薛 向字師正。 以祖顏任太廟齋郎,爲永壽主簿, 向適監稅,疑之曰:「烏有大臣寄家問而諉胡人者?」鞫之、 權京兆戶曹。 有商胡齎銀二篋, 出

果妄

鄉設守,是爲棄關內乎?三司貨龍門富人錢,以百年全盛之天下,一方有警,即稱貸於民, 非義也。」消上其說,悉從之。哪守貪沓,欲因事爲邪,并治子城,立表於市以撤屋,冀得賂 興,吏持斧四出伐木,無問井閭丘隴,民不敢訴。必不得已,宜且葺邊城。函關,秦東塞,今西 爲邠州司法參軍。夏人叛,秦中治城,侍御史陳洎行邊,向詣洎陳三敝,言:「今板築暴

法。 行、沔坐黜。 向曰:「如此,則都內之錢不繼,茶、鹽、香、象將益不售矣。」有司主沔議,旣而邊糴滯不 監在京権貨務,連歲羨緡錢,當遷秩,移與其兄。 三司判官董沔議改河北便糴,行鈔

死,向力爭罷之。

以 向知鄜州。 至,則家人無存者,聚謀爲盜,民大恐。 大水冒城郭,沉室廬,死者相枕。 向遣吏曉之日:「冒法以赴急,人之常情,而 郡卒戍延安,詣主將求歸視, 弗得, 皆

列傳

第八

十七七

薛向

不 ·聽若 雚 歸, 此 武 、將不知變之過也。 亟往收溺尸, 貰汝擅還之罪。」 衆入庭下泣謝, 境

乃安。

刑 則 有 坐倉收之。 以權之,遇穀貴,則官羅於澶、魏,載以給邊, 獄兼其事。 **义**論 河北糴法之弊,以爲:「度支歲費錢緡五百萬,所得半直,其贏皆入賈 此策 武疆有盜殺人而逸,尉捕平民抑使承,向覆其寬,脫六囚 一行,穀將不可勝食矣。」朝廷是向計, 新陳未 ·交,則散 始置便糴司於大名, 糴 價以救民乏; 於死 以向爲提點 軍食有餘

予民,收租入以市之。乃置場於原、渭,以羨鹽之直市馬,於是馬一歲至萬 損 其數 入爲開封度支判官,權陝西轉運副使、制置解鹽。 策提舉買馬,監牧<u>沙</u>苑養馬,歲得駒三百,而費錢四千萬,占田 鹽足支十年,而歲調畦 一千頃。 PL 夫數千,向奏 向請斥閉 H

其助 舍 陳 五 令孫 不可,以爲失信商旅,遂舉所闕之數以獻。 如永昭時。 昭陵復土,計用錢粮五十萬貫石,三司不能供億,將移陝西緣邊入鹽中于永安縣。 ĪF. 病臥,驚而死,罷知汝州。 凡將漕八年,所入鹽、馬、錫、粟數累萬,民不益賦,其課爲最 甫數月,復以爲陝西轉運副使,進爲使。 **嘗夜至靈寶縣,先驅** 入驛,與客崔令孫爭 厚陵役費, 向

涿 城之。 夏 將 鬼名 廷議 | 劾諤擅興,將致法。 山以綏州 來歸,靑澗城主种諤將往迎,詔向與議。 向言 「齶今者之舉,蓋忘身以徇國,有如不稱,臣請坐 諤不俟命,亟 一率所部出塞,

之。」諤旣貶, 向亦罷知絳州,再貶信州,移潞州。 張靖使陝西還, 陳向制置鹽、馬之失。

向詣

闕與辯,靖辭窮,卽罪之。

滅迹。 禁。 賦,手敕褒納。 帝以向習知地形, 受遣 用兵,縣官費不 神宗 ,以地有美惡,利有重輕,爲立等式,用所漕物爲**誅**賞。 熙寧四年,權三司使。 向募客舟分載,以相督察。 知向材,以爲江、浙、荆、准發運使。 進龍 可計,向未嘗乏供給。 召詣中書。 圖閣直學士。 明堂禮成,有司誤遷向右諫議大夫,韶罰吏而向官不奪。 舊制,發運使上計毋得出入,唯止都門達章奏。 官舟有定數,多爲主者冒占,悉奪畀屬 及解嚴,上疏乞戒將帥裁溢員,汝冗卒、省浮費、節橫 綱舟歷歲久,篙工利於盜貨,嘗假風水沉溺以 遷天章閣待制。 州,諸運皆詣本曹 環慶有疆事, 至是, 河、 弛其 洮

選 我。 元年,召同知樞密院。 不遜語,而雲、應點兵,涿、易治道,僉謂必偸盟。 使者懼不 如其請, 遷工部侍郎。 向諜知之,主者覺,縱使亡去,向遣邏捕取之,械送瀛州,戮於市。 遼 人求代北地, 向控餅,賜詔弗允。 北邊擇牧,加樞密直學士、給事中、知定州。 故肆嫚言以儌倖取成。 故事,前兩府辭官乃降韶,兩省得韶自向始。 兵來不除道, 向日:「彼欲疆議速成,故多張虛勢以撼 其亦無能爲也已。」後皆如向 高陽關募兵,敵陰遣 北使久留都亭,數出 人應 元豐

墨 無 所 非常所以屬望意气。 胩 名。 大臣 方尙 通暢明 向 中子 **l體,斥知潁州,又改隨州,卒,年六十六。** 功利 幹 局 決,遂由文俗吏得大用。 ,嗣昌。 絕人,尤善商 ,王安石從中主之,御史數有言,不聽也。 會詔民畜馬,向旣奉命,旋知民不便,議欲改爲。 財, 計算無遺策,用心至到, 及在 1政地,同列質以西北事,則養威持重,未嘗啓其端, 元祐中,錄其言,諡日恭敏。 向以是益 然甚者不能無病民,所上課間 得展奮其材業,至於論兵帝 於是 舒亶論 子紹彭 向 失實。 有翰 反 覆

尚書。 論築涇原三倉勞, **写回授其子昶京** 嗣昌奏請之, 修撰,入爲左司 嗣昌亦以吏材奮。 坐啓擬反覆罷 遂以 郎中,擢徽猷閣待制、陝西都轉運使, 監 加 臨自盜責安化軍節度 顯謨閣直 , 提舉崇福宮。 崇寧中, 學士; 歷熙河 又以 久之, 遷延康殿學士、知延安府, 賜第京師。 轉運判官, 無納 副 使, 西羌功, 安置郢州。 梓州、 知渭州 進 陝西轉運副 延康 ,改慶州。 起知相州,復待制、 宣 和殿學士,拜禮部 使,直龍 監公使庫 圖 皇寡 知太原府。 閣 當遷官 、集賢殿 坐獄 、刑部

嗣 先是,徽宗有意圖北方,遣譚履銜命訪諸帥, 昌前後因事六七貶,多以欺罔獲罪。 至是,言者併論之,降爲待制,卒。 韓粹彥、洪中孚皆力云不可,嗣昌乃潤飾

課詞 以開邊隙 及論事帝前,語至興師,或感激流涕。 造亂之咎,人皆歸責焉。

功、 得象蔭,爲孟州司 吏部、右司員 擢知陳留縣,歷提舉陝西常平、京東轉運判官、提點湖北刑獄、成都路轉運使, 章楶字質夫,建州浦城人。祖頻,爲侍御史,忤章獻后旨黜官,仁宗欲用之而卒。楶以叔 戶參軍。 郞 應舉入京,聞父對獄 于魏,棄不就試,馳往直其寃。還,試 禮部 第

外

之,伏兵識 其土疆,如 夏, 權戶部 乘便出討,以 使歸其永樂之人。 元站 侍 息。 初,以直 古削 其母 致 明年, 梁氏 其師,夏果入 地之制,以固吾圉。 龍 旗幟,鼓譟 除 圖 夏得砦益驕。 知同州。 閣知慶州。 圍環州。 而出,斬獲 紹聖 時朝廷戢兵, 戒邊吏勿妄動, 然後諸路出兵,擇據要害,不一 **| 逢言:「夏嗜利畏威,不有懲** 初, | 染先用間 及甚衆。 知應天府, 知之, 又預毒於牛圈 加集賢殿修撰、知廣州, 遣驍將折可 | 瀦水,夏 支,邊不得休息。 且捐葭蘆、 再舉, 適伏兵洪德 人 馬 勢將自蹙矣。」 飲者 安疆等四砦予 徙江、淮發運 城 多 死。 宜稍 夏 師 调 遂 取

列 訪 傳 以 第 邊 八 事 -對 七 合旨,命知渭州。至即上言城胡蘆河川,據形勝以偏夏。 乃以三月及

一〇五八九

賫

使。

境,夏 之地 熙河 宗爲御紫宸殿受賀,累擢溪樞密直學士、龍圖閣端明殿學士,進階大中大夫。 遣折可適、郭成輕騎夜襲,直入其帳執之,盡俘其家,虜馘三千餘、牛羊十萬,夏主震駭。 方 路 而 與役 進, 師),夏方營石門峽, 出 ,不能克,一夕遁去。 秦鳳 人愕視不敢動。 時 一胡蘆 夏以其衆來乘, 溪迎擊敗之。 河川 環 ,築二城于石門峽 四路之 去我三十里,能 夏主遂奉其母合將數十萬兵圍平夏,疾攻十餘日,建高車臨城,塡塹 師 夏統軍嵬名阿埋、西壽監軍妹勒都逋皆勇悍善戰,楶諜其弛備, 陽繕理 江口好水河之陰。 他堡壁數十所, 奪 而 旣而環慶、鄜延、河東、熙河皆相繼築城、進拓其 有之乎? 自示 」、

文陽謝之,
陰具板築守戰之備 。二旬有二日成,賜名平夏城、靈平砦。 其性。 或以 清請 日「此 夏必爭 帥 哲 JU

朱智用,咸受其馭。 楶 在涇原四年, 夏自平夏之敗,不復能軍,屢請命乞和,哲宗亦爲之寢兵。逢立邊功, 凡創州一、城砦九、薦拔偏裨,不間廝役,至於夏降人折可適、李忠傑、

爲西方最。

使, 拜 同 未幾,卒。 知 時章惇用事,逢與惇同宗,其得興事,頗爲世所疑。 樞 密院 徽宗 事 ,俾其子辉爲開封推官以便養 悼之,贈右銀青光祿大夫, 諡 日脏 踰 簡 年, 瀬恤 力謝 徽宗 甚 事 立,請老,徙知 罷,授資 厚 政殿學士、中太一 河南。 入見,留 宮

溪七子· 海、線、線、縮、艇、 編、 編、 解、 線最知名 粹繇推官爲戶部員外郎、提點准南

時 旰, 京大怒,別遣孫傑鞫之,傅致如章,經 寶 俱 主管西京崇福宮。 錢 元祐之政,綡多贊之。 止,民心途安。 東 所鑄 論 列仕 以于計者三十萬,上疏言鈔法誤民,請如約以示大信。 路 皇皇. 孫傑擢 魔之。 竀 及京復相、遂興制獄、傾章氏。 綜 **綡第進士,歷陝西** 刑 降台州 顯 歷通判常州,綰知丹徒縣,疑簽判西安州,縯簽判蘇州,粢孫茂承奉郎,蓋監蘇州稅, 獄 一無肯 汽權 詔遣李孝壽、張茂直、沈畸、蕭服更往 龍 知揚州兼提舉香 售。 圖 ,綜秀州,線温州 未幾,新鈔 閣 粹 直 飾市易務致 學 |蔡京欲擠達,且悬線不附已,使其黨攻之,出線||湖州 轉運判官,入爲戶部員 法行,舊鈔盡廢,一 知 蘇 鹽 網陸 州 事 百 貨, | 擬居蘇州,或得私鑄錢數巨罌,京風言者,誣 張 州 刺 時 商 以小錢收之; 方鑄崇寧大錢, 面 海 永州 英入相, 配 沙門島,追毀出身以來文字,除名 時商賈束手,或自殺。 外郎。 鞫之,連繫數百人, ,茂處州,蓋 始辨前獄, 中書侍郎劉逵之妻,鯨姊也。 且檄倉吏糶米,以大錢予之, 令下,市區畫閉, 上怒,罷粹,降兩官。 均州 移艇常州, 官司 累月卒 **辉得訴者所持舊鈔** `降罷除名者十餘人, 人持錢買物, 線復朝奉郎、 -無實, 論者不已,差 勒停,籍入其 |凝與州人郁 獄 多死者。 盡 **逵漸復** 至日 通判 十

日

夘

傳

第

八

+

-6

章 秶

校

勘

記

〇五

九

1種以 閣直 秀州 公錯置 學 士知 頃之,綖改授內殿崇班, 乖 方罷 越州 線落職送東部,會赦恩,上書告老,復龍圖閣直學士致仕,卒。 譚稹宣撫燕山,請鯨爲參謀,加右文殿修撰。 金 人破蔚州,背歸 兩浙刑獄, 山後議 以龍圖

於向, 起諸 端,又其善也。 敵,楶之制勝,亦一 生, 論 可勝 曰:神宗奮英特之資,乘財力之富,銳然欲復河、湟,平靈、夏,而察挺、王韶、 委褒 ***** 衣, 若厚之降隴拶、 樹勳戎馬 雖然,佳兵好還,道家所戒,卒之宋以左道殺, 時良將。 間。 薛向 瞎征, 世非無 雖無三子勞, 取湟、 材, 顧上所趣尚磨厲 漸、 而董漕邊饟, 鄭州, 功足繼韶。 (奚如) 不乏仰給, 耳。 疑以鑄錢陷, 加 嗣昌 觀挺之治兵, 持 重 造 釁 樞 北 府, 此非其驗 伐, 韶之策 章楽輩 不 · 啓事 迺悖

校勘記

也與。

張 輿 原作「張興」,據編年綱目卷二四、晁補之鷄肋集卷六二李淸臣行狀 数

當使. 知吾宥過而息兵 「當」原作「常」,據長編卷三三七、東都事略卷九六本傳改。 100

- (三)番三千人 「番」字原脫,據本書卷一九一兵志、東都事略卷八二本傳補。
- (日) 瞎征 首領是木征;東都事略卷八二王韶傳、長編紀事本末卷八五、宋會要蕃夷六之七起, 當作「木征」,本傳下文各條同。 按本書卷四九二吐蕃傳載,宋神宗時居於洮、河的蕃族 記載王韶

開照河時的對手,都作「木征」。瞎征是另一人,紹聖三年才嗣位,後此約二十年,即本卷附王厚

傳所載的瞎征。疑此誤。

- 八宝」 涇原 原作「涇源」,顯誤。 據本書卷二九○郭逵傳、卷八七地理志改。
- **公** 非常所以屬望意 者。」疑此處「常」字爲「上」字之訛。 長編卷三〇八說:「向在政府專以持重養威, 無先開端爲言, 非上所望於向

宋史卷三百二十九

列傳第八十八

常秩 王廣淵 鄧綰 弟臨 子洵武 王陶 李定 王子韶 舒亶 何正臣 蹇周輔 陳繹 子序辰 徐鐸

潁州教授,除國子直講,又以爲大理評事;治平中,授忠武軍節度推官、知長葛縣,皆不 常秩字夷甫,潁州汝陰人。 舉進士不中,屛居里巷,以經術著稱。 嘉祐中,賜束帛,爲

侯食,服侯服,此今日大患也。 不來,非有所決擇去就也。」帝悅,徐問之:「今何道免民於凍餒。」對曰:「法制不立,庶民食 先朝累命,何爲不起。」對曰:「先帝亮臣之愚,故得安閭巷。今陛下嚴詔趣迫,是以不敢 神宗卽位,三使往聘,辭。 臣才不適用,願得辭歸。」帝曰:「旣來,安得不少留?異日不 熙寧三年,詔郡「以禮敦遣,毋聽秩辭」。明年,始詣闕,帝曰:

列

傳

第八十

八

常

秩

修起

居注

仍

使

供

諫

職

復乞

一歸,改

判

太常寺。

〇五九六

能 用 卿 乃當 去 耳。」卽 拜右 Ė 言、直集賢院、管幹國子監,俄兼直舍人院,遷天章閣侍講 同

圳 西京 七 留 年 司 進寶文閣 御 史臺。 待制銀 還額。十年,卒,年五 侍 讀, 命其子立校書崇文院。 + 扽 贈 右 [諫議 大 九年,病不能朝, 夫 提舉中太一宮、

宿、 呂公著、王陶、沈遘、王安石皆稱薦之,翕然名重一 秩 居爲學求自 得。 王回,里中名士也,每見秩與語, 時。 輒欲然自以爲不及。 歐陽脩、 胡

道,皆在於是」。及安石廢春秋,遂盡諱其學。 望 在 日 閭 損,爲時譏笑。 閻 初,秩隱 `,見所下令,獨以爲是,一召遂起。 居,既不肯仕,世以爲必退者也。 |秩長於春秋,至斥孫復所學爲不近人情。 在朝廷任諫爭,爲侍從, 後安石爲 相 更法,天下沸騰, 著講解數十篇, 低首抑氣, 自謂「聖人之 以 無 所 爲 建明 不 便, 秩

書省 其 變其法,民受塗炭,上下循默,敗端內萌,莫覺莫悟。一株知其必敗。」紹聖中,蔡卜薦立爲祕 《不遜,以責惇、下,惇、卞懼,請貶立,乃黜監永州酒稅。 欲傾之,乘間爲哲宗言立附兩人,因暴其行狀事,以爲詆毀先帝。 正字、諸王府說書侍講,請用爲崇政殿說書,得召對,又請以爲諫官。 立,始命爲天平軍推官,秩死,使門人趙冲狀其行,云:「自秩與安石去位,天下官吏陰 帝亟下史院取視,言 **卞方與章惇比**,

判寧州。 書言:「陛下得伊、呂之佐,作青苗、免役等法,民莫不歌舞聖澤。以臣所見寧州觀之,知一書言:「陛下得伊、呂之佐,作青苗、免役等法,民莫不歌舞聖澤。以臣所見寧州觀之,知一 路皆然;以一路觀之,知天下皆然。誠不世之良法,願勿移於浮議而堅行之。」其辭蓋娟 鄧綰字文約,成都雙流人。舉進士,爲禮部第一。 時王安石得君專政,條上時政數十事,以爲宋興百年,習安玩治,當事更化。又上 稍遷職方員外郎。 熙寧三年多,通

又貽以書頌,極其佞諛。

檢正 當作何官?」曰:「不失爲館職。」「得無爲諫官乎?」曰:「正自當爾。」明日,果除集賢校理、 帝曰:「安石,今之古人,惠卿,賢人也。」退見安石,欣然如素交。 邊事,屬安石致齋,復使知寧州。 網聞之不樂,誦言:「急召我來,乃使還邪?」或問:「君今 |中書孔目房。鄉人在都者皆笑且駡,|網曰:「笑駡從汝,好官須我爲之。」 安石薦於神宗,驛召對。方慶州有夏寇,館敷陳甚悉。帝問安石及呂惠卿,以不識對。 宰相陳升之、馮京以綰練

訓。」明年,遷侍御史知雜事、判司農寺。 天下,矯革衆敝。 同知諫院。獻所著洪範建極錫福論,帝曰:「洪範,天人、自然之大法,朕方欲舉而措 卿當堲淫朋比德之人,規以助朕。」縮頓首曰:「敢不力行所學,以奉聖

列

詢其便否兩行之,縮與會布輒上還堂帖。 乃務聚斂,積寬餘,宜加 次及諸道 謝景温 時常平、水利 所置推直官、主簿,悉罷去之,而引蔡確、唐坰爲御史。 利州路 、免役、保甲之政,皆出司農,故安石藉綰以威衆。 歲用錢九萬六千緡,而轉運使李瑜率三十萬, 重黜。」富弼在亳,不散青苗錢,縮請付吏究治。 中丞楊繪言未聞司農得繳奏者,不報。凡呂公著、 縮言:「均役本以裕民,今 l 綰 請 先 行 発 役 於 府 界 , **畿縣民訴助役**,詔

籍前 建言:「頃時御史罷免,猶除省府職司,蓋厥初選用旣審,則議論雖不合, 說後諫官、御史得罪者姓名,以次甄錄,使於進退間與凡僚稍異,則人思竭盡 五 年 擢御史中丞。 國朝故事, 未有臺雜爲中丞者, 帝特命之。 人材亦不 又加龍圖閣待制。 ·可遺。 願

苟先之以畏屈,彼或將力爭,則大爲中國之恥。」帝覽疏嘉之。 巡自罷,其情僞可見。今當禦之以堅強,則不渝二國之平,平則彼不我疑,而我得以遠慮。 「非徒無益,且大擾費。」帝從其言而止。 遼人來理邊地, 屯兵境上, 聲言將用師,於是兩河戒嚴,且令河北修城守之具。 又言:「遼妄爲地訟,意在窺我。 去冬聚兵累月,逡 相 日:

用而 又論三司使章惇協濟其姦,出知湖州。 家有之。 安石去位,縮頗附呂惠卿。及安石復相,縮欲彌前迹,乃發惠卿置田華亭事,出知陳州。 今欲盡令疏實,則家有告訐之憂,人懷隱匿之慮,無所措手足矣。 初,惠卿弟和卿創手實法,縮曰:「凡民養生之具,日 商賈通殖

而多已散亡,公家簿書,何由拘錄,其勢安得不犯?徒使嚚訟者趨賞報怨以相告訐,畏怯者 貨財,交易有無,不過服食、器用、米粟、絲麻、布帛之類,或春有之而夏以蕩析,或秋貯之

守死忍困而已。」詔罷其法。遷翰林學士,仍爲中丞。

帝謂館操心頗僻,賦性姦回,論事薦人,不循分守,斥知號州。 國司直,而爲宰臣乞恩澤,極傷國體,當黜。」又薦彭汝礪爲御史,安石不悅,遽自劾失舉。 佞,令提舉官酌市價以聞。 館慮安石去失勢,乃上言宜錄安石子及壻,仍賜第京師。帝以語安石,安石曰:「綰爲 元豐中,以待制知荆南、陳、陝,徙永興軍,改青州。 進龍圖閣直學士、知鄧州。 奏言歲大稔,斗栗五七錢。帝知其 踰歲,爲集賢院學士、知河

元祐初,徙揚州。 言者論其姦,改滁州,未去鄧而卒,年五十九。 子洵仁、洵武。 洵仁,

大觀中爲尙書右丞。

修官、撰神宗史、議論專右蔡卞、詆誣宣仁后尤切、史禍之作,其力居多。 洵武字子常,第進士,爲汝陽簿。 紹聖中,哲宗召對,爲秘書省正字、校書郎、國史院編 遷起居舍人。

寧時以曲媚王安石,神宗數其邪僻姦回,今置洵武太史,豈能公心直筆,發揚神考之盛德, 徽宗初,改秘書少監,旣而用蔡京薦,復史職。 御史陳次升、陳師錫言:「洵武父綰在熙

列傳

而 不掩其父之惡乎? 且其人材凡近,學問荒繆,不足以汚此選。」不聽。 遷起 居郎。

志述 宗實錄,遷吏部侍郎。 温益,盆欣然奉行,請籍異論者,於是決意相京。 相此人不可,以與卿不同,故去之。」而曰:「洵武旣與臣所見異,臣安敢豫議? 百執事咸在,以百數。帝出示曾布,而揭去左方一姓名。布請之,帝曰:「察京也。洵武謂非 温益一人,餘不過三四,若趙挺之、范致虚、王能甫、錢遹之屬而已。 羣臣 以 右 利 元祐, 民, 無助者。」乃作愛莫助之圖以獻。 事,非用察京不可。」京出居外鎮,帝未有意復用也, 時 韓忠彦、曾布爲相, 琦嘗論其非, 自宰相、執政、侍從、臺諫、郎官、館閣、學校各爲一重。 今忠彥爲相,更先帝之法,是忠彥能繼父志,陛下爲不能 洵武因對言:「陛下乃先帝子, 今相忠彦乃琦之子。 其圖如史記年表,列旁行 進洵武中書舍人、給事中兼侍講,修撰哲 洵武爲帝言:「陛下方紹 七重,別爲左右,左日元豐, 左序助紹述者,執政中唯 右序舉朝輔 先帝行新法 」明日, 也。 相、公卿、 述先志, 必欲繼 改付

楚州 造爲 新名,因而制祿。」詔悉更之。 鹽場者,有瀛州軍事推官、知大名府元城縣充濮州教授者,殺亂紛錯,莫甚於此。 洵武疏言:「神宗稽古建官,旣正省、臺、寺、監之職,而以寄祿階易空名矣。 今在選七 兩使判官至主簿、尉,有帶知安州雲夢縣而爲河東幹當公事者,有河中司錄參軍而 遷刑部尚書,又請初出官人兼用刑法試,俾知爲吏之方。 謂宜

崇寧三年,拜尙書右丞,轉左丞、中書侍郎。

亳州、河南府、召爲中太一宮使,連進觀文殿學士,爲大名尹。 神觀使兼侍讀留修國史,改保大軍節度使。未幾,知樞密院。 妖人張懷素獄興,其黨有與洵武連昏者,坐出知隨州。 提舉明道宮,復端明殿學士,知 政和中,夏祭,入侍祠。以佑

五 谿蠻擾邊,即做陝西弓箭手制,募邊民習知溪洞險易者,置所司教以戰陣,勸以耕

遷特進,拜少保,封幸國公,恩典如宰相。

宣和元年,薨,年六

十五,贈太傅,益曰文簡

牧,得勝兵幾萬人以鎭撫之。

鄧氏自編以來,世濟其姦,而淘武阿二於尤力。原之敗亂天下,禍源自淘武起焉。

以言,不知京師乃不許。」安石大喜,謂曰:「君且得見,盍爲上道之。」立薦對。神宗問青苗 之,無不喜者。」常日:「舉朝方共爭是事,君勿爲此言。」定卽往白安石,且曰:「定但知據實 事,其對如囊言,於是諸言新法不便者,帝皆不聽。命定知諫院,宰相言前無選人除諫官之 孫覺薦之,召至京師,謁諫官李常,常問曰:「君從南方來,民謂青苗法何如?」定曰:「民便 李定字資深,揚州人。少受學於王安石。 登進士第,爲定遠尉、秀州判官。

比, **遂拜太子中允、監察御史裏行。** 知制誥宋敏求、蘇頌、李大臨封還制書,皆罷去。

明州 狀, 安,蘄解職,以集賢校理、檢正中書吏房、直舍人院同判太常寺。八年,加集賢殿修撰、 薛昌朝言,不宜以不孝之人居勸講之地,倂論安石,章六七上,安石 不敢服,而以侍養解官。曾公亮謂定當追行服,安石力主之,改爲崇政殿 奏云:「定嘗以父年老,求歸侍養,不云持所生母服。」定自辯言,實不知爲仇所 御 史 陳薦疏:「定頃爲涇縣主簿,聞庶母仇氏死,匿不爲服。」詔下江東、淮 又白罷 說書。 兩人。定亦不自 、浙轉運 御史林旦 生,故疑 使問 知

其語以爲侮慢。因論軾自熙寧以來,作爲文章,怨謗君父,交通戚里。逮赴臺獄窮治。當 赦,論不已,竄之黃州。 元 豐初,召拜寶文閣待制、同知諫院,進知制誥,爲御史中丞。 方定自鞫軾獄,勢不可回。一日,於崇政殿門外語同列曰:「蘇軾乃 刻蘇軾湖州謝上表, 擿 會

定。 帝命官 遷翰林學士。坐論府界養馬事失實,罷知河陽。 定 請 者 復 曰:「三歲 視 ·六案糾察之職,丼諸路監司皆得鉤考,從之。 彗出東方,求直言,太史謂有兵變, 衞 土飲食。定言一飯不足市恩,適起小人之心,乃止。或議廢明堂祀,帝以訪 一郊或明堂,祖宗以來,未之有改。誰爲此言,願治其妄。」帝曰:「聽卿言足 留守南京,召爲戶部侍郎。 哲宗立,以

奇才也。」俱不敢對。

圖 閣學士知青州,移江寧府。 言者爭暴其前過,又謫居滁州。 元祐二年,卒。

附王安石驟得美官,又陷蘇軾於罪,是以公論惡之,而不孝之名遂著。 定於宗族有恩,分財振膽,家無餘貲。 得任子,先及兄息。死之日,諸子皆布衣。 徒以

得所錄名臣諫草,有言新法事及親朋書尺,悉按姓名治之,竄俠嶺南,馮京、王安國諸人皆 之,不服,卽自起斬之,投劾去。王安石當國,聞而異之,御史張商英亦稱其材,用爲審官院 舒亶字信道,明州慈溪人。武禮部第一,調臨海尉。民使酒詈逐後母,至亶前,命執 使熙河括田,有績,遷奉禮郎。 擢亶太子中允、提舉兩浙常平。 鄭俠旣貶, 復被逮,亶承命往捕,遇諸陳。 搜俠篋,

竟,以多爲功。加集賢校理。同李定劾蘇軾作爲歌詩譏訕時事。 所懷如此,可置而不誅乎?」帝覺其言爲過,但貶賦、詵,而光等罰金。 比,如盛僑、周邠固不足論,若司馬光、張方平、范鎭、陳襄、劉擊, 元豐初,權監察御史裏行。 太學官受略,事聞,亶奉詔驗治,凡辭語微及者,輒株連考 皆略能誦說先王之言,而 亶又言:「王詵輩公爲朋

未幾,同修起居注,改知諫院。張商英爲中書檢正,遺亶手帖,示以子壻所爲文。 亶具

列傳第

八十八

舒亶

蹇

周輔

知雑 以白、云商英爲 御 史、 判 司 字屬 農寺、超 而 干請言路,坐責監江陵稅。 拜 給 事中、權直學士院。 踰月,爲御史中丞。 始,亶以商英薦得用,及是,反陷之。 舉劾多私 ,氣焰熏灼, 進

見者

側

目,

獨憚

王安禮。

其事 情 爲誤。 **亶比歲起獄,好以疑似排抵士大夫,雖坐微罪廢斥,然遠近稱快。** 臺中受事 輕 而法 目。 亶 法官吳處厚駁之, 在翰林, 重 籍驗之,亦無錄目,亶遽雜他文書送省,於是執政復發其欺。 今違法不錄, 一,詐爲錄目,情重而法輕。 受廚錢越法,三省以聞,事下大理。 既案奏,乃謾以發放歷爲錄 御史楊畏言亶所受文籍具在, 無不承之理。 身爲執法,而詐妄若是,安可置也!」命追 目之籍,亶以爲大 初,亶言尚書省凡奏鈔法當置籍, 十余年,始復通直 臣欺罔。 帝曰:「亶自 大 理 鞫 廚 而尙書省 錢 兩秩勒停。 盗 事 郞 了,謂 錄 取

崇寧初,知南康 軍。 辰溪蠻叛,蔡京使知荆南,以開邊功, 由直龍圖閣進待制。 明

卒,贈直學士

郯既貴達,周輔始特奏名,再舉進士,知宜賓、石門二縣,通判安肅軍,爲御史臺推直官。 周 輔字磻翁,成都雙流人。 少與范鎭、何郯爲布衣交。 年未冠, 武大廷, 不

輔。 辭,神宗稱其能,擢開封府推官,出爲淮南轉運副使。 於訊 鞫,鉤索微隱,皆用智得情。 度 不可追逮,奏請以要辭示主者詰服之,時以爲 嘗有詔獄,事連掖庭掌寶侍史,它司累月不能決, 盜廖恩聚黨閩中, 知體。 及治李逢獄竟,臺臣雜治無異 多害兵吏,改使福 乃命周

法旣 鹽, 健,護諸將以討之,恩遂降。 克欺 封府,事 **周輔始請運廣鹽數百萬石**, 行, 一誕,負公擾民,罷知和州(1)。徙廬州。卒,年六十六。 元豐初,循唐制,歸百司 多不 塗領 决。 於度支。 授中書舍人,不拜,改刑部侍郎。 以集賢殿修撰爲河北 **涨于大理寺**, 分響梆、全、道州 選爲少卿, 都轉運使,進寶文閣待制,召爲戶部侍郎、知開 元站 又以准鹽增配潭、衡諸郡、湘中民愁困, 遷三司度支副使。 初,言者暴其立江西、福建鹽法,掊 先是,湖南例食准

周 輔疆學,善屬文,神宗嘗命作答高麗書, 屢稱善。 爲吏深文刻覈,故老而獲戾。

厅辰

殿中侍御史、右司 遠方,家無所託,蘄改一近地。 序辰字授之,登第後數年, 諫。 哲宗立,改司封員外郎。 乃易京西,旋提舉江 以泗州推官主管廣 周輔得罪,以序辰成其惡,降簽書廬州判 西常平, 西常平。 繼父行鹽法。 周輔方使閩,上言父子 爲監 察御 並越 史, 遷

列

傳第

八十

八

官。起知楚州,提點江東刑獄。

惇看詳 不彙緝 示 彰著。 姦 天下後世大戒。」遂命序辰及徐鐸編類。 惡,明其罪罰,以告中外。 紹 訴理事。以奉使遼國無狀,黜 而藏之,歲久必致淪棄。 然蹤跡深秘,包藏禍心,相去八年之間,蓋已不可究質。 聖中,遷左司員外郎,進起居郎、中書舍人、同修國史。 惟變亂典刑,改廢法度,訕讟宗廟,睥睨兩宮,觀事考言, 願悉討姦臣所言所行,選官編類,入爲一帙,置之一府,以 知黄州。 由是縉紳之禍,無一得脫者。 閱四月,除龍圖閣待制、知 疏言:「朝廷前日正司馬光等 其章疏案牘, 湯州 遷禮部尙書,與安 散 在有 司 實狀

時以天 遂卒。 娛者, 里。 徽宗 察京爲相,復拜刑部、禮部侍郎,爲翰林學士, 黜 寧節 序辰亦有文,善傳會,深文刻覈,似其父云 知汝州 立,中書言序辰類元祐章牘, 同其 父忌日, 輒於前 二年,徙蘇州 坐縱部民盜鑄錢, 謫 日設 宴, 傅致語言, 指爲謗訕。 及節日 進承旨。 不張樂, 單州 團練副使、江州 移永州。 有言其在先帝遏密中以音樂自 韶與惇並除名勒停, 會赦,復官中奉大夫, 安置。 叉 / 坐守蘇 放歸田

徐鐸字振文, 興化莆田人。 熙寧進士第一,簽書鎭東軍判官。 紹聖末,以給事中直學

悉不遺 士院。 蹇序辰建議編類元祐諸臣章牘事狀,詔鐸同主之。凡一時施行文書,攈拾附著,纖 遷禮部侍郎。 譯雖云封駁,而是時凡給事中不肯書讀者,輒命代行之。 貢院獲舉

人挾書,開封尹蔣之奇將以徒定罪,鐸爭不可,之奇爲從輕比。旣上省,章惇怒,罰府吏,舉 人竟坐刑,鐸不復敢有言,衆傳以爲笑。後議除御史中丞,或摭此事以爲無所執持,乃止。

尙書。 與本朝之僖祖,皆嘗祧而復。今宜存宣祖於當祧,復翼祖於已祧,禮無不稱。」從之。 存歿名臣,橫罹竄斥,序辰旣放歸田里,鐸之罪不在其下。 徽宗立, 方議 廟制,鐸請增爲九室。 以龍 圖 閣待制知青州。 議者疑已祧之主不可復袝,鐸言:「唐之獻祖、中宗、代宗 御史中丞豐稷論鐸編類事狀,率視章惇好惡爲輕重, 韶落職知湖州。 崇寧中,拜禮部 進吏

部尚書、卒。

酤、治平時,三辭羔鴈之聘,若能隱居以求其志者。及王安石用事,一召卽至,容容歷年,曾 惡相濟,而 論曰:士學不爲己,而俯仰隨時,如挈皋居井上,求其立朝不撓,不可得已。 原展與鐸編類事狀,流毒元祐名臣,忠義之士,爲之一空,馴致靖康之禍,可勝 而竊顯位。至定之黨附,竄之凶德,宜爲世所指名。 **縮及周輔二家,**父子並同 常秩在嘉

王廣淵字才叔,大名成安人。慶曆中,上曾祖明家集,詔官其後,廣淵推與弟廣廉,而

以進士爲大理法直官、編排中書文字。 裁定祖宗御書千卷,仁宗嘉之,以知舒州,留不行。

龍圖閣。帝有疾,中外憂疑,不能寢食,帝自爲詔諭之曰:「朕疾少間矣。」廣淵宣言於衆。 應物,人君之體,無出於是。卿爲朕書之於欽明殿屏,以備觀省,非特開元無逸圖也。」加直 聽,用爲羣牧、三司戶部判官,從容謂曰:「朕於洪範得高明沉潛之義,剛內以自強,柔外以 當仁宗之世,私自託於陛下,豈忠臣哉?今當治其罪,而更賞之,何以厲人臣之節?」帝不 太子飲,故景帝待之厚。周張美私以公錢給世宗,故世宗薄之。廣淵交結奔競,世無與比, 英宗居藩邸,廣淵因見昵,獻所爲文,及卽位,除直集賢院。諫官司馬光言:「漢衞綰不從

序、王安石持不可,乃止。 廣淵以方春農事興而民苦乏, 兼井之家得以乘急要利,乞留本道 召至京師。 錢帛五十萬,貸之貧民,歲可獲息二十五萬,從之。其事與靑苗錢法合,安石始以爲可用, 神宗立,言者劾其漏泄禁中語,出知齊州,改京東轉運使,得於內省傳達章奏。曾公 御史中丞呂公著摭其舊惡,還故官。程願、李常又論其抑配掊克,迎朝廷旨意

壞新法而不問,舉事如此,安得人無向背?」故願與常言不行。 以困百姓。 會河北轉運使劉庠不散青苗錢奏適至,安石曰:「廣淵力主新法而遭劾,劉庠故 徙使河東,擢實文閣待制

知慶州

率二千人斬關出,廣淵遣部將姚兕、林廣追擊,降其衆。 柔遠三都戍卒欲應賊,不果,廣淵

宣撫使興師入夏境,檄慶會兵。方授甲,卒長吳違以衆亂,廣淵亟召五營兵禦之。

陽勞之,使還戍,潛遣兵間道邀襲,盡戮之。猶以盜發所部,削兩秩。 二年,進龍圖閣直學

士、知渭州。

輩,豈不誤朝廷事?已下詔切責,卿等宜貽書申戒之。」卒,年六十,贈右諫議大夫。 初,詔以其被遇先帝之故,弟臨自皇城使擢爲兵部郎中、直昭文館,子得君賜進士出身。 即胥史輩,至於濮宮書吏亦預選,蓋其人與時君卿善。 廣淵小有才而善附會,所辟置類非其人。帝謂執政曰:「廣淵奏辟將佐,非貴游子弟, 一路官吏不少,置而不取,乃用此 元豐

與而 方饑困,何能爲?然春秋許與之義,不可以不謹。 不與,兩失之矣。今橫使之來,或謂其求聖像,聖像果可與哉?」朝廷善其議。治平中, 臨字<u>大觀,亦起進士,簽書雄州</u>判官。 嘉祐初,契丹泛使至,朝論疑所應,臨言:「契丹 彼嘗求馴象,可拒而不拒,嘗求樂章,可

列傳

詔 求武略, 用近 臣薦,自屯田員外郎換崇儀使、知順安軍,改河北沿邊安撫都監。 上備禦數

十策,大略皆自治而已。

召對,還文階,知齊州、滄州、荆南,入爲戶部副使,以寶文閣待制知廣州府、河中,卒。 而 撫之。」詔從其請,自是來者益多,契丹悔失計。 契丹刺兩輸人爲義軍,來歸者數萬。 或請遣還,臨日:「彼歸我而遣之,必爲亂,不如因 進安撫副使,歷知涇鄜州、廣信安肅軍。

王陶字樂道,京兆萬年人。第進士,至太常丞而丁父憂。 陶以登朝在郊祀後,恩不及

親,乞還所遷官,丐追贈。詔特聽之,仍俟服闋,除太子中允。

嚴,不應用外間會降爲比。」於是流諸海島,主者皆論罰。 嘉祐初,爲監祭御史裏行。衞卒入延福宮爲盜,有司引疎決恩降其罪。 中貴人導煉丹者入禁廷, 陶言: 陶日:「禁省之

其不當, 升之去, 陶亦知衞州, 改蔡州。明年, 復以右正言召。陶言: 「臣與四人同補郡, 今 「漢、唐方士,名爲化黃金、益年壽以惑人主者,後皆就戮。 請出之。」陳升之爲樞密副使,論

獨兩人召,請幷還唐介 呂海等。」

英宗知宗正寺,踰年不就職。陶上疏曰:「自至和中聖躬違豫之後,天下顒顒,無所寄

注、皇子位伴讀、准陽類王府翊善、知制誥,進龍圖閣學士、知永興軍,召爲太子詹事。 對,仁宗曰:「今當別與一名目。」旣而韓琦決策,遂立爲皇子。 英宗卽位,加直史館、修起居 發德音,銳爲此舉,中外搖搖之心,一旦定矣。厥後浸潤稽緩,豈免憂疑?流言或云事由嬪 孝、爲姦利附託之人哉?發於至誠,念宗廟社稷無窮大計而已。陛下順民欲而安人心,故親 命,交章抗疏,請早擇宗室親賢,以建儲嗣,危言切語,動天感人。夫爲是議者,豈皆懷不忠 意民心命之,今者聽左右姑息之言而疑之,使遠近姦邪得以窺間伺隙,可不惜哉!」因請 御、宦侍姑息之語,聖意因而惑焉。 婦人近幸,詎識遠圖。 臣恐海內民庶,謂陛下始者順天

司使。 欲自規 常朝班奏劾之。 加 日:「達先帝所用,今無罪黜之,是章先帝用人之失也,不可。」陶旣不得逞,遂以琦不押文德 ·韓琦置逵二府,至用太祖故事,出師劫制人主,琦必有姦言惑亂聖德。 願罷逵爲渭州。」帝 觀文殿學士。 |神宗立,遷樞密直學士,拜御史中丞。|郭逵以簽書樞密宣撫||陝西,詔令還都。 重位,故視琦如仇,力攻之,琦閉門待罪。 呂公著言其反覆不可近,又以侍讀學士知察州,歷河南府、許汝陳三州,以東宮舊臣 隔始受知於時,驟加獎拔。帝初臨御,頗不悅執政之專,**陶料必易置**大臣, 帝終薄其爲人,不復用。一元豐三年,卒,年六十一,贈吏部尚書,諡曰文恪。 帝徙陷爲翰林學士,旋出知陳州, 入權三 陶言:

陶微時苦貧,寓京師教小學。其友姜愚氣豪樂施,一日大雪,念陶奉母寒餒,荷一鍤剗 列 傳 第 ハ十八 王 陁 \pm 子 韶

舊哀己。 附火飲食,又捐數百千爲之娶。 雪,行二十里訪之。 陶對之邈然,但出尊酒而已。 陶母子凍坐,日高無炊烟。 陶旣貴,尹洛, 愚大失望,歸而病死。 愚老而喪明, 愚亟出解所衣錦裘, 自衞州新鄉往謁之,意陶必念 聞者益薄陶之爲人。 質錢買酒肉、薪炭,與

常平。 時事 入條 期,改庫部。 知上元縣,遷湖南轉運判官。 ,自京師逮對,而以振獄付張載,無擇遂廢。 例司,擢監察御史裏行,出按明州苗振 王子韶字聖美,太原人。 入對,神宗與論字學,留爲資善堂修定說文官。 御史張商英劾其不葬父母,貶知高 中進士第,以年未冠守選,復游太學,久之乃得調。 獄。 安石惡祖無擇,子韶迎其意,發無擇在 中丞呂公著等論新法, 官制行,爲禮部員外郎,以入省後 郷縣。 由司 一臺盡 農丞提舉 罷。 王安石引 子韶出 兩浙 杭州

薄,豈宜汚禮樂之地! **僥倖也。」乃出知滄州。** 子韶爲『衙內鑽』,指其交結要人子弟,如刀鑽之利。 元祐中,歷吏部郎中、衞尉少卿,遷太常諫官。 . 」改衞尉卿。安世復言:「七寺正卿班少常上,因彈擊而獲超遷, 入爲祕書少監,迎伴遼使,御下苛刻, 劉安世言:「熙寧初,士大夫有『十鑽』之 又陷祖無擇於深文,搢紳所共鄙 軍吏因被酒刃傷子韶及其 是啓

縪

知明州 又出知濟州,建言乞追復先烈以貽後法, 崇寧二年,子相錄元祐中所上疏稿聞于朝,詔贈顯謨閣待制。 復以太常少卿召, 進秘書監,拜集賢殿修撰

得備言路,以激濁揚清爲職,不宜兼治它曹。」神宗善之,爲悉罷御史兼局,而正臣解三班, 爲御史裏行。 加直集賢院,擢侍御史知雜事。 何正臣字君表,臨江新淦人。九歲舉童子,賜出身,復中進士第。 遂與李定、舒<u></u>
舒<u></u>

齊

高

蘇

献

,得

五

品

服

,領

三

班

院

。 會正御史專六察,正臣言:「幸 元豐中,用蔡確薦,

書省建爲吏部侍郎。 郎、知宣州,卒。 「法未善,有司所當請,豈得歸罪於法?」乃出知潭州。 韓存寶討瀘夷無功,命治其獄,被以逗撓罪誅之。 正臣條上其害,謂無益於民,亦不足以佐國用,遂寢之,民以爲便。 踰年,嫚於奉職,銓擬多牴牾。 還,除寶文閣待制、知審官東院,尙 事聞,以制法未善爲解。 時韶州縣聽民以家貲易鹽,吏或推 後歷刑部侍 王安禮日:

忤者, 讞之。 讎 坐視?」由是多所平反。 校。 陳 英宗臨政 釋字和叔 或言刑曹唯 ()開封 淵嘿,繹戲 帝稱其文學,以爲實錄檢討官 ·知正是否,不當有所輕重。 中進士第,爲館閣校勘、集賢校理,刊定前漢書,居母 五筬,日主斷、明微、廣度、省變、稽古。同判 |釋日:「持法者貴審允,心知失刑,惡得 、刑部、獄 訟有情法 喪,詔卽家 相

鄧州 之,還翰林,仍領府。 釋遣吏示以成牘。言者論其徇宰屬、縱有罪,出知滁州。 臣曰:「繹論事不避權貴。」命權開封府。 澤不能 神宗立,爲陝西轉運副使,入直舍人院、修起居注、知制誥,拜翰林學士,以侍講學士知 肅閨門, 子與婦一夕俱殞於卒伍之手,傲然無慚色。召知通進、銀臺司,帝語輔 治司農吏盜庫錢獄未竟,中書檢正限諤判寺事,懼失察,以帖詰稽留, 時獄有小疑,輒從中覆;至繹,特聽便宜處決。 郊祀恩,復知制誥,言者再論之,得

秘書監、集賢院學士。

是以事 元豐初, ,佛麗重典矣。」時釋已加龍圖閣待制、知江寧府,乃貶建昌軍,奪其職。 知廣州。 庫有檀香佛像,繹以木易之。 事 覺, 有司當爲官物有 剩利。 後復太中大 帝日:

夫以卒,年六十八。

|繹爲政務摧豪黨,而行與貌違,暮年繆爲敦朴之狀,好事者目爲「熱熟顏回」。

〇六一五

何正臣之論蘇軾,皆小人之盜名。 望風旨,攻琦如仇讎,欲自取重位。其忘姜愚布衣之義,又不足責矣。 者,雖列侍從,烏足道哉!王陶始爲韓琦所知,在御史時,頗能譏切時政。 論曰:王廣淵在仁宗時,因近昵獻文於英宗潛邸,固已有竊取功名之心,蓋爲臣之不忠 陳繹希合用事,固無足道,然於獄事多所平反,惜乎閨門 王子韶之陷祖無擇, 及爲中丞,則承

校勘記

不肅,廉恥並喪,雖明曉吏事,亦何取焉。

罷知和州 「和州」 |原作「利州」,據東都事略卷九八本傳、宋會要職官六六之三二改。

宋史卷三百三十

列傳第八十九

許遵 任 顓 盧士宗 李参 郭申錫 錢象先 傅 求 韓璹 張景憲 杜純 弟紘 竇卞 杜常 張 瓌 謝 麟 孫瑜

王宗望 王吉甫

鐵判官。 任顓字誠之,青州壽光人。 陝西鑄康定大銅錢,顓曰:「壞五爲一,以一當十,恐犯者衆。」卒如其言 舉進士,得同學究出身。 至衞尉丞,上其文,乃賜第,擢鹽

京師。 嘗屈其使者,復使押作。 遣使來欲自買賣,且通靑鹽,增歲賜。 夏人納款,造使要請十一事,甚者欲去臣稱男。 元昊爲下所殺,遣楊守素來告哀。 阿問

守素其主所以死,不能對,

訖去,不敢肆。 詔許置権場,其議多顓所發。 守素,乃始爲元昊謀不稱臣、納賜節者也,仁宗記 **顓押件,一切曉以養,辭折而** 出爲京西轉運使,奏計 改知鳳翔府。 去。 帝語 又 再

列

傳

第八十

九

任

顲

李

忿

攻取之要,爲治戎精要三篇上之。

輔臣,顓宜備朝廷委任,留判三司憑由司。 爲諒祚册禮使,采摭西夏風物、山川、道里、出入

胥吏自隨,人安其政。 入爲鹽鐵副使,擢天章閣待制。 用,而先有求,不敢。」顓爲使者,每行部,必擇僚佐之賢者一人與俱,凡事必與議,未嘗以 進直史館,遷河東轉運使。帝嘗以禁帑金帛賜河北,亦欲與河東。 顓辭曰:「受委制財

仕。 所上, 志。」執按之,具服爲賊內應。 兩,進龍圖閣直學士、知渭州。 積官戶部侍郎,卒,年七十八。 **農賊犯嶺外,以知潭州。** 朝廷疑斥候不密, 顓力言無他虞,帝使覘之,信。 蒐其家,得所記潭事甚悉,梟首 宣撫司以宣毅卒有功,檄補軍校,顓察其色動,曰:「必有異 坐在潭日賤市死 商珠,降爲待制。 乃還學士,徙徐州,以太子賓客致 以徇。 時四路 詔書褒激,賜白 以邊警開 滑 . 金 五 獨

無

百

李參字清臣 ,鄆州須城人。 以蔭知鹽山縣。 歲饑, 諭富室出粟, 平其直予民, 不能糴

者,給以糟粕,所活數萬

通判定州,都部署夏守恩貪濫不法, 轉運使使參按之,得其事,守恩謫死。 知荆門軍,

荆門歲以夏伐竹,丼稅簿輸荆南造舟,積日久多蠹惡不可用,牙校破產不償責。 參請冬伐

竹,度其費以給,餘募商人與爲市,遂除其害。

麥粟之贏,先貸以錢,俟穀熟還之官,號「青苗錢」。 歷 一知興元府,淮南、京西、陝西轉運使。 部多戍兵,苦食少。參審訂其闕,令民自隱度 經數年, 廩有羨粮。 熙寧青苗法, 蓋萌

於此矣。

計。 又與眞定呂溱相惡,二人皆得罪,參移使河東,知荆南。 召爲鹽鐵副使,以右諫議大夫爲河北都轉運使。 朝廷患邊費益廣,參建議輦錢邊郡,以平估糴,權罷入中法。比其去,省権貨錢千萬 與安撫使郭申錫相視決河,議不協;

|嘉祐七年,召爲三司使,參知政事孫抃曰:「參爲主計,外臺將承風刻剝天下,天下之民

困矣。」乃改羣牧使。 詔王安石、王陶置局經度國計,參言:「官各有職,臣若不任事,當從廢

黜。不然,乞罷此局。」從之。

秦州 御史臺,起知曹、濮二州。 英宗遣使問故,對曰:「將在邊,期於無事而已, 治平初, 蕃酋藥家族作亂,討平之,得良田五百頃,以募弓箭手。 加集賢院學士、知瀛州,賜黃金百兩,帥臣有賜自參始。 神宗久知其才,書姓名於殿柱。 不敢妄以寇貽主憂。」以疾解邊任,判西京 以知永興軍,不行,卒,年七十 居鎭閱歲,未嘗以邊事 再遷樞密直學士、知

列傳

第八

十九九

李

容

郭申錫

四。

參無學術,然剛果嚴深,喜發擿姦伏,不假貸,事至卽決,雖簿書纖悉不遺,時稱能吏。

得?」卽爲御史臺推直官。 出 遷知州事,未閱月,悉擒凶黨,斬以徇。 申錫祭其色懼而哭不哀,曰:「吾得賊矣,非汝乎?」執而訊之,果然。 [戌, 有欲脅衆爲亂者, 申錫戮一人, 黥二人, 乃定。 郭 申錫字延之,魏人。 自言唐代公元振之後。 數上疏論事,大臣不便。 第進士,爲晉陵尉。 鞫獄慶州。 奏至,仁宗曰:「小官臨事 京東盜執濮州通判井淵, 、久之, 民訴弟爲人所殺, 知博州 如此,豈易 州兵

引胡恢 世 . 士大夫,方未達時,好指陳時事,及被進用則不然,是資言以進耳,卿勿爲也。」 召爲侍御史,遂知雜事。 有醜行, 高若訥引范祥啓邊釁,申錫皆奏劾之。屢詆權倖無所避,帝謂之曰:「近 張貴妃追册、起園陵,張堯佐爲使相,陳執中嬖妾殺婢, 余靖

州 諜稱契丹遣泛使,命體量安撫河北,還爲鹽鐵副使。 帝明榜朝堂,稱其欺誣,以儆在位。 旋加直史館、知江寧府,再副鹽鐵,進天章閣待制 相視決河,坐訟李參失實,黜知濠

知鄧州河中。

「二虜賴歲幣甚厚,渝平豈其所利,必有以致之。 种諤取綏州, 申錫曰:「邊患將自此始。」及該祚死,請捐前故,聽其子襲爵, 但得重將守邊,不要功生事,則善矣。」著 且言曰:

邊鄙守禦策。 以給事中致仕,卒,年七十七。

傅求字命之,考城人。 進士甲科,通判泗州。淮水溢,毁城。 朝廷遣中使護築,絕准取

土,道遠,度用兵六十萬。 |求相||大提旁有高埠,夷之得土,載以回舟,省工費殆 半。

刑獄,爲

恐而叛。 梓州路轉運使。夷獠寇合江,鈴轄司會兵掩擊,水馳往按所以狀,乃縣吏冒取播州田,獠故 徙大名府,府守呂夷簡委以事。 即黥吏置嶺南,夷人聞之,散去。 夷簡入相,薦其才,擢知宿州,提點江西、益州 益州文彥博上其狀,進秩,徙陝西

令輸本州,而轉錢以供邊糴,民受其惠,而兵食亦足。 召爲戶部副使。 民出不意,蕩產失業,多自經死,然盜鑄遂止。自康定用兵,移稅輸邊,民力大困。 關中行當十鐵錢,盜鑄不可計, 水請變法。 時州縣已散二百八十萬緡,亟下令更爲當

率叛。 隴 夏人欲得渭 右蕃酋蘭氊獻古渭州地, 地久,移文來索。 秦州范祥納之,請繕城屯兵,又括熟戶田,諸羌靳之,相 後帥張昪(1)以祥貪利生事,請棄之。 韶求往視,求

列

僔 第

+

九

餺 求

張 景

鰵

- 0六二二

以爲城已訖役, 不 應 索, 正其封 且已得而棄, 非所以強國威。 疆而還, 兵遂解。 進天章閣待制、陝西都轉運 乃詔諭羌衆, 反其田, 使, 加 龍 報夏人以渭非其有, 圖閣直學士、知慶

環之定邊砦蕃官蘇恩,以小過疑懼而遁,將佐議致討。 **涇原旣出師境上,求謂恩非素**

但遣裨將從十數卒扣其帳,開以

禍福

,

恩感泣、還砦如初。

州

攜

二者,乘以兵,必起邊患。

判太常寺,權發遣開封府,遷 樞密直學士、知定州,復以龍圖閣學士權開 封

決,反坐告者,又斷獄數差失。 |求本有更能幹局,至是,春秋浸高,且病聵。 御史言其不勝任,出知兗州。 三司大將錢吉密殺妹,爲鄰所告, 卒,年七十一 求不能

人,景憲首案治,流之嶺外,貪吏望風引去。徙京西、東轉運使。 張景憲字正國,河南人。以父師德任淮南轉運副使。 山陽令鄭昉贓累互萬,親戚多要 王逵居鄮,專持吏短長,求

請賄謝如所欲,景憲上其惡,編置宿州。 熙寧初,爲戶部副使。

未幾,撫寧陷。 韓絳築撫寧、囉 至延安,又言:「囉兀邈然孤城,鑿井無水,將何以守。 兀兩城,帝命景憲往視。 始受韶,卽言城不可守,固不待到而後 臣在道,所見師勞民 知也。

卞

列

一〇六二三

官爵,恐點完多詐,緩急或爲內應,宜亟止之。」陝西轉運司議,欲限半歲令民悉納錢於官, 困之狀非一, 願罷徒勞之役, 而易以交子。 景憲言:「此法可行於蜀耳,若施之陝西,民將無以爲命。」其後卒不行。 廢無用之城,嚴飭邊將爲守計。 令邊郡召生羌,與之金帛、

逋欠。今方小稔,而官督使倂償,道路流言,其禍乃甚於凶歲。 州縣貧富亦異,正宜有無相通,分之不便。」議遂寢。 加集賢殿修撰,爲河東都轉運使。 議者欲分河東爲兩路,景憲言:「本道地肥磽相雜, 改知瀛州,上言:「比歲多不登,民積 願以寬假。」帝從之,仍下

巢穴險阻,若動兵遠征,萬一餽餉不繼,則我師坐困矣。」帝曰:「卿言是也,然朝廷有不得已 者。」明年,徙同州,以太中大夫卒,年七十七。 元豐初年,知河陽。 時方討西南蠻,景憲入辭,因言:「小醜跳梁,殆邊吏擾之耳。 且其

寬。 可。 母卒,一夕鬚髮盡白,世以此稱之。 方新法之行,不劾一人。居官不畏強禦,非公事不及執政之門。自負所守,於人少許 景憲在仁宗朝爲部使者,時吏治尙寬,獨多舉刺;及熙寧以來,吏治峻急,景憲反濟以

果,遂挾大校叛。 郡守林濰以汝與其鄉近,因使輦薪芻、鐵石致其家。 |竇下字彥法,曹州|冤句人。 進士第二,通判汝州。 韶濰致仕,悉配徙亂者。 **| 下啓關招諭之,日:「汝曹特醉酒狂呼爾,毋恐。」衆小定,乃密推首惡羈** 秦悼王葬汝,宗室來祔者衆,役兵五 衆怨憤,謀殺灘,會日暮門閉,不

之,請於朝。

詔許之。 粟食之。 意。」英宗曰:「然。 以中禁爲言。 出 加集賢校理、知太常院,知絳州,開封府推官。方禁銷金爲衣,皇城卒捕得之,屬|卞治, 知 深州 外間訛言水大至,下令敢言者斬。 吏白擅發且獲罪, 奏日:「眞宗行此制, 熙寧初,河決滹沱,水及郡城,地大震。 文王『刑于寡妻,至于兄弟,以御于家邦』,正謂是也。」從其請。 **|**十日:「俟請 自掖 而得報, ,廷始, 今不正以法, 日,復報大水且至, 民死矣。 流民自恩、冀來,踵相接,十發常平 吾寧以一身活數萬人。」尋以請, 無以示天下, 吏請閉門,十不可,旣 且非祖宗立法

待制,判昭文館、將作監 興役聚工,不可拘以常法。」命斬之以聞,有詔嘉獎。 而果妄。 時發六州卒築武彊,陳卒惰,主者笞之,不服。 還爲戶部判官、同修起居注,進天章閣 **卞曰:「廂兵犯將校,法不至重,然**

楊繪,繪薦爲之。永年置酒于家,延繪、十至,出其妻侑飮,且時致薄餉。 始,下官汝時,與殿直王永年者相接頗厚,及在京師, 永年求監金曜門庫, 永年以事繫獄死, **卞為禱提舉**

奪,乃賜諡曰思。 知太常禮院。 張瓌字唐公,洎之孫也。舉進士,以婦父王欽若嫌,召試學士院,賜第,除秘閣校理、同 諡錢惟演日文墨, 其子撾登聞鼓上訴, 仁宗使問狀, 壞條奏甚切, 朝廷不能 温成廟祠享如神御,請殺其禮。

課,文彥博爲言,特遷之。徙兩浙轉運使,加直史館、知潁州揚州,卽拜淮南轉運使。 獲,持臿譟于門,請易校。 判吏部南曹,爲開封府推官、知洪州。 壞召問諭遣,明日,推治點十人,不爲易校。 營校督役苛急,其徒三百人將以夜殺之,求不 積閥當遷,十年不會

訴壞挾私怨,且醜詆其人。執政以褒贈乃恩典,壞不當爲貶詞,出知黃州,然瑾亦竟不敢請 居注、知制誥。草故相劉沆贈官制,頗言其附會取顯位。|沈子|瑾帥子弟婦女衰絰詣闕,哭 三司下諸道責羨財,淮南獨上金九錢,三司使怒,移文譙切,壤以賦數民貧對。 入修起

日 調 其子不應法,復出濠州。 英宗時,論第在先朝乞蚤定儲副者,進左諫議大夫、翰林侍讀學士。 歷應天府、河南、河陽,請爲太平州。 劉瑾又訟其判銓

還判流內銓。

列傳第八

+

九

張瓊

孫瑜

至屢黜,終不悔。卒,年七十。

一〇六二六

| 瓌平生薦士,後雖不如所舉,未嘗以令自首,故再坐削階。 當官遇事輒言, 觸忤勢要,

孫瑜字叔禮, 博严人。以父任爲將作監主簿, 賈昌朝薦爲崇文檢討、同知禮院、開封

府判官。

面賜金紫。 理、兩浙轉運使。 使契丹,適西討捷書至,館件要入賀,啖以厚餉。 入辭,仁宗訪其家世,謂曰:「卿孫奭子邪?」奭,大儒也,久以道輔朕。」因 **瑜辭以奉使有指,不肯賀。** 加祕閣校

以其祠事變度。大水緣城隙入,瑜使囊沙數千扞其衝,城得弗壞。 非便,下遷知曹州。 先是,郡縣倉庾以斗斛大小爲姦,職奏均其制,黜吏之亡狀者,民大喜。有言其變新器 尋有言<u>瑜</u>所作量法均一誠便者,乃還其元資。 徙知蔡州,毁吳元濟像, 更相、兗、維、單四州,累

兄之孤上之。瑜天資整敏,齊家以嚴稱。善與人交,一受知終身不易。所薦士有過,或敎使 始,陝之亡,朝廷錄其子孫,時職之子爲諸孫長,職曰:「吾忍因父喪而官吾子乎?」以 官工部侍郎,卒,年七十九。

其行尤昭昭者歟。 瑜是已。 顓能折夏人,屈元昊使者,。參擊貪除害,乃心邊事, 申錫除凶黨,詆權倖, 求黥點 也。 吏,禁盜鑄; | 下以身活人;壞不貢羨財;| 景憲因母死而髮白;| 孫瑜不忍以父喪而得官:此 當時仕於朝廷,出守方岳,持節一道,專對四方者,各有其人,其政蹟且多可紀,自顓至 論曰:宋至神宗,承平百餘年,風行政成,士皆守官稱職,雖上之化,亦下之氣習使然

徙,遵募民出米振濟,竟以無患。 益興水利,溉田甚博,邑人便利,立石紀之。 許遵字仲塗,泗州人。第進士,又中明法,擢大理寺詳斷官、知長興縣。 水災,民多流

理,遵欲立奇以自鬻。 爲審刑院詳議官,知宿州、登州。 會婦人阿云獄起。 遵累典刑獄,強敏明恕。 及爲登州,執政許以判大

初,云許嫁未行,嫌壻陋,何其寢田舍,懷刀斫之,十餘創,不能殺,斷其一指。吏求盜弗 列 傳 第 八 + 九 許 遵 盧 士 宗 一〇六二七

免所 後,而非盜之情,天下益 問 於朝。 詔 戾 刑 得 法 部 司 疑 或兩 意 馬 因 有 云 以遵爲 光、 1之罪。 , 所 司 自是 人同爲 當 王 爲 妄, 廷論 一安石 爲謀殺已傷, 今棄 執 盜 韶以 而 議。 紛然。 劫, 敕 詰之、欲加訊 不 膻 吏先問左,則 光以 ·用, 厭 論 安石 其 遵 但引 爲 |駁言: 說 未幾, 旣 不 说掠,乃· 斷 執 可 政, 例 云 , 按 果判 安石 問 被 吐 悉罪異己者, 在左; 切按 實。 大 問 主 理 卽 遵, 而 承 遵按云納采之日,母 先問 恥 御 殺之,塞其自守之路 ,應爲按問。 用議 史 一中丞 右,則按 遂從 法坐 滕 遵議 (市、侍: 劾,復言:「 審 問 刑 在 次大 雖 右 御 服 累 5,始非 理當 史錢顗 未 問 獄之生死, 刑部定議 除 不承 ,應以 絞 罪 臼皆言 刑 疑 者, 惟 非 几 非直 是。」 在問 亦 輕之義。」 人論 得 澊 云云 事. 爲 所 合 按 讞 爭 F

熙 寧間, 出 知壽州,再判大理寺,請知潤州 ,又請提舉崇福宮。 尋致仕,累官中散大夫。

卒,年八十一。

侍 召 .讲 經筵官及僕射賈昌朝聽之。 楊安國 盧 宗字公彦, 以 經 術 薦 維州 之,仁宗 昌樂人。 御延 授天章閣侍講,賜三品服, 和 舉五經, 殿,詔 講官悉升 歷審刑院詳議、編敕删定官, 殿聽 其 加 直 講 龍 {易 圖 閣 明 日 天章閣待制、 , 復 提 命 點 講 江 泰卦, 西 刑 判流 又

內銓。

李參、郭申錫有決河訟,詔士宗劾之。 士宗言兩人皆爲時用,有罪當驗問,不宜逮鞫。

於是但黜申錫爲州。進龍圖閣直學士、知審刑院、通進銀臺司。

遷,於典禮爲合,不當添展一室。」詔抃等再議,卒從八室之說。議者咎之。 廟又遷宣宗(四),皆前世成法,惟明皇九廟祀八世,於事爲不經。今大行祔廟,僖祖親盡當 井三昭三穆爲七世矣。

唐高祖初祀四世,太宗增祀六世,太宗祔廟則遷弘農府君,高宗祔 邑,晉武、惠祔廟,遷征西、豫章府君(三)。大抵過六世則遷其主,蓋太祖已正東向之位,則 毁,示有終也。 興禮官考議,孫抃等欲如之。 士宗以爲:「在禮,太祖之廟,萬世不毀;其餘昭穆, 之主,屬雖尊於太祖,親盡則遷。故漢元帝之世,瘞太上廟主於國,魏明帝遷處士主於園 |仁宗神主祔廟,禮院請以|太祖、|太宗爲一世,而增一室以備天子事七世之禮。 ' 自)漢以來,天子受命之初,太祖尙在三昭、三穆之次,祀四世或六世,其以上 親盡卽 韶兩制

人安民之要,勸帝守祖宗法。 出知青州,入辭,英宗曰:「學士忠純之操,殷所素知,豈當久處外。」命再對,及見,論知 御史言其罕通吏事,且衰病,改沂州

熙寧初、以禮部侍郎致仕,卒,年七十一。上宗以儒者長刑名之學,而主於仁恕,故在

刑部審刑,前後十數年。

列傳

第八

十九

虚

士宗

錢象先

韓璹

官、 河北江東轉運使,召兼天章閣侍講。 錢象先字資元,蘇州人。 進待制、知審刑院,加龍圖閣直學士,出知蔡州 進士高第,呂夷簡薦爲國子監直講, 詳定一路敕成,當進勳爵, 仁宗以象先母老,欲慰 歷權大理少卿、度支判

遇甚渥。 於是同列罷進者狹日。徙知河南府、陳州,復兼侍講、知審刑院。 之,獨賜紫章服。 象先長於經術,侍邇英十餘年,有所顧問,必依經以對,反復諷諭,遂及當世之務,帝禮 故事,講讀官分日迭進,象先已得察,帝猶諭之曰:「大夫行有日矣,宜講徹一編。」

因削去許捕百餘事。 文入令者甚衆。 象先旁通法家說,故屢爲刑官,條令多所裁定。 又議告捕法,以爲罪有可去,有可捕,苟皆許捕,則姦人將倚法以害善良, 其持心平恕類此。 復知許、願、陳三州,以吏部侍郎致仕。卒,年八 嘗以爲犯敕者重,犯令者輕, 請移敕

以開封府判官迎契丹使。 具徭役利害上之,詔司馬光、陳洙詳定條式,遂革大姓漁丼之弊。 爲開封司錄。 嘉祐寬恤諸道,分遣使者。璹曰:「京師諸夏本,顧獨不蒙惠乎?」乃 使問:「南朝不聞打圍,何也?」[壽日:「我后仁及昆蟲,非時不爲 提點利州路、河北刑獄,

言:「璹所言皆久爲公私病,監司背公養譽,莫之或恤,而獨能體上意,宜加賞。」乃下褒詔, 百二十有八,衙前以人計者二百八十有三,省役人五百。又請裁定諸州衙簿,於是王安石 且賜帛二百。 神宗念其勞,復故官太中大夫,判將作監,轉正議大夫致仕。卒,年七十七。 熙寧初,爲梓州路轉運使。 入爲鹽鐵副使,以右諫議大夫知澶州。 朝廷命諸道議更役法,壔首建倂綱減役之制,綱以數計者 坐失舉,降太常少卿。 河決,晝夜扞

璹 吏事絕人,閱按牘,終身不忘,澶州民懷思之。 他日,郡守或欲有所爲,民必曰:「此

〕經韓太中矣。」以故輒止。

杜 純 字孝錫, 濮州 鄄城人(至)。 少有成人之操,伯父沒官南海上,其孤弱, 柩不能還。

純白父請往,如期而喪至。

列

惟 知州關詠 以 \ 蔭 爲 泉州 與純無私買,人亦莫知。後事敗,獄治多相牽繫,獨兩人無與。 司法參軍。 泉有蕃舶之饒,雜貨山積。 時官於州者私 與爲市,價 詠獨以不察冤, 十不 償

H.

一檄參對。

純憤懣,陳書使者爲訟寃,詠得不

샾

官。 畏,而况於別乎?人知不死,犯者益衆,是爲名輕而實重也。」事遂寢。 熙寧初,以河西令上書言政,王安石異之,引寘條例司,數與論事,薦于朝,充審刑詳議 或議復肉刑,先以刖代死刑之輕者,純言:「今盜抵死,歲不減五十,以死懼民,民常不

計,而 相, 故。 觖望,或民相怨仇,或意冒告賞,但泛云某有罪,某知狀, 以檢詳三司會計。 若許 秦帥 有覘事者以擿抉隱微,蓋京師聚萬姓,易以宿奸,於計當然,非擾人也。 :|郭逵與其屬|王韶成訟,純受詔推鞫,得韶罪。|安石主韶,變其獄,免|純官。 有司 先計 其實,而坐爲欺者以誣告,當無不竟矣。」 安石 再來,乃請監池州酒。久之,爲大理正。 官不識所逮之囚,囚不省見逮之 `上言:「朝廷非不惡告 比 來 八或徒隸 韓絳爲

避 罪,恐自 水患, 隰州 是民無復敢貨礬, 以車載貨入京, 征商者以爲匿稅, 商 尹奇貿温泉礬有羨數,云官潤之, 則數百萬之儲, 皆爲 寺議黥坦,純復爭之,卿楊汲奏爲立異, 寺欲械訊河東。 土石。 請姑沒其羨而 純日:「倚情止爾, 釋其 人。」曹州民王坦 若 7.傅致其 又廢

之官,則寧過計而 論 水外丞,計其決溢 議 詳盡,予之書曰:「足下 元 祐 元年,范純仁、韓維、王存、孫永交薦之,除河北轉運 無不及,不如使之歸一。」後如其言。 一之變,前日 -在彼, 不加多,今日不加 朝廷無 河 北 憂。」純 少。 然出財之司,則常憂費而緩不急; 因 [建言:「河防舊隸轉運,今 判官。 初 更役書, 司 馬 乃領 光 用 稱 屬 財 都 其

徙徐州,陝西轉 改修撰。 召 I 爲 刑 卒,年六十四。 部員外 運 使。 郎、大理少卿,擢侍御 還,拜鴻臚、光祿卿,權兵部侍郎。 弟紘。 史。 言者詆其不由科第, 謝病,以集賢院學士提舉崇福宮, 改右司郎中, 尋知相州

徙者。 以職事對,帝翌日語宰相,嘉其論奏明白,未果用 留,能使汝無飢。」皆喜聽命。 紘 字 明年稔,償不愆素。 君章,起進士,爲永年令。 神宗聞其材,用爲大理詳斷官云、檢詳樞密刑房,修武經要略。 乃官給印券,使稱貸於大家,約歲豐爲督償,於是咸得食,無 歲荒,民將他往,召諭父老曰:「令不能使汝必無行,若

法。 同凡人。 紘 紘 日:「禮,婦三月而 每議獄,必傅經誼。民間有女幼許嫁,未行 養婦 雖 非禮律、然未成婦則一也。」議乃定。 廟見,未廟見而死,則歸 一葬于家,示未成婦也。 而養於壻氏,壻氏殺以 又論:「天下囚應 死, 律,定昏 吏懦 誣人,吏當如昏 不行法, 而 夫犯,論 輒

列

傳

第

宋

以 讞。 夫殺 人而 以疑讞,是縱民爲殺之道也。 請治妄讞者。」不從。

不敢言。 |紘日:「| 加敬。 設王人坐,蒙以黲,且不跪受詔。 他日, 刑 國主設有請,必具表中,此大事也,朝廷肯以使人口語爲可否乎?」隨語連拄之,乃 部郎中。 夏使至,請歸復侵疆。 元祐初,爲夏國母祭奠使。時夏人方修貢,入其國,禮獨倨,迓者至衣毛 太逆之至館,使欲入見有所陳,太止之,答語頗不遜。 **紘責之曰:「天王弔禮甚厚,今不可以加禮。」夏人畏懼**

撰,爲江准發運使、知鄲州。 遷右司 郎中、大理卿,以直秘閣知齊、鄧二州,復爲大理卿,權刑部侍郎, 獄繫囚三百人, 紘至之旬日, 處決立盡。 又以刑部召,未至,還 加集賢殿修

爲也。」居無何,獲盜,乃奸民爲妖如所揣,遂按誅之。 又益恐。 有揭幟城隅,著妖言其上,期爲變,州民皆震。 或請大索城中,紘笑曰:「奸計正在是,冀因吾膠擾而發,奈何墮其術中? 徙知應天府,卒,年六十二。 俄而草場白晝火, 蓋所揭 事 彼無能 也,民

迎其 馬隨調選,病臥逆旋,紘載與歸,醫視之。隨竟死,爲治喪第中。或以爲嫌,不自恤,其風義 、柩於都門,哀動行路。 悉以奉錢給寡嫂,推其子恩,官其子若孫一人。 宦京師 紘 事兄純禮甚備。 在鄭州聞計,泣曰:「兄教我成立,今亡不得臨,死不瞑矣。」適詣闕 時,里人

杜常字正甫,衞州人,昭憲皇后族孫也。 折節學問,無戚里氣習。 嘗跨驢讀書,驢嗜草

失道,不之覺,觸桑木而墮,額爲之傷。

中進士第,調河陽司法參軍事,富弼禮重之。 積遷河東轉運判官,提點河北刑獄,歷兵

部左司郎中、太常少卿、太僕太府卿、戶工刑吏部侍郎,出知梓州、青鄲徐州、成德軍。 崇寧中,至工部尙書,以龍圖閣學士知河陽軍。 苦旱,及境而雨,大河決,直州西上埽,

勢危甚。 常親護役,徙處埽上,埽潰水溢,及常坐而止。 於是役人盡力,河流遂退,郡賴以

安。卒,年七十九。

仇。 石障之,自是人得安堵,號「謝公隄」。 麟知死者無子,所親利其財,一訊得實。 謝麟字應之,建州甌寧人。 登第,調會昌令。 再調石首令,縣苦江水爲患,隄不可禦,麟疊 民被酒夜與仇鬥,旣歸而所親殺之,因誣

列

傳第

八十

九

杜常

謝

麟

王宗墓

〇六三六

麟 H. 捕 通 且 圳 招,一 辰 州 方以 章惇使湖湘,拓沅州,薦麟爲守,由太常博 寧。 詔使經制宜 州獠,降其種 落四千八 土 改 百 人,納思廣洞民千四 西 上閣 門副 使。 徭 賊 白 犯辰溪, [室,得

鎧甲二萬,褒賜

甚渥

加

果州刺史,

知荆南、涇邪二州。

近郡,賴以全者甚衆。 有 夷警,將吏議 元祐 初,復以朝議 致討, 麟以計平之。 卒于官。 大夫、直祕閣 知潭州,加直 戍兵從北來,不能水土, 麟部土人使極南,而北兵 龍圖閣,歷徙江寧鳳翔府、 | 渭桂| 州。 企屯 融

江

彌 旬不給。 自變疾 王 宗望字磻叟,光州固始人。以蔭累擢夔州路轉運副使。 驅至,先命給賞,然後斬明以徇, 庖卒朱明因衆怒, 白晝入府宅, 且竄視守傷而不救者。 傷守臣, 左右驚散,他兵籍籍謀兆亂。 哲宗卽位,行赦賞軍,萬州 乃自劾,朝廷嘉之。 宗望聞 歷

倉部

郎中、

司農少卿、江淮發運使。

從。 成 之,爲 宗望謂回河有創立金隄七十里,索緡錢百萬, 楚州 沿淮至連州(も), 公私利。 代吳安持為都 風濤 險,舟 水 徒使者。 多溺。 自大河· 議者謂開支氏渠引水入運河,歲久不 韶從之。 有東 、北流之異,紛爭 右正言張商英論其誕謾,而宗 十年,水官無 决, 宗望 所 適

州。 奏已有 卒,年七十七。 成績,遂增秩三等,加直龍 元符中,治其導河東流事 圖 閣 、河北都轉運 ,以爲附會元祐, 使, 擢工 追所得恩典云 部侍郎,以集賢殿修撰知鄲

王 吉甫字邦憲,同州人。 舉明經,練習法律,試斷刑入等,爲大理評事,累遷丞、正、刑

部員外郎、大理少卿。

罪。」卒從笞。 耳。」卒訴之,吏當非所宜言論死。 之者,走馬使上聞,韶鞫之。 一乃用飲食論罪,不以燭也。 來邪?」吉甫從容數陳,不少熠,帝爲霽怒,其人得釋。 舒亶以官燭引至第,執政欲坐以自盜。 太倉火,議誅守者十餘人,亦爭之,皆得不死。 吉甫議當答,宰相章惇不悅。 南郊起幔城,役卒急於畢事,董役者責之曰:「此殆類白露屋 吉甫謂非咒詛不應死,遂求對。 吉甫謂不可,執政怒,移獄他所,吉甫亦就辨。 吉甫曰:「法如是,難 蘇軾 其持論寬平,大抵類 南遷,所過,郡守有延館 神宗怒曰:「得非爲白露 以增 此 加成

20 僚曰:「民 歷提點梓 請 知齊州 力竭 、梓州。 州路京畿刑獄 矣, 一增之後, 梓在 東 開 不可復減, 川爲壯藩, 封 少尹、 知同邢漢三州,以中大夫卒,年七 戶 吾 , 口 [寧貽 最 盛。 使者怒, 轉 運使欲增 忍爲國斂怨、 折配 以 爲民基禍 取羨餘, + 哉。 吉甫 竟却 謂

列

傳

第

八十

九

王吉

甫

校

勘

記

吉甫老於爲吏,廉介不回,但一於用法,士恨其少緣飾云。

弭萬州之變,皆靖至難之事於談笑間。 懷其德。 婦獄,君子謂之失刑。 論曰:宋取士兼習律令, 純以微官能著淸節,紘議獄必傳經誼,風義藹然。 士宗、象先皆執經勸講,其爲刑官,論法平恕,宜哉。 ,故儒者以經術潤飾吏事,舉能其官。 吉甫一於用法,而廉介不回,有足稱云。 常坐護危埽, 遵惠政及民, ||蘇定徭、獠,宗望 **璹**吏事絕 而緩登州 人,民

校勘記

- [1] 張昪 原作「張昇」,參考本書卷三一八校勘記 [1]。
- \exists 錢顗 原作「錢覬」,據本書卷二〇一刑法志、卷三二一本傳改。
- \subseteq 豫章 豫章。」豫章府君指晉宣帝 府君 「豫章」原作「豫州」, 的曾祖豫章太守司馬量,見同書卷一宣帝紀。 按晉書卷一九禮志說:「及武帝崩,則遷征西;及惠帝崩, 據改。 叉遷
- (四) 宣宗 說「高宗崩 當作 「宣皇帝」, 宣皇帝遷于夾室而祔高宗。」卽指此。 指 唐 高 祖的四世祖 李熙, 見舊唐書卷一高祖紀。 唐宣宗李忱是唐後期的統治者, 新唐書卷一三禮樂志 與此事無

記

鄄城 原作「甄城」,晁補之鷄肋集卷六七杜紘墓誌銘說紘爲濮州鄄城人,紘乃純之弟, 則杜純

涉。

也是濮州鄄城人。 本書卷八五地理志濮州有鄄城縣,無「甄城」,據改。

(公)

大理詳斷官

「詳」原作「許」。

按鷄肋集卷六七杜紘墓誌銘作「詳」,本書卷一六五職官志,

大

(七) 連州 理寺有詳斷官,無「評斷官」,據改。 疑當作「連水」。 按宋代無漣州, 而在楚州沿淮一帶有速水縣及漣水軍。 本書卷九六河

河。」王宗望所開的正是此河。

梁志說"元符元年「三月甲寅,

工部言淮南開河所開修楚州支家河,

導連水與淮通,

賜名通連

史卷三百三十

列 傳 第九十

楚建中 祖無擇 張詵 孫 長卿 蘇案 程師孟 張頡 周沈 馬從先 盧革 李中師 張問 子秉 沈遘 陳舜俞 羅 拯 弟遼 樂京 馬仲甫 從弟括 劉蒙附 李大臨 苗時中 王居卿 呂夏卿 韓贄 孫構

州 浮 粮 圖像入見。 料院。 孫 長卿字次公,揚州人。以外祖朱巽任爲祕書省校書郎。 郡倉積米五十萬,陳腐不可食,主吏皆懼法,毋敢輕去,長卿爲酌新舊均渫之, 仁宗方權聽天下事,嘉其年少敏占對,欲留侍東宮,辭以母疾。 天禧中, 巽守雍, 詔遷官知楚 命隨所 取

通 判河 列 傳 南府。 第 九 + 秋,大雨,軍營壞,或言某衆將叛,洛中讙然。 採 長 硘 長卿馳諭之曰:「天雨敗屋

更罪得免。

和州 定。 詔汰三陵奉 能 民訴人殺弟,長卿察所言無理, 汝輩豈有 先卒, 欲叛 汰者羣譟府下, 長 意 得 無有 乘 問其貲, 此動吾軍者邪? 卿 矯 制 曰:「上等也。」家幾人? 使還, 而具言不可 」推首惡一 人誅之,留宿 汰 公之故, 曰:「惟此弟爾。」曰: 朝 廷 其所, 為 此。 衆遂 知

「然則汝殺弟也。」鞫之,服,郡人神明之。

訪得 罷之。 絕。 河, 都 內錢,公私以爲便。 百 自 萬 唐 提 長 改 淮 、點益州路刑獄,歷開封 故 卿 陝 時 或疑其多,長卿曰:「吾非欲事羨贏,以備饑歲爾。」議者謂楚水多風波, 趣高郵,長卿言:「地阻 西都 鑿 道 又將弛茶禁而收其征,召長卿議,長卿曰:「本祖宗権茶,蓋將備二邊之糴,且不出 闢 百 井,皆及 轉運使。 爲 通 塗。 今之所行,不足助邊糴什一,國用耗矣。」乃條所不 泉。 踰 加 年, 泥陽 集賢院學士、 鹽鐵判官、江東淮南河北轉運使、江浙荆淮發運使。歲漕米至 知 有羅 山回繞,役大難就。」事下都水,調工 慶州。 川、馬嶺,上構危棧,下臨 州據險高, 河東都 轉運使, **患無水,蓋嘗疏** 拜龍 圖 不測之淵, 閣 直 引澗谷汲 學七、知定州 一數百萬, 便十五 過者惴恐。 以城中, 卒以不可 事 請開 T,不從。 未幾復 盱眙 成 卿

熙 寧元 年, 河 北 地 大震,城郭倉庾皆隤,長卿盡力繕 補 神宗 知 八其能, 轉兵部侍郎,

再任。明年,卒,年六十六。

長 (卿無文學,而長於政事,爲能臣。 性潔廉,不以一毫取諸人。 定州當得園利八十萬,

監 州稅。 周流字子眞,青州益都人。 通 判鳳翔 ,初置轉運判官。 第進士,知渤海縣。 流使江西,求葬親,改知沂州。 歲滿,縣人請留,旣報可,而以 歷開 封府推官。 親老求

頫 順 州 易鬥力,宜須秋多進兵。 人無。」 卒三千人習知 湖南蠻唐、盤二族寇暴,殺居民,官軍數不利,以沉爲轉運使。 朝廷用其策,二族皆降。 山川技藝者,徑擣其巢,布餘兵絡山足,出 且其地險氣毒,人聽悍,善用鋋盾,北軍不能确。 加直史館、 知潭州。 他道兵來戍者, 則獵取之。 沉言:「蠻驟勝方驕,未 率兩期乃代, 俟其勢窮力屈,乃可 請選邕、宜、融 多死瘴

副 使。 徙 河東 轉運使。 民盜鑄鐵錢, 法不能禁, 沉高估錢價, 鑄者以無利, 自息。 入為度支

半歲則 命,仁也; 農 聽 智 人革 高亂定,仁宗命安撫廣 然遠民 他。 ·罹塗炭,當布宣天子德澤。」遂往,遍 沈日:「 是豈與凶年詭征役者同科?」奏申其期。 西, 諭之曰:「嶺外地惡,非賊所至處, 行 郡 邑。 民避寇棄業, 擢 天章閣待制、陝西都 毋庸 行。」對曰:「君 吏用常法, 满

列

傳

第

九十

周沈

李中

師

轉運使、改河北。

仲昌 汎溢,齊、博、濱、棣之民其魚矣。」旣而從初議,河塞復決,如沉言。 萬工,用薪獨千六百萬,今纔用功一萬,薪獨三百萬。 l 先 爲 李仲昌建六塔河之議,以爲費省而功倍。 小計,以來興役爾。 况所規新渠,視河廣不能五之一,安能容受。此役若成,河必 韶沆行視, 均一河也,而功力不相侔如是,蓋 流言:「近計塞商胡,本度五百八

位, 丹主年,沉乘間雜他語以問,得其實,使者悔之曰:「今復應兄事南朝矣、こ。」 有喪、吾使至柳河即反、今聽於几筵達命、恩禮厚矣、尚何云?」使者立授書。 契丹賀乾元節使至,沆館客,欲取書柩前,使者以非典故, 又徙河東轉運使,遷龍圖閣直學士、知慶州。 召知通進銀臺司、 不可。 判太常寺。 沈折之日:「昔貴 朝廷未 英宗既即 知契 國

進 樞 密直學士、知成德軍。 俗方棄親事佛,沉閱按,斥數千人還其家。 以戶部侍郎致

仕,卒,年六十九。

立賞格,督吏分捕,盡得之。進秩,辭不受,乃擢度支判官,爲淮南轉運使。 李中師字君錫,開封人。舉進士,陳執中薦爲集賢校理、提點開封府界。 兩浙饑,移准菜 境多盜,中師

章閣 多大臣居守,委事掾幕,吏習弛緩,中師一以嚴整齊之,號爲治辦。 振 (贍·僚屬議勿與,中師曰:「朝廷視民,淮、浙等爾。」卒與之。 待制、陝西都轉運使,知澶州、河南府。召權三司使、龍圖閣直學士,復爲河南。 徙河東,入爲度支副使,拜 然用法刻深,煩碎無大 前 此

體, 唯厚結中人。

之。 後竟行其說,民不堪命。 至,弼已老,乃籍其戶,令出免役錢與富民等。又希司農指,多取餘, 朝廷以中師率先推行,召爲羣牧使。 初,神宗嘗對宰相稱其治狀,富弼曰:「陛下何從知之?」帝默然。 權發遣開封府,卒,年六十一。有女嫁陳執中子世儒,坐夫事誅死。 乞廢河南、北監牧,省國費,而養馬於民,不報。 視他處爲 中師銜弼沮己,及再 重,洛人怨

勿征 西二隄除其 海 羅 拯字道濟,祥符人。 運竹木,經一年,民居皆復其舊 想。 選知秀州,爲江西 第進士,歷官知榮州。 轉運判官、提點福建刑獄。 州介兩江間,每江漲,輒犯城郭, 泉州興化軍水壞廬舍,拯請 拯作東

江、准發運副使。 遷 轉 運使。 邵武之光澤不權酒,以課賦民,號「黃麴錢」,拯均之他三邑,人以爲 江、潍故無積倉,漕船繋岸下,俟糴入乃得行,蓋官吏以淮南不受陳粟爲 便。 改

列

第

九十

羅拯

馬仲甫

轉爲

使

逃譴 拯 |始請凡米至而不可上供者,以廩軍 又貯浙西米于潤倉以時運,自是漕增而費

至是, 拯 拯以聞, 使閩 時, 神宗許之,遂遣金悌入貢。 泉商黃謹往高麗,館之禮賓省,其王云自天聖後職員絕, 高麗復通中國自茲始。 加天章閣待制。 欲命使與謹俱來。 居職七

年,徙知永興軍、靑潁秦三州,卒,年六十五

以德報怨,拯曰:「同僚不協,所見異也; 官錢 拯 拯性和柔, 力為 辨 理。 不與人校曲直。 錢公輔為諫官,嘗論 爲發運使時,與副皮公弼不協。 諫官所言,職 拯短,而 公輔 也。 烟黨多在 又何怨乎? 拯 部 公弼徙他道,御 內, 」時論服其長 往 往 一薦進 史劾 之。 其貨 或 譏

鑿平 爲 馬 坦塗,人便其行,爲刻 仲甫字子山,廬江人,太子 石頌 美。 少保愿之子 通 判趙州, 也。 知台州,爲度 舉進 士,知登封縣 支判官 轘轅道險层,遂傭民

遂 內侍楊永德言漕舟准、汴間, 出 爲 變路 轉運使。 歲饑, 盗粟者當論死, 惟 水遞鋪爲便。 仲甫請罪滅一等, 韶仲甫偕往 訂 可否, 韶須奏裁。 還言其害十餘 復言:「饑羸 條, 議

拘囚,

比得報,死矣,請決而後奏。」

仲 前 請移糴以紓其患,兩益於民,從之。 徙使准南。 眞、楊諸州地狹, 出米少,官糴之多,價常踊登,濱江米狼戾,而農無所售。 遂繇戶部判官爲發運使。 自准陰徑泗上,浮長准,

風 波漫 舟,歲罹其患。 仲甫建議鑿洪澤渠六十里,漕者便之。

仲甫得篳栗城故址,自雞川砦築堡,北抵南谷,環數百里爲內地,詔賜名甘谷堡。 拜天章閣待制、知瀛州秦州。 古渭介青唐之南,夏人在其北,中通一徑,小警則路絕。 故時羌人

入城貿易,皆僦邸,仲甫設館處之,陽示禮厚,實閑之也

熙寧初,守廛、許、揚三州,糾察在京刑獄,知通進、銀臺司,復爲揚州,提舉崇禧觀,卒。

買 轉 百貨市塞 王 |居卿字壽明,登州蓬萊人。以進士至知齊州,提舉變路|京東刑獄、鹽鐵判官。 一上者,聽以家貲抵於官,爲給長劵,至賣所,倂翰征稅直,公私便之。 建言商

出

知揚州,改京東轉運使。

青州河貫城中,苦泛溢爲病,居卿即城立飛梁,上設樓櫓,

使。 下 建門,以時閉啓,人誦其智。 朝廷賞其功, 知秦州、太原府、卒、年六十二。 建以爲都水法。 徙河北路。 召拜戶部副使、提舉市易,擢天章閣待制、河北都轉運 居卿俗吏,特以言利至從官。 河決曹村,居卿立軟橫二埽以遏怒流,而不與水

列傳第

以畀學官。 孫 **憐字紹先**, 。久之,知黎州,夷年墨數擾邊,用間殺之。 博平人。 中進士第,爲廣濟軍判官,歲入圭田粟六百石, 蜀帥呂公弼上其事,擢知眞州。 構止受百石,餘 凶歲

得盜,令名指黨伍,悉置諸法,境內爲淸。

爲使, 其地建南平軍。 秀,入討二族,火其居。餘衆保黑崖嶺,黔兵從間道夜譟而進, 光吉墜崖死, **疫自縛降**。 遷度支判官。 倍道之官, 錄功加直昭文館 變州部夷梁承秀、李光吉、王克導生獠入寇,轉運判官張詵請誅之。 至則遺渝州豪杜安行募千人往襲行力,自督官軍及黔中兵擊其後,斬 選構

與有隙 舟毁而溺,得援者僅 拜右 徙 湖北轉運使。 ,檄使攻之,師晏降,得其下溪州地,五溪皆平。 認議 大夫、知桂州,聲言將掎角擣其巢穴,寇聞引去。 一免,神宗憫之,賜帛三百。 北江

彭師晏常持向背,
構知向水
彭儒武 章惇興南、北江蠻事,構諭降懿、治二州,納歸附州十四。 進集賢殿修撰,賜三品服。 以疾提舉崇福宮, 換太中大 初,渡辰溪, 交阯

|構喜功名,勇於建立,西南邊事自此始云。

夭,卒,年六十四

列 傳 簍 ル + 張 詵 蘇 宩 馬 從 先

院,改陝西轉運副使。 以差人錢爲雇人充,皆以爲便。 張詵字樞言,建州浦城人。 召對,帝曰:「股未識卿,每閱章奏,獨卿與察挺有所論請,使人了然。 第進士,通判越州。 知襄邑縣,擢變路轉運判官。 民患苦衙前役,詵科別人戶,籍其當役 錄辟土之功,加直集賢

者,

尋當以帥事相屬。」及入辭,賜服金紫。

犯,得一人,斬諸境上,羣羌感悅。 藍迎戰,破之于
一號迎戰,破之
一號
一
一
一
一 明年,直龍圖閣、知案州。前此將吏貪功,多從羌地獵射,因起邊患。 遷天章閣待制、知熙州。 董氈遣鬼章逼岷州,詵往討,董 詵至, 申令毋得

以歲月圖功。」累官正議大夫,卒,年七十二。 時倉卒治戎,有司計產調夫,戶至累首,民多流亡。 會靈武師罷,乃赴忧,道過京師,帝訪以西事,對曰:「彼勢雖弱,而我師未銳,邊備未飭,願 元豐初,加龍圖閣直學士、知成都府,徙杭州。 詵中塗訴其狀,乞敕劍外招攜之,不報。 將行,復命權經略熙河事,趣使倍道行。

議工。 旣建拓瀘夷地被進用後,雖有善言可紀,終不逭清

民有母改嫁而死,旣葬,輒盜其柩歸祔,法當死。|宋曰:「子取母祔父,豈與發冢取財等?」 蘇来字公佐,磁州滏陽人。擢第,調兗州觀察推官, 受知於守杜衍。 爲大理詳斷官。

請而生之。

道,聞英宗晏駕,契丹置宴仍用樂,宋謂送者曰:「兩朝兄弟國家,君臣之義,吾與君等一也。 送馬,完轉買圖貨,猾駔上下物價,肆爲姦漁。
宋議置折博務,平貨直以易馬,宿弊頓絕。 入判大理寺,爲湖北、淮南、成都路轉運使,擢侍御史知雜事,判刑部。使契丹,還及半 遷審刑院詳議、御史臺推直官,知單州,提點梓州益州路刑獄、利路轉運使。 文州歲市

中,知河南府,無留訟。 進度支副使,以集賢殿修撰知鳳翔。 入知審刑院,卒。 | 宋長於刑名,故屢爲法官,數以讞議受詔獎焉。 還,糾察在京刑獄,又出知潭州、廣州,累轉給事 此而可忍,孰不可忍。」遂爲之徹樂。

馬從先字子野,祥符人。少盡力於學。 父當任子,推以與其弟。 由進士累官太常少卿、

知宿州 尤重於宿,姑爲股往。」旣至,治如曩時。 大水,發廩振流亡,全活數十萬。 宿在准、汴間,素難治, 從先取囊博者、重坐者厚賞以求盜。 代還,知壽州,以老辭,英宗諭遣之曰:「聞卿治行籍甚,壽 由太子賓客轉工部侍郎致仕。 禁屠牛、鑄錢,嚴甚。 從先性整嚴,雖盛

夏不袒跳。

晚學佛,預言其終時,年七十六而卒。

見。 追淸議。 論曰:長卿性務廉潔,以能臣稱, 拯及仲甫俱能為國興利除害。 構始開西南邊, 就遂拓瀘夷被進用, 至於沈決河議,綏遠民,折鄰使,歷有可稱述者,其最優數。 中師用法刻深,以治辨稱, 雖均爲材吏, 雖有他善,而不能 而優劣自

之書爲可用也。」除集賢校理。 士,乃以遘爲第二。通判江寧府,歸,奏本治論。 沈遘字文通,錢塘人。以蔭爲郊社齋郎。 頃之,修起居注,遂知制誥。 舉進士,廷唱第一,大臣謂已官者不得先多 仁宗曰:「近獻文者率以詩賦,豈若此十篇 以父扶坐事免,求知越州,徙

杭州。

立斷。 猾屛息。 曰:「昨夜食蟹美乎?」客笑而謝之。小民有犯法,情稍不善者,不問法輕重,輒刺爲兵,姦 養良家子者,奪歸其父母。 爲 禁捕西湖魚鼈,故人居湖上,蟹夜入其籬間,適有客會宿,相與食之,旦詣府 Ž 提點刑獄鞫眞卿將按其狀,遘爲稍弛,而刺者復爲民。 , 疎雋博達,明於東治,令行禁止。 善遇僚案,皆甘樂傾盡爲之耳目,刺閭巷長短, 民或貧不能葬,給以公錢, 嫁孤 公數百 纖悉 必 知, ,遘迎語 事 倡 來

在 下,服未竟而卒,年四十〔三,世吝惜之。弟遼,從弟括。 拜翰林學士、判流內銓。 杭州 嘉祐 遺詔至,爲次於外,不飲酒食肉者二十七日。召知開封府,遷龍圖閣直學士,治如 蚤作視事,逮午而畢,出與親舊還往,從容燕笑,沛然有餘暇,士大夫交稱其能。 丁母憂,英宗閔其去, **賚黃金百兩,仍命扶喪歸蘇州。** 既葬,廬墓

持節 稅。 似, 張法令,遼與之議論,寖咈意,日益見疎。 迺 組植縱舍, 遼字 吳充使三司, 遼故受知於王安石 ,叡達,幼挺拔不羣,長而好學尙友,傲睨一世。 自 薦監內藏庫。 成 家。 ,安石嘗與詩, 趣 操 熙寧初,分審官建西院,以爲主簿,時方重此 高 爽, 有「風流謝安石,瀟洒陶淵明」之稱 縹縹然有物外意,絕不喜進取。 於是坐與其長不相能,罷去。 讀左氏、班固書,小摹倣之, 用兄任 官, 至是當國,更 監壽州 出 則 輒近 奉 使

列傳第九十 沈遘

計,神宗稱善。

文法,因縣民忿爭相牽告,辭語連及,遂文致其罪。 更赦,始徙池州。 久之, 以太常寺奉禮郎監杭州軍資庫, 轉運使使攝華亭縣。 留連江湖間累年,益偃蹇傲世。 旣至池,得九華、秋浦間,翫其林泉,喜 下獄引服,奪官流永州,遭父憂不得釋。 他使者適有夙憾,思中以

曰:「使我自擇,不過爾耳。」即築室於齊山之上,名曰雲巢,好事者多往游。 遼追悔平生不自貴重,悉謝棄少習,杜門隱几,雖筆硯亦埃塵竟日。 間作爲文章,雄

奇峭麗,尤長於歌詩,曾鞏、蘇軾、黃庭堅皆與唱酬相往來,然竟不復起。一元豐末,卒,年五

十四。

汙澤, 恬新其二坊, 疏水爲百渠九堰, 以播節原委, 得上田七千頃。 括字||存中,以父任爲||沈陽主簿。縣依||沈水,乃職方氏所書「浸曰||沂、||沈」者,故跡漫爲

事之夕,法駕臨觀,御端門、陳仗衞以閱嚴警,游幸登賞,類非齋祠所宜。 籍 工侍役者六七十輩。 而行,藏其副,吏沿以干利。 **擢進士第,編校昭文書籍,爲館閣校勘,删定三司條例。故事,三歲郊丘之制,有司按** 括考禮沿革,爲書日,預郊式。 壇下張幔, 距城數里爲園囿, 植采木、刻鳥獸綿絡其間。 將 即詔令點檢事務,執新式從事,所省萬 乘輿 一器,而百

五,後皆施用。加史館檢討。

括始置渾儀、景表、五壺浮漏, 遷 中允、檢正中書刑房、提舉司天監,日官皆市井庸販,法象圖器,大抵漫不知。 招衞朴造新曆,募天下上太史占書,雜用士人,分方技科爲

明日,二事俱寢。 然忠、萬、茂、瀘間夷界小井尤多,不可猝絕也,勢須列候加警,臣恐得不足償費。」帝額之。 今之民間輜車重大,日不能三十里,故世謂之太平車,但可施於無事之日爾。」帝喜曰:「人 足以當之。」括曰:「車戰之利,見於歷世。然古人所謂兵車者,輕車也,五御折旋,利於捷速。 籍車乎?」曰:「知之。」帝曰:「何如?」對曰:「敢問欲何用?」帝曰:「北邊以馬取勝,非車不 之不禁,欲盡實私井而輦解池鹽給之。言者論二事如織,皆不省,括侍帝側,帝顧曰:「卿知 言無及此者, 殷當思之。」遂問置鹽事, 對曰:「一切實私井而運解鹽, 使一出於官售, 誠善。 田 ... (利,遷太常丞、同修起居注。時大籍民車,人未諭縣官意,相擬爲憂,又市易司 淮南饑,遣括察訪,發常平錢栗,疏溝瀆,治廢田,以救水患。遷集賢校理,察訪兩浙農 擢知制誥,兼通進、銀臺司,自中允至是纔三月。 思蜀鹽

人衆則 昔日銀城縣、銀坊城皆沒於彼,使其知鑿山之利,則中國之幣益輕,何賴歲餉,鄰釁將 爲 河北 囊 豪姦僞何以檢頤 西路察訪使。 先是、銀冶、轉運司置官收其利、括言:「近寶則國貧,其勢必然, 朝廷歲遺契丹銀數十萬至,以其非北方所有,故重而利

自茲始矣。」

今舍我之長技,強所不能,何以取勝。」又邊人習兵,唯以挽彊定最,而未必能貫革,謂宜以 時 賦近畿戶出馬備邊,民以為病,括言:「北地多馬而人習騎戰,猶中國之工彊弩也。

射遠人堅爲法。如是者三十一事,詔皆可之。

丹 閱 累 日:「師直爲壯,曲爲老。 顧 山 【故牘,得頃歲所議疆地書,指古長城爲境,今所爭蓋三十里遠,表論之。帝以休日開天章 背,爲使契丹圖抄上之。 東舉以答。他日復問,亦如之。|益戒無以應,謾曰:「數里之地不忍,而輕絕好乎?」 括 知不可奪,遂舍黃嵬而以天池請。括乃還,在道圖其山川險易迂直,風俗之純龐,人情之 召對,喜曰:「大臣殊不宪本末,幾誤國事。」命以畫圖示禧,禧議始屈。 至契丹庭,契丹相楊益戒來就議,括得地訟之籍數十,預使吏士誦之,益戒有所問,則 遼 <u>|蕭禧來理河東黃嵬地,留館不肯辭,曰:「必得講而後反。」帝遣恬往聘。</u> 今北朝棄先君之大信,以威用其民,非我朝之不利也。」凡六會,契 拜翰林學士、權三司使。 賜括白金千兩使 括詣樞密院

使出錢,則爲可念。 「以為不便者,特士大夫與邑居之人習於復除者爾,無足恤也。 嘗白事丞相府, 若悉弛之,使一無所預,則善矣。」沈然其說,表行之。 吳充問曰:「自免役令下,民之詆訾者今未衰也,是果於民何如?」括 獨微戶本無力役,而亦

列傳第九十

沈選

院, 亂 能 來 1 成,賞賚 者, 車 又出 義 政。」自是, 乃藏敕書,而矯 自 從, 起 知 論 清州, 至再 酌酒以勞之,邊人驩激,執弓傅矢,唯恐不得進。 威聲雄 括 首鼠 而不 事 未行,改延州。 不暇請者,皆得專之。 他府。 乖 制賜緡錢數萬 及鎭兵。 刺,陰害司農法,以集賢院學士知宣州。 以 副總管种諤西討拔銀、宥 括以爲衞兵雖重,而 至鎭 ,以驛聞。 ,悉以別賜錢爲 蕃漢將士自皇城使 詔報之曰:「此右府頒行之失,非卿察事機,必 無歲不戰者,鎭兵也。 酒 功, 「,命廛· 加龍 以降,許承制補 越歲,得徹札 市良家子馳 明年,復龍 圖 閣 學士。 今不 射 超 圖 朝 閣待制、 授。 角勝,有 乘者千餘, 廷出宿衞之師 均若是,且召 知審官 軼 皆補 之之

歸取粮,何以不持軍符?」歸仁不能對,斬以狥。 「在後。」卽諭令各歸屯。 諤 |括出東郊餞河東歸師,得奔者數千,問曰:「副都總管遣汝歸取粮,主者爲何人?」曰: 師次五原,值大雪,粮餉不繼,殿直 及暮,至者八百,未旬日,潰卒盡還。 劉歸仁率衆南奔, 經數日,帝使內侍劉惟簡來詰叛者,具以 士卒三萬人皆潰入塞,居民怖 括出按兵,歸仁至,括曰:「汝

欲 往救之,不能援永樂,坐謫均州團練副使。 先 城 大 永樂。 將景思誼、曲珍拔夏人磨崖葭蘆浮圖城,括議築石堡以臨西夏,而給事中徐禧來,禧 詔 |禧護諸將往築,令||括移府並塞,以濟軍用。 元祐初,徙秀州,繼以光祿少卿分司,居潤八 已 而 禧敗沒,括以夏 人襲綏德,

年卒,年六十五。

興賓客言者爲筆談,多載朝廷故實、耆舊出處,傳於世。 括博學善文,於天文、方志、律曆、音樂、醫藥、卜算,無所不通,皆有所論著。 又紀平日

講、睦親宅講書。」文彥博薦爲祕閣校理。考試舉人,誤收失聲韻者,責監滁州稅。未幾,還 李大臨字才元,成都華陽人。登進士第,爲絳州推官。杜衍安撫河東,薦爲國子監直

廉士也。」以親老,請知廣安軍,徙邛州。還,爲羣牧判官、開封府推官。 仁宗嘗遣使賜館閣官御書,至大臨家,大臨貧無皂隸,方自秣馬,使者還奏,帝曰:「眞

神宗雅知其名,擢修起居注,進知制誥、糾察在京刑獄。

言青苗法有害無益, 王安石

故職。

器有限,安得人人滿其意哉。」復詔諭數四,頌、大臨故爭不已,乃以累格詔命,皆歸班,大臨 怒。 但不限此,非謂選人亦許之也。定以初等職官超朝籍,躐憲臺,國朝未有。 書,臺官不拘官職奏舉,後未審更制也。」頤、大臨合言:「故事,臺官必以員外郎、博士,近制 會李定除御史,宋敏求、蘇頌相繼封還詞命,次至大臨,大臨亦還之。帝批:「去歲詔 倖門 一開,名

列傳第九十

李大臨

呂夏卿

以工部郎中出知汝州。

大臨 識其異,訊得實,釋耕者。 辰溪貢丹砂,道葉縣,其二篋化爲雙雉,鬥山谷間。 徙知梓州,加集賢殿修撰,復天章閣待制。 耕者獲之, 人疑爲盜, 甫七十,致仕七 械送于府。

年而卒。

大臨淸整有守, 論議識大體, 因爭李定後名益重, 世井宋敏求、 蘇頭稱爲「熙寧三舍

人」云。

宗選任大臣,求治道,夏卿陳時務五事,且言:「天下之勢,不能常安,當於未然之前救其 呂夏卿字縉叔,泉州晉江人。舉進士,爲江寧尉。 編修唐書成,直祕閣、同知禮院。

片; 事至而圖之,恐無及已。」朝廷頗采其策。

邊,脫民鋒鏑之禍,古未有也。 英宗世,歷史館檢討、同修起居注、知制誥。 願勿失前好。」出知潁州,得奇疾,身體日縮,卒時纔如小兒, 帝嘗訪以政,對曰:「兩朝不惜金帛以和二

年五十三。

夏卿學長於史,貫穿唐事,博采傳記雜說數百家,折衷整比。 又通譜學,創爲世系諸

聖,日褒聖;唐開元中,尊孔子爲文宣王,遂以祖諡而加後嗣,非禮也。」於是下近臣議,改 使,入直集賢院。 祖 無擇字擇之,上蔡人。進士高第。 時對孔子後爲文宣公,無擇言:「前代所封曰宗聖,曰奉聖,曰崇聖,曰恭 歷知南康軍、海州,提點淮南廣東刑獄、廣南轉運

生徒、郡國弦誦之風、由此始盛。 出知袁州。 自慶曆詔天下立學,十年間其敝徒文具,無命敎之實。 同修起居注、知制誥,加龍圖閣直學士、權知開封府,進學

無擇首建學官,置

爲衍聖公。

石餅一家所饋不獲,義不欲取,置諸院梁上。 士,知鄭、杭二州。 神宗立,知通進、銀臺司。 初, 詞臣作誥命,許受潤筆物。王安石與無擇同知制誥,安 安石憂去,無擇用爲公費,安石聞而惡之。

狀,事連無擇。 更對曲直, 御史張戩亦救之, 皆不聽。 熙寧初,安石得政,乃諷監司求無擇罪。 子韶,小人也,請遣內侍自京師逮赴秀州獄。 及獄成,無貪狀,但得其貸官錢、接部民坐及乘船過 知明州苗振以貪聞,御史王子韶使兩浙,康其 蘇頌言無擇列侍從,不當與故

〇六五九

列 傳 第 九

+

韷 無 撣

> 程 師

孟

於事但不爲,未有爲之而無効者。」尋復光祿卿、祕書監、集賢院學士,主管西京御史臺, 制 而 **遂謫忠正軍節度副使。** 安石猶爲帝言:「陛下遣一御史出,即得無擇罪,乃知朝廷

知信陽軍,卒。

彙次之,傳於世。 無擇爲人好義,篤於師友,少從孫明復學經術,又從穆脩爲文章。 以言語政事爲時名卿,用小累鍛鍊放棄,訖不復振,士論惜之。 兩人死,力求其遺文

居繳駁,克舉其職;祖無擇治郡所至,能修校官,是皆班班可紀者。 呂夏卿號稱史才,尤精譜諜之學。 論曰:沈遘以文學致身,而長於治才。 ' 宋之縉紳,士各精其能,學不苟且,故能然也。 沈括博物洽聞,貫乎幽深,措諸政事,又極開敏。 然大臨以論李定絀,無 李大臨官

邊使者治所在萬州,相去遠,有警率狹日乃至,師孟奏徙于渝。 程師孟字公闢,吳人。 進士甲科。 累知南康軍、楚州,提點變路刑獄。 變部無常平粟,建請置倉, 瀘戎數犯渝州,

明日,涿人餞于郊,疾馳過不顧,涿人移雌州,以爲言,坐罷歸班。 第九 + 程 ĠĪ 盂 張 問 復起知越州、青

師孟 出錢開渠築堰,淤良田萬八千頃,夏其事爲水利圖經,頒之州縣。爲度支判官,知洪 徙 河東路。 **晉地多土山,旁接川谷,春夏大雨,水濁如黃河,俗謂之「天河」,可溉灌。**

竟發之。

適凶歲,振民不足,卽矯發他儲,不俟報。

吏懼,白不可。

師孟曰:「必俟報,餓者盡死矣。」

M,積石爲江隄,浚章溝,揭北牐以節水升降,後無水患。

北 人漁界河爲罪,豈理也哉?」師孟曰:「兩朝當守誓約,涿郡有案牘可覆視,君舍文書,滕 判三司都磨勘司。接件契丹使,蕭惟輔曰:「白溝之地當兩屬,今南朝植柳數里,而以

口 說,遽欲生事耶?」惟輔愧謝。

備固,不敢東。 民駭竄,方伯相踵至,皆言土疏惡不可築。 加直昭文館、知福州。 出爲江西轉運使。 時師孟已召還,朝廷念前功,以爲給事 築子城,建學舍,治行最東南。徙廣州。州城爲儂寇所毀,他日有警, 盜發 袁州,州吏爲耳目,久不獲。 師孟在廣六年,作西城。及交阯陷邕管,聞廣守 ,中、集賢殿修撰、判都水監。 師孟械吏數輩送獄,盜卽成擒。

西向。 卑我也。」不就列。 賀契丹生辰,至涿州,契丹命席,迎者正南向,涿州官西向,宋使介東向。 自日昃爭至暮,從者失色,師孟辭氣益厲,叱賓者易之,於是更與迎者東 師孟曰:「是

列

傳

州,遂致仕,以光祿大夫卒,年七十八。

必痛懲艾之,至勦絕乃已,所部肅然。洪、福、廣、越爲生立祠。 師孟累領劇鎭,爲政簡而嚴,罪非死者不以屬吏。 發隱 擿伏如神,得豪惡不逞跌宕者,

曰:「是豈朝廷意耶?」其上以聞。 按舊籍括之,地數易主,券不明,吏荷趣辦,持詔書奪人田,至毁室廬、發丘墓。 張問字昌言,襄陽人也。 進士起家,通判大名府。羣牧地在魏,歲久冒入於民,有司 仁宗諭大臣曰:「吏用心悉如問,何患赤子之不安也。」立 問至,則

於孫、陳兩埽間起隄以備之耳。」詔付水官議,久不決,小吳卒潰。 吳隄薄,水溢北出,故南隄無患。若築小吳,則左彊而右傷,南岸且決,水並京畿爲害,獨可 擢提點河北刑獄。 大河決,議築小吳,問言:「曹村、小吳南北相直,而曹村當水衝,賴小 罷之。

也。」神宗從之。 者欲調京東民三十萬,自澶築隄抵乾寧。問言:「隄未能爲益,災傷之餘,力役勞民,非計 徙江東、淮南轉運使,加直集賢院、戶部判官,復爲河北轉運使。所部地震,河再決,議 問十年不奏考課,詔特遷其官,入爲度支副使,拜集賢殿修撰、河東轉運

坐誤軍須,貶知光化軍,未幾,復使河北。 諸葛公權之亂,郡縣株蔓,連逮至數百千人,

問上疏申理,止誅首惡。

以得流亡爲幸, 熙寧末,知滄州。 語切直驚人。元豐定官制,王安禮薦問可任六曹侍郎,帝以其好異論,不 自新法行,問獨不阿時好。 歲饑,爲帝言民苟免常平、助役之苦, 反

用。 歷知河陽、路州。 元祐初,爲祕書監、給事中,累官正議大夫,卒,年七十五。

至而世衡卒。 問處已廉潔、嘗仕腳延幕府,與种世衡善,父喪,世衡遺汝州田十頃,辭弗受。 其子古,用父治命,亦不納田,蕪穢者三十年。 後汝守請以給學,朝廷命反諸 使歸,未

熙寧時,有陳舜俞、樂京、劉蒙,亦以役法廢黜。

知 Ш 舜俞字合舉,湖州烏程人。博學強記。舉進士,又舉制科第一。熙寧三年,以屯田員外 .陰縣,詔俟代還試館職。 舜俞辭曰:「爵祿名器,砥礪多士,宜示以至神,烏可要期如

付劑契?」繳中書帖上之。

列

傳第

九

+

張

間

郎

粟、布縷、魚鹽 青苗 法行,舜俞 、薪藪、耰鉏、釜錡之屬,得雜取之。 不奉令,上疏自劾曰:「民間出舉財物,取息重 朝廷募民貸取,有司約中熟爲價,而必償 止一倍, 約償緡錢, 而穀

責監南康軍鹽酒稅,五年而卒。 民終身以及世世,每歲兩輸息錢,無有窮已。是別爲一賦以敝海內,非王道之舉也。」奏上, 取息,富室藏鏹,坐待鄰里逋欠之時,田宅妻孥隨欲而得,是豈不爲兼丼利哉。雖分爲夏秋 今散爲青苗,唯恐不盡,萬一饑饉荐至,必有乘時貴糶者,未知將何法以制之?官制旣放錢 之?天下之有常平,非能人人計口受餉,但權穀價貴賤之柄,使積貯者不得深藏以邀利爾。 遠 未嘗不以貰貸爲苦。祖宗著令,以財物相出舉,任從書契,官不爲理。 緡錢,欲如私家雜償他物不可得,故愚民多至賣田宅、**質妻孥**。 二科,而秋放之月與夏斂之期等,夏放之月與秋斂之期等,不過展轉計息,以給爲納,使吾 戶爲甲,浮浪無根者毋得給俵,則乏絕者已不蒙其惠。此法終行,愈爲兼丼地爾。 如此。 今誘之以便利,督之以威刑,方之舊法,異矣。 韶謂振民乏絕而抑兼丼,然使十 有識耆老,戒其鄉黨子弟, 其保全元元之意,深 何以言

不至。一斥不復,士大夫識與不識,皆深悲之」云。 稱其「學術才能,兼百人之器,慨然將以身任天下之事,而人之所以周旋委曲、輔成其天者 舜俞始嘗棄官歸,居秀之白牛村,自號白牛居士。已而復出,遂貶死。蘇軾爲文哭之,

京,荆南人。爲布衣時,鄉里稱其行義,事母至孝。 妻張氏家絕,挾女弟自隨,京未嘗

經十年,乃復官,監黃州酒稅,以承議郎致仕。 言不便。」使之條析,又不報,且不肯治縣事,自列丐去。提舉官劾之,詔奪著作佐郎。 見其面。 二縣令。 神宗求言,凉上疏以畏天保民爲請。 妻死,京寢食于外,爲嫁之。 嘉祐初,詔訪遺逸,以薦聞,得校書郎,爲湖陽、赤水 元祐初,召赴闕,不至,終于家。 知長葛縣。 助役法行,凉曰:「提舉常平官

門人朋友誄其行,號曰正思先生。 而條上其害,卽投劾去,亦奪官。歸鄉敎授,養親講學,從游甚衆。元豐二年,卒,纔年四十。 舉遺逸,召試第一,知湖陽縣。常平使者召會諸縣令議免役法,蒙爲不便,不肯與議,退 蒙字子明,渤海人。恥爲詞賦,不肯舉進士;習茂才異等,又不欲自售。都轉運使劉庠

苗時中字子居, 其先自壺關徙宿州。 以蔭主寧陵簿。 邑有古河久陻,請開導以溉田,

《利甚博,人謂之|苗公河。

·可奪。」守悟而聽之。 調路州司法參軍。 郡守欲入一 熙寧中,以司農丞使<u>梓州</u>路,密薦能吏十人,後皆進用,人卒莫 囚於死,執不可。 守怒, 責甚峻, 時中日:「寧歸田里,

列

傳

第九十

苗時

r

韓贄

之知。

納款

賊 心從間道來,乘我不備,冀萬一 交 人犯邊,擢廣西轉運副使。 一之勝,勢窮然後降耳。」密備之,旣而果從上流來,戰敗,始 師討交人罪,次富良江,久不進。 時中日:「師無進 一計意,

州,進寶文閣待制,至戶部侍郎,卒。 以粮道遠,創爲摺運法, 鳴,時中問廣,廣日:「旣失賊,故縱兵追之,不暇恤爾。」時中日:「天子以十萬衆相付,豈以鳴,時中問廣,廣日:「旣失賊,故縱兵追之,不暇恤爾。」時中日:「天子以十萬衆相付,豈以 善者。」存寶不聽,卒坐誅。 死爲勇耶。 徙梓州轉運副使。 今入異境,變且不測。」廣悟,亟止追者,整軍以進。 韓存寶討蠻乞弟,逗遛不行。 食以不乏。 林廣代存寶。 遷兩階,爲發運副使、河東轉運使, 乞弟既降,復逸去,將士相視失色。 時中日:「師老矣,將士暴露, 會得詔班師,軍行, 加直龍圖閣、知桂 及暮,刀斗不 非計之 時中

睦州 奏除之。 ,復爲侍御史。 韓贄字獻臣,齊州長山人。 改知諫院,進天章閣待制。 荆湖災,出持節安撫。湘中自馬氏擅國,計丁輸米,身死產竭不得免,資 登進士第,至殿中侍御史。 宰相梁適以私容姦, 狄青起卒伍、位樞密,內侍王守 坐微累, 黜監江州稅。 道除 知

忠遷官不次,皆舉劾無所諱。

可紓 興, 而 治。 贄言:「北流旣安定,驟更之,未必能成 水患。」詔遣使相視,如其策,才役三千人,幾月而畢。 出 知滄、瀛二州,遷龍圖閣直學士、河北都轉運使。 知河南府, 建永厚陵,費省而不擾, 神宗稱之。 功。 不若開魏金隄 還知審刑院、糾察在京刑 河決商胡而北,議者欲復之。 入判都水監, 權開封 使分注故道,支爲 獄, 河网河, 府, 政簡 役將 知徐 或

年,謝絕人事,讀書賦詩以自娛。 贄性行淑均, 平居自奉至約, 年八十五,卒。 推所得祿賜買田贍族黨, 賴以活者殆百數。 退休十五

州

以

吏部侍郎致仕。

中披 度,省數十萬計。 以 (控東道, 夏人果來, 聞有備, 不敢入。 旋使 主管 楚建中字正叔,洛陽人。 (射,日:「吾不惲死。」騎卽去,衆服其量。 元昊歸款,建中白 鄭延經略機宜文字。 歷變路、淮南、京西轉運使,進度支副使。 第進士,知滎河縣。 夏人來正 累遷提點京東刑獄、鹽鐵判官。 土疆,往蒞其事。 民苦鹽稅不平,建中約旧多寡以爲 衆暴至,兩騎傅矢引滿向之,建 府請築安定、 昭陵建, 命裁定調 黑水八堡 輕

列

傳

第九十

楚建中

張

謟

閣 待 神宗 制、陝西都轉運使,知慶州、江寧、成德軍,以正議大夫致仕。 用事 西鄙,以建中嘗爲邊臣所薦,召欲用之,言不合旨,出知滄州。久之,爲天章 元祐初,文彥博薦爲戶部

侍郎,不拜。卒,年八十一。

撫,頕條獻十事,活數萬人。 耕墾,上其事,不報。 張頡字仲舉, 其先金陵人, 徙鼎州桃源。第進士, 調江陵推官。 累遷開封府判官、提點江西刑獄、廣東轉運使。 知益陽縣,縣接梅山溪峒,多蠻獠出沒,頡按禁地約束,召搖人 歲旱饑,朝廷遣使安

貴,言南江殺戮過甚,無辜者十八九,浮屍蔽江,民不食魚者數月。 惇疾其說,欲分功啖之, 乃言曰:「頡昔令益陽,首建梅山之議,今日成功,權輿於頡。」詔賜絹三百匹。 熙寧中,章惇取南江地,建沅、懿等州,克梅山,與楊光曆爲敵。 間居憂於鼎, 移書朝

尋擢江、准制置發運副使,改知荆南,復徙廣西轉運使。 時建廣源爲順州, 將城之,頡

謂無益,朝廷從其議。坐捽駡參軍沈竦罷歸。

不可守,信然。」時有獻言者謂:「海南黎人陳被蓋五洞酋領,異時盛強,且爲中國也。 未幾,以直集賢院知齊、滄二州,進直龍圖閣、知桂州。 入覲,帝首言:「卿鄉 者論順州 今請

出兵自劾,宜有以撫納之。」命賦處其事。 **擷使一介往呼之,出,補以牙校,喜而去。** 韶問何

賞之薄,對曰:「荒徼蠻蜑無他覬,得是足矣。」尋罷兵,海外訖無事。

久之,轉運使馬默劾其經理宜州蠻事失宜,罷職知均州。 哲宗立,還故職, 知鳳翔、廣

州,召爲戶部侍郞。

報。 知荆南,至都門,暴卒。 踰年,以寶文閣待制出爲河北都轉運使,徙知瀛州。 頡所歷以嚴致理,而深文狡獪。 右司諫蘇轍論其九罪,執政以頕雖無德而才可用,不 湖北溪徭畔,朝廷託頡素望,復徙

主司 勿遺革。 盧革字仲辛,湖州德淸人。少舉童子,知杭州馬亮見所爲詩,嗟異之。秋,貢士,密戒 革聞,語人曰:「以私得薦,吾恥之。」去弗就。後二年,遂首選,至登第,年才

オナ

諸郡城,及易長吏之不才者。 將爲賊困,宜度遠近丼省之。」後儂智高來,九郡相繼不守,皆如革慮。 慶曆中,知龔州。 蠻入寇, 桂管騷動, 革經畫軍須, 先事而集。 又言:「嶺外小郡、合四五不當中州一 大縣,無城池甲兵之備 移書安撫使杜杞,請治

列傳第九

+

慮

革

運使,得請歲一歸覲。 官 「與嘉郡。」 遂爲宣州。 知婆、泉二州,提點廣東刑獄、福建湖南轉運使。復請外,神宗謂宰相曰:「革廉退如是, 後帥渭,乞解官終養。 以光祿卿致仕。 用子||東恩轉通議大夫,退居于吳十五年。 帝數賜詔慰勉,時以爲榮。卒,年八十二。 秉爲發

亭沼如爵位, 「吾子必爲 乗字仲甫 佳器。」 ,未冠,有雋譽。 時來或有之,林木非培植根株弗成,大似士大夫立名節 嘗謁蔣堂,坐池亭,堂曰:「亭沼粗適,恨林木未就爾。」秉曰: 也。」 堂賞味其言,

利病 者。 ,出本錢業醫海之民,戒不得私醫,還奏,遂爲定制 中進 王安石得其壁間 士 一甲科, 調吉州推官、青州掌書記、知開封府倉曹參軍,浮湛州縣二十年,人 詩,識其靜退, 方置條例司, 預選中。 奉使准、浙治鹽法,與薛向究索 無知

終艱 歲中 諸 ? 使多獻餘羨以希恩寵, 康言:「職在董督六路財賦,以時上之,安得羨。 《得錢 犯者以千萬數。 檢正 對日 吏房公事、提點兩浙、淮東 「有之,民饑甚, 請 但償 (糴本, 進 制置發運 而以其餘振 好死相枕籍。」帝惻然曰:「前此獨趙抃爲朕 副 使。 刑 贈。」是歲上計, 獄,顓提 東南饑、詔損 舉鹽 事。 神宗 上供米價以糴 持法苛嚴,追胥連保,罪及妻孥,一 %問日:「 聞滁、 [言之耳。] 先是,發運 秉言:「價 和民捕 今稱羨者, 率正數 蝗充食, 雖 賤, 貧者 有

也。請自是罷獻,獨以七十萬緡償三司逋。」

死,詔褒賜服馬、金幣,且使上所獲器甲。 衣服者、諸將請以聞。「秉曰:「幕府上功患不實、吾敢以疑似成欺乎?」他日物色之,鬼丁果 坐待捷報矣。」及明果至,見宋師,驚曰:「天降也。」縱擊之,皆奔潰。 多鬼丁舉國入寇,犯熙河定西城,康治兵瓦亭,分兩將駐靜邊砦,指夏人來路曰:「吾遲明 二百里, 恃險遠不設備, 秉遣將姚麟、彭孫襲擊之, 俘斬萬計。 加集賢殿修撰、知渭州。五路大出西討,唯涇原有功,進寶文閣待制。 遷龍圖閣直學士。 或言鬼丁已死,有識其 夏境胡盧川距塞

霄宮,卒。 止其議。已而革疾亟,乃得歸。元祐中,知荆南。 康守邊久,表父革年老,乞歸。 移知湖州,行三驛,復詔還渭,慰藉優渥。 劉安世論其行鹽法虐民,降待制、提舉洞 革聞,亦以義

郡,尙能懇懇爲民有言。 爭之而不能止, 論 日:宋室之人才亦盛矣。 往往多自引去。 舜俞、京、蒙俱以區區一縣令,力抗部使者,視棄其官如弊屣,類非 青苗法始行,滿朝耆壽故臣,法家拂士,引古今通誼,盡力 及數年之後, 憲令旣成, 天下亦莫如之何。已而間守遠

列傳第九

+

盧革

校勘

記

畏威懷祿者能之。 不少屈。 時中止林廣縱兵追蠻,深達兵家之變。聲居諫省, 師孟活饑羸,興水利,擿姦誅惡,所歷可稱;逮使契丹,正坐席禮, 舉劾無所避, 允有直臣之風。 革始終康退, 毅然

康不免於阿徇時好,行鹽法以虐民,父子之習相遠哉。

校勘記

- (1) 今復應兄事南朝矣 九八改。 「事」原作「弟」,據司馬光溫國文正司馬公集卷七八周沈神道碑、長編卷一
- 3 編卷二一九改補 至則遣渝州豪杜安行募千人往襲 「渝」原作「浯」,「行」字原脫。 據本書卷四九六渝州蠻傳、長
- 年四 王安石臨川先生文集卷九三沈遘墓誌銘作「年四十三」。
- (日) 何以檢頤 長編卷二六七作「何以檢察」。
- Ħ. 無數千萬之巨。長編卷二六七作「朝廷歲遺單于銀以數十萬」,「千」字當爲「十」字之訛。據改。 本書卷二八一冠準傳。其後於慶曆二年歲增金帛二十萬,事詳長編卷一三七。可見歲遺契丹幷 朝 廷歲 遺契 丹銀數十萬 「十」原作「千」。 按宋自澶淵之盟以後, 歲遺契丹銀絹三十萬,事詳

